

S T E N O G R A M
38. RADNE SJEDNICE SKUPŠTINE KANTONA SARAJEVO,
ODRŽANE U ČETVRTAK, 17.06.2021. GODINE
SA POČETKOM RADA U 10,00 SATI

Predsjedavajući Elvedin Okerić (u daljem tekstu predsjedavajući):

Otvaram 38. Radnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade i sve koji prate rad današnje sjednice. Zamolio bih zastupnike da budu tiši i da mi dozvole da vodim sjednicu.

Svima nama želim uspješan rad i ugodnu radnu atmosferu.

Sjednici prisustvuje 23 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: zastupnik Mirza Čelik, zastupnica Neira Dizdarević, zastupnici Sabahudin Delalić i Fahrudin Pecikoza i zastupnik Pleho, također je pravdao svoj nedolazak.

Prije nego što krenem sa dnevnim redom, samo ću kratko jednu informaciju zastupnicima i zastupnicama prenijeti iako ćete to dobit u pismenoj formi dok služba pripremi a to je Instrukcije i preporuke Kriznog štaba i Zavoda za javno zdravstvo da se pridržavamo epidemioloških mjera, da nosite maske tokom današnje sjednice. Ostale detalje i instrukcije imat ćete u pisanoj formi.

Himna Bosne i Hercegovine.

Prijedlog dnevnog reda 38. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 02.06.2021.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo na sjednici održanoj dana 11.06.2021. godine, prihvatio je da se Prijedlog dnevnog reda 38. Radne sjednice, dopuni sa sljedećim tačkama:

1. Prijedlog Odluke o uslovima i načinu predinvestiranja u poticajnu stanogradnju; (razmatraće se kao tačka 10.);
2. Prijedlog Odluke o davanju saglasnosti na nacrt ugovora o kupoprodaji u stambenom objektu B1-A, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Ćato Bekir) (razmatraće se kao tačka 11.);
3. Prijedlog Odluke o davanju saglasnosti na nacrt ugovora o kupoprodaji u stambenom objektu B1-A, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Mucić Bisera) (razmatraće se kao tačka 12.);
4. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Čolak Zijada); (razmatraće se kao tačka 13.);
5. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Sejdinović Ajdin i Lidija); (razmatraće se kao tačka 14.);
6. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu K-35, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac,

- zaključiti sa kupcem nekretnine (Haseta Nurko); (razmatraće se kao tačka 15.);
7. Prijedlog Odluke o davanju saglasnosti na nacrt ugovora o kupoprodaji u stambenom objektu 3-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Šukalić Adis); (razmatraće se kao tačka 16.);
 8. Prijedlog Odluke o proglašenju općeg dobra i prirodnog bogatstva dijelova preduzeća kojim upravlja KJKP „GRAS“ d.o.o. Sarajevo i izuzimanju iz početnog bilansa i programa privatizacije (razmatraće se kao tačka 17.);
 9. Prijedlog Rješenja o razrješenju predsjednika i članova Upravnog odbora Kantonalne agencije za privatizaciju Sarajevo; (razmatraće se kao tačka 18.);
 10. Prijedlog Rješenja o privremenom imenovanju Upravnog odbora Kantonalne agencije za privatizaciju Sarajevo; (razmatraće se kao tačka 19.);
 11. Izvještaj o radu i finansijskom poslovanju Javne ustanove Muzej Sarajeva za 2020. godinu; (razmatraće se kao tačka 32.);
 12. Izvještaj o radu i finansijskom poslovanju Javne ustanove Bosanski kulturni centar Kantona Sarajevo za 2020. godinu; (razmatraće se kao tačka 33.);
 13. Izvještaj o radu i finansijskom poslovanju Javne ustanove Muzej "Alija Izetbegović", Sarajevo za 2020. godinu; (razmatraće se kao tačka 34.);
 14. Izvještaj o poslovanju KJP Centar "Skenderija" d.o.o. Sarajevo za 2018. godinu; (razmatraće se kao tačka 35.);
 15. Izvještaj o poslovanju Kantonalnog javnog preduzeća "Poljoprivredno dobro Butmir" d.o.o. Sarajevo - Ilidža za 2019. godinu (razmatraće se kao tačka 36.);
 16. Izvještaj o radu i finansijskom poslovanju Zavoda za informatiku i statistiku Kantona Sarajevo za 2020. godinu; (razmatraće se kao tačka 37.);
 17. Izvještaj o radu sa finansijskim izvještajem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, na koje je predhodno dato mišljenje ovlaštenog revizora, za 2020. godinu; (razmatraće se kao tačka 39.);
 18. Izvještaj o radu i finansijskom poslovanju Kantonalnog stambenog fonda Sarajevo, na koji je prethodno dato mišljenje ovlaštenog revizora za 2020. godinu; (razmatraće se kao tačka 40.);
 19. Izvještaj Ministarstva saobraćaja Kantona Sarajevo o utvrđivanju slobodnih dopunskih taksi oznaka za prijevoz lica sa invaliditetom (razmatraće se kao tačka 41.);

Ovo su bile tačke s kojim je dopunjen današnji dnevni red.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 38. Radne sjednice, glasi:

1. Informacija o epidemiološkoj situaciji u Kantonu Sarajevo;
2. Poslanička/zastupnička pitanja inicijative i odgovori;
3. Nacrt Zakona o ministarstvima i drugim organima uprave Kantona Sarajevo;
4. Prijedlog odluke o potvrđivanju rješenja o razrješenju ministric Ministarstva pravde i uprave Kantona Sarajevo;
5. Prijedlog odluke o potvrđivanju imenovanja ministric Ministarstva pravde i uprave Kantona Sarajevo;
6. Prijedlog Odluke o davanju saglasnosti na Program rada Kantonalne agencije za privatizaciju Sarajevo sa Finansijskim planom za 2021.godinu;
7. Prijedlog Odluke o davanju saglasnosti na Statut o izmjenama Statuta Javne stanove Dom zdravlja Kantona Sarajevo;
8. Prijedlog Odluke o davanju saglasnosti na Sporazum o poslovnoj saradnji kojim se

- regulišu međusobni odnosi na realizaciji projekta rekonstrukcije, finansiranja, ustupanja, opremanja i korištenja objekta PU „Ciciban“ sa Općinom Novo Sarajevo i Udruženjem porodica djece i osoba s poteškoćama u razvoju „Dajte nam šansu“ i davanju saglasnosti direktorici Javne ustanove „Djeca Sarajeva“, da potpiše navedeni Sporazum sa Općinom Novo Sarajevo i Udruženjem porodica djece i osoba s poteškoćama u razvoju „Dajte nam šansu“;
9. Prijedlog Rezolucije o zaštiti i unaprijeđenju kvaliteta zraka u zatvorenom prostoru u Kantonu Sarajevo;
 10. Prijedlog Odluke o uslovima i načinu predinvestiranja u poticajnu stanogradnju;
 11. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu "B1-A", izgrađenom u naselju Rosulje, općina Vogošća, Sarajevo, zaključen između: Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, prodavac i Čato Bekir, kupac nekretnine;
 12. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu "B1-A", izgrađenom u naselju Rosulje, općina Vogošća, Sarajevo, zaključen između: Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, prodavac i Mucić Bisera, kupac nekretnine;
 13. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Čolak Zijada);
 14. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Sejdinović Ajdin i Lidija);
 15. Prijedlog Odluke o davanju saglasnosti na nacrt ugovora o kupoprodaji nekretnine u stambenom objektu K-35, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Haseta Nurko);
 16. Prijedlog Odluke o davanju saglasnosti na nacrt ugovora o kupoprodaji u stambenom objektu 3-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Šukalić Adis);
 17. Prijedlog Odluke o proglašenju općeg dobra i prirodnog bogatstva dijelova preduzeća kojim upravlja KJKP „GRAS“ d.o.o Sarajevo i izuzimanju iz početnog bilansa i programa privatizacije;
 18. Prijedlog Rješenja o razrješenju predsjednika i članova Upravnog odbora Kantonalne agencije za privatizaciju Sarajevo;
 19. Prijedlog Rješenja o privremenom imenovanju Upravnog odbora Kantonalne agencije za privatizaciju Sarajevo;
 20. Izvještaj o radu Vlade Kantona Sarajevo za period od 01.01.2020. godine do 31.12.2020. godine;
 21. Izvještaj o radu Univerziteta u Sarajevu za 2019. godinu sa Programom rada za 2020. godinu;

22. Izvještaj o radu Univerziteta u Sarajevu za 2020. godinu sa Programom rada za 2021. godinu ;
23. Izvještaj o radu i finansijskom poslovanju Javne ustanove Narodno pozorište Sarajevo za 2020. godinu;
24. Izvještaj o radu i finansijskom poslovanju Javne ustanove Biblioteka Sarajeva za 2020. godinu;
25. Izvještaj o radu i finansijskom poslovanju Javne ustanove Sarajevska filharmonija za 2020. godinu;
26. Izvještaj o radu i finansijskom poslovanju Javne ustanove Pozorište mladih Sarajevo za 2020. godinu;
27. Izvještaj o radu i finansijskom poslovanju Javne ustanove Kamerni teatar '55 Sarajevo za 2020. godinu;
28. Izvještaj o radu i finansijskom poslovanju Javne ustanove Sarajevski ratni teatar - SARTR za 2019. godinu;
29. Izvještaj o radu i finansijskom poslovanju Javne ustanove Sarajevski ratni teatar – SARTR za 2020. godinu;;
30. Izvještaj o radu i finansijskom poslovanju Javne ustanove MES - Međunarodni teatarski festival – Scena MESS za 2020. godinu;
31. Izvještaj o radu i finansijskom poslovanju Javne ustanove Historijski arhiv Sarajevo za 2020. godinu;
32. Izvještaj o radu i finansijskom poslovanju JU Muzej Sarajeva za 2020. godinu;
33. Izvještaj o radu i finansijskom poslovanju Javne ustanove Bosanski kulturni centar Kantona Sarajevo za 2020. godinu;
34. Izvještaj o radu i finansijskom poslovanju Javne ustanove Muzej “Alija Izetbegović”, Sarajevo za 2020. godinu;
35. Izvještaj o poslovanju KJP Centar „Skenderija” d.o.o. Sarajevo za 2018. godinu;
36. Izvještaj o poslovanju Kantonalnog javnog preduzeća “Poljoprivredno dobro Butmir” d.o.o. Sarajevo - Ilidža za 2019. godine;
37. Izvještaj o radu i finansijskom poslovanju Zavoda za informatiku i statistiku Kantona Sarajevo za 2020. godinu;
38. Izvještaj o radu i finansijskom poslovanju Kantonalne javne ustanove za zaštićena prirodna područja za 2019. godinu;
39. Izvještaj o radu sa finansijskim izvještajem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, na koje je predhodno dato mišljenje ovlaštenog revizora, za 2020. godinu;
40. Izvještaj o radu i finansijskom poslovanju Kantonalnog stambenog fonda Sarajevo, na koji je prethodno dato mišljenje ovlaštenog revizora za 2020. godinu;
41. Izvještaj Ministarstva saobraćaja Kantona Sarajevo o utvrđivanju slobodnih dopunskih taksi oznaka za prijevoz lica sa invaliditetom;
42. Izvještaj o snabdjevenosti Kantona Sarajevo lijekovima i sanitetskim materijalom u 2020. godini sa osvrtom na implementaciju Liste lijekova koji se propisuju i izdaju na teret sredstava obaveznog zdravstvenog osiguranja kroz funkcionisanje Mreže farmaceutske djelatnosti- apoteka, sa prijedlogom mjera i aktivnosti;
43. Izvještaj o implementaciji Odluke o proširenom obimu prava za korištenje medicinskih sredstava i lijekova za RVI sa područja Kantona Sarajevo za 2020. godinu;

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Zastupnik Mahir Dević.

Poslanik/zastupnik Mahir Dević:
Zahvaljujem predsjedavajući.

Predsjedavajući:
Pozovite se samo na član.

Poslanik/zastupnik Mahir Dević.

Član 71. Poslovnika o radu Skupštine Kantona Sarajevo je prekršen i član 12. stav 7). Želim da upozorim poštovane kolegice i kolega prije nego što glasamo za dnevni red ove sjednice na propuste koje ste napravili prilikom sazivanja ove sjednice Skupštine. Poslovnik Skupštine Kantona Sarajevo u članu 71. stav 1) jasno propisuje da se materijali za redovne sjednice dostavljaju 12 dana prije održavanja sjednice. Zbog naše potrebe da promijenimo taj Poslovnik u smislu dostavljanja materijala u elektronskoj formi, mi smo u članu 71 Poslovnika Službene novine 41/12 dodali stavove 5, 6, 7 i 8) u kojim je propisano da se u slučaju održavanja sjednica online materijali mogu dostavljati u elektronskoj formi. Prema tome, mi imamo problem. Vi ste sazvali redovnu sjednicu na bazi Kolegija i niste dostavili zastupnicima u Skupštini Kantona Sarajevo. Naravno ne trebam napominjati da ćemo mi ponovo ići sa sedmom apelacijom prema ustavnom sudu, da ćete na taj način ponovo ugroziti razrješenje, odnosno imenovanje ministra i da ćete na taj način ponovo ovaj Zakon o Vladi i ministarskim imenovanjima vratiti na fabričke postavke. Znači, dostavljanje materijala elektronskim putem je propisano predsjedavajući izuzetno u okolnostima kada se održavaju elektronske sjednice Skupštine Kantona Sarajevo. Mogu razumjeti da ste napravili propust na prošloj sjednici jer smo se vraćali iz elektronske u redovne sjednice, ali ovdje je stvar vrlo jasna, to formalni propust u kome vi nama niste dostavili materijale po Poslovniku za ovu sjednicu Skupštine Kantona Sarajevo. S tim u vezi, ja zaista upozoravam evo i premijera Kantona Sarajevo i vas predsjedavajući, kao nekoga ko je najodgovorniji, ovo je postala jedna praksa da nam se ove stvari dešavaju, pozivam vas da ne idete u ovu sjednicu na ovakav način jer budete sigurni da ćemo mi ponovo pokrenuti pitanje ocjene ustavnosti ove procedura i budete sigurni da će vam ponovo Ustavni kazati da niste ispoštovali tu proceduru. I onda imamo problem oko ministra i oko ovog Zakona. Zato nas najdobronamjernije, vas predsjedavajući upozoravam kao nekoga ko je ovdje najodgovorniji ovdje među nama, premijera Kantona Sarajevo da je ovo sjednica koja je sazvana suprotno Poslovniku, članu 71. i kao takva će biti proglašena ništavnom, odnosno sve ono što mi danas uradimo na ovoj sjednici postoji mogućnost, evo da tako kažem, da će biti proglašeno ništavnim. Budite potpuno sigurni da ćemo mi te procedure ponovo pokrenuti. Upozoravam vas prije glasanja za sam dnevni red. Imate priliku da ovo završite na način da i ne počinjete da zakažete novu u skladu s Poslovnikom ponovo 12 dana imate. Imate i tu mogućnost da se nasmijete kao i svaki put do sada i da dobijete ponovo šestu, sedmu presudu Ustavnog suda u kojoj ćete se ponovo vratiti u cijelu proceduru. Upozoravam vas kao šef Kluba prije nego što krenete u ove stvari da su one nelegalne. Mi ćemo naravno učestvovati kao Klub u radu sjednice ukoliko dalje nastavite. Nećemo se izjašnjavati o tačkama dnevnog o kojim se trebamo izjašnjavati po nama na neustavan način. Znači 71. stav 1) je jasan.

Predsjedavajući:

Kolega Deviću ponavljate već tri puta jedno te isto. Građani su razumjeli. Javnost je razumjela. Prisutni zastupnici su razumjeli. Ponavljate treći put član 71. stav 1) objašnjavate, upozoravate, napominjete.

Poslanik/zastupnik Mahir Dević:
Jeste li vi meni oduzeli riječ ili šta?

Predsjedavajući:
Oduzet ću vam ukoliko ne završite.

Poslanik/zastupnik Mahir Dević:
Ja, vidite jednu stvar, po Poslovniku tamo imate procedure šta ću ja govoriti, to je moja stvar, nećete mi vi reći.

Predsjedavajući:
Upozoravam vas da ponavljate nekoliko puta jedno te isto. I želim da vam dam odgovor.

Poslanik/zastupnik Mahir Dević:
Gdje u Poslovniku piše da ja ne mogu ponoviti 20 puta da ste prekršili član 71=? gdje piše to, nigdje? Jel tako? Možete mi oduzeti riječ ako želite naravno ako sam prekršio vrijeme. A šta ću ja kazati u obrazloženju poslovničke intervencije, to je moje pravo. To morate znati predsjedavajući. Znači član 7 tog istog člana 71 propisuje da se elektronskim putem dostavlja samo u slučaju održavanja elektronskih sjednica. Ovo nije elektronska sjednica. Evo ja sam upozorio. Vi to primite k znanju, učinite što god želite, preuzmite rizik ponovo. Naše je bilo kao opozicija da kritikuje i da ponudimo rješenje. Nudimo vam ponovo rješenje. Zakažite sjednicu u skladu s Poslovnikom o radu Skupštine Kantona Sarajevo i provedite ono što ste zamisliti, kao i svaki put do sada. Ne samo da kritikujemo već nudimo rješenje. Rješenje vam ovo da se završi, sjednica Kolegija, nova po Poslovniku u roku 12 sa materijalima koje ćete dostaviti. Sve drugo vi preuzimate na sebe ponovo odgovornost. Hvala.

Predsjedavajući:
Hvala kolega Deviću. U potpunosti odbijam sve što ste kazali. Zaključak Skupštine postoji da se materijal objavljuje na stranici Skupštine Kantona Sarajevo. Tako da ste poziv dobili uredno, materijal ste dobili u skladu sa zaključkom Skupštine Kantona Sarajevo, tako da dobili ste odgovor na ovu temu koju ste postavili.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Molim službu da objavi rezultate glasanja.

ZA JE GLASALO 20 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA ZA 38. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Kao informativni materijal dostavljeno vam je:

- Strategija upravljanja dugom Kantona Sarajevo 2021. - 2023. godina;
- Izvještaj o izvršenim inspekcijskim pregledima Upravnog inspektorata Ministarstva pravde i uprave Kantona Sarajevo u toku 2020. godine;
- Informacija o provođenju Zakona o prijavljivanju i postupku provjere podataka o imovini nosioca javnih funkcija u Kantonu Sarajevo;
- Presuda Ustavnog suda Federacije Bosne i Hercegovine broj: U-35/19 od 21.04.2021. godine

Prije nego što pređemo na realizaciju prve tačke dnevnog reda obavezni smo da razmatramo Zapisnik sa stenogramom sa 34. Radne sjednice Skupštine Kantona Sarajevo, koji vam je dostavljen uz poziv za sjednicu.

Ima li primjedbi na dostavljeni Zapisnik?

S obzirom da nema primjedbi molim vas da se izjasnite o Zapisniku sa 34. Radne sjednice Skupštine Kantona Sarajevo.

Molim službu da objavi rezultate glasanja.

ZA je glasalo 19 zastupnika, PROTIV i SUZDRŽANIH NIJE BILO.

Konstatujem da je Skupština potvrdila Zapisnik sa 34. Radne sjednice Skupštine Kantona Sarajevo održane 07.04.2021. godine.

Za riječ se javio zastupnik Samir Suljević, izvolite.

Poslanik/zastupnik Samir Suljević:

Hvala predsjedavajući. Pozdravljam sve prisutne kao i gledaoce koji prate današnji rad Skupštine. Imam prijedlog da se izmijeni jedan dio tačaka dnevnog reda imajući u vidu da je epidemiološka situacija u Kantonu Sarajevo pod kontrolom, te da nas danas čeka zgusnut dnevni red sa preko 40, 44 tačke predlažem da se tačke 1 i tačke 2 izvještaj o epidemiološkoj situaciji i Zastupnička pitanja i inicijative prebace na kraj. Hvala.

Predsjedavajući:

Zahvaljujem prije nego što damo na izjašnjenje prijedlog kolege Suljevića. Zastupnik Vedran Jakupović je tražio riječ pa onda premijer.

Poslanik/zastupnik Vedran Jakupović.

Zahvaljujem predsjedavajući. Pozdravljam vas sve kolege i građane Kantona Sarajevo ja ću samo kratko se referirati na brošure koje ste dobili kao zastupnici u Kantonu Sarajevo. Riječ je o priručniku za zaštitu okoliša koji je uradila organizacija Nacionalni demokratski institut uz pomoć US i DIA. Višestranačka grupa kantonalnih zastupnika iz KS; ZDK i TK je učestvovala u radu zajedno sa ekspertima. Zastupnici ova tri Kantona su dobili anketu da popune odgovore na pitanja vezana za zaštitu okoline. Možda sada evo juni mjesec i osjetimo da nema potrebe za tim ali o ovome ćemo sigurno pričati tokom jeseni i zime. Evo zamolio bih kolege da pogledaju ovaj priručnik, da ako imaju pitanja da se obrate ili nama koji smo radili na ovome ili Nacionalnom demokratskom institutu. Mailove ste također dobili. Posebno kada je riječ o rješavanju pitanja vezanih za zagađenost zraka. Zahvaljujem još jednom Nacionalno demokratskom institutu na podršci i na realizaciji ove ideje. Hvala vam.

Predsjedavajući:

Hvala kolega Jakupoviću. Premijer Edin Forto.

Premijer Edin Forto.

Dobar dan svima. Zahvaljujem predsjedavajući. Imam samo intervenciju jednu na dnevnom redu. U skladu sa Poslovnikom povlačim tačke 6, 18 i 19. to su tačke Prijedlog odluke o davanju saglasnosti na program rada KAP sa Finansijskim planom za 21. Zatim, Prijedlog rješenja o razrješenju predsjednika i članova UO KAP, kao i 19. Prijedlog rješenja o privremenom imenovanju UO KAP. Sve ovo iz tehničkih razloga.

Predsjedavajući:

Hvala premijeru.

Molim zastupnice i zastupnike da se izjasne na prijedlog zastupnika Samira Suljevića da prve dvije tačke DR Informaciju o epidemiološkoj situaciju Kanton Sarajevo i Poslanička zastupnička pitanja i inicijative i odgovori prebacimo kao posljednje tačke današnje sjednice.

Molim službu da objavi rezultate glasanja.

Za je glasalo 19 zastupnika, protiv i suzdržanih nije bilo. Konstatujem da je Skupština Kantona Sarajevo prihvatila prijedlog zastupnika Samira Suljevića.

Prelazimo tačku tri današnjeg dnevnog reda.

AD – 3.

NACRT ZAKONA O MINISTARSTVIMA I DRUGIM ORGANIMA UPRAVE KANTONA SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene. Premijeru, izvolite, imate riječ.

Premijer Edin Forto:

Predsjedavajući da li ste predvidjeli izlazak za govornicu zbog epidemioloških razloga ili svi s mjesta govorimo. Kako vi kažete?

Predsjedavajući:

Kako vam je lakše.

Premijer Edin Forto:

Onda ću za govornicu. Još jednom pozdrav svima. Pred vama je Nacrt Zakona o ministarstvima i organima uprave. Puno smo o ovoj temi govorili. I ne samo da smo puno o ovoj temi govorili, nego je potpuni uvod za ovaj Nacrt Zakona već jednom urađen prije nego što je povučen iz tehničkih razloga, zbog onih brja dana, dostave materijala skupštinskim zastupnicima. Iz tog razloga ja neću imati dugi uvod, ali ću samo kratko još jednom napomenuti par stvari. Osnovni razlog za pokretanje novog Zakona je sljedeći: desilo se par propusta u prethodnim procesima donošenja ovog Zakona, u smislu sadržaja. Tako da neke inicijative koje smo dobili iz nevladinog sektora u smislu zaštita voda, stavljeno je kao u djelokrug i u resor privrede, dodali smo obrazovanje odraslih u Ministarstvo za odgoj i obrazovanje. I imajući u vidu da je već pet izmjena Zakona rađeno ovog Zakona u proteklom periodu, ne samo sada u ovom mandatu ove Skupštine, nego u prethodnim godinama, osjetili smo potrebu u nekom smislu da se krene iznova sa ovim zakonom, i da se promijeni ime i da se bliže uskladi sa onim što imamo na federalnom nivou. Ja ću vas podsjetiti da na federalnom nivou imamo dva Zakona koja regulišu ovu oblast, to je. Zakon o ministarstvima koji doslovno pobraja Ministarstva i čime se bave i šta im je u resorima predviđeno čime da se bave. A drugi je Zakon o djelokrugu organa uprave koji uopšteno objašnjava šta koja organizacija upravna organizacija, šta Ministarstva generalno rade i koje su njihove ovlasti itd. U tom drugom Zakonu, u članu 46. koji je osnov za našu mogućnost donošenja ovakvog Zakona, stoji i mogućnost da svaki Kanton za sebe donese jedan ovakav Zakon u smislu organizacije i djelokruga rada upravnih organizacija i uprave. Mi smo išli onda, imajući u vidu da su i posljednje izmjene a i sada posljednje izmjene su suštinski bile zbog razdvajanja jednog Ministarstva i spajanja druga dva, išli smo više sa ovim imenom gdje se doslovno kaže to Zakon o ministarstvima. Naš Zakon o ministarstvima i u prethodnim varijantama i u ovoj varijanti, suštinski pokriva teme iz oba federalna Zakona, koji je Zakon o ministarstvima, koji samo lista Ministarstva, i Zakona generalnog o djelokrugu rada uprave, ministarstava i uprave. Ja sam otvoren ovdje za eventualna pitanja. Podsjećam da je ovo Nacrt i da sve što mislite da je potrebno, možemo ispraviti u javnoj raspravi. Prihvatit ćemo sve ono što je normalno i logično. I još imajući u vidu da će nam danas, ukoliko se izglasa, razriješi ministrica pravde Lejla Brčić, imenuje nova ministrica, nova ministrica bi u tom slučaju prijedlog donijela na Skupštinu, nakon obavljene javne rasprave. Izvolite.

Predsjedavajući:

Zahvaljujemo se premijeru. Da li predstavnici radnih tijela žele riječ? Ima li pitanja? Zastupnica Jasmina Bišćević-Tokić. Izvolite.

Poslanik/zastupnik Jasmina Bišćević-Tokić.

Hvala predsjedavajući. Pa evo imam par pitanja za uvaženog premijera. S obzirom da je na prošloj sjednici ministrica Brčić rekla kako je bila greška u pravnom osnovu, u preambuli, tačnije mislila je na član 73. istog Zakona, i rekla je da će reći svojim kolegama da izmijene to prije nego što dođe na današnju sjednicu, možete li mi vi premijeru reći zašto nije to izmijenjeno i koji je uopšte pravni osnov donošenja ovakvog Zakona? S obzirom da je u materijalu došlo da u suštini je donošenje Zakona je zbog inicijativa udruženja građana Eco akcija i udruženja (nerazumljivo) centar u BIH, zanima me kada su dostavljene navedene inicijative Ministarstvu pravde i uprave? I kojim članovima Ustava Kantona Sarajevo je propisan redoslijed nadležnosti Ministarstva iz člana 6. Nacrta Zakona, na osnovu kojih je izvršeno usklađivanje? Hvala.

Predsjedavajući:

Možete li ponoviti zadnje pitanje?

Poslanik/zastupnik Jasmina Bišćević-Tokić:

Mogu. Znači, kojim članovima Ustava Kantona Sarajevo je propisan redoslijed nadležnosti Ministarstva iz člana 6. Nacrta Zakona, na osnovu kojih je izvršeno to usklađivanje?

Predsjedavajući:

Sljedeći zastupnik koji se prijavio za pitanja zastupnik Mahir Dević.

Poslanik/zastupnik Mahir Dević:

Kratko pitanje jedno, a vezano za moju diskusiju oko povrede Poslovnika. Da li preuzimate punu odgovornost premijeru Kantona Sarajevo, za sudbinu ovog Zakona s obzirom na činjenicu da smo vam ukazali na poslovničke odredbe koje su prekršene prilikom predlaganja ovog Zakona. Znači da li ćete dati ostavku ukoliko se ponovo utvrdi da je ovaj Zakon predložen mimo procedura u Skupštinu Kantona Sarajevo? Hvala.

Predsjedavajući:

Zastupnik Haris Zahiragić se prijavio za pitanje.

Poslanik/zastupnik Haris Zahiragić:

Hvala predsjedavajući. Ja bih imao nekoliko pitanja za premijera. To je za predlagača, ali s obzirom da je premijer jedini tu, to je za njega. Da li stupanjem na snagu ovog Zakona prestaju sa radom ranije postojeća Ministarstva? A ako prestaju zašto eksplicitno to nije predviđeno ovim zakonom? Da li nova Ministarstva nastavljaju vršiti poslove ranijih, tj aktuelnih ministarstava, tj da li nova Ministarstva sukcesori prava i obaveza koja su proizvela ranija Ministarstva? Ukoliko se radi o sasvim novim ministarstvima, kako i jeste propisano ovim Nacrtom Zakona, jer je izostao pravni kontinuitet, kada ta Ministarstva započinju sa radom i kada će se izvršiti imenovanje ministara novo osnovanih ministarstava? Ukoliko nova Ministarstva nisu pravni sljednici aktuelnih ili ranijih ministarstava, tj postojećih, na koji način ćete nastaviti odvijati procese koji su započeti (nerazumljivo) Ministarstva? Šta je sa pravima i obavezama koja su preuzela ranija Ministarstva? Ko će sprovesti i okončati započete javne konkurse, javne pozive i da li će izostanak zakonske odredbe koja predviđa kontinuitet Ministarstva ponovo i u ovom tekstu nacrta kao i na prošloj sjednici, ili prethodnoj, može imati za posljedicu pravnu nesigurnost u Kantonu Sarajevo? Šta će biti sa uposlenicima ministarstava koji prestaju sa radom stupanjem na snagu ovog Zakona? Da li će ih preuzeti novoosnovana Ministarstva s obzirom na stupanje na snagu ovog Zakona, oni gube poslodavca, s obzirom da nije propisan, ponavljam taj kontinuitet u Ministarstva ni u ovom nacrtu. I na kraju, zašto se uspostavlja diskontinuitet pravnog poretka jer proizilazi da se ovim

zakonom osnivaju Ministarstva koja nemaju pravnu niti bilo ko ju drugu vezu sa prethodnim, tj sa aktuelnim ministarstvima? I u konačnici, vezano za sva ova pitanja, zašto ste izostavili dio o pravnom kontinuitetu koji nije dispozitivni, koji nije u mogućnosti predlagača kako je ministrica Brčić ranije govorila na pretposljednjoj sjednici, nego je obaveza koja je propisana nizom propisa, kako federalnih tako i kantonalnih, hvala.

Predsjedavajući:

Nema više prijavljenih za pitanja. Možete dati odgovore.

Premijer Edin Forto:

Zahvaljujem na pitanja. Odgovorit ću na ona na koja znam odgovor, na koje ne znam odgovor, dobit ćete ga naknadno. Posebno ćete ga dobiti ukoliko usvojite nacrt od strane ministrice koja će doći sa prijedlogom. Ona naravno će dobiti sva ova pitanja i u javnoj raspravi a nadam se da ćete učestvovati u javnoj raspravi. Zastupnica Bišćević-Tokić što se tiče izmjena u preambuli, čak iako je ministrica Brčić rekla da bi možda nešto izmijenila, odlučili smo da idemo sa istim tekstom u nacrtu. Ništa nismo dirali u odnosu na prošli tekst. Ako je ovaj prigovor na dio u preambuli OK, i ako se ministrica slaže s tim, to ćemo ispraviti u prijedlogu. A a ko ne onda će ostaviti u ovom obliku. Dakle ovo je meni čisto tehnička stvar gdje smo zbog rokova i zbog činjenice da smo već odgodili raspravu o ovom Zakonu, nismo htjeli opet ići na Vladu, pa sve ponovo, nego smo odmah vratili isti tekst čisto zbog praktičnosti. I imaju u vidu da se radi o nacrtu i da smo u redovnoj proceduri. Ista stvar i za pravni osnov. Koji je pravni osnov da donesemo ovakav Zakon, mislim u skladu sa Ustavom i u skladu sa zakonom o djelokrugu organa uprave, federalni Zakon, mislim da je član 46. koji propisuje da Kanton može donijeti jedan ovakav Zakona. I nije prvi put da je ovo rađeno, rađeno je u prethodnim mandatima. Kada su tačne inicijative postavljene. Ne sjećam se dobro. Mislim da u materijalima stoji da je u toku 2020 da su stigle inicijative ali mogu vam naknadno dostaviti čak i kopije i korespondenciju koja se ta desila, ali mislim da stoji u materijalima da je u toku 20 da su došle ove inicijative. Kojim članom Ustava je propisan redoslijed nadležnosti? Ne znam. Ali ovo ćemo zapamtiti ovo pitanje. Ja razumijem da ste ovo pitali zbog obrazloženja u kojem stoji da smo sada i poredali drugačije Ministarstva, nadležnosti, ali ne znam na osnovu kojeg člana. Zastupnik Dević da li preuzima punu odgovornost i da li ću podnijeti ostavku u slučaju da nakon eventualne apelacije se utvrdi da je cijela ova sjednica zakazana na način koji nije predviđen Poslovníkom? To su skupštinske stvari, ja stvarno prepuštam Skupštini, skupštinskim službama, vama prepuštam svim organima da odluče da li je ovo sve u redu. Ja mislim da jeste, ali jednostavno to nije nešto o čemu bih ja mogao odlučivati, skupštinska procedura. Gospodin Zahiragić, cijeli skup pitanja gospodina Zahiragića se odnose po meni, na nešto što su bila pitanja za sadašnji usvojeni Zakon. Za koji znamo da postoji apelacija, ali ne radimo to iz otg razloga. Dakle sve ovo je pitanje za donošenje postojećeg Zakona. Ovo su pitanja iz rasprava koje ste vi već imali pri donošenju sadašnjeg Zakona. Ovaj novi Zakon uopšte ne tretira ni kontinuitet ni sve ovo što ste nabrojali, nego isključivo ono što sam rekao, promjena imena, dodavanje u resor privrede, zaštitu voda i vodnih resursa, i dodavanje u Ministarstvo odgoja i obrazovanja oblast obrazovanja odraslih. Sve ostalo je ostalo kao i prije. Dakle ne mijenjamo ovih zakonom, mi ne izmišljamo nova ministarstva, ne mijenjamo, ne spajamo. Dakle samo ovo što smo rekli da se dešava. Evo ja se nadam da sam odgovorio. U javnoj raspravi ćemo prihvatiti sve sugestije i na donošenju prijedloga ovog Zakona također možemo razgovarati o tome. Ja sam isto ovo je sada više u vidu konsultacija, da li vi želite da idemo sa 15-todnevnom ili 30-todnevnom javnom raspravom? Mislim da je to na Skupštini. Možda bi bilo u redu imajući u vidu da ide 30-todnevna rasprava ili kako se vi odlučite. Evo, to je to.

Predsjedavajući:

Zahvaljujemo se premijeru. Otvaram raspravu. Prvi se javio zastupnik Mahir Dević.

Poslanik/zastupnik Mahir Dević:

Hvala predsjedavajući. Nama je svima naravno jasno zašto se mi nalazimo u jednoj ovakvoj situaciji i zašto tražimo izlaz iz ove situacije koju mi nazivamo ustavna kriza u Kantonu Sarajevo. Ona je nastala kao posljedica jednog bahatog odnosa vladajuće većine spram jasnih i preciznih odredbi i Ustava i Poslovnika i evo da kažem, upozoravanja opozicije, nas iz SDA na procedure koje su vođene u Skupštini Kantona Sarajevo. Jasno je svima, pa i maloj djeci u Kantonu Sarajevo da je u pitanju donošenje ovog Zakona jer se očekuje ponovo na neki način presuda Ustavnog suda koja će potvrditi da je prethodna procedura bila neustavna kao što će se potvrditi i za ovo danas. Ja sam u uvodnom dijelu naravno skrenuo pažnju na to ponovo po šesti, sedmi put, nevjerovatna je stvar da argumenti ne postoje u Skupštini Kantona Sarajevo. To je ono što je ozbiljan problem u radu ove Skupštine Kantona Sarajevo. Cijeli ovaj saziv. Nikako argumenti ne mogu i struka da pobijedi ruke i tu jednu inat politiku koju mi u kontinuitetu nastavljamo da vodimo. Naravno ta inat politika nas neće nigdje odvesti u dobrom smjeru i zato se nalazimo ovdje gdje se nalazimo. Vi nama praktično predlažete nacrt Zakona koji nema pravnog osnova. I mi vama to kažemo na prošloj sjednici Skupštine Kantona Sarajevo da predlažete Zakon koji nema validan pravni osnov i dobijamo odgovor ovdje od premijera Kantona Sarajevo koji kaže ako je to tako, ako se to utvrdi, mi ćemo to u prijedlogu popraviti. Znači pravni osnov mora postojati i u nacrtu Zakona, a ne samo u prijedlogu. O procedurama koje sam maloprije spominjao i koje spominjem ovdje dvije godine dana u Skupštini Kantona Sarajevo, zaista više ne želim da govorim. O povredi člana 71 Poslovnika stav 1) u ovoj cijeloj proceduri. Ovo naravno govorim sve radi stenograma, radi argumentacije da postoji u zapisu da smo upozoravali, govorili, smatrali da predsjedavajući Skupštine treba kao najodgovornije lice ovdje među nama jednakima da vodi računa o tome. Ponovo smo bili u situaciji da mi to izglasamo, pa ćemo vidjeti šta ćemo dalje. Dobro, vidjet ćemo šta ćemo dalje, doći će i to ako Bog da na dnevni red, budemo živi i zdravi, pa ćemo vidjeti gdje smo došli. Posebno ovo što je kolega Zahiragić, on će vjerovatno malo i šire kazati oko ovog pravnog diskontinuiteta, to je jedno od najvažnijih pitanja nacrtu ovog Zakona. Znači nevjerovatna je stvar da se predlaže Zakon koji nema pravni kontinuitet. Pa to je skoro pa nemoguća misija. One je postavio tu set pitanja. Čini mi se da nije uopće dobio odgovor na tu vrstu pitanja. Naravno, treba da se imenuje nova ministrica neka koja treba ovo sve da pripremi, po nama je ova sjednica cijela naravno neustavna, sazvana na neustavan način. I ovo izglasavanje, imenovanje ministrice će biti neustavno i usvajanje ovog Zakona je po nama neustavno tako da jedino što možemo prihvatiti ovdje iz govora premijera da se razumije potreba od 30 dana. To je evo da kažem i ministrici ukoliko danas bude imenovana da nešto može učiniti u tih 30 dana, jer sada još treba da se desi situacija da u roku od 15 dana nešto riješi. Ja razumijem vašu potrebu da se sakrijete od blamaže nakon šest apelacija Ustavnom sudu, nakon tri apelacije oko ove situacije. I vi ponovo radite istu stvar. Nevjerovatno. Što kažu kada se napravi neka greška, nije sramota tu grešku ni priznati. Zašto je sramota priznati opoziciji u Kantonu Sarajevo da je bila u pravu po određenoj tački dnevnog reda? Ili po određenim procedurama? Šta je to nedostatak čega? Nedostatak samokritike, mržnja, nekompetencija. To mi zaista nije jasno. Ako imamo godinu dana Vladu koja je manje više u tom cijelom kontinuitetu na neki način neustavna, ili će biti neustavna, pa ljudi zašto ponovo idete u tom pravcu? Ja stvarno ne mogu da vjerujem da vi to radite.

Predsjedavajući:

Ispravka krivog navoda, zastupnik Elmedin Konaković.

Poslanik/zastupnik Elmedin Konaković.

Hvala predsjedavajući. Pošto se prvi put na ovoj sjednici javljam, a imamo čast da su nas počastile kolege SDA u ovom dijelu da prisustvuju, na prošlom nisu, ni na himnoj, ni na raspravama, želim vam ugodan radni dan i ugodnu radnu atmosferu. Tirada koju pravi gospodin Mahir Dević iznoseći netačne činjenice kako neka Vlada nije ustavna, možda nije ni loša, da ljudi u pravom svjetlu vide kapacitet ovih ovdje ljudi ispred mene. Majstori su oni procedura, to je neosporno. Da u svom destruktivnom naletu kako se ponašaju i kako žive, jesu našli neke propuste, to je neosporno. Ali je niz neistina krivih navoda. Ne može se krivi navod prekidati galamom i vikom. Upozoravam kolege da se takvo ne radi.

Predsjedavajući:
Zastupniče Zahiragiću stavite masku.

Poslanik/zastupnik Haris Zahiragić:
Stavite vi prvo masku.

Predsjedavajući:
Ja razgovaram.

Poslanik/zastupnik Haris Zahiragić:
I ja razgovaram.

Predsjedavajući:
Ne razgovarate.

Poslanik/zastupnik Haris Zahiragić:
Niste je stavili nikada od početka sjednice. Ja sam je držao vi niste.

Predsjedavajući:
Zastupniče Zahiragić stavite masku upozoravam vas. Kada pričate onda možete skinuti masku. Vi nemate, nisam vam dao riječ. Ne možete dobiti. Zastupniče Konaković nastavite.

Poslanik/zastupnik Elmedin Konaković:
Gospodine predsjedavajući, radi ljudi koji gledaju TVSA, radi javnosti važno je reći ne može se prekinuti zastupnik koji ispravlja krivi navod. I super kolegica sugerše Zahiragiću. Ne možete Zahiragiću i Deviću prekinuti zastupnika osim vikom. Nikakvom poslovničkom intervencijom. Dakle samo kada raspravljam, ja ispravljam krivi navod. Predsjedavajući upozorite kolege iz SDA.

Predsjedavajući:
Kolega Deviću upozoravam i vas i kolegu Zahiragića da ne ometate rad na današnjoj sjednici. Iskoristi ću član 92 udaljiti ću vas sa sjednice. Kolega Deviću, Zahiragiću, još vas jednom upozoravam, nemojte to raditi. Nemojte rušiti dignitet Skupštine. Pustite kolegu Konakovića da završi.

Poslanik/zastupnik Elmedin Konaković:
Na ispravku krivog navoda odslušate ispravku krivog navoda. Čovjek je pet puta rekao neustavna Vlada. Prekida ispravku krivog navoda. Šta kada on kaže poslovnička i ja odmah kažem poslovnička. Jel ja imam pravo dobiti riječ? Nemojte praviti cirkus Deviću. Sekretaru, predsjedavajući, ispravljam krivi navod. Kolege remete rad normalan sjednice. Na mojoj ispravci krivog navoda evo priznaje Zahiragić, zna, pročitao je. Nemaju me pravo prekinuti. Dević vrišti galami prekida ono što neće da čuje.

Predsjedavajući:
Nastavite zastupniče Konaković.

Poslanik/zastupnik Elmedin Konaković:

Hvala vam predsjedavajući. Više puta je izrekao neistine i to radi stalno. I žao mi je što nisam bio na nekim sjednicama. Neustavne Vlade, neustavnih ministarstava. Majstori su destrukcije administrativne, priznajem to. Na Poslovnik koji postoji 25 godina, koji smo zajedno pravili, ima rupa, ima manjkavosti. Neko njima negdje fino to nađe i zaustavlja procese. Priznajem to javno, u tome nisu loši, ali to neće zaustaviti suštinu promjena koje mi donosimo svaki dan. Ovo je neistina. Više puta izrečena od Dević Mahira, od kog smo navikli na neistine. Dakle nije neustavna. Ustavna je Vlada, sve su njene odluke ustavne. Kod apelacije koja je bila u korist apelanta propust je bio u mišljenjima Zakonodavno-pravna komisija i drugih radnih tijela. Propust je bio u jednom danu sazivanja nesazivanja. U meritimu taj Zakon nije imao ni jednu manjkavost. I ovo što govore danas, naravno nek se sve to provjeri. Nek opet odluči Ustavni sud. Ova je Vlada demonstrirala kako se odnosi prema presudama Ustavnog suda. Hitno ih mijenja. Radi svoj posao perfektno, a ov rade uvijek isto. Dakle neistina više puta iznesena. To je moja ispravka krivog navoda. Ova su Ministarstva ustavna, njihove su odluke važeće i na snazi su i treba te ih se pridržavati.

Predsjedavajući:
Poslovnička intervencija zastupnik Dević.

Poslanik/zastupnik Mahir Dević:

Radi javnosti ja ću vas zamoliti sekretaru Skupštine Kantona da pročitate odredbu kada zastupnik traži poslovničku intervenciju da li mu se riječ daje odmah? Dajte mi taj član molim vas, radi javnosti. Jer ja nisam ovdje, ja ovdje nisam u stanju da obrazložim javnosti da vi nas diskriminirate. Pročitajte nam taj član da li ste dužni dati riječ predsjedavajući odmah ili kada se završi govor. Dajte nam taj član molim vas, radi javnosti. Mi smo ovdje diskriminirani.

Predsjedavajući.
Sekretaru pročitajte član.

Sekretar Aida Zeković:

Dobar dan svima. Dakle član 91. propisuje "Poslanik/zastupniku koji želi da govori o povredi Poslovnika ili o ne pridržavanju dnevnoga reda predsjedavajući daje riječ odmah". Ali moram reći isto tako da član 89. također propisuje da "Poslanik/zastupnik može zatražiti riječ da bi ispravio krivi navod i dobiva riječ odmah". Tako da u obje ove situacije je predviđeno da se riječ dobiva odmah. A predsjedavajući je taj koji vodi sjednicu i mora na neki način tok sjednice usmjeravati. Dakle ne mogu istovremeno da govornika nikako govoriti. Ja sam također mišljenja, mada moje mišljenje nije za vas obavezujuće, da bi trebalo da jedan govornik završi, nakon toga da se drugom govorniku da riječ jer Poslovnik kaže odmah i za krivi navod i za poslovničku intervenciju. Jedino da kroz izmjene Poslovnika nekako se to definiše, amandmanski da djelujete kada bude Poslovnik na dnevnom redu. Trenutno je ovakva situacija da se riječ daje odmah i za krivi navod i za poslovničku intervenciju.

Predsjedavajući:

Hvala sekretaru, što znači da zajedno možemo pjevati ali ne možemo govoriti. Kada završi jedan govornik onda dajemo riječ drugom govorniku. Kolega Deviću izvolite imate riječ poslovnička intervencija.

Poslanik/zastupnik Mahir Dević.

Zahvaljujem. Znači ja sam poslovničku intervenciju tražio da vas upozorim predsjedavajući da prethodni diskutant gospodin Konaković uopće ne ispravlja moje krive navode već da ima diskusiju. I vi ste meni bili dužni riječ dati odmah jer je to povreda Poslovnika. Kao što ste dali njemu riječ odmah da ispravi krivi navod. Tako i ja imam pravo odmah da kažem da on ne ispravlja krivi navod već da vrši diskusiju.

Predsjedavajući:

E to je vaše pravo da odlučite. A moje je kao predsjedavajućeg Skupštine da procijenim da li je zastupnik upravo ispravljao krivi navod. Pa je zastupnik Konaković nekoliko puta ponovio, možete vidjeti u stenogramu, da nije istina ono što govorite.

Poslanik/zastupnik Mahir Dević:

I to je ispravka krivog navoda? To je diskusija predsjedavajući.

Predsjedavajući:

Nije ispravka krivog navoda. Kolega Deviću ne znam da li ste vi čuli ovo što je govorio kolega Konaković?

Poslanik/zastupnik Mahir Dević:

Jesam, naravno da sam čuo. Kada je ispravka krivog navoda, odna on ispravlja ono što sam ja kazao.

Predsjedavajući:

Kažete da Vlada nije ustavna a zastupnik...

Poslanik/zastupnik Mahir Dević.

To vam je rekao Ustavni sud, nije Mahir Dević.

Predsjedavajući:

Kolega Deviću jeste li završili? Završili ste? Hvala lijepo.

Samo malo, je li ispravka krivog navoda, za šta se javljate? Ispravka krivog navoda zastupnik Haris Zahiragić.

Poslanik/zastupnik Haris Zahiragić:

Hvala predsjedavajući. Ako ja smijem skinuti masku. Kada se govori smije se skinuti maska? E hvala vam. Dakle kolega Konaković je iznio niz, žao mi je što nije u sali sada da čuje ispravku njegovih krivih navoda. Kolega Konaković je kazao da smo mi majstori destrukcije zbog toga što tjeramo vladajuću većinu da radi u skladu sa propisima. Može reći da smo majstori prava i pravnih nauka i kolega Mahir Dević kojem stavljaju metu da je medar, da je za njih profesor doktor pravnih nauka i svi mi pojedinačno, to bi bilo tačno da je rekao. A da smo majstori destrukcije, to je krivi navod. Kazao je da mi sprečavamo promjene koje svaki dan ova Vlada i ova većina časnih hrabrih donosi. Ispravka krivog navoda, nikakve promjene, barem ne pozitivne nisu dobili od ove vladajuće većine, šta više, dobili smo samo promjene na gore. Treći krivi navod koji je kazao: vidjeli smo koliko je ustavna Vlada kada je pokušavao ispraviti kolegu Mahira, i ja kažem da smo vidjeli, i da ste potvrdili da uprkos činjenici da je ovo isto na TV govorio, ste ipak morali imenovati tri ministra, iako nisu podnijeli zakletvu morali ste ih vanredno imenovati i oni u međuvremenu nisu mogli raditi i mi tim ljudima ne zamjeramo zbog toga što ništa nisu u dosadašnjem dijelu mandata uradili, jer nisu mogli uraditi. To ste priznali kada ste ih ponovo imenovali. Vidjeli ste da nakon toga svega i ministrica pravde podnijela ostavku itd. Ne bih da dužimo. Ta presuda Ustavnog suda

nije bila samo formalna, nisu bili rokovi, nego je Ustavni sud u svojoj presudi predsjedavajući kazao da je vladajuća većina na ovaj način napravila presedan i počela narušavati princip vladavine prava. Ja kao pravnik vam tvrdim da je to jedna od najtežih kvalifikacija koju je Ustavni sud ikada u bilo kojem zahtjevu za ocjenu ustavnosti okvalificirao. Tako da pozivam kolegu Konakovića da takve stvari i formulacije ne banalizuje jer to neće donijeti ništa dobro Kantonu Sarajevo i vladavini prava u istom. Hvala.

Predsjedavajući.

Poslovnička intervencija zastupnika Jasmina Bišćević-Tokić.

Poslanik/zastupnik Jasmina Bišćević-Tokić:

E hvala predsjedavajući. Ja sam se javila davno kada ste govorili o maskama i nošenju maske. Molila bih vas onda da sve u sali upozorite da se ne može maska nositi na bradi, nego da mora biti maska stavljena i na nosu i na ustima. Ako već hoćemo da budemo principijelni i da upozoravamo sami sebe onda neka svi stave maske onako kako u suštini propisano. Hvala.

Predsjedavajući:

Zastupnik Damir Marjanović.

Poslanik/zastupnik Damir Marjanović:

Zahvaljujem se. Ovo je ispravka krivoga navoda. Kolega Zahiragić vjerovatno u nekoj brzini je rekao da Vlada nije ništa do sada promijenila. Pa jedan mali samo koncept, ne ulazeći u mnoge izmjene, ova Vlada je u odnosu na prošlu Vladu koja je značajno smanjila izdvajanja za naučno istraživačke projekte na nekih 500.000 KM ove godine odlučila i promijenila da taj iznos poveća, tako da su izdvajanja za 3 miliona KM. I druga stvar, možda će vas sada, mnogi će se i naljutiti na mene, ali možda se i neće složiti sa mnom, jedna zdrava logika kada govorimo o maskama. Ako smo već odlučili da ih nosimo, zdrava logika vam kaže da bi spriječili širenje virusa maske je poželjno nositi upravo kada pričate. Ali eto, možda se ja ne razumijem baš u tu tematiku pa nemojte mi zamjeriti što sam ovo i rekao.

Predsjedavajući.

Zastupnik Mahir Dević nastavak vaše diskusije.

Poslanik/zastupnik Mahir Dević:

Hvala. Evo osvrnut ću se sada i na ovo što kažu poslovnički. Znači ja sam diskutovao, kolega je tražio ispravku krivog navoda. Dali ste mu riječ odmah. I ispoštovali član 89. sekretaru jel tako? Ja tražim poslovničku intervenciju onda vi meni kažete kada kolega završi diskusiju. Klasičan primjer diskriminacije.

Predsjedavajući:

Kolega Deviću možete li se vratiti na tačku dnevnog reda. Zamolio bih vas da se vratite.

Poslanik/zastupnik Mahir Dević:

mogu svakako naravno. Svakako. Hvala vam predsjedavajući. Ovo sam naravno kazao radi javnosti jer nisam to kazao rad vas. Hoćete li upozoriti?

Predsjedavajući:

Zamolio bih kolege da se ponašaju u skladu sa Poslovnikom da ne remetimo red u sali.

Poslanik/zastupnik Mahir Dević:

Znači mi smo upozoravali na sve ove procedure. Upozoravali smo na pravni osnov ovog

Zakona. Znamo zašto ide u ovakvu vrstu procedure. Sve smo to kazali. Ponudili smo čak rješenja. Naravno ukoliko vi kao parlamentarna većina i aktualni premijer u Kantonu Sarajevo ne želite da čujete naše argumente, ako je važnija ta inat politika i neka predstava u kojoj treba da se argumenti bace negdje u neki kontejner za smeće, to je naravno vaš stav. Vaša odluka. Mi ćemo nastaviti da radimo onako kako smo i do sada radili u skladu sa Ustavom i zakonom, sa Poslovnikom o radu Skupštine Kantona Sarajevo. Evo toliko od mene u prvoj diskusiji. Hvala.

Predsjedavajući:

Zastupnik Haris Zahiragić javljate se.

Poslanik/zastupnik Haris Zahiragić:

Predsjedavajući, ja bih imao jednu diskusiju. Dakle, ako govorimo o samom tekstu ovog nacrtu Zakona. Argumenti koji su prošli put ili posljednji put iznosili, ponovo su ostali isti, uprkos činjenici da smo prošli put imali vremena i da ste imali priliku da izmijenite neke stvari, nije se promijenilo ništa. Tako da ću ja ponovo iskoristiti svoje vrijeme za diskusiju da hronologiju napravim događaja kada je ovaj Zakon u pitanju jer je ponavljanje majka znanja i ponavljat ćemo se sve dok ova vladajuća većina svoj princip rada ne promijeni i počne poštovati vladavinu prava i prestane unositi pravnu nesigurnost u Kanton Sarajevo. Naime, prije nego što je imenovana ova Vlada skupštinska većina je promijenila Zakon na hitnoj sjednici, u hitnom postupku. Uradila je to na način da je prekršila Poslovnik o radu Skupštine Kantona Sarajevo iako su tvrdili da to nisu uradili. Nakon toga je Ustavni sud. Izvolite kolega Konakoviću.

Predsjedavajući:

Poslovnička intervencija zastupnik Elmedin Konaković.

Poslanik/zastupnik Elmedin Konaković:

Hvala predsjedavajući, molim kolegu Zahiragića da se vrati u skladu s Poslovnikom na temu. Dakle šta je Vlada radila po pitanju drugog Zakona i njegovog karaktera, presude Ustavnog suda. Mi ispred sebe imamo nacrt. Imate tačke, imate članove. O njima možete govoriti. Ovo sve drugo nije u skladu s Poslovnikom na kom toliko insistirate. Hvala.

Predsjedavajući.

Zahvaljujem. Molimo kolegu Zahiragića da se vrati na tačku dnevnog reda Nacrt Zakona o ministarstvima i drugim organima uprave Kantona Sarajevo.

Poslanik/zastupnik Haris Zahiragić:

Kolega Okeriću gospodin Zahiragić nije ni započeo tačku tako da se nemam na šta vratiti. Ovo je sve priča o nacrtu Zakona i ja znam da gospodin Konaković ili vladajuća većina i on kao njen šef i formalni i neformalni ne žele da slušaju argumente.

Predsjedavajući:

Ispravka krivog navoda zastupnik Konaković.

Poslanik/zastupnik Elmedin Konaković:

Hvala vam predsjedavajući. Dakle, vrlo bih rado Harisa Zahiragića kao pravnika saslušao po pitanju nacrtu ovog Zakona. Da vidimo šta je to u njegovoj suštini, u njegovom meritumu u tekstu, eventualno sporno kako bi smo zaista uzeli u obzir jer ovo što danas on govori smatra se javnom raspravom. Dakle od trenutka otvaranja rasprave, ovo je javna rasprava o Nacrtu ovog Zakona. Ako bi smo čuli nešto korisno mogli bi smo to uvažiti kao što smo desetine

ideja ovih naših kolega koji nisu znali sami implementirati, mi implementirali, vrlo rado bi smo još po neku. Ali ovo drugo, dakle ovo što pokušavaju i mora se, i dobro je da ima TV prenos, vidjeti. Vidite kako on prekida. On stvarno, on ne može da se suzdrži ni jednom da ne dobaci barem četiri pet puta dok ja govorim. Dakle voljeli bi smo to čuti. O tome formalni, neformalni šef, politika, ko je kome. To zaista smatram neprimjerenim niti bih to komentarisao ali bih ispravio ovaj krivi navod. To nije tačno, bilo kakvi šefovi nekih politika, niti je vezano za temu. Tako da molimo kolegu da svoje pravno iskustvo pokuša nekako iskoristiti.

Predsjedavajući:

Hvala. Evo prije nego što vam dam riječ kolega Zahiragiću još upozoravam vas jednom, s obzirom da ste bili prisutni na tačkama dnevnog reda, upozoravam vas na član 96. gdje ste bili u sali a niste se izjašnjavali. Upozoravao sam vas za maske ignorisali ste me, čak šta više svađali ste se sa mnom. Evo sada vas upozoravam još jednom, iskoristit ću svoje pravo iz člana 92 ukoliko budu dalje, ne samo vi, bilo koji drugi zastupnici kršili današnji red i Poslovnik na današnjoj sjednici udaljiti ću vas sa sjednice. Izvolite, možete. Imamo ispravku krivog navoda zastupnik Damir Marjanović.

Poslanik/zastupnik Damir Marjanović:

Zahvaljujem se. Samo jedna mala ispravka krivog navoda djelomično se poklapa sa gospodinom Konakovićem. Gospodin Konaković je jedan od članova skupštinske većine i ja kao samostalni zastupnik smatram ga definitivno partnerom u nekoj priči, ali definitivno ga ne doživljam kao šefa, tako da ne bih prihvatio tu konstataciju i to je ispravka krivog navoda. Hvala velika.

Predsjedavajući:

Zahvaljujem. Zastupnik Haris Zahiragić možete nastaviti. Izvolite.

Poslanik/zastupnik Haris Zahiragić:

Predsjedavajući, molim vas, vidim da ste danas odlučili da nekoga od nas sankcionišete, pa vas ja pozivam da me odmah sankcionišete molim vas, jer te argumente koje ste vi iznijeli o masci, ko ju sam ja skinuo dok sam govorio a držao sam na početku i ovome da nismo se izjašnjavali, ne stoje vam. I molim vas, evo ja vas molim insistiram da me kaznite. I na takav način uvedete novu praksu u Skupštini Kantona Sarajevo, samo morat ćete dovesti obezbjeđenje da me iznese odavde. Ako želite praviti takav cirkus od Skupštine i ako je to odgovor na naše argumente, i ako je to (nerazumljivo) onda ja to prihvatom.

Predsjedavajući:

Molim vas vratite se na tačku dnevnog reda. Poslovnička intervencija zastupnik Konaković.

Poslanik/zastupnik Elmedin Konaković:

Dakle vrlo, vrlo, vrlo važna poslovnička intervencija. Dakle Poslovnik propisuje i daje pravo predsjedavajućem Skupštine Kantona Sarajevo, ko god on bio, da rukovodi sjednicom. Upozorava, oduzima riječ, sankcioniše i udalji. Upravo smo čuli gospodina Zahiragića kako će se fizički suprotstavljati i zaprijetio je da terba obezbjeđenje kako bi se Poslovnik primijenio, zapravo još jednom je predobro da ljudi vide šta ovi ljudi rade. Dakle pogledajte stenogram, ovo ćemo izrezati, da čujete Zahiragića koji kaže: ukoliko Poslovnikom, i ona kaže sada naravno, ukoliko Poslovnikom predviđeni proces da predsjedavajući nekoga udalji krene implementirati poštujući Poslovnik, on to neće ispoštovati prije svega, i treba neko obezbjeđenje da ga se udalji. Dakle, podsjećam vas na historijat svog ponašanja, samo što to može tamo gdje je navikao. Ovdje će se Poslovnik primjenjivati i poštovati. Hvala

predsjedavajući.

Predsjedavajući:

Poslovnička intervencija. Čini mi se da je bio prvo zastupnik Mahir Dević.

Poslanik/zastupnik Mahir Dević:

Predsjedavajući, kolega Konaković nije rekao koji član je povrijeđen i on nama ovdje tumači Poslovnik. Dali ste mu riječ, čovjek diskutuje, znači ništa kolega Zahiragić nije prekršio od procedura.

Predsjedavajući.

Obrazložio je član 92.

Poslanik/zastupnik Mahir Dević.

Gdje piše da on treba obrazlagati. Možda ako vama treba obrazlagati to već nešto interno a ne Skupštini.

Predsjedavajući.

Pozvao se i obrazložio član 92 i upozorio kolegu Zahiragića da se ponaša u skladu sa Poslovnikom.

Poslanik/zastupnik Mahir Dević.

Pa ne može on kolegu Zahiragića.

Predsjedavajući.

Poslovnička intervencija izvolite.

Poslanik/zastupnik Mahir Dević.

Poslovnička intervencija se odnosi na to da kolega uopće nije kazao koji član je kolega Zahiragić povrijedio. Znači prvo je to trebao da kaže. Poslovnička intervencija, taj član, nije rekao. Diskutuje ovdje i vi ga pustite. To je kršenje Poslovnika i udaljavanje od teme. Eto to je moja intervencija.

Predsjedavajući.

Zastupnik Zvonko Marić poslovnička intervencija.

Poslanik/zastupnik Zvonko Marić

Zahvaljujem predsjedavajući. Budući da prvi put govorim, dame i gospodo, drugarice i drugovi, poštovani gledatelji. U ime Kluba SBB zbog ove ovakve situacije, ne zbog nas konkretno u ovoj Skupštini, i zbog digniteta ove Skupštine, u ime Kluba SBB tražim polusatnu pauzu kako bi smirili strasti iako nama kao projektu SBB odgovara ova vrsta kompromitacije koju priređuju kolege u ovoj sali. Dakle pauza od pola sata hvala.

Predsjedavajući:

Na zahtjev Kluba SBB pauza od pola sata.

NASTAVAK NAKON PAUZE

Predsjedavajući.

Mi nastavljamo dalje sa 38.sjednicom Skupštine Kantona Sarajevo. Malo duža pauza je bila zato što su zastupnici htjeli da obilježe godišnjicu pogibije komandanta Safeta Zajke. Mi se

vraćamo toku današnje sjednice. U toku je rasprava. Zastupnica Jasmina Bišćević je prijavljena. Oprostite zastupnik Haris Zahiragić je počeo raspravu pa evo da završi. Izvolite.

Poslanik/zastupnik Haris Zahiragić:

Hvala predsjedavajući. Pokušao sam početi, bio sam više puta prekinut, pa možda i na neke ružne načine. Pa ne znam da li vi smatrate da bih ja trebao prije diskusije replicirati na ono što je izneseno na moj račun prije same pauze ili da završim diskusiju pa da tražim repliku. Možda je bolje da iskoristim vrijeme za diskusiju.

Predsjedavajući:

Završite vi diskusiju pa ako bude potrebe.

Poslanik/zastupnik Haris Zahiragić.

Pa bit će potrebe pošto sam neke teške optužbe na moj račun su iznesene.

Predsjedavajući.

Završiti vi diskusiju.

Poslanik/zastupnik Haris Zahiragić.

OK. dakle, govorili smo o nacrtu Zakona o organizaciji organa uprave u Kantonu Sarajevo, ili kako ste ga već nazvali sada. Više puta smo mi upozoravali, ja sam dok sam iznosio retrospektivu događaja kada je u pitanju ovaj Zakon, par kolega, čini mi se, kolega Konaković i još neko su kazali da ne govorim o tački dnevnog reda. Međutim, ovaj Zakon, ovaj nacrt Zakona predviđa stavljanje van snage tog Zakona. Pa ga ne možemo izolovano posmatrati, s tim u vezi, vratiti ću se na tu vrstu diskusije, dakle, prije nego što je Vlada Kantona Sarajevo imenovana, skupštinska većina je promijenila Zakon o organizaciji organa uprave, uprkos apelima iz Kluba SDA da na hitnoj sjednici i u hitnoj proceduri se takav Zakon ne može donositi. Na žalost, na moju iskrenu žalost, Ustavni sud je potvrdio to, po zahtjevu Kluba SDA i utvrdio da je ta procedura i taj Zakon bio donesen na neustavan način. Nakon toga, skupštinska većina je jedno vrijeme ignorisala, a kasnije shvatila da mora tu presudu ispoštovati, pa je ponovo u hitnoj proceduri uputila isti tekst Zakona tj izmjena i dopuna tog Zakona na koji smo mi ponovo uputili zahtjev za ocjenu ustavnosti prema Ustavnom sudu FBiH. Nakon što je vladajuća većina shvatila da je ponovo napravila ozbiljnu pravnu grešku, i da će vjerovatno, sve su prilike, pravna sigurnost u Kantonu Sarajevo, vladavina prava ponovo biti ugrožena, krenuli su u ovu proceduru. Ranije su također tvrdili da se ne moraju imenovati ministri nakon onog Zakona, međutim ta tri ministra su morala biti imenovana, čemu svjedoči i javnost. Po medijima smo mogli slušati od predstavnika vladajuće većine i predstavnika Vlade da to nije istina, da Klub SDA ne govori istinu, međutim, sami su svojim djelovanjem nas, tj sami su sebe demantovali, i u konačnici ishod je toga da je ministrica pravde podnijela ostavku u cijelom tom procesu, što možda na najbolji mogući način govori kako su ti procesi vođeni od strane skupštinske većine. Danas imamo ponovo nacrt Zakona, navodnog novog, o organizaciji organa uprave koji je osim imena, i dva člana, ostao isti. Izbačen je samo jedan značajan dio Zakona. S tim u vezi, pravni osnov za donošenje ovakvog Zakona koji je naveden je pogrešna, ne postoji pravni osnov. Uslovi koji su propisani, kolega Konaković je kazao da će pravne argumente prihvatiti, pa evo ja ga pozivam da prihvati, osim što nisu pribavljena sva mišljenja relevantnih radnih tijela itd, uslovi koji su propisani federalnom Uredbom o postupku i načinu primanja izrade propisa koji su obavezujući za Kanton Sarajevo nisu ispoštovani. Ako vas zanima tačno šta, prije svega, i ono što je najbitnije što je izostavljeno u ovom tekstu, jeste član da je nosilac izrade propisa obavezan da se pri izradi propisa pridržava odredbi Pravilnika i postupaka za izradu Zakona i drugih propisa FBiH, koji nisu u suprotnosti sa kantonalnom Uredbom. S obzirom da ovaj član nije u

suprotnosti sa kantonalnom Uredbom onda ovaj član govori da je nacrt Zakona i meritum ovog Zakona, vidim da je premijer možda jedini pažljivo sluša, i ja mu se zahvaljujem, jer evidentno jedini dobronamjeran spram vlasti u Kantonu Sarajevo. Kaže kada se zakonom osniva novi subjekt, u određenoj oblasti, prelaznim odredbama utvrđuju se rokovi za preuzimanje prava i obaveza do novog subjekta, koji je nosilac tih prava i obaveza, kao i prestanak rada onog subjekta koji je bio nosilac prava i obaveza po Zakonu koji prestaje važiti. Na tragu diskusija s posljednje sjednice, pravni kontinuitet koji je izostavljen u ovom tekstu nacrta Zakona, tj koji su to pravni sljednici ovih aktuelnih ministarstava po novom Zakonu koji se de fakto novim zakonom osnivaju, bez te odredbe, to bi trebalo da znači da je skupštinska većina dužna imenovati novu Vladu, a onda posebnim propisom definisati koji su to oblasti koje preuzimaju ta nova Ministarstva i novi ministri, šta j sa započetim procesima, šta je sa radnicima, i generalno cijelim pravnim subjektivitetom aktuelnih ministarstava. Na žalost i prošli put smo apelovali na ovakvu stvar, nije se desilo. Ja ne želim da vjerujem da je izostanak pravnog kontinuiteta ministarstava uzrokovan činjenicom da vladajuća većina očekuje ipak da će Ustavni sud staviti van snage Zakon i oglasiti ga neustavnim, koji je trenutno na snazi. Tj izmjene i dopune. Pa da bi pravnim kontinuitetom ponijeli i pravne probleme koji su nastali iz takvih usudit ću se reći, pa evo da ne pretjeram neznalačkih vođenja procesa. Dalje, kada govorim o novom zakonom isti propis federalni propisuje da je samo ako 50% se mijenja osnovnog teksta, onda se donosi novi Zakon, u drugim slučajevima izmjene i dopune. A ukoliko ima 40% ili preko tri izmjene onda se donosi prečišćeni tekst. Dakle nema formalnih uslova da se ovaj Zakon kao novi donosi, jer on zaista nije novi. Ono što je možda značajno reći da argumentacija kako je ovo zapravo rješavanje po zahtjevu udruženja građana koji su tražili pravo na pitku vodu, to ne stoji jer da je zaista neko želio da te zahtjeve implementira onda bi krenuli u izmjene Ustava Kantona Sarajevo jer je to bio prvobitni zahtjev. I slažem, se, i predlažem predsjedavajući da nam tom tragu ako smo zaista spremni da štitimo pitku, a mislim da je to obaveza svih nas, da krenete u proceduru izmjene Ustava Kantona Sarajevo posebno ako uzmemo u obzir činjenicu da su određene međunarodne finansijske institucije nepovoljnijim kreditima i političkim pritiscima zadužili našu JU, JP koje se nabavi vod snabdijevanjem i u perspektivi bi smo, to građani treba da znaju, ukoliko se nastavi ovakav odnos spram te institucije, možda i mogli ostati bez izvorišta pitke vode i cijele infrastrukture koja građanima treba da pruži tu pitku vodu. To se nažalost ovim nije zaštitilo. Da se želilo zaštititi išlo bi se u izmjene Ustava Kantona Sarajevo i to dobro znaju svi ovi ljudi koji su koristili ovo jako argument, tako da ni taj argument ne stoji. E sada imamo situaciju da već drugu sjednicu raspravljamo o tekstu Zakona koji imaju sebi toliko pravnih nedostataka, od formalnih za njegovo uopšte donošenje, pa do suštinskih stvari izostanka 15 do 20 bitnih članova koji će propisati taj pravni kontinuitet ja ih savjetovao premijeru Kantona Sarajevo ako ne bismo smo ponovo ulazili u trakavicu. Posebne je tema ono što je kolega Dević kazao oko formalne ispunjenosti uslova da bi po poslovniku ova sjednica i ovi materijali mnogi se razmatrati. To jest normalna dostava. Vi ste predsjedavajući, ja nisam htio da vas prekidam, kazali da je zaključkom Skupštine Kantona Sarajevo to utvrđeno. Poslovnik propisuje da se zaključkom utvrđuje ono što nije popisano. A ono što je propisano ne može se derogirati zaključkom, ma kakav zaključak Skupštine bo. Zbog toga postoji redovna procedura, pa i vanredna i hitna izmjene Poslovnika ukoliko smatrate da treba. Mi ćemo održati čak i hitnu iako ona po Poslovniku ne bi se trebala dešavati. Ali nemojte da zaključcima i odlukama derogiramo Poslovnik o radu kao što smo nekada ranije derogirali zakone. To ponavljam, nas uvodi u stanje pravne anarhije, dovodi pravnu nesigurnost i ruši sistem vladavine prava. Ja pozivam premijer a Fortu da ovaj Zakon ipak povuče. Da na narednu ili koju narednu sjednicu ukoliko zaista ima potrebu da donosi novi Zakon, a ja mislim da nema, da obezbijedi pravni kontinuitet. Ukoliko ga je strah radi presude Ustavnog suda nek spremi izmjene i dopune Zakona i stavi ih u redovnu proceduru i postići će taj isti efekat koji je htio ovim Zakonom postići. Ovo je sistemski Zakona u Kantonu

Sarajevo najvažniji, to građani treba da znaju, najvažniji institucionalni Zakon koji reguliše sistem organa uprave i upravnih organizacija u Kantonu Sarajevo. Sa ovakvim zakonom se nije šaliti i praviti parlamentarne egzibicije i raditi na rubu legalnosti i protivno Poslovniku o radu Skupštine Kantona Sarajevo. Jel nešto bilo?

Predsjedavajući:

Ispravka krivog navoda, zastupnik Damir Nikšić.

Poslanik/zastupnik Damir Nikšić:

... naučio jedan detalj iz Poslovnika, to je član 3. koji kaže da ako neko pitanje organizacije rada Skupštine nije uređeno Poslovníkom uredit će se zaključkom Skupštine na sjednici. Jesam li dobro shvatio da uvaženi kolega Zahiragić da zaključcima ne treba mijenjati Poslovnik ili sam dobro shvatio?

Predsjedavajući.

Evo objasniti će kolega Zahiragić šta je mislio.

Poslanik/zastupnik Haris Zahiragić:

Kolega Nikšiću dobro ste čuli dio, ali niste dobro shvatili. Dakle, zaključkom se može mijenjati i regulisati ona oblast koja Poslovníkom nije regulisana, a s obzirom da je ova oblast Poslovníkom regulisana, ne može se zaključkom Skupštine kao najnižim aktom Skupštine derogirati Poslovnik koji je najviši akt poslije statuta Skupštine Kantona Sarajevo. Mislim da ste me sada razumjeli. Hvala. Dakle u želji da zaista, meni je žao predsjedavajući, ja sam prošli put to govorio, ovi ministri, specifično ova u tri resora koji su radili, ma nisu ni radili u suštini, bili su suspendovani.

Predsjedavajući:

Ispravka krivog navoda, zastupnik Aljoša Čampara.

Poslanik/zastupnik Aljoša Čampara:

Zahvaljujem predsjedavajući. Kolega Zahiragiću vjerovatno ste omaškom rekli da je najviši pravni akt Skupštine statut. Ustav je najviši pravni akt. Ja sam čuo da ste rekli statut, vjerovatno je jezička greška pa radi javnosti, da. Hvala.

Predsjedavajući:

Zastupnik Zahiragić nastavite.

Poslanik/zastupnik Haris Zahiragić:

Ukoliko sam rekao, nisam svjestan da sam to rekao, jeste, mislio sam na Ustav, možda sam napravio lapsus lingve, a i Ustav i statut su kao takvi opći pravni akti i oni jesu najviši. Kanton nema Ustav za razliku od opština, možda sam tu napravio lapsus lingve. Zahvaljujem se kolega Čampara na dobronamjernoj, vjerujem, sugestiji. Žao mi je što ministri u Vladi Kantona Sarajevo koji su imenovani i premijer Forto nisu u stanju uopšte da pokažu šta znaju ili eventualno šta ne znaju u radu Vlade Kantona Sarajevo jer evo mjeseci su prošli, Vlada je imala tri člana koja nisu ustavna, koja zapravo nisu mogla raditi svoj. Ukoliko neko kaže da jesu, građani Kantona Sarajevo koji su obuhvaćeni tim oblastima u drugostepenom rješavanju, evo kada je Ministarstvo obrazovanja u pitanju, u svim procesima koji su započeti, u izdavanju najobičnijih potvrda za polaganje vozačkog ispita, itd, vidjeli su da nisu mogli raditi. Takvi ministri, podsjećam predsjedavajući, učestvovali su u radu Vlade i donosili odluke. Na tragu toga i ovo je dio replike kolegi Konakovića da onu su bili ustavni dok su radili regularno. Nisu, samo što mi nismo to problematizirali. Sjećate se da smo mi na pres

konferenciji Kluba SDA kazali da ne želimo da problematiziramo rad Vlade u takvom sastavu jer ne želimo da u pandemiji rušimo Vladu Kantona Sarajevo na proceduralan način, ni njihove odluke. Sada kada je prošla pandemija, ukoliko se takva praksa nastavi ignorisanja presude Ustavnog suda, ignorisanja vladavine prava, mi se nećemo libiti da tako nešto uradimo. S obzirom da imam još vremena predsjedavajući na ovoj tači, iskoristit ću za kratku repliku kolegama koji su prije mene govorili. Žao mi je, kolega Konaković je kazao vi ste meni rekli da ćete me izbacivati zbog maske i zbog činjenice da nisam glasao. Ja sam nosio masku sve vrijeme za razliku od vas. Neke druge kolege nisu nikako stavljale masku i njima niste to kazali. Još druge neke kolege nisu glasali po onoj prvoj tači, rekli smo zašto ne glasamo za dnevni red zato što smatramo da je sjednica sazvana mimo Poslovnika. Jedino ste meni zaprijetili da ćete me izbaciti, s tim u vezi ja sam kazao izbacite odmah, nemojte kasnije. Ali morat ćete pozvati osiguranje jer ja dobrovoljno neću prihvatiti takvu vrstu zloupotrebe Poslovnika. Na to je kolega Konaković kazao da ja imam historijat, citiram ga „historijat takvih ponašanja”, misleći na one tabloidne natpise koji iz vladajuće većine, ili iz vladajućeg režima meni pokušavaju imputirati. Ja se ne bih zaista na takav nivo vraćao i diskutirao sa kolegom Konakovićem, ali moram kratko reći da on kao čovjek koji javno govori da nosi oružje, koji javno govori da ima vojsku i koji ima prisne odnose sa određenim kriminalnim skupinama u Sarajevu, u svojoj prošlosti je imao, mene je zaista strah da mi se on tako obraća. Ja vas molim predsjedavajući da me.

Predsjedavajući:

Poslovnička intervencija. Molim vas, spominjete imali, imao, prisne odnose sa kriminalnim miljeem i s ovim. Dozvolite. Sve što znate prijavite nadležnim. Upozoravam vas, evo vratite se. Ja vas više neću upozoravati. Recite.

(zastupnik Haris Zahiragić govori bez upaljenog mikrofona)

Zastupnik Zahiragić.

Poslanik/zastupnik Haris Zahiragić:

Zahvaljujem. Dakle vidim da se kolege pojedine smiju. A zaista nije biti ugodno jedan od par opozicionih zastupnika u uslovima kada vladajuća većina ima skoro koncenzus u Skupštini, kada imaju Vladu u čijoj nadležnosti jeste sigurnost i zaštita moje sigurnosti itd. Ja se zaista osjećam nesigurno u ovakvim uslovima i ambijentu i s tim u vezi ne želim da prihvatam još po vrh svega i takve prizemne uvrede na moj račun i na moj historijat i na moj život kojeg se svakog dijela ja ponosim jer sam odrastao u jednoj časnoj porodici, kulturnoj. Ja sam uvijek bio jedan mladić koji je poštovao Zakon, uz sve probleme koje odrastanje u postratnom Sarajevu imalo. Nisam imao odnose s kriminalnim skupinama i pojedincima. I u konačnici predsjedavajući, s obzirom da je Skupština Kantona Sarajevo imala pauzu od pola sata, ta pauza je kako ste rekli potrajala nešto duže radi nekih okolnosti, ja sam na nastavak sjednice, iskoristio sam pauzu da kupim valerijana kapi. To su kapi koje su na biljnoj bazi i one služe za smirenje. Deset kapi biljnih i onda se nervoza i želučani napadi mogu smiriti. Ukoliko.

Predsjedavajući:

Moram zaustaviti predstavu kolega Zahiragiću.

Poslanik/zastupnik Haris Zahiragić:

Ne, samo da bi smirili tenziju u Skupštini. *(zastupnik nastavio govoriti bez uključenog mikrofona)*.

Predsjedavajući:

Oduzimam vam riječ. Dobro. Je li imamo repliku neko? Replika zastupnik Konaković.

Poslanik/zastupnik Elmedin Konaković:

Gospodine Zahiragiću ko god vas bude dirao zovite me i ne bojte se. Nema razloga da se plašite. Ovo je jedno demokratsko društvo, sa vrhunskim ministrom unutrašnjih poslova, odličnom policijom i kantonalnom i federalnom. Ja vam lično stojim na raspolaganju, ko god vas bude dirao zovite me, ne bojte se. Imam bitne stvari za reći. Cirkus koji su ponovo kolege napravile na samom početku je besmislen. Član 71 ne propisuje da materijali moraju biti dostavljeni zastupnicima u printanoj formi. To ne piše u Poslovniku nigdje i to nećete naći. Član 71 kaže da se oni dostavljaju zastupnicima 12 dana ranije. A sve dileme otklanja zaključak kolegice Bilsene Šahman od 20.09. prošle godine u kojoj je u svrhu racionalizacije pa i tada COVID i nekih drugih okolnosti Skupština donosi zaključak koji kaže da se materijali ne printaju. Dakle zaključak nije u suprotnosti sa propisanim odredbom Poslovnika, nego baš kako kaže član 3. definiše ono što Poslovnikom nije precizno definisano. Tako da taj cirkus od samog početka je bio besmislen i još jedan u nizu. A bilo je i onih koji su bili smisleni. Dakle još jednom radi stenograma, član Poslovnika 71. kaže „najmanje 12 dana sa pojedinih tačkama dnevnog reda prije održavanja sjednice”. Nigdje ne piše u printanoj formi. Tako da je to od starta pokušaj da se ponovo, zamislite, po ko zna koji put na dnevnom redu obara rad Skupštine Kantona Sarajevo zaista ne stoji. Zaista ne stoji. Evo fino, ove valerijana kapi pomažu, ne stoji. Druga važna stvar, presuda Ustavnog suda u meritumu ne osporava imenovanje Vlade Kantona Sarajevo ni jednog njenog člana. To je proces koji se vodi drugom propisanim procedurom. Tih 13 ljudi su članovi Vlade. Mi smo prilikom odabira ministara za resore napravili grešku, jer u donošenju Zakona koji precizira djelokrug njihovog rada nije ispoštovan Poslovnik u dielu koji kaže karakter hitnosti i mišljenja komisija. Neupitno i i presudi Ustavnog suda, to su članovi Vlade. Dakle te dvije stvari nije osporio nikad niko, niti ih može osporiti jer ovi tamo svjesni pravnici, dobri pravnici destruktivci, su našli nekoliko pukotina. Tačno je, da su našli ovu oni bi učinili sve da sruše tu Vladu. Dakle Vlada nije bila upitna bili su upitni resori. Da sam ja bio premijer ja bi im po Zakonu o Vladi dodijelio obavezu da obnašaju neke funkcije. Dakle to je druga važna stvar. Druga važna stvar... ispravka.

Predsjedavajući:

Vrijeme zastupniče Konakoviću.

Poslanik/zastupnik Elmedin Konaković:

Jedna ispravka krivog navoda odmah je koristim. Niste vi rekli izbaciti, vi ste rekli kolegi Zahiragiću udaljiti. Onako kako u Poslovniku piše. Hvala.

Predsjedavajući:

Zastupnica Jasmina Bišćević jel replika ili rasprava? Diskusija. Oprostite samo malo, uključite zastupnika Zahiragića.

Poslanik/zastupnik Haris Zahiragić:

Zaista ovo kolega Konaković se referisao na kapi, kaže dobre su. Evo ima iskustva ja ću mu ih staviti ovdje, ukoliko bude imao potrebu da iskaže nervozu deset kapi će mu zasigurno u tome pomoći. Upozorite molim vas.

Predsjedavajući:

Kolega Zahiragiću. Samo malo. Evo hoću, da ja nešto kažem pa onda. Budete li pravili cirkus od ove Skupštine isključivat ću vas i neću vam čak dati pravo ni poslovničku ni ispravku

krivog navoda. E pa probajte zastupniče Zahiragiću pa ćete vidjeti mogu li. Evo probajte. Od jutros vas upozoravam nemojte praviti cirkus od ove sjednice. Tolerantan sam prema vama. Tolerantan sam prema vama. Čitavo vrijeme upozoravam vas u skladu sa Poslovnikom, prisustvujete sjednici ne izjašnjavate se. Dva puta. Dva puta. Odgovaram na pitanja koja ste postavili, ulazite u nepotrebne replike ispravke krivog navoda, vadite kapi na sred sjednice kako bi skrenuli pažnju. Nemojte to raditi. Imamo jako puno posla. Ako ne želite da radite, da se izjašnjavate, izađite. Ali pustite nas da radimo. Ako imate argumente obrazložite ih, iznesite ih, demokratski, iskoristite svoje pravo poslovničko, zastupničko. Ali nemojte molim vas praviti cirkus od sjednice- neću dozvoliti nikome, ne samo vama nikome neću dozvoliti. Poslovnička zastupnik Aljoša Čampara. Poslovnička intervencija, navedite nam član, zastupnik Aljoša Čampara.

Poslanik/zastupnik Aljoša Čampara:

Zahvaljujem predsjedavajući. Pa otprilike na tragu onoga što ste vi govorili. Ja stvarno vas molim predsjedavajući, vi ste ovdje zaduženi da vodite sjednicu, da se ovdje ne dozvoljava da pravimo cirkus, ovo nije vaša, ovo nije ulica. Ovo nije diskoteka, niti su ovo kafići. Dakle mi odgovaramo građanima Kantona Sarajevo, prije svega građani Kanton Sarajevo nisu zaslužili ovdje da neko priča ovdje o nekim kapima na biljnoj ili nekoj drugoj bazi. Mislim stvarno da se trebamo ovdje uozbiljiti. Druga stvar ovdje predsjedavajući molim vas ne možete dozvoliti zastupnicima, bilo kom zastupniku, iz bilo koje političke partije da iznosi netačne navode u smislu ustavnih nekih odredbi i odrednica. Ustavni sud je jedini meritoran koji može donijeti odluke. Odluke Ustavnog suda se ne komentarišu, prije svega, nego su one izvršne, obavezujuće i one se sprovode. Mi ovdje svaki dan, svaku sjednicu okupimo imamo imamo cirkus. Jel to hoćemo neko da ovdje pokušava praviti cirkus da se ne održavaju sjednice. Dajte molim vas, uzmite u svoje ruke i prekidajte, i izbacujte i radite šta god hoćete radi građana Kantona Sarajevo. Mi imamo još 40 tačaka dnevnog reda, vrlo važnih, vrlo bitnih, nama nisu bitne gluposti. Nego su nam bitne bitne stvari za Kanton Sarajevo. A ne da raspravljamo o nekim kapima. Molim vas predsjedavajući stvarno vašim autoritetom, imate to pravo prema Poslovniku da koristite sve ovlasti i da imamo normalnu sjednicu. Ovo nije nikakva korida. Ovo je Skupština Kantona Sarajevo. Najvišeg zakonodavnog tijela u Kantonu Sarajevo i molim vas da se tako ponašamo. Ne treba nam nikakva ni nervoza ni ništa, i da radimo u skladu sa Poslovnikom, sa odredbama, bez vrijeđanja ikoga po bilo kojoj osnovi, ili iz bilo kakve namjere. Dajte da ovo stvarno uozbiljimo. Ako je nekome u cilju da ovo svaki put pravi neku vrstu opstrukcije a dajte da znamo to i da to spriječimo i da mi nastavimo raditi. Zahvaljujem se.

Predsjedavajući:

Hvala zastupniku Čampari. Poslovnička Damir Nikšić.

Poslanik/zastupnik Damir Nikšić:

Moja poslovnička intervencija se odnosi na član 12 i 13, tj na rad predsjedavajućeg Skupštine. Napisao sam ovo prije nego što sam došao ovdje, na pauzi dakle. Poštovani predsjedavajući vi imate pravo ali i dužnost i upravo smo tome i svjedočiti da obezbijedite uslove za rad na radnoj sjednici. To je vaš posao i vaša uloga na sjednicama Skupštine Kantona Sarajevo. Mi smo ovdje danas došli da radimo, da pošteno i vrijedno zaradimo svoje plate a ne koronu. Mi ovdje imamo i goste koji satima čekaju da se obrate. I njih dovodimo u rizik. Zato je važno da uvedete red, ako ne zbog i Poslovnika, onda zbog nas zastupnika koji zahtijevamo red i uslove za rad na današnjoj sjednici. Naslov ove sjednice govori jasno da se radi o radnoj sjednici i da mi danas ovdje moramo raditi. Ja vas podsjećam, opominjem i molim, kako hoćete da mojim kolegicama i kolegama i meni obezbijedite uslove za rad inače ću biti primoran da napustim ovu sjednicu, nezadovoljan vašim vođenjem, uslovima za rad, koje

niste uspjeli obezbijediti. Dužni ste udaljiti sa sjednice sve one koji ne poštuju građane, korisnike, porezne obveznike Kantona Sarajevo, ne poštuju nas svoje kolege time što nam ne dopuštaju da radimo svoj posao. Ako kolege iz opozicije žele predložiti neku tematsku ili hitnu sjednicu pa da na njoj razmotrimo sva pitanja na kojima mjesecima insistiraju, ja sam spreman podržati takav prijedlog i takvu tematsku ili hitnu sjednicu. Ovo je radna sjednica i molim vas da počnemo s radom. Kako to i njen naslov kaže. Puno je ishitrenih, imam još i član 96, ali moram prvo uvod, puno je ishitrenih, oportunističkih, jednostranih, polovičnih, nepotpunih tumačenja Poslovnika na ovoj sjednici i puno rasprava i insistiranja na funkcionisanju Skupštine, što zapravo samo služi, rezultira njenim nefunkcionisanjem. To se ponovilo više puta i dovelo je u pitanje rad Skupštine i napravio ovu Skupštinu disfunkcionalnom. Zastupnici SDA su danas prekršili član 96 koji kaže da svi poslanici tj zastupnici koji su prisutni u trenutku glasanja su dužni izjasniti se na jedan od načina iz prethodnog stava, tj za, protiv ili suzdržani u odnosu na prijedlog. Zastupnici i zastupnice Kluba SDA su danas u više navrata su odbili ispuniti svoju dužnost što možemo shvatiti kao njihov bojkot ove sjednice. Ja prihvatam i prepoznajem njihovo pravo da bojkotuju sjednicu ali to znali da slobodno mogu protestno napustiti ovu sjednicu, no njihovo prisustvo na sjednici uz paralelni bojkot iste, predstavlja provokaciju ali i ometanje rada ostalih zastupnika, koji su došli raditi na ovoj radnoj sjednici. Predstavlja nepoštovanje Skupštine i kršenje Poslovnika. I molim vas da na osnovu člana 95 odmah udaljite sa sjednice ukoliko nastave s tim. Hvala.

Predsjedavajući:

Samo jedna napomena zastupniče Nikšić i vi ste jedan od zastupnika koje sam danas upozoravao. I kada sam upozoravao zastupnika Zahiragića nije se samo odnosilo na njega, za sve one koji su ometali, samo da znate. Sljedeći je replika. Završite. Zastupnik Haris Zahiragić.

Poslanik/zastupnik Haris Zahiragić:

Predsjedavajući ja sam imao repliku. Tek sam se javio za repliku a onda su me poslovničkim prekinuli. A maloprije kada je kolega Dević pokušavao to isto da uradi kolegi Konakoviću nije uspjelo. Pa vas molim evo kako ste ovo prepoznali da je kolega Nikšić dobacivao i govorio kolegi Deviću da laže i kasnije lupao klupama, da i to budete pravedni. Kao što ste sada ispali da i u drugim postupanjima budete takvi. Jeste ovaj put, zato i prepoznajem kao takvo i da samo govorim da iste tretmane imate kada se poslovnička se traži na repliku da jedanput date, i da drugi date isto ili da ne date ni jedan put. Ja sam imao repliku kolegi Konakoviću. Iskoristit ću priliku, pošto sam ja, spominjali smo uvrede, mene je kolega Čampara kazao nije ovo korida, nije ovo vašar. Mislim da su to uvrede. Ja želim replicirati kolegi Čampara da sam se ja radio u Sarajevu, kao i moji roditelji, ja ne znam gdje se on rodio i gdje je on vidio koride i vašare. Ja ne znam šta to znači uopšte. Uz dužno poštovanje i koridama i vašarima. Tako da nije emanentno meni takva vrsta zabava. Kolegi Konakoviću. Evo replika, ne može se prekinuti replika replikom.

Predsjedavajući:

Isteklo vam je vrijeme.

Poslanik/zastupnik Haris Zahiragić:

Nisam ni počeo. Kolegi Konakoviću.

Predsjedavajući:

Kako niste, imali ste repliku. Pazite imali ste repliku gdje vam sabiramo vrijeme a ne svaki put tri minute kada se javite.

Poslanik/zastupnik Haris Zahiragić.

Nije predsjedavajući nisam jednu rečenicu rekao. Odmah su me prekinuli., zaista nisam pitajte evo kolege opozicione.

Predsjedavajući:

Koristite vrijeme, vrijeme curi.

Poslanik/zastupnik Haris Zahiragić:

Nemojte me prekidati molim vas. Kaže ko me bude dirao, kolega Konaković je kazao, ko me bude dirao da ga pozovem. On je moj kolega zastupnik i ako nam je on na takav način kazao da se njega treba pozvati ukoliko ga neko dira, a nakon toga mene federalni ministar unutrašnjih poslova iz NIP.

Predsjedavajući:

Ispravka krivog navoda zastupnik.

Poslanik/zastupnik Haris Zahiragić:

Ne prekida moju repliku. Poslovnička prekida. Maloprije mi niste dali kada sam ja njemu navode ispravljao. I on je tvrdio tako. Šta je kolega Konakoviću, čekajte da završim. Evo ja ću završiti za pola minuta. Dakle i ministar unutrašnjih poslova i predsjednik najveće stranke u Skupštini Kantona Sarajevo da ne nazovem šef vlasti koja je u vlasti meni više puta govore da moje diskusije koje su, ako pratite uglavnom argumentovane, s malim dozama cinizma kao odgovor na cinizam, nisu za Skupštinu. Ja imam kao opozicioni zastupnik pravo da govorim, da iskoristim svoje vrijeme, svoja poslanička prava i ja znam i vidim svjestan sam da se dešava trenutno predsjedavajući, a to vas molim i sve nas da ne dozvolimo vučičizacija Kantona Sarajevo i političke scene ukoliko se bilo ko suprotstavi autoritativnom mišljenju lidera on treba da bude protjeran i iz Skupštine i iz javnog i političkog života. E dragi kolega Konakoviću ja u takvim uslovima ne želim da radim i ja ću se vrlo rado suprotstaviti takvim tendencijama i u konačnici zaista je predsjedavajući zadovoljstvo biti opozicioni zastupnik u ovakvim političkim uslovima u Kantonu Sarajevo. Hvala.

Predsjedavajući:

Ispravka krivog navoda Konaković a onda replika Čampara.

Poslanik/zastupnik Elmedin Konaković:

Ja sam prije svega predsjedavajući rekao da ova država ima svoje institucije, da ima dobrog ministra unutrašnjih poslova, da ima jak MUP, FUP i druge institucije osim OSE. Koje ozbiljno i pošteno rade svoj posao. Na insinuacije kolega Zahiragića kako sam neki bandit sa pouzdanim kontaktima u kriminalnom miljeu i hodam naoružan, to on zapravo radi svaki put. Ja sam vodio proces u kom je SDA direktor Direkcije za ceste Drnda uhapšen i priznao je djelo da je sarajevske privrednike reketirao tražio im 3% za rad stranke. Nakon što je završio u zatvoru pozvala me tužiteljica Kantonalnog Tužilaštva i obavijestila me da je taj Drnda na mjerama u zatvoru organizovao kriminalnu skupinu da napadnu mene, moju porodicu i moje dijete. Zbog takvih ljudi, sam spreman i dalje u borbu s korupcijom na svim nivoima, i zbog njih hodam naoružan. Cinizam i pripadnost Harisa Zahiragića takvim skupinama neće nas zaustaviti ni pokolebati. Ono što on radi od kada je ušao u Skupštinu Kantona Sarajevo pokazuje broj skupštinskih zastupnika u klupama SDA. Ja bih mu, jednom sam to rekao, dao sve minute svoje da on govorio i da ga niko ne prekida, ni kada je nosao plakate sa DIF-ovcima, ni kada je nosao plakate Nemojte biti roblje, ni kada je donosio ove kapi, on o sebi govori. Ali je ovo institucija čiji rad i dignitet se mora zaštititi. A zbog kriminalaca koje brani

Zahiragić ja i dalje hodam naoružan. Hvala vama.

Predsjedavajući:

Ispravka krivog navoda Haris Zahiragić.

Poslanik/zastupnik Haris Zahiragić:

Predsjedavajući ispravljam navode kolege Konakovića redom: da ja branim kriminalce. To je uvreda koju kolega Konaković izrekao meni i ja ovim putem tražim od njega izvinjenje jer ja u životu nikada nisam stao u zaštitu bilo kojeg čovjeka, ne za kojeg je dokazano da je kriminalac, nego za kojeg sam ja mislio da je kriminalac, za razliku od njega koji je tome bio vrlo vičan svojevremeno dok je bio u SDA. Znao im je i pjevati na skupovima. Dalje, kada je u pitanju ovo da je on kazao da je ministar, kazao je istina da je ministar, to nije navod, nisam ja njemu stavio riječ u usta, stenogram a i građani mogu premotati da je on kazao : Kolega Harise ukoliko vas je strah nazovite me. A tek kasnije je kazao da imamo ministre itd. S tim u vezi i to je krivi navod da to ja nisam rekao. Možemo ovu diskusiju odvesti u neku drugu krajnost, i ja zaista ne želim to da postignem. A kapi su bila moja odbrana od orkestriranog napada i pokušaja izvrtanja tome da sam ja taj koji pravi cirkus ili rialiti i upornim ponavljanjem toga, a posljednje dvije sjednice predsjedavajući na kojima gospodin Konaković nije bip prisutan jer je bio na moru ili bilo gdje drugo, svjedoči u prilog činjenici da jedino njegovo prisustvo još od onih kifli kada ih je ovdje jeo prave rialiti na ovoj sjednici Skupštine Kantona Sarajevo. A ja se trudim zaista, evo vidite i ovaj put da u svom nastupu štitim dignitet ovog organa. Hvala vam.

Predsjedavajući:

Replika prvo Dević pa zastupnik Dević, pa Čampara. Prije se javio.

Poslanik/zastupnik Mahir Dević:

Hvala predsjedavajući. Ma moja replika se odnosila vezano uza ovaj član 71. Skupštine Kantona Sarajevo odnosno ono što sam iznio prije glasanja na dnevnom redu, znači u stavu 1) se jasno propisuje da se čak po tačkama dnevnog reda dostavlja materijal. I znamo mi kako se taj materijal dostavljao. Ono što smo mi izmijenili u Poslovniku o radu Skupštine znači u članu 71 stav 7) pa smo dodali kazali, citiram : „, u slučajevima održavanja sjednice Skupštine Kolegija i radnih tijela na način predviđen u stavu 5) i 6) ovog člana, a u stavu 5 i 6) se govori da su to elektronske sjednice u slučaju epidemije, nekih opasnosti po javnu sigurnosti itd. Materijali se dostavljaju elektronskim putem. Znači ovaj član još više potvrđuje ovaj stav 1). Ali dobro ja već slušam pet šest puta.

Predsjedavajući:

Ispravka krivog navoda zastupnica Šahman.

Poslanik/zastupnik Bilsena Šahman:

Kolega Deviću, u septembru sam ja imala inicijativu da se prekine sa printanjem materijala prvo je bilo zbog uštede a onda iz ekoloških razloga. Tada smo bili u koaliciji SDA; SBB i DF i vi ste svi to jako podržali, tada je i opozicija to podržala, a tada smo radili sjednice uživo, nismo bili online. I to nije bilo vezano za online sjednice nego je bilo za sjednice koje smo tada odražavali isto ovako uživo, i po kancelarijama. Tako da nemojte se na to osvrutati, vi ste tada glasali za to. I nije bilo tada pomena o online sjednicama. Zahvaljujem.

Predsjedavajući:

Zastupnik Vedran Jakupović.

Poslanik/zastupnik Vedran Jakupović.

Pošto kolega Dević očigledno ili ne znam možda mu se priviđaju riječi neke u članu 71. ja ću ga pročitati ako treba i pet puta ovaj koji stoji u Poslovniku. Kaže: „poziv za radne sjednice upućuje se, ne dostavlja nego upućuje se, što ima više logike elektronskim putem. Moje nekako čitanje ovog jezika. Upućuje se. Poslanicama/zastupnicima, predsjednicima radnih tijela Skupštine, Vladi i ostalim učesnicima skupa s prijedlogom dnevnog reda i materijalima po pojedinim tačkama dnevnog reda.”. znači kada? Najmanje 12 dana prije održavanja sjednice. Ne kako? Nego kada. Upućuje se. Kako će ga uputiti to ne znamo. A to kako smo mi radili, kako se ranije upućivalo itd to ne stoji. Dakle nemojte ovdje ubacivati riječi pisano, printano ukoričeno itd. To ne stoji. A ove dodatne stavke koje smo dodali u članu 71 su isključivo donese zbog korone, odnosno online sjednica. Kada je izričito rečeno da je to elektronskim putem. Hvala.

Predsjedavajući:

Zastupnik Dević.

Poslanik/zastupnik Mahir Dević:

Evo da nastavim naravno. Pročitat ću samo ovaj dio, ne cijeli član, kaže skupa sa prijedlogom dnevnog reda i materijalima po pojedinim tačkama dnevnog reda. Ja sam kao zastupnik u Skupštini Kantona Sarajevo dobio dnevni red. Ja ovdje ne pričam ni elektronskim putem, ni printanim putem, ni ne znam kojim putem. Evo to je ovo kolegice Šahman možda vama odgovor. Možda se ja i vi tu ne razumijemo. Ja ga nisam dobio dnevni red ni elektronskim putem, materijal. Dnevni red jesam. To ću vam pokazati s tačnim datumom. I to ćemo poslati kao prilog kada budemo podnosili apelaciju. Ali dobro da se ne raspravljamo na ovu temu. Meni je degutantno da sedam puta mi budemo u pravu i sada mi kao ono sedmi put ovo nešto kao obrazlažemo. Mi smo ponovo, nismo mi u pravu, nije to tako. I uvijek nam objašnjavaju isti ljudi i mi pokažemo da smo u pravu, pazite. To je više stvarno. Mene bi bilo stid da ja imam kontra situaciju. Da me je neko u Skupštini upozoravao pet puta i pet presuda i ja opet govorim ovo je OK, nisi ti OK. Mislim to je takva zamjena teza da je nevjerovatno. Ja sam ovo naravno replicirao da odgovorim radi javnosti. I na kraju krajeva nemam potrebe da mi više ovdje na ovu temu razgovaramo. Vi ste usvojili dnevni red, krenula je sjednica u realizaciju svojih tačaka, vi idete u tom pravcu, mi idemo prema apelaciji i to je kristalna stvar. Mi smo kao odgovorna opozicija upozorili prije usvajanja dnevnog reda, da se ne ide u ovom pravcu kao što smo pet puta prije upozorili. Ja ovdje nisam pričao ni o printanim materijalima, ni o elektronskim materijalima, već o dostavljenim materijalima. Tako da, evo možemo ovo završiti naravno ukoliko bude ići ću ja u ispravku krivih navoda i replike bespotrebno. Evo odmah ide ispravka krivog navoda.

Predsjedavajući:

Ispravka krivog navoda zastupnica Vildana Bešlija.

Poslanik/zastupnik Vildana Bešlija:

Evo sada, sada se čuje. Zaista sam pokušala biti tolerantna ali ovo stvarno vrijeđa inteligenciju i svih nas ovdje i gledalaca i građana Kantona Sarajevo. Igramo se riječima. Evo ja ću sada. Možda za početak da pročitate poziv za sjednicu kolega Dević idući put do kraja. Dobili smo na mail poziv za sjednicu gdje tačno piše sjednica kada će se održati, šta je dnevni red, pobrojane sve tačke dnevnog reda, kada već moram ovako da govorim, i na kraju imate materijal možete naći na web stranici, pa linkovano kada kliknete na to, odvede vas direktno na to i uz poziv za sjednicu dostavljamo vam dio odgovora na poslanička zastupnička pitanja, kao i zapisnik sa 34. Radne sjednice Skupštine Kantona Sarajevo. Nema greške ni jedne. Znači čak ni gramatičke. Samo treba pročitati do kraja poziv za sjednicu. Hvala vam.

Predsjedavajući:

Zastupnik Vedran Jakupović ispravka krivog. Oprostite, mislio sam da hoćete da nastavite. Ispravka krivog navoda zastupnik Dević.

Poslanik/zastupnik Mahir Dević:

Možda vi ove procedure ne razumijete dovoljno, koliko mi čitamo mislim da nam u prilog ide ovih šest presuda Ustavnog suda, tako da ćemo to koristiti kao argument koliko čitate vi, a koliko čitamo mi. Ako vam je bila namjera da malo to nešto kao uvrijedite što ne čitamo, znači ja sam postavio pitanje. Nemojte dobacivati mislim nema smisla. Ja sam kolegici kazao i kolegama da ja nisam kao zastupnik dobio materijal. I ja stojim pri tim stavovima i mi ćemo te stavove dokazivati naravno pred relevantnim institucijama. I stvar je tu kristalno jasna. Ko misli da jeste dobio materijal nek dokazuje da ga je dobio. Mi ćemo dokazati da ga nismo dobili. I na to smo upozorili. Eto, to je sva suština stvari da ne gubimo vrijeme dalje bespotrebno. Ako treba evo idemo.

Predsjedavajući:

Ispravka krivog navoda zastupnik Jakupović.

Poslanik/zastupnik Vedran Jakupović:

Kolega Dević je krivo naveo da je nekada ranije dobijao materijale, nije ih nikada dobio nikako on. Dobio ga je Klub ranije kada smo dobijali one hiljade listova papira isprintanog. Nikada ga mi pojedinačno nismo dobili, niko, osim članova rukovodstva i klubovi. Nikada ga ni vi lično osim ako ne smatrate sebe samog glavnim gazdom jedinom osobom od važnosti u klubu. To je jedan krivi navod. Kada govorite pomenete da ste u pravu. Niste u pravu, oduzeli ste, evo sada je 14,20 i vi ćete kao sada završiti time što ste rekli da ste u pravu. Naravno, idite na apelaciju nije problem nikakav. Ako hoćete možete dobiti video da zamolimo za gospodina Devića i sljedeći put i printano i elektronski i goluba i na konju ako hoćete da vam dostavimo. Zna se šta znači uputiti materijal u 21. vijeku.

Predsjedavajući:

Ispravka krivog Dević.

Poslanik/zastupnik Mahir Dević:

Netačan je navod kolege da nismo dobijali materijal na redovnim sjednicama prije nego što smo krenuli online. Neću dalje da mu obrazlažem. Naravno da smo dobijali materijal. Ja sam dobijao materijal. A sada ga nisam dobio. I na kraju krajeva evo bespotrebno je da raspravljamo. Vi mislite jedno mi mislimo drugo. Idemo dalje u proceduru, vidjet ćemo ko će biti u pravu. Upozoreni ste, vi nastavljate po svojoj inat politici kao što radite već godinu dana, mi godinu dana govorimo zato imate situaciju tri neustavna ministra, sada ćete imati četvrtog, pa ćete ponovo Zakon vraćati. Pa ćete morati cijelu Vladu imenovati, ne samo dio. To su vaše odluke.

Predsjedavajući:

Ispravka krivog navoda zastupnik Konaković.

Poslanik/zastupnik Elmedin Konaković.

Konstantno ponavljanje neistina treba da ostavi neki dojam u javnosti. Ponovo Dević kaže imate tri neustavna ministra. Pitam ga da li je na snazi eventualno neka presuda Ustavnog suda koja nije implementirana od strane Skupštine Kantona Sarajevo? Koji su to neustavni ministri. Još jednom Vlada Kantona Sarajevo kao najozbiljniji organ izvršne vlasti u ovom

državi u zraku hvata presude Ustavnog suda implementira ih kao što je i red. I zadnju je implementirala. Dakle neistina ko zna koja od kolege Devića, ne možete ih nabrojati. I da imamo tri neustavna ministra. Dakle to je potpuno netačno.

Predsjedavajući:

Jeste li vi završili kolega Deviću? Zastupnik Dević.

Poslanik/zastupnik Mahir Dević:

Hvala. Ovaj dio je tačan što je kolega Konaković kazao, u ovom momentu mi nemamo, u ovom momentu nemamo tri ministra koji su neustavni. Mislio sam na prethodnu proceduru ta tri ministra i očekujemo da će biti vrlo brzo. To znaju i oni čim kreću u ovu vrstu proceduru. U pravilu ne govorim neistine nego samo ono što pročitam i što smatram da je tačno, tako da je to ispravka krivog navoda. Ovaj put kojim idete sada prema Zakonu uvodi tog četvrtog i uvodi da će se morati imenovati cijela Vlada ako ne budete imali pravnog kontinuiteta ali to će naravno na Zakonu diskutovati kada dođemo do toga. Tako da predsjedavajući vi ovo što se mene tiče ukoliko nema dalje ispravki krivog navoda, replika, možete odmah završiti, mi smo svoje kazali, mi idemo u proceduru. Vi mislite da mi nismo u pravu, mi mislimo da niste vi, da će biti 7:0. Eto vidjet ćemo. Eto to je to. Jednostavno.

Predsjedavajući:

Replika zastupnik Aljoša Čampara.

Poslanik/zastupnik Aljoša Čampara:

Zahvaljujem predsjedavajući. Pa ja imam na dva pitanja da odgovorim gospodinu Zahiragiću pošto ne zna gdje sam rođen, interesuje ga. Dakle ja sam rođen gospodine Zahiragiću u Dubrovniku. To je jedan lijepi grad, jedna svjetska turistička destinacija i kulturna. Jako bliska i Sarajevu. Ne znam što vas je to posebno interesovalo, mada sam samo tamo rođen, cijeli život živim u Sarajevu. A porijeklo mi je hercegovačko. Dakle roditelji su mi iz Gacka, i imam gatačko porijeklo na koje sam jako ponosan. Ne bih ga mijenjao ni za briselsko. To je jedna stvar. Druga stvar na šta sam mislio kada sam govorio o koridi. Mislio sam na one najprimitivnije istupe ili nastupe na tim nekim koridama koji se dešavaju. To mi je bila neka vrsta posjetnice da uporedim sa pojedincima ovdje u Skupštini Kantona Sarajevo kako se ponašaju. Hvala.

Predsjedavajući:

Predlažem da se vratimo na tačku dnevnog reda. Replika zastupnik Zahiragić.

Poslanik/zastupnik Haris Zahiragić:

Ja sam kolegi Čampari to apostrofirao, pitao ga gdje je rođen s obzirom da ja u ambijentu i kada želim da pronađem neko upoređivanje nije mi emanentna korida. Nisam nikada u životu, možda i na žalost, možda to nije moja prednost, možda je to moja mana, prisustvovao koridi. On evidentno jeste pa zna ta ponašanja. Zamolio bih ga kasnije da mi objasni kakve su to vrste ponašanja na koridi, šta se tamo dešava. Hvala vam.

Predsjedavajući:

Ispravka krivog navoda zastupnik Aljoša Čampara.

Poslanik/zastupnik Aljoša Čampara.

Dakle ja bih zamolio opet da se ne obmanjuje javnost da se ne stavljaju riječi nekome u usta koje nije izgovorio. Ja niti sam govorio da ste vi bili na koridi, niti me interesuje da ste bili ni da niste bili. Niti vi imate pravo da govorite da li sam ja bio ili nisam bio. Evo nisam bio, ali

ne bitno i da sam bio. Ali to je sve dostupno i na TV i na YouTube kanalima. Ali je činjenica da se pojedinci ovdje ponašaju kao pojedinci primitivci koji se mogu vidjeti na tim dešavanjima. Hvala.

Predsjedavajući:

Dobro. Predlažem da se vratimo na ovu raspravu. Zastupnica Jasmina Bišćević-Tokić. Da vas samo podsjetim ne znam pretpostavljam da zastupnica Bišćević-Tokić zna Nacrt Zakona o ministarstvima i drugim organima uprave Kantona Sarajevo. Tako da za sve druge zastupnike koji se budu javljali, rasprava je o ovoj tački. Izvolite zastupnice.

Poslanik/zastupnik Jasmina Bišćević-Tokić.

Hvala predsjedavajući. Pa evo prije svega nekako uvijek ispade da napadamo premijera Fortu. Na žalost nije nam to cilj ali s obzirom da je on danas obrazlagao ovaj nacrt Zakona i odgovarao na pitanja moram opet njemu uputiti neke kritike. Na žalost istina je da su se pozvali na pravni osnov tačnije na dva člana Zakona, u to član 46 i član 73. evo između ostalog znači član 46 Zakona o organizaciji organa uprave u FBiH kaže evo decidno ću pročitati: „kojim je utvrđeno da se kantonalni organi uprave i kantonalne upravne organizacije osnivaju i ukidaju i njihov djelokrug utvrđuje kantonalnim zakonom o organizaciji i djelokrugu kantonalnih organa uprave i upravnih organizacija”. Zatim član 73. istog Zakona kojim je propisano postupanje u slučaju ukidanja jednog a osnivanja drugog organa uprave ili upravne organizacije. Ministrica Brčić mi je na prošloj sjednici, vezano za ovaj član 73 rekla da je bila greška i da nije vidjela da je stavljen u preambulu. Opet je stavljen, međutim ni jedan član nacrt Zakona se ne odnosi na prestanak rada i osnivanje novog organa koji nama predstavljen kao nacrt ovog Zakona kao ni preuzimanje prava i obaveza od novog subjekta koji su nosioci tih prava i obaveza kao i prestanak rada onog subjekta koji je bio nosilac prava i obaveza po Zakonu koji prestaje važiti, a kao pravni osnov za donošenje ovog Zakona pozivaju se upravo na članove 46 i 73. Na žalost premijeru ovakav nacrt Zakona nema pravni osnov. Izuzev članova 18 koje ste naveli Ustava Kantona Sarajevo, odnosno šta su vaše nadležnosti. Dalje propuste koje ste napravili jesu da član 4 stav 1) alineje 4) Uredbe o postupku i načinu pripremanja izrade i dostavljanja propisa, koji kaže da nacrt Zakona mora ići i mora biti utvrđen programom rada. Ako se radi o propisu koji nije utvrđen i nije uvršten u program rada morate imati razlog za njegovo predlaganje. Iako vam je Ured za zakonodavstvo dao mišljenje da je pripremljeno u skladu sa Uredbom i postupkom i načinom pripremanja, na žalost evo ja moram opovrgnuti navedeno mišljenje jer mi je ministrica rekla kako nije bio uopšte uplaniran u Program rada. Međutim sam barem očekivala da će nekako biti neko obrazloženje i vi kao nosilac izrade propisa, ili Ministarstvo da kažem pravde, nije dostavilo navedeno izjašnjenje, a nije mi bilo jasno, Zakon je mijenjan prije mjesec dana. I naravno da nije bio predviđen programom rada. Ako spomenemo član 47 pravila i postupka za izradu Zakona i drugih propisa FBiH onda je decidno propisano sljedeće: ako se mijenja ili dopunjuje 50% i više članova osnovnog teksta potrebno je pristupiti donošenju novog propisa. Međutim, iz nacrt Zakona vidljivo je svima da ne obuhvata 50% izmjena navedenih Zakona te je pogrešno što se pristupilo izradi novog Zakona, umjesto eventualno da se radila izmjena ili dopuna navedenog zakona- kada sam vas pitala za inicijative koje su bile uopšte razlog za donošenje ovakvog nacrt Zakona, tačno je da stoji da je samo 2020 godina. Ja bih volila da sam dobila uz ovaj materijal te inicijative jer bih u suštini potvrdili da ovaj stvarno se na osnovu toga mijenja ovaj Zakon, međutim ostavit ću za sebe svoje mišljenje. Smatram da nisu inicijative uzrok ovog mijenjanja Zakona, a to potvrđuje član 28. vašeg nacrt Zakona kojim usvajanjem ovoga Zakon o ministarstvima stavlja van snage Zakon o organizaciji o kojem je maloprije kolega Zahiragić govorio. Evo radi javnosti i radi stenograma, malo ću više obrazložiti kada se radi o ovim inicijativama Eko akcija, odnosno udruženju građana Eko akcija i udruženje (nerazumljivo) centar u BiH, oni su se odnosili na zaštitu vode i prava na

vodu, u smislu onemogućavanja privatizacije vodnih resursa i privatizacije vodo-opskrbe stanovništva, međutim iako su inicijative bile hajd da kažemo bile opravdane, nije mi bilo jasno šta smo čekali ako su inicijative došle 2020 a već smo dva puta mijenjali ovaj Zakon do sada. Ako su opravdane zašto ih nismo ranije uvrstili i zašto nismo da kažem o njima ranije diskutovali. Ali ono što je još po meni zbunjujuće zašto je Ministarstvo pravde uopšte razmatralo ovakve inicijative. Po meni je ovakve inicijative trebao razmatrati Ministarstvo privrede ili ministar privrede a da se Ministarstvo pravde proglasi nenadležnim za donošenje ovakvih inicijativa. Uvidom u Zakon koji je trenutno na snazi, član 12 istog propisuje nadležnosti i to da Ministarstvo privrede vrši upravne i stručne poslove koji su naravno utvrđeni i Ustavom i zakonom i svim drugim propisima a oni se u suštini odnose na ostvarivanje nadležnosti Kantona u oblasti privrede, e vodoprivrede, poljoprivrede, šumarstva i da ne nabrajam da kažem sve koje su nadležnosti Ministarstva privrede. S obzirom da na navedeno da je zaštita vodnih resursa oblast svakako vodoprivrede, smatram da je nadležnost za ovakve inicijative trebalo nositi Ministarstvo privrede koje ja u principu nisam vidjela u ovim materijalima i utvrđena je naravno zakonom, koji evo sada sam rekla već i na snazi člana 12. Dopuna nadležnosti Ministarstva privrede kao zaštita vodnih resursa ja mislim da je nepotrebna jer u Zakonu evo premijeru postoji već ta nadležnost, sada sam pročitala i u skladu je sa svim pravnim aktima, kako Skupštine tako i Kanton Sarajevo. Ne samo da nadležnost postoji ovakva u Ministarstvu privrede nego i postoji i organizaciona jedinica, ali evo ministar Delić nije tu, on bi mogao i više nešto da kaže o tome, to je Sektor za energetiku, industriju i opet vodoprivredu, poduzetništvo, investicije u čijem sastavu je odjeljenje za vodoprivredu. I naravno njihove nadležnosti su urešivanje režima vode, zaštita voda, i vodotoka od zagađivanja. Tako da definitivno smatram da su ove inicijative i ako su, opet ponavljam, trebale ići, i ako su osnovane, trebale su ići ranije, ali smatram da ove inicijative i navedena dopuna je nepotrebna jer ta nadležnost već postoji. Dalje za razlog donošenja novog Zakona navodi se da je od donošenja osnovnog teksta Zakona prošlo više od 13 godina, barem je tako i ministrica nama rekla na prošloj sjednici, te je u tom periodu doneseno više izmjena dopuna i ispravki propisa pa je Ministarstvo pravde i uprave ocijenilo da je radi preglednosti i svrsishodnijeg donijeti novi propis iako se Ministarstvo pravde nije obaziralo na član 47 koji sam rekla. Također, pitala sam ministra premijera vezano za, kojim članom Ustava Kantona Sarajevo je propisan redoslijed nadležnosti ministarstava iz člana 6. nacrta Zakona na osnovu kojih je izvršeno usklađivanje? Pitala sam iz razloga zato što je jedan i to bio od razloga gdje se objašnjavalo zašto je ovakav nacrt Zakona došao u skupštinske klupe. Međutim ni to nije tačno što je bio jedan od pravnih, i obrazloženje nacrta Zakona. Uvidom u odredbe Ustava Kantona Sarajevo koje se odnose na nadležnosti koje obavljaju ta Ministarstva može se vidjeti da redoslijed Ministarstva ne odgovara navedenom jer vjerovatno je da je isto tačno bilo bi i priloženo kao što su članovi Ustava, član 18 i član 30, koji ne navode nadležnosti niti redoslijed nadležnosti ministarstava. Ja sam stvarno pokušala, pripremajući se za prošlu sjednicu naći članove Ustava Kantona koji bi obrazložili te redoslijede međutim.

Predsjedavajući:

Moram vas zastupnice Bišćević-Tokić upozoriti na vrijeme, deset minuta je prošlo.

Poslanik/zastupnik Jasmina Bišćević-Tokić.

U ime Kluba govorim. Nisam premijeru stvarno mogla naći, otvarala sam sve zakone, nisam mogla decidno naći o kojem članu Ustava je riječ. Također kao razlog za donošenje Zakona navedeno je da pored naprijed navedenih izmjena i dopuna koje su izvršene u odnosu na tekst Zakona o organizaciji i djelokrugu organa uprave i upravnih organizacija u Kantonu Sarajevo, izmijenjen je i sam naziv ovog Zakona. U suštini razlog je da bi se uskladio sa nazivom Zakona koji reguliše istu oblast na nivou Federacije BiH, i u drugim kantonima u FBiH, međutim nije ni to tačno jer je naziv trenutno važećeg Zakona o organizaciji djelokrugu

organa uprave i upravnih organizacija u skladu sa nazivom Zakona o organizaciji organa uprave u FBiH u odnosu na dostavljeni nama nacrt Zakona, Zakon o ministarstvima i drugim organima uprave. Iz ovog svega što sam navela, a smatram da su sve ovo procedure koje prekršene prilikom donošenja ovog i stavljanja prije svega nadam se da neće biti ovakav nacrt Zakona danas izglasan na Skupštini Kantona Sarajevo. Moram reći opet da je suprotno Ustavu, zakonima i podzakonskim aktima koje smo na neki način dovedeni u zabludu, prije svega počev od samog pravnog osnova za donošenje ovakvog Zakona. Kolega Konaković je već na početku rekao da ovo sve već ulazi u javnu raspravu i ja vas molim premijeru iako danas pretpostavljam da će se ovakav nacrt Zakona usvojiti da povedete računa o svim stvarima koje sam sada obrazložila i o decidno na sve propuste ukazala, na neki način nisam se htjela da kažem sa kolegom Konakovićem na replike javljati jer mislim da su, barem evo prije svega za sebe, svaki put naše konstruktivne ideje i primjedbe vezano za bilo koji Zakon, bilo koji nacrt, smatram da nismo destruktivni kao što je rekao, baš suprotno, mislim da prilazim odgovorno svim materijalima, svakoj Skupštini Kantona Sarajevo. Evo i maloprije sam upozorila na neke propuste vezano danas za izvještaje koje razmatramo da nismo dobili materijale. Tako da definitivno mislim da ste pogriješili kada ste rekli da smo destruktivna opozicija. Zahvaljujem.

Predsjedavajući:

Zastupnica Segmedina Srna Bajramović prva diskusija.

Poslanik/zastupnik Segmedina Srna Bajramović.

Hvala predsjedavajući. Pozdravljam sve prisutne. Pa evo ja moram stvarno reći da je malo egzotičan dnevni red danas kada na sjednici imamo Zakon o ministarstvima odmah nakon njega zamjenu resornih ministrica u smislu predlagrača akta. No, vjerujem svakako kako navedena tranzicija neće predstavljati nikakav problem za daljnji proceduralni put ovom Zakonu iz forme nacrtu u prijedlog. I uzimajući u obzir obrazloženje Zakona, stvar je manje više jasna iako je s prošle sjednice jasno ostala sporna procedura kroz terminsku realizaciju. Moram naglasiti da u zadnje vrijeme vrlo često Kolegij sam po sebi gubi svrhu jer se preglasavamo na stvarima koje naprave ozbiljan problem. Žao mi je što ovo moram reći, jer nakon toga svjedočimo naknadnom dozivanju proceduralnih mišića pred TV kamerama izbjegavajući činjenicu da smo mi najodgovorniji i da platu primamo za rezultat a ne za pametovanje. To što smo mi preskočili Kolegij u smislu njegove uloge pa na TV ispali pametni oko procedure, inateći se jedni drugima bespotrebno, za rezultat ima da mjesecima odlažemo primjenu rješenja građanima za okje nas oni redovno kroz poreze plaćaju. Zato bih stvarno željela da u ovoj Skupštini procedura prestane biti predmet rasprava tako što ćemo se u pripremi sjednica svi potruditi da ona bude nesporna, da sve akte potpuno oslobođeni raznih prijetnji Ustavnim sudom isključivo komentarišemo kroz sadržajno takmičenje ko će ponuditi bolje zakonsko rješenje. Na kraju, kratko ću ovaj put, želim pozvati sve stručnjake iz ove oblasti da se uključe i da nam pomognu da Zakon u javnoj raspravi, odnosno nakon javne rasprave bude još bolji. Toliko hvala.

Predsjedavajući:

Zastupnik Elmedin Konaković.

Poslanik/zastupnik Elmedin Konaković:

Hvala predsjedavajući. U deset smo mi krenuli. 14,40. dakle imali smo opravdane pauze evo još jednom jedna tačka traje tri, četiri sata pa neka procijeni javnost koliko smo konstruktivni svi redom. Ovaj osnovni tekst Zakona kao što u obrazloženju piše nastao je prije 13 godina. 13 godina od osnovnog teksta. Nakon njega nekoliko puta smo mijenjali organizaciju djelokruga rada Vlade prije svega, ali i drugih dijelova javne uprave. Zajedno smo mi dok

smo bili jedna stranka razdvajali i spajali Ministarstva. I tada smo, pogledao sam procedure, pravili slične greške. Nije bilo zlonamjernih da iskoriste neke proceduralne stvari jer suštinski je bilo potrebe tada po procjeni vladajuće strukture da se naprave dva nova Ministarstva, da se neka spoje zbog obima djelokruga posla. Mi smo donošenjem Zakona o građenju 2017 značajan dio aktivnosti prebacili na lokalne zajednice u prostornom planiraju. Podsjetit ću da je izrada urbanističkih i regulacionih planova prebačena na Grad i ustvari prije svega na opštine. U skladu sa politikama, svim politikama. Čini mi se tu niko nije imao dilemu da je taj koncept jačanja lokalne zajednice potpuno neupitan. Druga važna stvar je bila što smo godinama ovdje bili svjesni da Ministarstvo obrazovanja ne može voditi ni jedan čovjek, ni jedna osoba, ni jedna žena na 300 miliona godišnje sa 200 i nešto funkcionera, dakle direktora ili Rektora ili dekana. To je stalno bila tema. I napokon smo se dogovorili da tu stvar razdvojimo. I danas su ovom Zakonu tako stvari poredane. Nakon 13 godina različitih promjena, izmjena, Vlada u obrazloženju kaže jedno potpuno suvislo obrazloženje: uz dvije nove prevažne okolnosti. Dakle jedna, kako god se činila, i čija god inicijativa bila zapravo dovodi u pitanje nadležnost kada je riječ o privatizaciji vodnih resursa i upravljanju vodnim resursima. Jel to bila greška? Jeste. Što se nije predvidjelo u Zakonu koji je na snazi da se reguliše pitanje kome u čijoj nadležnosti, ko je odgovoran za upravljanje vodnim resursima. Nebitno je li Eko akcija, što nije iz 2021, evo što nije 20? slažem se. Kolegica Bišćević-Tokić je u pravu. Što nismo odmah? Ne znam. To je pitanje ko je nas može skupo koštati ukoliko ga ovim predmetnim zakonom mi ne riješimo. Druga prevažna stvar koju smo također zanemarili jeste obrazovanje odraslih. Dakle jedan proces koji je važan, koji je jedan vrhunski ministar Kazazović ovdje stavio na mjesto koje mu pripada. Izradama tih propisa počela je popravljavanje grešaka u oblasti obrazovanja u kojem se dodatnom edukacijom ljudi osposobljavaju za posao na tržištu rada u onim branšama u kojim se traže. To je druga važna stvar. Da nema veze to sa procesima na Ustavnom sudu, ili sa nekim drugim odlukama. Evo povećat ćemo danas javnu raspravu, produžit ćemo je, pričali smo po hodnicima. Ona treba da traje 30 dana. Slažemo se s kolegama iz SDA i time razbijamo kompletan taj pristup kako je to na brzinu, daj požuri, neka Ustavni sud. Pa šta? Ustavni sud će ponovo zasjedati ponovo će donijeti odluku o apelaciji. Ako ne bude povrede, nastavljamo. Ako bude povrede popravimo. Od toga se ne pravi nikakva drama. To je presuda Ustavnog suda, ona govori o procedurama, o procesima. Uopšte ne ulazi niti će ući u merituma naših odluka i politike kako je mi vidimo. Dakle, razumijem ja naravno i opozicija da to radi s malo manje teatra vjerovatno bi bila učinkovitija. Ovako eto oni misle da tako treba i nemam ja ništa protiv. Ja ponovo kažem davao bi im svoje minute. Ovaj Zakon u nacrtu ima potpunu logiku da se i zove onako kako se zove federalni i kako se zovu drugi kantonalni. Dakle ta četiri pet tih ključnih argumenata koje je Vlada navela u obrazloženju niko o njima ne govori ja sam želio. Dakle oni su za nas prevažni, javna rasprava treba da traje duže i zbog činjenice u kojoj se potpuno slažem s kolegicom Snom Bajramović da imamo novu ministricu vjerovatno koja treba da vodi ovu proceduru. I da damo ženi vremena barem mjesec dana da uđe u meritum, da čuje ljude, da čuje struku i da eventualno neke korekcije koje su svrishodne, koje imaju smisla ugradi u novi predmetni prijedlog Zakona. Na kraju samo jedna mala digresija, nisam maloprije stigao. Ne znam za šta me je optužio kolega Zahiragić neke tabloidne neke istorijske. Ja ne znam o čemu se tu radi. Ja sam tu mislio na njegov koncept ponašanja u Skupštini Kantona. Nisam rekao ni jednu riječ o nečemu što on kaže da piše u nekim tabloidima. Ne vodim se time u raspravama na skupštinama. Hvala.

Predsjedavajući:

Druga rasprava zastupnik Mahir Dević. Oprostite zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Pa ne znam nakon svega ovoga koliko ima smisla da govorimo

nešto konstruktivno vezano za ovu tačku dnevnog reda jer je i ona kao i ova sjednica iskompromitirana na način na kojim smo pristupili rješavanju ovog problema. Mislim da je to jedno od gorućih pitanja iz prostog razloga kako bi se vratili na neki kolosijek jer totalno smo van kolosijeka. Meni je iskreno žao što moje nastojanje i traženje pauze od pola sata kako bi se smirile strasti da se vratimo na neki način na kolosijek i da raspravljamo o ovoj veoma bitnoj temi, mi smo se toliko udaljili i iskompromitirali i na neki način ostavili gorak utisak kod svih građana, e vo kada pročitate samo poruke, samo kakav je to pozitivizam itd da ne nabrajam. I da ne vraćam na te stvari. Nisam se javljao za bilo kakve replike, ispravke krivih navoda jer ne donose ništa dobro. I evo sada ono što me posebno raduje nakon više od četiri sata mi pokušavamo i počinjemo da radimo. Znači ova sjednica je počela na četiri i po sata mučnine, bure itd. Predsjedavajući, ja vas molim što se tiče ovog nacrtu Zakona mi ćemo u principu kao i sve do sada, kao SBB podržati ovaj nacrt iz prostog razloga da damo šansu ali znamo u potpunosti ko snosi odgovornost za slučaj da se desi ponovo apelacija. Mi smo to radili i ranije. Napredne ideje podržavamo. I mislim da je to zdrava logika i mislim da je to način na koji treba ovdje da pristupamo. Što se tiče predsjedavajući vidite da nisam se javljao ni za replike. Dostavljanje materijala, upućivanje, može se uputiti i poštom materijal. Ja nisam dobio ni dnevni red, nisam dobio ni poziv ali sam bio na sjednicama Kolegija i smatrao sam da ne treba od toga da pravim bilo šta, upoznao sam kolege sa onim šta se dešavalo na kolegijima, i nisam dobio nikakav materijal, ni dnevni red, ni poziv. Ali smatram kao odgovoran zastupnik da sam bio na sjednicama Kolegija i da znam kada je nastavak sjednice i kada je sjednica. Dakle toliko o dostavljanju i na neki način efikasnosti onih koji trebaju da nas obavještavaju o takvim stvarima. Dakle što se tiče ovog nacrtu znamo ko će snositi odgovornost ukoliko ne uspije kroz ovu javnu raspravu slažem se da bude 30 dana, jer je veoma složena osjetljiva problematika i sasvim sigurno o tome treba razgovarati. Ovo što mi podržavamo dakle, nastojanja da u neku ruku uđemo u i počnemo raditi zapravo zbog čega smo ovdje, može neko protumačiti da mi pomažemo sa jedne strane, ja sam čuo to na hodniku. Kaže SBB pomaže ovoj poziciji da utrči u ofsajd. Da bi poslije bila kažnjena. S druge strane evo kaže pomaže smjenu svojih kadrova tako što održava kvorum. Jeste neprincipijelno, ja sam to rekao čak i u medijskim istupima i vrlo je licemjerno, cinično, da mi kao opozicija čiji se kadrovi smjenjuju predstavnici u preduzećima osiguravamo kvorum. To je vrlo nekorektno. Ali smo jutros došli tu prisustvovali glasali onako kako smo mislili da trebamo da glasamo vezano za izvještaje i možda dali u neku ruku. Dakle ta tumačenja apsolutno nas ne zanimaju iz SBB-a, mi ćemo dakle dati podršku ovom nacrtu Zakona kako bi dali šansu da napokon ovaj parlament počne da radi za građane. Vrlo često a i jednom u prošlom sazivu i jednom u ovom sazivu sam rekao mi kada govorimo sa puno kritika govorimo kako tobože destruktivno djeluju i SNSD i HDZ. U Sarajevskom Kantonu ih nema i šta je u čemu je onda problem? U čemu je onda problem? Zašto nešto bolje ne napravimo nego što je to slučaj na državnom, na federalnom nivou itd. Ovdje nema ni HDZ ni SNSD. I ko je destruktivan ovdje? Sramotno je da, ali neka su ljudi vidjeli, ja sam u prvi mah htio da na neki način spriječim to i da se stišaju strasti, zatražio pauzu. Sada to nisam tražio i jednostavno sam pustio neka vide građani zapravo. Nama kompromitacija te vrste kojoj smo svjedočili možda ide u prilog. Ali zaista sam htio da počnemo raditi za građane jer smo prema njima odgovorni. Nakon četiri i po sata mi nismo ni na prvoj tački dnevnog reda. Šta smo korisno za ova četiri i po sata uradili za građane? Sramotno je. Podrška nacrtu Zakona. Zna se ko je odgovoran i odgovornost ide predlagачu i onima nadam se da su potpuno svjesni i da neće napraviti greške koje će nas skupo koštati i da nije to kupovina i da smo išli redovnim procedurama ne bi došli u ovakvu situaciju. Ali očigledno evo nekoliko je puta ovdje pominjano, i korida i šta ja znam šta je sve, pozitivizam, kapi itd. To je vrlo degutantno i sasvim sigurno da je mučnina kod građana. Dajte molim vas predsjedavajući, ja apeliram na vas ne ispuštajte sjednicu iz ruku. Dajte da završimo ono zbog čega smo ovdje. Hvala.

Predsjedavajući:

Replika zastupnik Elmedin Konaković.

Poslanik/zastupnik Elmedin Konaković:

Imam potrebu zaista radi korektno samo da kažem par stvari a glede komentara kolege Marića koji danas istina je sve potpuno što je rekao vrlo konstruktivno SBB i u prvom i u drugom dijelu baš ovako kako je on poredao pomaže da se ova sjednica odvija prije svega normalno, a time i ovim što je kolega Marić rekao ili demantira zapravo neke otpužbe koje sada vidim u javnom prostoru koje ponovo dolaze iz reda SDA, kako se po pitanju ovog Zakona zapravo tražila neka pauza da se kupuju ruke, lome ljudi, da se tu nešto trguje, da se politički ocjenjuje što su notorne neistine. Dakle nakon pauze koju je kolega Marić svrsishodno zatražio da se smire strasti, održala se pres konferencija na kojoj je učestvovala Arijana Memić ispred Kantonalnog Tužilaštva a nakon toga polaganje cvijeća na mezaru našeg heroja Safeta Zajke. Dakle u 13 sati delegacija skupštinska i delegacija vladina nas boga mi bilo nas je podosta smo iskoristili pravo da zamolimo predsjedavajućeg da se ta pauza produži kako bi smo mogli obaviti za nas važan dio dužnosti. Nisam tamo vidio ove koji nas optužuju da smo koristili vrijeme za kupovanje ruku, o čemu naravno apsolutno nema ni govora. Hvala.

Predsjedavajući:

Zastupnik Haris Zahiragić ispravka krivog navoda.

Poslanik/zastupnik Haris Zahiragić:

Uvaženi predsjedavajući, ispravka krivog navoda kolegi Konakoviću koji je kazao da smo mi, ja sam lično iznio stav da je pauza produžena s obzirom da ne postoji dovoljna većina ruku da se izabere ministar. Dakle ispravka krivog navoda jeste da ja nisam iznio stav da se skupljaju ruke za ovaj Zakon, nego da trenutno cijelo jutro u sali ne postoji 18 ruku koje inače čine vladajuću većinu u Kantonu Sarajevo i s tim u vezi da je potreban bio period konsultacija da se pronađe 18-ta ruka koja treba imenovati ministricu pravde. I u tom smislu sam ja govorio a ne o Zakonu. Svjestan činjenice da ste išli na polaganje, nije pauza morala trajati preko dva sata. Hvala.

Predsjedavajući:

Zastupnik Konaković replika ili? Ispravka krivog navoda.

Poslanik/zastupnik Elmedin Konaković:

Tačno je ovaj prvi dio što je rekao kolega Zahiragić, drugi nije. Ja sam rekao zašto i zbog čega, naša zastupnica Arijana je imala važnu obavezu, ne politiziram to pitanje i neću o njemu detaljno da govorim. I druga, za nas vrlo važna stvar jeste barem 45 minuta obaveze da se na mezar rahmetli Safeta Zajke pojavi delegacija Skupštine i Vlade, da se tamo položi cvijeće i prouči Fatiha. Za nas je to bilo bitno, i zbog toga ta dodatna pauza. Ovaj prvi dio je u pravu.

Predsjedavajući:

Zastupnik Mahir Dević. Druga diskusija.

Poslanik/zastupnik Mahir Dević:

Zahvaljujem predsjedavajući. Naravno mi kao Klub ne možemo podržati neustavno, vanposlovničko djelovanje u Skupštini Kantona Sarajevo. Vi to možete naravno nazivati primitivizam, vi to možete nazivati cirkus, vi to možete nazivati korida. Na primjer, za mene je korida da Zakonodavno-pravna komisija tri puta daje pozitivno mišljenje a onda da to pada na Ustavnom sudu. Ispravka te koride bi bilo npr da predsjednik Zakonodavno-pravna komisija da ostavku na to mjesto jer tri puta mu prolazi mišljenja koja padaju na Ustavnom

sudu. Naravno da mi ne možemo podržati Zakon koji ima sporan pravni osnov, što je potvrdila čak i ministrica Brčić. Vi to možete zvati cirkusom, možete to zvati primitivizmom, možete to zvati koridom.. ne znam već čine. Sve, naravno da mi tako nešto ne možemo podržati.

Predsjedavajući.

Ispravka krivog navoda, zastupnik Aljoša Čampara.

Poslanik/zastupnik Aljoša Čampara.

Ispravka se odnosi gospodinu Mahiru Deviću koji cijelo jutro pokušava glumiti eksperta ustavnog prava, a jako je daleko od toga. On čak ne zna ni kako se zove zahtjev koji se šalje Ustavnom sudu. On to još uvijek zove apelacija. To može na Ustavnom sudu BIH, ali ovo je zahtjev za ocjenu ustavnosti. Ustavni sud ne ocjenjuje mišljenje Zakonodavno-pravna komisija, nego Ustavni sud ocjenjuje neki Zakon, evo u ovom slučaju. Prema tome, ispravka krivog navoda ja vas molim kolega da pazite šta govorite, da pratite, da se koncentrišete. Nemojte se upuštati previše u neke stvari koje su vam jako daleke. Vi znate dok sam ja bio s vama u Klubu ja sam pisao neke zahtjeve, niste vi. I to što govorite 2:0, 3:0 itd, ja mislim da je 3:0 barem kod mene bilo. Prema tome kada spominjete nekoga, onda spomenite. Ja sam predsjedavajući Zakonodavno-pravna komisija ja imam svoje ime i prezime. U ovom sada slučaju. Ja mislim da ste vi prije bili ili neko drugi, ne znam. Bili ste član komisije. Tako da molim vas preciznim formulacijama da se služimo. Hvala.

Predsjedavajući:

Zastupnik Mahir Dević.

Poslanik/zastupnik Mahir Dević:

Vrlo precizno ponovit ću ovo dvoje prethodno. Vi možete nazivati cirkusom, koridom, pravljenjem problema, destrukcijom, blokadom Skupštine, kada Klub SDA kaže da ne može podržati neustavno djelovanje. Vi to možete tako nazivati, pazi. A pola sata iza toga možete kazati da je to nešto potpuno drugo. To je vaše pravo.

Predsjedavajući.

Ispravka krivog navoda zastupnik Aljoša Čampara.

Poslanik/zastupnik Aljoša Čampara:

Gospodine Deviću vi ako mislite ovdje da vam neko neće odgovoriti na nešto, ako ste naviknuti da će vam ljudi štitit, vjerujte mi da neće. Dakle ja ništa nisam nazivao, ja nisam uopšte nazivao odluku Ustavnog suda koridom itd. Ja vam opet sada govorim pazite šta govorite. Dakle na prošloj sjednici sam vrlo jasno ustao evo kao neko ko pripada parlamentarnoj većini, kada smo imali isto raspravu o ovom Zakonu i rekao nije prošlo 12 dana, ne trebamo ići u ovu proceduru i onda smo odgodili to. Dakle vrlo se precizno i jasno držim Poslovnika ondje gdje mogu. Druga je stvar što vi mislite da ste vi Ustavni sud. Da vi već unaprijed znate odluke Ustavnog suda, da vi prejudicirate. Dajte ljudima, ja vas molim lijepo da normalno diskutujete. Ništa vam od toga nisam rekao. Dakle na prošloj sjednici sam rekao da ako nije prošlo 12 da to nije u skladu sa Poslovnikom i tako sam i diskutovao. I mislim stvarno nema smisla da se ovdje lažemo da vršimo neke obmane, da obmanjujemo javnost. Ja se suzdržavam, stvarno ne želim da zauzima ovo vrijeme da ometam rad i zastupnika, da nas građani gledaju itd. Ali neću dozvoliti da pristajem na neku vrstu stalnog podmetanja i nekih laži, a vi nastavite tako, svaki put ćete dobiti odgovor.

Predsjedavajući:

Zastupnik Mahir Dević.

Predsjedavajući:

Kolega ja se vama nisam uopće obraćao. To što ste se vi našli prozvani, to je vaš problem. I dalje ne želim da vam se obraćam. Naravno ukoliko bude potrebe ući ćemo u niz replika. Vi ste povukli taj Zakon, kako rekoste, ali ste nastavili 20 tačaka po toj istoj nelegalnoj sjednici i danas za njih glasali. To je vaše kao pravno i poslovničko djelovanje. Ali neću tim da se bavim uopće. Ja ovdje pričam o stavovima kluba i kažem šta nam je se sporno kao Klubu da bi smo dali podršku ovome. Rekao sam, sporno je neustavno poslovnički dostavljanje materijala. Pod jedan. Pod dva, sporan je pravni osnov ovog nacrtu Zakona. Pod tri, sporna je metodologija izrade ovog Zakona jer ne trpi ovakav način izrade. Ako mijenjate dva tri člana, onda su to izmjene i dopune zakona. Sporne su završne odredbe koje ne predviđaju pravni kontinuitet ovog Zakona. Nisam ja, daleko od toga, da sam ja stručnjak ustavnog prava, niti se želim kao takav predstavljati, ali evo u ime Kluba da vam kažem šta je sporno. E sada, ako to vi nazivate blokadom, cirkusom, koridom, iznošenjem laži, kakve sve glorifikacije niste ovdje kazali na naš račun, bez i jedne teške riječi s m oje strane prema bilo kom kolegi. A evo i Kluba SDA. Bez, način da ustajete da kažete da lažemo, da pravimo cirkus da ovo da ono, mi ovdje pričamo šta je sporno Klubu SDA da damo podršku ovakvom nacrtu Zakona. Eto to je sporno. A koliko smo prošli put dobro postupili povukli smo ovaj Zakon ali smo nastavili cijeli dnevni red. Pa evo super, pošto ste to kazali i to je dobar pravni osnov direktorima koje ćemo smijeniti na bazi ovoga da i to apeliramo pa nek ljudi dođu do privremenih mjera itd. E ljudi to nije cirkus, to se zove konstruktivna opozicija koju vi ne slušate i ne želite da čujete argumente, već onda spinujete da mi pravimo cirkus, da mi ovo, da mi ono. To je potpuno netačno. Umjesto da čujete šta vam govorimo i da popravite stari. Mi smo kao opozicija u Skupštini Kantona Sarajevo uvijek pod 1. upozorili, pod 2. ponudili rješenje. Čak vam je to kolega Marić ovdje rekao u diskusiji. Za ovaj Zakon sam vas malte ne molio i rekao nemojte ići u tu proceduru, idite u redovnu proceduru, potrajat će vam pet dana više, vi bi sada imali to pitanje riješeno. Ne, vi ste odabrali put da to pitanje rješavate skoro godinu dana. I opet vi birate pogrešan put. Mi vas upozoravamo nemojte, kažemo vam idite u redovnu proceduru, idite u redovnu sjednicu, idite u redovni ostupak, uradite sve kako treba i sve OK. Ruke imate. Ne, nećete vi to da čujete. A onda naše djelovanje kada vas na to upozorimo, ponudimo rješenje, dobronamjerno, vi to nazivate pežorativnim nazivima. I ko sada onda pravi ovdje ne znam neki politički fajt itd. Ako vama kao pravniku ovih pet stvari koje smo vam sada kazali ispred Kluba nije jasno, a jasno vam je sigurno, i nije dovoljno da vi sami kažete premijeru, premijeru ovo nije OK, povucite ovaj Zakon. Što je i naš prijedlog ispred Kluba. Povucite ovaj Zakon, to smo i prošli put rekli, napravite kako treba, predložite ga u redovnoj proceduri, predložite ga u skladu sa ustavom, s pravnim osnovom, u skladu s metodologijom i nikakav problem nije. Znači vi da bi ste malo kao sakrili tu neku sada, hajde da kažem, da iskoristim kolokvijalno riječ, sramotu što ste izgubili te apelacije, vi mijenjate naziv dva člana i to nazivate sada kao novim zakonom. To je kao revolucija. Pa ljudi nazovite to slobodno izmjene i dopune Zakona i provedete tu presudu Ustavnog suda. Pa nemojte se dalje, da tako kažem uvaljivati u probleme koji će nastati. Ako ovako usvojite ovo vi ćete doći u situaciju da morate imenovati kompletnu Vladu, ako budete bez..

Predsjedavajući:

Vrijeme kolega Deviću, druga rasprava, prošlo tri minute. S obzirom da nemamo više prijavljenih, zaključujem raspravu i predlažem da Skupština po Nacrtu zakona o ministarstvima i drugim organima uprave Kantona Sarajevo donese sljedeće Zaključke:

1. Utvrđuje se Nacrt zakona o ministarstvima i drugim organima uprave Kantona Sarajevo;

2. Javna rasprava održat će se u kantonalnim organima, jedinicama lokalne samouprave, naučnim i stručnim ustanova i trajat će 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o ministarstvima i drugim organima uprave Kantona Sarajevo.

Molim zastupnike i zastupnice da pristupe izjašnjavanju o predloženim zaključcima. Molim službu da objavi rezultate glasanja.

ZA JE GLASALO 20 ZASTUPNIKA, PROTIV 6 I SUZDRŽANIH ništa.

KONSTATUJEM DA JE SKUPŠTINA DONIJELA OVE ZAKLJUČKE.

Prelazimo na tačku četiri:

AD – 4.

PRIJEDLOG ODLUKE O POTVRĐIVANJU RJEŠENJA O RAZRJEŠENJU MINISTRICE MINISTARSTVA PRAVDE I UPRAVE KANTONA SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene. Molim vas da uključite dopredsjedavajuću Danijelu Kristić.

Dopredsjedavajuća Danijela Kristić:

Zahvaljujem predsjedavajući. Obzirom da se javljam prvi put pozdravljam sve prisutne kao i gledaoce kraj malih ekrana. Od premijera Kantona Sarajevo dobili smo zapravo predsjedavajući Kantona Sarajevo je dobio Rješenje o razrješenju ministricе Ministarstva za pravdu i upravu Kantona Sarajevo. Predsjedavajući Skupštine Kantona Sarajevo je po Poslovniku dostavio komisiji za izbor i imenovanje i administrativna pitanja. Komisija se sastala i prema Poslovniku dala je mišljenje, koje glasi sljedeći:

Komisija za izbor i imenovanja i administrativna pitanja Skupštine Kantona Sarajevo na sjednici održanoj dana 19.05.2021.godine, razmatrala je ostavku Lejle Brčić na dužnost ministricе Ministarstva pravde i uprave Kantona Sarajevo. Na osnovu člana 202. Poslovnika Skupštine Kantona Sarajevo Komisija daje sljedeće MIŠLJENJE:

- prihvata se ostavka Lejle Brčić na dužnost ministricе Ministarstva pravde i uprave Kantona Sarajevo. Mišljenje se sa kompletnom dokumentacijom dostavlja Skupštini Kantona Sarajevo na nadležno postupanje.

Toliko.

Predsjedavajući:

Da li predstavnici radnih tijela žele riječ? Ima li pitanja? Zastupnik Mahir Dević, je li pitanje ili diskusija. OK. Otvaram raspravu. Zastupnica Segmedina Srna Bajramović. Izvolite, imate riječ.

Poslanik/zastupnik Segmedina Srna Bajramović:

Hvala predsjedavajući. Pa evo, ja zbilja imam potrebu da se zahvalim dosadašnjoj ministrici Lejli Brčić koja je kao žena hrabro i bez kompromisa u dva navrata nosila neke od vrlo važnih reformi u okviru javne uprave i borbe protiv korupcije. Iako se radilo o zakonima koji su trebali biti predmet mobilizacije svih nas u zajedničkom interesu, praktičnog okupljanja pozicije i opozicije sa svom pameću Kantona Sarajevo u cilju pomoći kreiranju rješenja, vrlo

često smo se polarizirali na potpuno nepotrebnim stvarima. Ali to je BiH, poznata po onoj narodnoj „Nek komšiji crkne krava i ništa nije čudno”. Na žalost takve političke polarizacije imale su za posljedicu i vrlo često blago rečeno izazovne tranzicije vlasti u Kantonu Sarajevo gdje je ministrica uvučena u nepotrebne hokejaške izmjene zakonskih projekata koje su svakako jedno inovativno političko iskustvo nama za budućnost, da više poradimo na međusobnoj političkoj kulturi koja će takve stvari činiti nepotrebnim. Vlasti nije, niti ikada smije postati pitanje biti ili ne biti. Zato moramo politički odrasti, jer ovo kako se većinski ponašamo kroz reforme koje vode različite Vlade i dalje su arena rasprava nedoraslih trenutku odgovornosti za stanje u koje su građani oni koji su jedini poraženi. Novoj ministrici želim svaku sreću kako se neću javljati na sljedećoj tački dnevnog reda uz poruku da sebično čuva struku od često preambiciozne politike koja je i u dobrim namjerama kontaminirana. Toliko, zahvaljujem.

Predsjedavajući:

Dopredsjedavajući Vibor Handžić.

Poslanik/zastupnik Vibor Handžić.

Zahvaljujem predsjedavajući. S obzirom da se javljam danas prvi put, sve vas srdačno pozdravljam i dobar dan svima. Evo kao kolegica Segmedina, dakle iskoristit ću kratko priliku da se ministrici Brčić u ime Naše stranke koja je i delegirala dva puta u Vladu Kantona Sarajevo, u Vladu šestorke i ovu Vladu, zahvalim na njenom dosadašnjem radu, da joj čestitam na tome što je od jednog Ministarstva koje je, žargonski da kažem, nije niko htio u pregovorima unazad 20 godina, napravila jedno respektabilno Ministarstvo sa svojim saradnicima. I sve akte koje je ono donosilo pokazalo da to Ministarstvo i te kako značajno i ima šta da radi kada se njime upravlja na adekvatan način. I zbog propisa koje je to Ministarstvo donijelo, ne jedino, ali dosta takvih propisa je ova Vlada u međunarodnim krugovima i spominjana jako često u smislu iskoraka koje je napravila posebno u aspektu borbe protiv korupcije. Toliko zahvaljujem.

Predsjedavajući:

Zastupnik Elmedin Konaković.

Poslanik/zastupnik Elmedin Konaković:

Hvala predsjedavajući. Kada sam bio na čelu Vlade Kantona Sarajevo 2015-2017 godine Mario Nenadić je zapravo to Ministarstvo doveo u jednu dimenziju za koju mi nismo znali da postoji niti smo bili svjesni koliko je to Ministarstvo bili bitno. On je svojim vrhunskim radom na toj poziciji zaista u Kantonu Sarajevo uradio jako puno posla i nekako iskopao temelje važnosti ovog Ministarstva, pogotovo u oblasti borbe protiv korupcije i transparentnosti kroz masu propisa kojima smo mi ako se sjećate od onih visokih plata, nerealno zarađenih direktora u javnom sektoru, pa dalje, pokrenuli neke važne procese. Bio je toliko dobar da smo sumnjali da neko na tom mjestu može raditi bolje. Ja mogu reći da je Lejla Brčić radila još bolje. Dakle ona je u tom prvom dijelu u kojem smo usvojili registre uposlenih, registre imenovanih, u kojima smo na svakom sastanku međunarodnim institucijama bili laureati, zapravo prvaci borbe protiv korupcije, zaista taj svoj dio posla odradila vrhunski. I imamo potrebu da joj se na cjelokupnom angažmanu u Skupštini Kantona Sarajevo na taj javno zahvalimo. Bilo je naravno i trenutaka u kojima razmišljamo drugačije, to je potpuno logično u politikama, ali je sigurno neko ko je ostavio dubok trag i ko iza sebe ostavlja ozbiljne propise koji su prepreka i korupciji i kriminalu, a s druge strane veliki su oslonac transparentnosti procesa u Kantonu Sarajevo. Hvala.

Predsjedavajući:

Zastupnik Damir Marjanović.

Poslanik/zastupnik Damir Marjanović:

Ja se zahvaljujem. Osnovna kultura je da bliskim suradnicima uvijek poželite uspjeh u daljem radu, a pored osnovne kulture ono što vas mora nagnati jeste jedan fenomenalan nivo saradnje da stvarno e ovako na kraju, iako kolegica Lejla nije tu, kažete da je bila čast i zadovoljstvo raditi sa kolegicom Lejlom, pa čak i kada se nismo slagali oko svega, kolegica Lejla je pokazala više puta da i kao ministrica, i kao politička figura ali i kao pravnik uvijek može da pronađe jedno konkretno i dobro rješenje. Moj komentar sam dao i onog momenta kada sam saznao da je kolegica podnijela ostavku na tu poziciju, da će teško biti zamijeniti nju, a siguran sam da oni koji je sada imaju kao uposlenicu mogu da budu sretni zbog te njene odluke, jer dobili su jednu fenomenalnu osobu. Znači zahvaljujem se kolegici Lejli i nadam se da ćemo nastaviti suradnju ne samo u oblasti politike, nego upravo u njenoj oblasti. I sasvim sigurno da znam kada mi bude trebao vrsni pravnik koga ću kontaktirati. Hvala.

Predsjedavajući:

Zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Pa da vam iskreno kažem ja sam i ministrici Brčić rekao kada je prisustvovala sjednici da mi jesmo imali određena neslaganja, ali smo mislim otklanjali to na neki način zajedničkim naporima i uz razumijevanje. Bilo mi je iskreno žao zbog same činjenice ali ne mogu da vjerujem naprosto da je samo dovoljan reći da na neki način iz privatnih razloga jer ministrica Brčić nije neko ko je nezapaženo radio u Vladi Kantona Sarajevo. Nema tolike zaštite podataka i osobe a da se pri tome ne obrazloži što je to razlog da ona podnosi ostavku u onom vremenu a znamo s koliko entuzijazma je pristupila ovom Ministarstvu. To je jedno. Druga stvar, ono što me je svojevremeno iziritiralo premijer Forto za razliku gospodina Konakovića je rekao da se za to Ministarstvo nije znalo. A pravu sliku zapravo je imao onaj gospodin Konaković koji je dakle bio premijeri radio je sa premijerom i tadašnjim ministrom Nenadićem. I on je poredao stvari. 19 Zakona koje je kreirao gospodin Nenadić na neki način usvojila je i pozicija i opozicija jednoglasno. I to je čovjek koji je dobio nagradu od Antikorupcijskog tima. Pohvaljen. I zato me iziritirao istup premijera prošli put. I meni je jako neugodno zbog te činjenice. Ali moramo govorit jezikom činjenica, korektnosti, i ja ne bih reagirao da se to nije desilo. Nipodaštavati rad ministra Nenadića je u najmanju ruku neukusno. I zato volio bih da smo na neki način drugačije obrazloženje, konkretnije nešto što bi naslutilo zbog čega. A privatni razlozi znate kada vi to kažete to je tako svojevrsna fraza iz privatnih razloga itd. Dakle pozadina je neka druga, ja je naslućujem, ali sasvim svejedno. Ako je ona odlučila da tako i postupi, zahvaljujem joj se za suradnju. Imao sam mogu reći korektnu suradnju sa njom iako se nismo uvijek slagali. Smatram da je perspektivan kadar ali možda je i svojim odlaskom sačuvala svoj dignitet i možda na neki način kredibilitet da u budućnosti pokuša ponovo na ovoj poziciji i da svoj doprinos, s obzirom da je jako kapacitirana u tom smislu. Hvala.

Predsjedavajući.

Zahvaljujemo se kolegi Mariću, zastupnik Mahir Dević.

Poslanik/zastupnik Mahir Dević:

Ja ne znam da li smo mi malo ove tačke dnevnog reda predsjedavajući pomiješali, jer na tački razrješenje ministrice mi treba da hvalimo bivšeg premijera i nekadašnjeg dobrog ministra pravde i uprave, i dobrog premijera. Čudi me da smo ga smjenjivali kada ga ovoliko hvalimo. Malo mi to nekako ne uklapa se jedno s drugim, ali da ne idem s teme. Kada je u pitanju

razrješenje ministricе, naravno to je pitanje parlamentarne većine, to je također stvar u kojoj ne želimo da učestvujemo. Oni koji imaju ruke u Skupštini Kantona Sarajevo oni imenuju i razrješuju ministre. Mi kako smo razumjeli ovo ispred Kluba, naravno nismo dobili adekvatno obrazloženje od ministricе u javnom prostoru ali pretpostavljamo da je ona poruka koju je poslala i kolegica Segmedina s kojom se slažem dobrom dijelu diskusije, a ta poruka glasi „Čuvajmo struku”. Čuvajmo struku i ne dozvolimo da politika preskoči struku i da uđemo u ovakve procedure. E to je ono što smo mi govorili duži vremenski period, na kraju se to završilo upravo ovako sa ovom porukom koju je kolegica Segmedina poslala. Ja mogu da mislim nama je ta stvar kristalno jasna. Možemo razumjeti to kao neku vrstu čina koji je individualan od strane ministricе. I to je na kraju krajeva njeno pravo. Nećemo naravno mi kao klub učestvovati u toj vrsti ni razrješenja ni imenovanja novih ministara. Vi ste vlast, mi smo opozicija, tako da je to vaša dužnost i obaveza, kao što je bila vaša dužnost i obaveza na prvoj tački dnevnog reda da obezbijedite kvorum za izvještaj koji ste glasali a ne da nas optužujete da mi nešto opstruismo. Vi ste ti koji treba da osigurate kvorum a ne opozicija. Hvala predsjedavajući.

Predsjedavajući:

Iskoristit ću svoje pravo kao predsjedavajući Skupštine također da kažem nekoliko rečenica kada je u pitanju ministrica Lejla Brčić sa kojom sam direktno učestvovao u izmjenama i dopunama nekoliko važnih Zakona za Kanton Sarajevo koji je poslao poruku čitavoj BiH i kojeg je prepoznala međunarodna zajednica. A to su Zakon o unutrašnjim poslovima, Zakon o policijskim službenicima, Zakon o nošenju i držanju naoružanja, zatim Zakon o prijavljivanju, porijeklu i kontroli imovine izabranih dužnosnika. Svi ovi zakoni su direktno prošli kroz ruke ministricе Lejle Brčić koja je dala izuzetan doprinos i ostavila veliki trag kada je u pitanju Kanton Sarajevo. Imao sam potrebu da ovo kažem zato što ovi zakoni sigurno će ostaviti ogroman trag kada je u pitanju Kanton Sarajevo. A svakodnevno imamo najave drugih Kantona širom BiH, odnosno FBiH koji se interesuju za propise koji su doneseni u Kantonu Sarajevo kako bih ih prepisali kao dobre prakse i unaprijedili svoje propise u svojim kantonima. Hvala.

S obzirom da se više niko ne javlja od zastupnika zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RJEŠENJA O RAZRJEŠENJU MINISTRICE MINISTARSTVA PRAVDE I UPRAVE KANTONA SARAJEVO.

Molim službu da objavi rezultate.

ZA JE GLASALO 20 ZASTUPNIKA, PROTIV NIŠTA I SUZDRŽANIH 5. KONSTATUJEM DA JE SKUPŠTINA DONIJELA OVU ODLUKU.

Tačka pet:

AD – 5.

PRIJEDLOG ODLUKE O POTVRĐIVANJU IMENOVANJA MINISTRICE MINISTARSTVA PRAVDE I UPRAVE KANTONA SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene. Dopredsjedavajuća Danijela Kristić.

Dopredsjedavajuća Danijela Kristić:

Zahvaljujem predsjedavajući. Premijer Kantona Sarajevo dostavio je Rješenje o imenovanju ministricе ministarstva pravde i uprave Kantona Sarajevo predsjedavajućem Skupštine Kantona Sarajevo. Predsjedavajući je dostavio isto Komisiji za izbor imenovanje i

administrativna pitanja.

Komisija za izbor i imenovanja i administrativna pitanja Skupštine Kantona Sarajevo na sjednici održanoj dana 02.06.2021.godine, utvrdila je Prijedlog odluke o potvrđivanju imenovanja ministricе Ministarstva pravde i uprave Kantona Sarajevo, koju vam sa kompletnom dokumentacijom dostavljamo na razmatranje i donošenje. Hvala.

Predsjedavajući:

Zahvaljujemo se dopredsjedavajućoj Kristić. Da li predstavnici radnih tijela žele riječ? Ima li pitanja? Jel ima pitanja? Zastupnica Jasmina Bišćević-Tokić.

Poslanik/zastupnik Jasmina Bišćević – Tokić:

Ovo nije rasprava, pitanja su. Zahvaljujem predsjedavajući. Evo prije svega imam dva pitanja. Može li mi premijer Forto reći, od gospođe Darije Softić-Kadenić da li majka i sestra obavljaju poslove notara na području Kantona Sarajevo? I drugo pitanje, s obzirom ako obavljaju kao notari da li je tražio mišljenje Federalnog Ministarstva pravde, Ureda za borbu protiv korupcije i Komisije za sukob interesa koje djeluju u sastavu Agencije za prevenciju korupcije i koordinacije borbe protiv korupcije BIH? Zahvaljujem.

Predsjedavajući:

Zastupnik Mahir Dević pitanja.

Poslanik/zastupnik Mahir Dević:

Isto pitanje prema premijeru. Bit ću malo precizniji od kolegice Tokić. Da li njena majka Majka Vesna Softić obavlja notarsku službu na području Općine Novi Grad Sarajevo? A sestra Mija Sofić-Vinšelek na području općine Novo Sarajevo. To su ta dva pitanja. I evo kao treće pitanje da li nam se može na neki način ministrica predstaviti? Ne znam kako ste to predvidjeli predsjedavajući.

Predsjedavajući:

Premijer Edin Forto.

Premijer Edin Forto:

Zahvaljujem na pitanjima. Ja ću samo reći jedan stav prije toga, ne znam kako je tačno propisana procedura za imenovanje jednog člana Vlade, ali kada sam ovdje bio već dva puta pri imenovanju Vlade, ja sam odgovarao na pitanja i ministri se ne predstavljaju zasebno. Dobili ste u materijalima sve što je potrebno da znate o biografiji kandidatkinje za ministricu. A bit će prilike svakako da se i upoznate. Da odgovorim na pitanja. Da tačno je da pomenute osobe rade kao notari. Tačno je da smo upoznati s tom činjenicom. Nismo tražili posebna odobrenja niti mišljenja od viših nivoa vlasti. A ministrica ukoliko bude izabrana će svakako paziti i znati u kom trenutku se treba izuzeti od bilo kojeg odlučivanja koje se tiče potencijalnog sukoba interesa. Hvala vam na tom pitanju. Mi smo ga već vrlo dobro razmotrili.

Predsjedavajući:

Otvaram raspravu. Zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

Hvala. Pa evo da kažem da počnem iz početka. Vlada Kantona Sarajevo je na sjednici održanoj 01.06 donijela Rješenje o imenovanju gospođe Darije Softić-Kadenić na mjesto ministricе pravde i uprave Kantona Sarajevo. A nakon toga Skupštini Kantona Sarajevo je dostavljen prijedlog Odluke o potvrđivanju imenovanja ministricе sa cjelokupnom

dokumentacijom o čemu naravno danas raspravljamo i izjašnjavamo se. Ne ulazeći premijeru u akademsko zvanje i obrazovanje i poslove koje je nam je dostavljeno u CV prije nego što uopšte glasamo po meni je bilo bitno da kao prethodno pitanje razmotrimo eventualni sukob interesa. Predloženi za pozicije ministricе Ministarstva pravde i uprave Kantona Sarajevo. Evo radi građana Kantona Sarajevo pročitat ću jednu od nadležnosti Ministarstva pravde i uprave Kantona, odnosno sektora za pravosuđe i izvršenje sankcija i mjera. 1. provođenje Zakona o notarima u dijelu koji je u nadležnosti ministarstva a naročito postupak izbora i imenovanje notara

2. određivanje broja i službenog sjedište notara imenovanih za područje Kantona Sarajevo regulisano članom 27. Zakona o notarima

3. konkurs za izbor notara član 28. izbor notara član 29, razrješenje notara član 32, privremeno udaljšavanje iz službe član 34, postavljanje v.d. notara član 36, utvrđivanje ispunjenosti uslova za početak rada notara član 26, izuzeće notara član 52, postupak pravne zaštite, razmatranje pritužbi protiv notara član 110, pokretanje postupka za utvrđivanje disciplinske odgovornosti notara član 122 i onaj član Zakona o notarima koji je nama najbitniji i premijeru gdje se ne može ministrica povući da ne glasa a to je nadzor nad radom notara u vršenju službe. Evo pročitat ću vam član 130

„Nadzor nad sprovođenjem ovog Zakona vrši Federalno ministarstvo. A nadzor nad radom notara u vršenju službe vrši kantonalni organ za upravu i federalno Ministarstvo. Notar je dužan omogućiti vršenje nadzora i staviti na raspolaganje sve spise, izvornike, dokumentaciju i prostor koji se odnosi na poslove notara u vršenju službe notara predviđene ovim zakonom i postupiti po rješenju organa koji vrši nadzor. Prema saznanjima koje imam a i kolega Dević je to već i rekao majka i sestra gospođe Darije Softić-Kadenić obavljaju poslove notara na području Kantona a što je u skladu sa Zakonom o notarima FBiH i svakako je u nadležnosti Ministarstva pravde i uprave Kantona Sarajevo na čijem čelu bi trebala biti imenovan a i koja bi kao rukovodilac kantonalnog organa uprave donosila rješenja po pitanjima koja sam maloprije navela a čime se premijeru dovodi u direktni sukob interesa i ne može se izuzeti. S tim u vezi smatram daje neophodno da se navedeno ispita, odnosno utvrdi da li se sa ovim imenovanjem ista dovodi u sukob interesa pa predlažem da prije imenovanja gospođe Darije Softić-Kadenić na mjesto ministricе Ministarstva pravde i uprave Kantona Sarajevo Skupština Kantona Sarajevo kao najveći organ zakonodavne vlasti hitno zatraži mišljenje da li se navedenim imenovanjima ista dovodi u direktni sukob interesa i to od Federalnog Ministarstva pravde, Komisije za sukob interesa koja djeluje u sastavu Agencije za prevenciju korupcije i koordinacije borbe protiv korupcije BiH i Uredu za borbu protiv korupcije i upravljanje kvalitetom Kantona Sarajevo. Ukoliko Skupština ne prihvati moj prijedlog za rješavanje prethodnog pitanja kojeg sam navela, a tiče se direktnog sukoba interesa i ne zatraži od navedenih institucija mišljenje, odmah ćemo kao Klub SDA navedenim institucijama uputiti zastupnička pitanja i zatražiti mišljenje da li se gospođa Darija Softić-Kadenić imenovanjem za ministricu pravde i uprave Kantona Sarajevo dovodi u eventualni sukob interesa. Zahvaljujem.

Predsjedavajući:

Zastupnik Mahir Dević. Prva rasprava.

Poslanik/zastupnik Mahir Dević:

Kolegica Jasmina Bišćević-Tokić je kazala suštinu djelovanja Kluba SDA kada je u pitanju ova tačka dnevnog reda odnosno imenovanje ministricе. Naravno ja pozivam i molim sve kolege u skupštini Kantona Sarajevo radi transparentnosti da podrže jedan ovakav način rada, da glasaju za ovaj prijedlog zaključka koji je kolegica Jasmina kazala kao prethodno pitanje, da mi kao Skupština dobijemo odgovor od navedenih institucija. Ukoliko vi to odbijete mi ćemo to naravno svakako uraditi kao klub. Ja ću samo još nekoliko članova Zakona koje čini mi se kolegica nije spomenula kada je u pitanju ovaj sukob interesa. Znači prema članu 32

stav 2) Zakona o notarima rješenje o razrješenju notara donosi kantonalni ministar pravde i uprave. Također u članu 36 Zakona o notarima : vršioca dužnosti notara postavlja kantonalni ministar pravde. Prema članu 40 i 41 Zakona o notarima konkurs za izbor notarskog pomoćnika organizuje i provodi kantonalni ministar pravde. Član 46 Zakona o notarima zamjenika odsutnog notara postavlja rješenjem kantonalni ministar pravde. Član 52 stav 2) Zakona o notarima o izuzeću notara odlučuje kantonalni ministar pravde. 64 izvještaj o radu Notarske komore i notara dostavlja se kantonalnom ministru pravde. I naravno ovdje je kolegica spomenula član 110, 122, i član 130 koji je po nama da kažemo naravno pored toga što kantonalni ministar pravde i uprave i provodi konkurs i imenovanje i razrješenje što bi u konkretnoj situacija značilo po nama neku vrstu sukoba i interesa, ovaj član 130 je posebno za nas sporan i iz tog razloga mi ne možemo naravno podržati ovakvo imenovanje. Ali evo, pozivamo sve kolegice i kolege u Skupštini Kantona Sarajevo da razriješimo ovo prethodno pitanje ne ulazeći u kompetencije i struku kandidatkinje a ministricu koja vjerovatno je neupitna je li, ovdje je u pitanju čisto ovo prethodno pitanje, pitanje sukoba interesa. Govorim za nas kao Klub SDA. Pozivam sve kolege da podržimo jedan ovaj zaključak radi transparentnosti, da se ovi dopisi upute. Ukoliko vi dobijate takvu vrstu aktivnosti to ćemo mi uraditi kao Klub i naravno ne možemo podržati imenovanje ministrice bez prethodno riješenog ovog pitanja kada je pitanje sukoba interesa. Eto toliko.

Predsjedavajući:

Zastupnik Elmedin Konaković.

Poslanik/zastupnik Elmedin Konaković:

Vama samo još fali pečat Ustavnog suda da dobijete pečat koji odlučuje ko je u sukobu interesa da ovdje napravite jednu malu kancelariju vas troje i da se time počnete profesionalno baviti. O kojoj se količini licemjerja radi objasniti ću u naredne tri minute. Predlagač sam sa kolegom Irfanom Čengićem Zakona koji smo bili dužni donijeti na nivou FBIH a kako bi se riješilo pitanje sukoba interesa u FBIH. Država BiH donijela je propise kojima se obavezuju oba entiteta da usklade svoje propise i formiraju komisije koje su zadužen za utvrđivanje sukoba interesa u FBIH, kantonima, opštinama i svim nivoima vlasti. Vlada FBIH odbija godinama donijeti takav akt. Vlada FBIH na čijem čelu sjedi Fadil Novalić, ako neko ne zna dolazi iz SDA. Nakon nekoliko apela zapisničkih i poslaničkih intervencija, javnih pritisaka nikada se ništa slično nije desilo jer na nivou FBIH ne postoji volja FBIH i KDZ da se ovo pitanje konkretno uredi. Moj kolega Čengić koji je više mnogo napora uložio, i supomagač sam, supredlagač, smo predali u proceduru jedan akt kojim se to jednostavno pitanje rješava tako da nam ne bi morale kolege iz SDA pisati danas šta je to, ko je, i na koji način u sukobu interesa i pozivati se na stavove onih koji nisu nadležni da riješe ovo pitanje. Mogu oni dati neko svoje mišljenje. Dakle, kada bi smo njih troje poredali i dopisali njihov sukob interesa na to pismo, a hoćemo, vjerovatno bi smo dobili slične odgovore od agencija kojima će se upravo ovo troje obratiti. Dakle, ministrice dobro je da vidite u kakvu arenu ulazite. Pogotovo Zahiragića. Nema krivog navoda nego Zahiragić, sukob interesa članovi porodice zaposleni u Kantonu Sarajevo, odluke koje mi ovdje donosimo. Samo da vidite u šta ulazite, da se na to spremite jer je impresivan vaš CV, jer ono što vi kao doktor pravnih nauka u oblasti u kojoj ste zaista ekspert možete ponuditi svojim kvalitetom pripremite se da će vam ovi ljudi čiji su članovi porodica svi zaposleni u javnom sektoru pretresti sve članove vaše porodice. Jer vam je to politika koju trenutno u Kantonu Sarajevo imamo. I oni su destruktivni i ta destruktivnost ne smije zaustavljati našu energiju da se ovdje stvari mijenjaju. Ja sam završio. Hvala vam.

Predsjedavajući:

Zastupnik Mahir Dević.

Poslanik/zastupnik Mahir Dević:

Predsjedavajući, kada sam maloprije govorio o diskriminisanju članova Kluba SDA, kolega nam govori da smo destruktivni. To je riječ koja je pežorativnog karaktera i molim vas da na to odreagujete.

Predsjedavajući:

Zastupnik Haris Zahiragić.

Poslanik/zastupnik Haris Zahiragić.

Imam li riječ?dakle kolega Konaković je ponovo imao neki ispad ničim izazvan i ja sada kada bih spomenuo one kapi koje su mu potrebne ponovo bih pravio cirkus, koridu pa zbog toga neću niti ih spominjati ni vaditi.

Predsjedavajući:

Oprostite pretpostavljam da je replika? Ispravka krivog navoda.

Poslanik/zastupnik Haris Zahiragić:

Kolega Konaković je naveo njih troje bi mogli kancelariju napraviti ja nisam ni riječi rekao na ovoj tački. I ne znam zašto se ja kolegi Konakoviću u svakoj diskusiji predviđam. I ja bih svakako mogao napraviti kancelariju kao pravnik a kolega Konaković ne bi. Mogao bi napraviti neki klub košarkaški i trenirati ga. Dalje, kazao je da smo mi u sukobu interesa. I spominjao je isključiv ne znam mog člana porodice, vjerovatno misleći na moju majku koja je 64 godište i koja od prije rata magistar mašinstva i koja radi 30 godina i sada on to povezuje sa mnom, ne znam na koji način. Ali evo volio bih da postavimo i to pitanje. Jer ovim je kolega Konaković po ko zna koji put danas, ali evo neka javnost zna, prevršio mjeru dobrog ukusa. I od sada ću ja gospodinu Konakoviću govoriti onako kako zaista zaslužuje da se govori. I još jedan navod je kazao „vaš Fadil Novalić” – „Ja i Irfan Čengiđ”. Kolega Konaković se kolegi Čengiđu koji se bavi tom temom već duži vremenski period nakačio u podnošenju inicijative iako on ne može razumjeti sigurno šta je taj sukob interesa, što opet ne znači da ukoliko kolege iz Skupštine Kantona Sarajevo postavljaju pitanja vrlo pristojnim tonom, bez neke malicioznosti, bez nekog cinizma da su zaslužili ovakav odgovor i da se miješa predsjedavajući rad Vlade FBiH i Parlamenta FBiH sa radom Skupštine Kantona Sarajevo i Vlade Kantona Sarajevo. Mislim da to nije primjesno. Ja vas molim da u buduće kada krenu ovako teme ići i zloupotrebljavati, čak vrijeđati a ja ne znam čime izazvan, ga vi prekinete. Imao sam diskusiju koju sam ugasio sa ovim ako mogu ja diskusiju da imam. Hoću li nastaviti. Evo kolega Konaković ispravka krivog navoda.

Predsjedavajući:

Ispravka krivog navoda zastupnik Elmedin Konaković:

nije tačno da ja miješam nadležnosti dva nivoa vlasti nego je to propis koji reguliše ovu oblast na nivou FBiH čiji sam predlagač. Kolega Čengiđ zna jesam li sa ja nakačio ili nisam nakačio, ovako kako to Zahiragić govorio. Drago mi je da se on distancira od stava kolega Devića i kolegice Bišćević koji prihvataju jedan model možete pitati svakoga za člana porodice a mi ne smijemo pitati vas za člana porodice. Dakle mi na to ne pristajemo. Sukob interesa se rješava kako je propisano i naravno prema svima jednako. Zašto ste vi danas mogli na dočeku ministrici kao krštenje vatreno postaviti pitanja o članovima porodice a ne bi ste slušali o tome kako vam članovi porodice svi rade u javnom sektoru. Dakle nema razloga za nervozu i ne pomažu kapi. Dakle saslušate čujete, ja vama to kažem. Zašto? Zato što sam ja delegat u Domu naroda koji je predlagač akta. Piše moj potpis. Irfan Čengiđ koji je puno više posla uradio i ja. Poslat ću vam linkove sa pres konferencije u kojima govorimo o svemu ovome što

danas govore kolege ali mi tačno precizno ukazujemo ko je za to nadležan i kako se taj propis mora donijeti. A oni danas traže mišljenja od institucija čije mišljenje može biti neobavezujuće za nas. Dakle niti je taj propis uređen. Da vam nabrojim 50 procesa sukoba interesa u kojima članovi SDA direktno utiču. Dakle mnogo ih ima. Naravno oni zbog toga neće takav Zakon. Kada dođe taj Zakon ako bog da, on treba da tretira i danas ako bog da ministricu, i mene i kolegu Zahiragića i Bišćević-Tokić i Devića i sve nas. Ali ovo što su oni navikli da napadaju, da ruže, da grize, a da im se šuti, to ovdje ne može biti jer kada govorite o članovima porodica govorimo o svim našim članovima porodica. I ne možete odmah kukati, plakati što nas, što vi ljude tako prozivate. Dok se tako ponašate dobijat ćete takve odgovore. A konkretnije ćete odgovore o tim procesima dobiti na narednoj sjednici. Hvala.

Predsjedavajući:

Poslovnička intervencija zastupnica Bišćević-Tokić. Doći ćete svi na red, samo polako.

Poslanik/zastupnik Jasmina Bišćević-Tokić:

Zahvaljujem predsjedavajući. Pa vidim da smo na pravom putu čim nam se kolega Konaković toliko uzbudio. Prije svega kolega jeste predlagatelj možda na nivou Federacije. Očito te zakone dobro nešto ne razumijete. Prije svega, trebali ste da znate član 22. Zakona o sukobu interesa u institucijama BiH kojima je propisano da će se do donošenja Zakona u oblasti sukoba interesa na entitetskom nivou i nivou DC Brčko, entiteti i DC Brčko primjenjivati odredbe utvrđene u tom Zakonu, kolega Konakoviću. S druge strane rekli ste da komisija ne može izreći sankcije, i te kako da može. A kada smo već o porodicama i zaposlenih u javnim institucijama ja vas kolega Konaković moram ražalostiti. Ja sam zaposlena od 2009 a 2013 sam ušla u stranku. Nisam zaposlena stranačkim putem za razliku od mnogih stvari koje ste vi radili dok ste bili ovdje kao zastupnik, kao šef Kluba SDA; kao premijer Kantona Sarajevo. Otac i majka su mi penzioneri kolega Konakoviću, možda da u PIO potražite. Sva moja rodbina je zaposlena prije stupanja u SDA i to možemo ja i vi zajedno sada ne na sljedećoj sjednici, nego sada insistiram da provjerimo od kojih godina svi moji članovi porodice rade u tim institucijama kolega Konakoviću. Neće se Jasmina imenovati na mjesto ministrice pa da vama polaže račune o sukobu interesa, nego gospođa koja je predložena. Ja sam vama decidno nabrojana sve članove Zakona o notarima. Volila bih da prestanete više politizirati u ovoj Skupštini Kantona Sarajevo. I da mi decidno odgovorite šta sam to pogrešno rekla jesam li nešto pogrešno rekla o članovima koje sam pobrojala. I jedva čekam da vidim gdje je sukob interesa moje familije, direktni sukob interesa kao i mene. Nemojte više na ovaj način mene kao zastupnicu prozivati na vaše političke manipulacije koje ste naučili kolega Konakoviću. Ja mislim da sam prema vama ove tri godine bila prije svega pravedna, i meni je više dosta vrijeđanja nas u Klubu SDA. Neće vam poći za rukom kolega Konakoviću. Svaki put kada smo na pravom putu, kada ukazujemo na ovakve stvari vi pokušavate da rušite naš dignitet. Nećete. Završila sam Medicinski fakultet bez ičije pomoći. Zaposlila se bez stranke kolega Konakoviću, koliko vama to god bilo interesantno. Specijalizaciju kao dijete koje je rođeno u Sarajevu nisam mogla dobiti u dvije bolnice, da znate. I sljedeći put kada spomenete Jasminu Bišćević-Tokić ustanite kolega Konakoviću, ustanite, jer svoje benefite vi ste ostvarili a ja nisam. Zahvaljujem.

Predsjedavajući:

Kolega Nikšiću zamolio bih vas za mir u sali. Ispravka krivog navoda zastupnik Konaković. Replike su bile ovo kod vas.

Poslanik/zastupnik Elmedin Konaković:

Briljantno je ovo poredala kolegica Bišćević-Tokić svoj primjer, koji je identičan primjenu buduće ministrice. Buduća ministrica nije imenovala svoju majku za notara. Niti je taj benefit

priskrbila sebi oni to dvoje čak i prije nego što žena dođe na posao. A u istom tom tonu, o sebi govore potpuno drugačije. To vam je ta grupica. Ja zato volim i ne znam samo kako vi znate kada sam ja uzbuđen? Šta znači to uzbuđen? Kako možete tako meni reći? Pričam normalnim tonom. Tišina Zahiragiću, tišina, tišina. Ma to je bolest što ti govoriš.

zastupnik Haris Zahiragić govori bez upaljenog mikrofona

Poslanik/zastupnik Elmedin Konaković:

Ti si bolestan.

Predsjedavajući:

Zastupnici upozoravam vas za tišinu u sali, upozoravam vas za tišinu u sali.

Kolega Zahiragiću.

Poslanik/zastupnik Elmedin Konaković:

Morate mi dati za završim. Ovaj bolesni nastup Harisa Zahiragića u kojem moju uzbuđenost, da i govorim višim tonom, nižim tonom, pitam Bišćević-Tokić da mi objasni kako vi znate kada sam ja uzbuđen, kada je moj ton emotivan, kada nije emotivan. Bolesna glava Harisa Zahiragića u tome vidi seksizam zato što ne pije ove kapi a treba da ih pije. Zato što cijelo jutro tumači moje rečenice. Izvrće ih i to radi od kada je ušao u Skupštinu. I to može kod kuće raditi. Dakle, ni jednom riječju nisam govorio seksističkim tonom, to bolesni mozak Harisa Zahiragića može pomisliti. Kolegice Bišćević-Tokić sada sam uzbuđen jer me ovakve stvari u srži nerviraju ove bolesne opaske, gospodine Okeriću, isto je, u istom. Pa ne možete me ljudi prekidati imam ispravku krivog navoda. U identičnoj situaciji nalaze se buduća ministrica i kolegica Bišćević-Tokić. Ona ovdje diže ruku i odlučuje o procesima u kojima lično radi, o firmi u kojoj radi, gdje joj radi suprug, gdje radi ona, dakle direktno je nadležna za donošenje odluka o Kliničkom centru, o Fakultetu. U istoj se poziciji nalazi kao ministrica. Njihov plan da ovakvim dočekom pokažu ok su, ja to ne dozvoljavam. Izvrtanje riječi da je to seksizam, to je bolest. To je prepoznavanje negativnog u svemu što ja govorim, to je njihov problem. Dakle, molim vas da zaštitite da mogu do kraja održati svoje, bez obzira što su oni ovoliko nervozni. Oni su demontirani, njihov pokušaj da urade ono što lično rade ja ne dozvoljavam. Gospođa Bišćević-Tokić navodi krivi navod koji kaže da je u tom Zakonu, naravno da se primjenjuje Zakon, ali taj Zakon predviđa formiranje komisije na federalnom nivou. Ona ne postoji zato što to SDA neće, zato što oni hoće da odlučuju ok je u sukobu interesa, šta je rekao Ustavni sud, ko može raditi, ko ne može raditi. A ima ih šest. I u tome se nalazi problem ove Skupštine. Naravno da, nisam bio tu i bili su mirni. Odmah kada počnem raskrinkavati ove ljude normalno je da tenzije u Skupštini rastu. Mislite da ću prestati, mislite da ću prestati. Dok znam kako su se zapošljavali članovi porodica. Mislite da ću prestati? Nikada neću prestati. Mogu biti meta koliko god oni to hoće ali mi nikada nećemo prestati. Ovo je čisti proces bez primjese sukoba interesa. I pokušavaju odmah na članove porodice na dočeku ministrice. I kad ima neko njihovim jezikom odgovori oni počnu vrištati plakati, pogotovo ovaj Zahiragić.

Predsjedavajući:

Vrijeme gospodine Konakoviću. Samo polako, poslovničku intervenciju imali smo Poturak, Marić i Čampara.

Zastupnik Dževad Poturak poslovnička intervencija.

Poslanik/zastupnik Dževad Poturak:

Možete li molim vas, molim vas, braćo, ne znam kako više da vas zovnem da prekinemo ovaj cirkus stvarno. Ovo izgleda ne trebaju nama ni Srbi, ni Hrvati, ni niko drugi. Dragi Bošnjaci

mi sami ćemo sebi da dohakamo. Samo malo molim vas. Pa molim vas, samo malo. Ovo stvarno ne vodi ničemu. Tražite dlake u jajetu jedni drugima. Evo ministrica Brčić ona je pobjegla od ovog cirkusa. Žena je pametna otišla je iz ovog haosa i ostavila. I OK. Ali dajte ljudi da radimo, hajmo da pomognemo ljudima u ovom Kantonu. Hajmo da evo došla nova ministrica pa dajte ženi šansu nek pokaže, možda umije da radi. Dajte joj šansu nek se pokaže. Hajde da prekinemo ovaj cirkus, hajmo naprijed. Evo reci Mahire, evo ja sam završio. Tek toliko samo da ukažem da treba da stopiramo ovaj cirkus, molim vas, eto.

Predsjedavajući:

Ne dam nikome poslovničku napola. Kada završite. Zato što unakrsno se javljate. Svi ćete dobiti riječ ali nakon što završe kolege. Sada idemo zastupnik. Repliku ste tražili. A poslovničku je tražio Zvonko Marić. Evo dobit ćete nakon gospodina Aljoše Čampare. Zastupnik Zvonko Marić poslovnička intervencija.

Poslanik/zastupnik Zvonko Marić:

Zahvaljujem predsjedavajući. Zaista ovo je nenormalno stanje, neprirodno. Ja sam i maloprije zamolio međutim ovo se neće stišati izgleda nikako. Ja nakon ovakvih istupa i uzbuđenja, evo sada i ja koristim taj termin, i kod mene u Klubu i generalno u ovoj sali tražim 15 minuta pauze. Ovo nema smisla i pozivam na razum. Zaista tražim 15 minuta pauze.

zastupnik Marjanović govori bez mikrofona

Predsjedavajući:

Ne možete odgovoriti dok vam ne dam riječ. Hajde kratko, zastupnik Poturak pa onda zastupnik Aljoša Čampara.

Poslanik/zastupnik Dževad Poturak:

Ništa ja nisam želio pogrešno da kažem samo kažem da sa i lijeve i sa desne strane imamo Srbiju i Hrvatsku koja stalno vrši neke atake na BiH. I ja kažem unutar našeg Bošnjačkog korpusa da nam ne treba niko više da dolijeva ulje na vatru evo vidimo spektakl ovdje u Skupštini koji je po meni neprimjeren. Ali bože moj, evo.

Predsjedavajući:

Hvala. Zastupnik Aljoša Čampara poslovnička intervencija.

Poslanik/zastupnik Aljoša Čampara:

Predsjedavajući molim vas.

Predsjedavajući:

Zamolio bih vas mir u sali molim vas zastupnici Poturak, Marjanović možete u hodniku raspraviti. Molim vas nemojte to raditi. Zastupnik Aljoša Čampara poslovnička intervencija.

Poslanik/zastupnik Aljoša Čampara.

Zahvaljujem predsjedavajući. Dakle ja opet plediram da se vratimo na temu i da završimo ovu tačku dnevnog reda. Dakle u ovoj zemlji postoje institucije koje se bave sukobom interesa koje će odlučiti ili donijeti odluku da li je neko u sukobu. Možda je neko od nas ovdje 20 u sukobu interesa pa ćemo vidjeti. Ali mi ne možemo unaprijed govoriti o nekome da je sukobu interesa. I da nismo još ni glasali o nekoj osobi a već je proglašavati da je u sukobu interesa. Ja molim da se vratimo na temu. Da se vratimo na tačku. I nisam džabe maloprije rekao da ovo podsjeća na koridu. Ova sjednica ovdje. Ljude prozivati, zastupnike po zavičajnoj nekoj da je to ta ili rogatička kako je rekao, ili neka druga, to je stvarno ispod svakog nivoa. Pa Rogatica je dio BIH koliko ja znam. I trebali bi se za Rogaticu i za Foču, i

za druge dijelove manjeg bh entiteta možda više brinuti u Sarajevu ovdje. A ne nekoga označavati da je iz Rogatice i stavljati mu etiketu neke negativnosti. Ja stvarno predsjedavajući molim evo još jednom, ja ne znam šta više drugo da radimo da jednostavno prestanemo sa ovakvim ponašanjem u Skupštini Kantona Sarajevo. Da ne dozvolite pojedinim zastupnicima da maltretiraju ovdje druge zastupnike i da maltretiraju građane. Ako neko misli da je ovo popularno nije boga mi. Nema ovdje nikakvih popularnih stvari i da će neko dobiti na ovome populizmu i na vrijeđanju jedni drugih. Samo moraju znati da ljudi neće trpjeti uvrede. I moramo imati iste aršine za sve zastupnike.

Predsjedavajući.

Poslovnička intervencija zastupnik Mahir Dević.

Poslanik/zastupnik Mahir Dević:

Predsjedavajući, u najdobronamjernijem tonu, kao što cijelo vrijeme Klub SDA diskutuje na ovoj tački dnevnog reda, ja vas stvarno molim da se prestane sa diskriminacijom koju mi doživljavamo od strane šefa vaše partije. Znači ovo što radi kolegici Jasmini Bišćević-Tokić maloprije a vi ne reagirate, da je kojim slučajem neko od nas uradio ne znam prema nekoj od kolegica iz parlamentarne većine od toga bi bilo napravljeno ne znam šta. I nije prvi put ovo predsjedavajući. Pazite, ovo traje tri godine. Ovo je do sada njegov najmanje treći ili četvrti ispad prema kolegici Bišćević-Tokić. Ja to svjedočim ovdje kao zastupnik u Skupštini Kantona Sarajevo. I vi to ne sprečavate. A onda kada kolega Haris odreaguje da zaštiti kolegicu od tih seksističkih ispada kolege onda se to naziva primitivizmom. A mi smo cijelo vrijeme postavili nekoliko stvari. Ne može ispravka krivog navoda na poslovničku intervenciju. Ne može.

Predsjedavajući:

Kazali smo da ćemo završavati. Završite pa onda idemo.

Poslanik/zastupnik Mahir Dević:

Završavam. Znači to ću kazati u replici i u drugoj diskusiji. Mi smo samo tražili mišljenje relevantne institucija i pozvali Skupštinu Kantona Sarajevo da obezbijedimo ta mišljenja. Rekli smo ukoliko to neće Skupština, uradit ćemo mi kao klub. Ni jednom riječju profesorici niko slova lošeg nije kazao ni za njenu majku, ni za njenu sestru nego smo postavili pitanje na bazi Zakona i pročitali članove koji dovde u najmanju ruku do postavljanja pitanja da li ima sukoba interesa. Ni jednom riječju ministrica nije uvrijeđena od strane Kluba SDA kolega Konaković je teatar čitav od toga napravio. I onda se to ponovo nešto kao nama prebacuje itd. I govori, još kad mi kaže kolega Dževad Poturak da je ovo cirkus u kome on napada bukvalno lično kolegicu, i on to naziva kao nekim cirkusom, umjesto da mu kaže nemoj to raditi kao što radiš do sada. To je ljudi stvarno tragično. Ni jednu jedinu riječ, ni jedan zastupnik iz Kluba SDA lošeg nije kazao ministrici ovdje. Nek kaže jesmo li. Nego smo pitali, pažljivo odabranim riječima, dobili odgovor da su tačne te informacije i postavili eventualno pitanje sukoba interesa. Njene kompetencije, kompetencije njene majke i sestre, niko spomenuo nije. Znači djelovali potpuno u skladu s Poslovnikom dok on ovo sve nije izokrenuo, prevrnuo i pretvorio u političku priču itd. A vi to predsjedavajući ne zaustavljate. To je čista diskriminacija u ovom slučaju prema kolegici. Evo mi muški možemo to na neki načini istrpiti ali ovo prema kolegici je nepravda od vas predsjedavajući.- nemojte to dozvoljavati više. A u drugoj diskusiji ću kazati dalje na ovu temu. Hvala.

Predsjedavajući:

Ispravka krivog navoda i pauza nakon toga 15 minuta, koju je tražio zastupnik Zvonko Marić. Evo po drugi put sugerira da želi pauzu. Zastupnik Elmedin Konaković.

Poslanik/zastupnik Elmedin Konaković

Cijeli dan Klub SDA u nekom svom maniru, kada god uđem u ovu salu govori o nekoj mojoj nervozi. I kolegica Bišćević-Tokić je rekla vi ste uzbuđeni. S gnušanjem odbijam, s gnušanjem odbijam primjesu reakciju Harisa Zahiragića koji to poistovjećuje sa seksističkim pitanjem. Imam dvije sestre i majku, imam kćerku, imam suprugu. S gnušanjem i gadi mi se reakcija Harisa Zahiragića jer je moje pitanje kako znate da li sam uzbuđen pitanje mog koncepta, pitanje mog nastupa, i pitam još jednom, po čemu vi, kako vi to vidite? Pričam istim tonom, moje su reakcije identične. Nisam povisio ni jednom ton, pet puta čak i sa kapima se igra Zahiragić od kada je ovdje došao. S gnušanjem odbijam da to ima seksističku primjesu. S gnušanjem odbijam. Još jednom ću ponoviti pitanja koja su ponovili zastupnici SDA više puta sam postavio njima, konstatujući da su istoj situaciji. Kao predlagač Zakona na Domu naroda govorim o proceduri koja nije završena jer oni to neće, neće njihova stranka. Govorim o izboru direktora BH Telecoma koji se obratio svim ovim institucijama i sve su se proglasile nenadležnim. Govorimo cirkusu koji oni ovdje prave svaki dan. I s gnušanjem odbijam sve napade na mene ali ih lagano prihvatam. Jer razumijem njihove zadatke, razumijem zašto, kako i zbog čega su prema meni tako okrenuti. Ali ne dozvoljavam da se ovdje taj njihov cirkus ne kažnjava. Dakle ovo što rade, što su dočekali odmah su po članovima porodice na isti način sam ja postavio njima pitanja i tada je sve eksplodiralo. Nije eksplodiralo prije. Nije bilo povišenih tonova prije. Kada sam rekao a gdje vaši članovi porodica, tada je krenula salva na mene, jer se ja generalno s time ne slažem. Dakle ovo što sada pokušavaju je naredna faza na koju naravno spreman sam ja od njih na to. Ali te laži i te vrste podvala zapravo i dovele su SDA u ovakvu situaciju u ovakvu situaciju u kakvoj se danas nalazi zbog njihovog ovakvog ponašanja. Ovakvog ponašanja, sa 10 na 6 i vjerovatno na 4 i na 2. Dakle meni te stvari nećete podvaljivati jer ja vas najbolje u ovoj sali znam. Hvala.

Predsjedavajući:

Pauza 15 minuta na zahtjev šefa Kluba SBB.

NASTAVAK NAKON PAUZE

Predsjedavajući:

Nastavljamo dalje sa 38. sjednicom. Na tački smo Prijedlog odluke o potvrđivanju imenovanja ministricе Ministarstva pravde i uprave Kantona Sarajevo. Za repliku se javila zastupnica Jasmina Bišćević-Tokić. Zastupnik Haris Zahiragić se prvo javio pa onda zastupnica Bišćević-Tokić. Izvolite.

Poslanik/zastupnik Haris Zahiragić.

Prije svega dakle morat ću replicirati na nekoliko navoda kolega ranije koje su iznijeli, pa ću krenuti redom, jednu po jednu, da ne bih više puta se javio za repliku. Dakle ja, iako mi je stavljeno u usta, nisam niti jedne jedine riječi kazao o radno-pravnom ili o javnoj funkciji kandidatkinje za ministricu, a kolege koje su to rekle, ja u njihovom tonu nisam prepoznao nikakvu zlu namjeru, nikakvu malicioznost i nikako petljanje prirodne i porodične stvari u javnu politiku, u javni diskurs. Ta pitanja njihova su bila legitimna i nisu uopšte bila tonom kakvim su kasnije zastupnici svojim reakcijama izazvali polemiku. Ja sam predsjedavajući reagovao i ovim putem ukoliko sam burno reagovao bez riječi, ja se vama izvinjavam, izvinjavam se kolegama u Skupštini Kantona Sarajevo, nakon što je kolega Konaković pitao našu kolegicu doktoricu Tokiću : „Kako vi kolegice znate da sam ja uzbuđen itd”. Ja sam u njegovom tonu prepoznao nešto što nije primjereno i stao u zaštitu časti svoje kolegice i uvijek ću to tako uraditi. A evo i uvijek ću se izvinuti u tako nečemu pretjeram. Spomenuo

sam tom prilikom što je kolega Čampara apostrofirao čini mi se mahalski mentalitet rogatičkog tipa. Kolega Aljoša me optužio da sam ja kazao da je Rogatica nešto rigidno. Moje porijeklo, moj dedo jedan je također iz Rogatice, moj drugi dedo kao i kolege Čampare iz Gacka također, s tim u vezi nisam ja ta mjesta ni na koji način definisao, samo sam kazao da je možda tamo primjerenije nego u Sarajevu da se tako sa ženama obraća. A kolegica Tokić kao doktorica, kao doktor nauka medicinskih, kao majka troje djece nije zaslužila takvu vrstu komunikacije. Dakle ja ću se javiti i reći svoj stav o kandidatikinji za ministricu kada budem dobio diskusiju. Neću u replici jer ne želim da dalje ide ova diskusija na tački dnevnog reda. Hvala vam.

Predsjedavajući:

Hvala. Zastupnica Jasmina Bišćević-Tokić replika.

Poslanik/zastupnik Jasmina Bišćević-Tokić:

Hvala predsjedavajući. Evo iako na žalost mojoj replikom ću se morati odaljiti od tačke dnevnog ali evo nisam nikada to koristila prije, uvijek sam se držala tačke dnevnog reda, ali moram se osvrnuti na navode kolege Konakovića da kažem gdje me je prozvao direktno vezano za moju porodicu, i neki direktni sukob interesa. Prije svega, mislim da sam vrlo pošteno i časno pitala neke stvari i obrazložila imenovanje ministrice, uopće ne aludirajući na CV ministrice. Akademsko zvanje ministrice koje sam već spomenula uvažavam jer sam isto doktor nauka na Medicinskom fakultetu. I znam kroz šta sve mora proći u UNSA da bi postigla ovo što je postigla. Imam pravo kao zastupnik u Skupštini Kantona Sarajevo gdje me je izabrao narod u Skupštinu Kantona da pitam da li je u eventualnom direktnom sukobu i ne vidim ništa zlonamjerno u tome što sam pitala. Kolega Konaković je spominjao mog supruga koji evo pretpostavljam da je to vrlo bitna tema za građane Kantona Sarajevo, pa ću reći da moj suprug radi kao doktor na KCUS, da nije u rukovodstvu, da nije menadžment, da nije ni šef odjeljenja. Radi kao obični specijalista interne medicine. Ne znam kako je u sukobu interesa sa mnom kada je KC federalni nivo vlasti a ja sam zastupnik u Skupštini Kantona Sarajevo. I on je kao i ja ostvario svoje radno pravni status prije mog učlanjivanja u stranku. Pa evo ne znam koji je direktni sukob kolega Konakoviću. Moram ovo ovako predsjedavajući reći jer ovo je stvarno više dotaklo dno. Ja sam majka troje djece. Ponižavajući cijelo vrijeme što radi kolega Konaković je prevršilo svaku mjeru.

Predsjedavajući:

Oprostite kolega Deviću je li diskusija ili? Zastupnik Mahir Dević. Ako je replika može, ako je diskusija onda ima prije.

Poslanik/zastupnik Mahir Dević:

Ja sam se javio predsjedavajući bio za drugu diskusiju, a pošto je bio kolega Marjanović za prvu, OK je to nismo se razumjeli.

Predsjedavajući:

Zastupnik Damir Marjanović.

Poslanik/zastupnik Damir Marjanović:

Zahvaljujem se predsjedavajući., uvažena kolegice Softić-Kadenić dobro došli uz političku arenu Kantona Sarajevo. Ovo je okruženje u kojem ćete boraviti narednih par mjeseci, duže od godinu, nadam se i nadam se da ćete doprinijeti svojim radom barem 50% onoga koliko vaš CV govori o vama. Dopustite sada da malo priču okrenem u jednom drugom pravcu. Izuzetno sam sretan i radostan stalno u politici pozivamo mlade ljude, obrazovane ljude da se priključe, da se uključe u rješavanje konkretnih problema, da daju svoj doprinos i stalno

govorimo kako tih mladih ljudi nema nigdje a onda se pojavite vi sa jednim impresivnim CV. Ne bojte se, neću vam odati godine, ali ću reći da za svoje godine jako visoko i jako dobro kotirate i jako se dobro pozicionirani u akademskim vodama. O broju publikacija, o broju projekata, o broju stipendija koje ste dobili, za koje mogu samo da budem ljubomoran što ste ih vi toliko dobili, a ja ni u pola toliko. O svemu onome što vaš CV govori jednostavno mnogi bi vas zapitali, kao nekada neke nas, što vam je ovo trebalo. A ja vam se zahvaljujem što ste se upustili u ovu arenu. Želim vam puno uspjeha i puno sreće, pozivam sve one koji prate ovaj prijenos, prilikom donošenja suda o vama ovako u prvih pola sata dok još niste ni imenovani, a nadam se i vjerujem da ćete biti imenovani, da dobro pročitaju vašu biografiju i kako je rekao jedan od kolega ovdje u neformalno pruže šansu jer kao što rekoh, ako budete upola radili onako kako radite u akademskim vodama onda smo mi dobili jednu jako, jako dobru mladu i potentnu ministricu. Želim vam puno sreće u ovoj cijeloj priči. I kao što rekoh, evo i ovim ljudima koji prate ovo sada putem malih ekrana ne bi bilo loše na ovim našim web sajtovima je dostupna vaša biografija. Jedna ovakva biografija i jedna ovakva ministrica budi uistinu optimizam. Nadam se i siguran sam kada budete zauzeli tu poziciju da ćete taj optimizam opravdati. Dakle kolegice Softić-Kadenić i kao kolege iz akademske zajednice i kao neko ko je u Skupštini Kantona Sarajevo želim dobrodošlicu i nakon izbora ću vam poželiti uspješan rad. Hvala.

Predsjedavajući:

Hvala. Zastupnik Mahir Dević. Oprostite, prva diskusija zastupnik Haris Zahiragić.

Poslanik/zastupnik Haris Zahiragić:

Hvala predsjedavajući. Dakle žao mi je što je moja kolegica Darija Softić-Kadenić prisustvovala ovakvoj vrsti komunikacije na tački njenog imenovanja za ministru pravde i uprave Kantona Sarajevo. Dakle ja ću dati svoj subjektivni stav o kandidatkinji za ministra i čestitam Našoj stranci ili koja god da je stranka predložila ovog kandidata jer ja kolegicu Dariju poznajem kao kolegicu sa Pravnog fakulteta, na kojem je ona meni asistentica na nekoliko predmeta. I mogu kazati da je ona rijetko pristojna, obrazovana, kulturna mlada dama i slažem se s kolegom Majranovićem kada je kazao da iako često ljudi govore da takvi ljudi ne trebaju u politici, ja sam baš suprotnog mišljenja, mislim da sve veći broj takvih ljudi koji su u svojim karijerama, a specifično u akademskim karijerama ostvarili treba da na neki način kultivisu, na žalost, ovu estradiziranu političku scenu u Kantonu Sarajevo. Ovo čemu je prisustvovala je nešto čemu će prisustvovati i u buduću. Ovo je politička arena, i ona naravno mora shvatiti da ovo više nije akademska zajednica, da su sredstva političke borbe različita. Međutim ono što ja moram kazati, iako ja nisam problematizirao ni na koji način niti sam govorio kroz pitanja. Ono što su kolegica Bišćević-Tokić, koja je na kraju uplakana izašla odavde, i ona je doktor nauka, i ona je akademski član, i ona je majka troje djece. Ona je divna, pristojna mlada dama koja je na žalost bila žrtva jednog primitivizma u Kantonu Sarajevo. I kolega Dević Mahir što su govorili, ja u tome nisam zaista vidio lošu namjeru. Apsolutno nije sporno to što kolega Softić dolazi iz ostvarene porodice. Tim prije mislim da ona može dati doprinos Kantonu Sarajevo i Ministarstvu pravde i društvu u cjelini. Međutim ono što su oni pitali i ton koji su oni pitali se odnosio na nadzor koje Ministarstvo pravde zaista radi nad notarima koji su javna služba. Dakle notari nisu zaposleni u javnom sektoru. Oni su javni bilježnici čiji pečat ima karakter javnosti. Oni su možda čak i javniji i veće javne funkcije nego zastupnici, premijeri i ministri itd. Međutim to ne umanjuje činjenicu da ona kao takva ima pravo ukoliko Zakonom nije propisano da bude ministrica. Želim da vjerujem i vjerujem da će kao što je gospodin Forto kazao ona voditi računa da u obavljanju soje dužnosti i vršenju nadležnosti koje vrlo argumentirano kolegica Bišćević-Tokić i kolega Dević iznijeli, da ne čini sukob, da ne dovodi sebe u situaciju da bude u sukobu interesa. S druge strane Ministarstvo pravde kao takvo, jedno vrlo specifično Ministarstvo. Kolegica

Softić dolazi iz Katedre za građansko pravo. Čini mi se i za stvarna prava. I u tome je izvrsna. I želim da vjerujem da će u upravi i u javnom sektoru biti podjednako dobra ako ne i bolja, i da će Kanton Sarajevo konačno imati procese koji se neće na ovakav način odvijati, ne umanjujući značaj i ulogu i korektan rad koji je ishodio ostavkom kolegice Brčić, koja je također moja kolegica, zbog toga je zovem. S tim u vezi pozivam sve da smirimo tenzije u Skupštini Kantona Sarajevo. Da onakvim prizemnim načinom komunikacije koji je možda prirodan nama političarima, ne tjeramo mlade ljude i uspješne perspektivne, kakva zaista jeste kandidatkinja za ministricu Darija Softić i kolegica Jasmina Bišćević-Tokić. Meni je drago da i jedna i druga kao članovi akademske zajednice, kao doktori nauka su spremne svaka na svoj način da od svog vremena privatnog, izdvoje, da svoj privatni život stave na stub javnosti koji često zna biti i neugodan. Međutim na to se trebamo navići svi koji smo u javnom poslu. S tim u vezi čestitam premijeru Forti i Našoj stranci na kandidatkinji za ministra a o njenom radu i njenim rezultatima rada ja ću kao opozicioni zastupnik svakako imati priliku da komentarišem u periodu koji je ispred nas. Toliko predsjedavajući. Hvala.

Predsjedavajući:

hvala kolega Zahiragić zastupnica Vildana Bešlija, prva diskusija.

Poslanik/zastupnik Vildana Bešlija:

Hvala predsjedavajući. Pa evo dosta toga je rečeno. Činjenica je da smo više vremena prije ove pauze slušali o nekim negativnostima ali ono što je pozitivno i kako trebamo ući u glasanje i ono što je zaista važno, je kompetentnost, ja se nadam iskreno, buduće ministric Darije. Tako da sve ove priče vezano za politiku nisu dovoljno jake da daju i da bace makar i malu sjenu na ono, sigurna sam, da će nam pokazati u svom djelovanju buduća ministrica Darija. Tko da ja bih evo poželila sreću i čestitala još jednom na hrabrosti budućoj ministrici što se prihvatila ovako zahtjevne funkcije, a sve ono što je Klub SDA u suštini je pokušao da progovori je neko prošlo stanje. Ti članovi na koji su se pozivali su već završeni, tako da ni na koji način neće uticati na djelovanje i vođenje ovog Ministarstva. Hvala vam.

Predsjedavajući:

Zastupniče Jakupoviću jel ovo prva diskusija? Zastupnik Vedran Jakupović prva diskusija.

Poslanik/zastupnik Vedran Jakupović:

Zahvaljujem predsjedavajući. Impresioniran sam CV. Reći ću samo dvije rečenice. Ispred Kluba NiP apsolutna podrška i jako mi je drago što buduća ministrica je dio našeg tima, složit ću se sa kolegom Marjanovićem, buduća ministrica sa impresivnim CV i jedan lijep događaj. Nećemo dozvoliti da se pokvari dešavanjima kojima smo svjedočili. Dobro došli i nadam se da ćemo sarađivati.

Predsjedavajući:

Zastupnik Zvonko Marić jel prva diskusija? Izvolite, imate riječ.

Poslanik/zastupnik Zvonko Marić:

Zahvaljujem predsjedavajući. Dakle zaista je teško poslije tih scena koje su izazvale mučninu svih nas ovdje u hodniku i gledatelja naravno, po reakcijama možete vidjeti na društvenim mrežama šta se desilo. Moj osobni sud je da je budućoj ministrici, nadam se, to će ovisiti sve od glasanja zastupnika u Skupštini Kantona Sarajevo, učinjena je nepravda. Dakle ministrici pravde učinjena nepravda. Nepravda je učinjena i obiteljima koje su ovdje pominjane. Aktera u ovoj Skupštini. U ovim klupama. I to zapravo toliko nepravde, a nadasve gledateljima koji nisu dužni i nisu zaslužili ovakve scena e i ovakvo gnusno ponašanje kojem svo svjedočili tokom ove sjednice. Zaista, to je neprimjeren način, to je jako loš način i kakvu

smo zapravo poruku poslali građanima u Kantonu Sarajevo? Zaista mogu u superlativima da govorim o CV ministrice. Mlada osoba, sigurno, ja ne znam puno o njoj iskren da budem. Ali sasvim sigurno ono što sam pročitao je zaista impozantno, fascinirajuće. I red je da imamo takve osobe. S druge strane neću da kvarim bilo kakav dojam. Klub SBB će glasati prema svom nahođenju uvažavajući sve ovdje što je rečeno i što se moglo razabrati između onih gnusoba koje smo slušali. Čuli smo i pitanja kolega iz SDA, i da ne bih ja kvario bilo kakav dojam, i da se ne bi na neki način, bilo kakav način shvatilo drugačije, Klub SBB će zaista glasati po savjesti i nemam nikakvih uputa za članove Kluba. I ono što posebno želim istaći je to da na neki način ministrica, nadam se da je neće ovo prepasti, da se neće uplašiti, da će shvatiti da je ovo politička borba, da su tu tenzije prisutne a zapravo to su sve izazovi pred kojima ona stoji i morat će da da odgovore na sve to. Ja neću da kvarim bilo kakav dojam, da govorim o tome i da komentiram pitanja koja su postavljena i da znam Zakon o notarima, pročitao sam. I koja je uloga Ministarstva pravde u svemu tome. I sve drugo i da sada ne bih elaborirao nadam se da su i oni koji su je predložili potpuno svjesni određenih rizika koje nose upravo takve stvari. I neću ali samo želim da stavim do znanja da znam razumijem, shvatam, pročitao sam, jasno mi je i sve akte pravne koji se odnose na sukob interesa itd. Želim ministrici ukoliko bude naravno dobila potrebnu podršku, u budućnosti uspjeh u radu i još jednom bih apelirao na kolege da pokušamo da na jedan dostojanstven način razgovaramo o temama koje su pred nama. Zar nije poražavajuća činjenica da smo još uvijek na drugoj tački dnevnog reda? I ako imam nesuglasica i čak imamo suprotstavljena mišljenja, parlament je mjesto gdje ćemo raspraviti na jedan dostojanstven način vodeći računa o ugledu i dignitetu najvišeg zakonodavnog tijela u Kantonu Sarajevo. Danas smo oskrnavili taj ugled i pokušajmo predsjedavajući, još jednom apeliram, isključite mogućnost bilo kakvih replika, ispravki krivog navoda, znate kako su sračunate i na koji način, i da se ljudi drže teme. Jer i mi smo izloženi torturi svojevrsnoj. Dvije suprotstavljene nepomirljive dijametralno suprotnih stavova strane. I dajte da privodimo ono što smo naumili, kao SBB vi ste i potpuno svjesni dali smo podršku i Zakonu koji je prethodio ovoj tački dnevnog reda, odnosno nacrtu Zakona, obezbijedili smo u datom trenutku i kvorum itd. Dakle, prema svom nahođenju i prema savjesti mi ćemo u buduću glasati, podržavati svaku dobru ideju, sve što je napredno i sve što je u interesu građana, barem tako i na jedan korektan način pokušavamo. Zato sam tražio dva puta pauzu kako bi se stišale strasti i da ne bi građani svjedočili o primitivizmu koji je očigledno ovdje prisutan. Nekako smo svi došli ovdje da istresemo naše frustracije i da zbog toga plaćaju cijenu građani koji su nas birali. To je nedopustivo. Hvala.

Predsjedavajući:

Zastupnik Mahir Dević druga diskusija.

Poslanik/zastupnik Mahir Dević:

Hvala predsjedavajući. Znači s gnušanjem odbacujem bilo kakvu vrstu insinuacije da je bilo ko iz Kluba SDA na bilo koji način uvrijedio ministricu, odnosno kandidatkinju za ministricu pravde i uprave Kantona Sarajevo. Mi smo problematizirali Zakon i članove Zakona o notarima, imajući u vidu da taj Zakon vrši nadzor, imenovanje, razrješenje, postavljanje v.d. itd. U smislu imenovanja kandidatkinje za ministricu. Naravno da smo postavili pitanje tog srodstva u smislu nadzora. Ni u kom slučaju kompetencija, opravdanosti što se ljudi ti nalaze na tim pozicijama. Ni jednim slovom mi nismo uvrijedili kandidatkinju za ministricu bilo kog člana njene porodice, niti nam je to namjera, nit manir za razliku od onih koji su to poslije radili. I mi smatramo da je ovo jedno ozbiljno pitanje koje treba da se riješi kao prethodno pitanje, da ne bi smo došli u određenu vrstu situacija. I predložili smo odmah, kazali smo u pitanjima i u diskusiji da tražimo da taj teret podnese Skupština Kantona Sarajevo da se to razriješi kao prethodno pitanje i ostavili smo mogućnost da nas podrže sve kolegice i kolege u Skupštini da se to prethodno pitanje razriješi. Ja mislim da je to čak i u interesu kandidatkinje

za ministricu da sa jednim jasnim stavom uđe u mandat. Varijanta B, kazali smo ukoliko to ne želi da uradi Skupština Kantona Sarajevo, kolege u Skupštini Kantona Sarajevo, mi ćemo te dopise poslati ispred Kluba i tražiti odgovore na tu vrstu pitanja. Ja mislim daje puno bolje za sve nas, za Skupštinu Kantona Sarajevo za ministricu, za Vladu aktuelnu i parlamentarnu većinu da to uradi skupština a ne Klub. Ukoliko je sve u redu, ukoliko je sve tu u skladu sa zakonom, ukoliko ne postoji nikakav sukob interesa, super. O kompetencijama ministrice zaista ne mogu govoriti osim da ima impozantan CV, da je profesor, čini mi se itd. Znači u tom segmentu niko nije postavljao nikakva loša pitanja, osim ovog prethodnog pitanja za koje mi smatramo da može u jednom momentu biti problem. I ništa drugo. Sve drugo, poslije što je nastalo u diskusiji su bile udaljavanje od tema, spinovanja, insinuacije, ružne riječi itd. Ja i kolegica smo vrlo birano, pažljivim riječima postavljali pitanje bez i jednog uvredljivog tona. To ste mogli svi da posvjedočite tu. I naravno evo mi smo predložili zaključak ispred Kluba SDA, tražeći da se o tom zaključku izjasni Skupština. Ja vas još jednom pozivam da to uradimo svi zajedno da stavimo tačku na tu vrstu priče. Ukoliko vi to odbijate to je onda potpuno jedna druga pozicija u kojoj ćemo mi kao klub poslati te dopise na adrese koje je pročitala kolegica Jasmina Bišćević-Tokić. Naravno, mi bez prethodnog riješenog pitanja sukoba interesa ne možemo dati podršku kandidatkinji za ministricu, iako smatramo da je dobar kandidat. Ali ne možemo dati podršku dok se ovo pitanje prethodno ne riješi. To što igrom slučaja se potrefilo da je ne znam majka i sestra itd. Niko nije spominjao njihova imena, niko ih nije stavljao u bilo kakav ružan kontekst. Znači jednostavno je bilo pitanje sukoba interesa koji smo morali obrazložiti. Ne možemo sada doći postavljavati pitanje sukoba interesa a ne reći zašto ga postavljamo i koji su razlozi. I cijelo vrijeme smo navodili sve članove. Čini mi se nekih desetak članova Zakona smo naveli i ja i kolegica Jasmina u najboljoj namjeri da se to prethodno pitanje riješi. Eto toliko predsjedavajući. Ja vas još jednom pozivam da date podršku ovom zaključku Kluba SDA. Naravno na vama je takva vrsta odluke. Hvala.

Predsjedavajući:

Hvala kolega Deviću. Prije nego što tačku stavimo na glasanje, kratko ću se također obratiti zastupnicama i zastupnicima. Zamolio bih zastupnike da uđu u salu, oni koji su u hodniku. I mi nismo dobili nikakav zaključak pismeno ovdje. Sačekat ćemo onda par minuta. Jel to to? Dobro evo imamo i pismeno zaključak ispred Kluba SDA a i stručna služba me obavijestila da im je potrebno par minuta da resetuju sistem prije samog glasanja. U toj pauzi od dvije tri minute ja ću vam se kratko obratiti. Mnogi danas zastupnici su se pozivali, meni je drago što je ovo javnost imala sve da vidi, mnogi su se pozivali i prozivali, pozivali mene da zavodim red kao predsjedavajući Skupštine Kantona Sarajevo. Jedan od jednakih među vama, međutim također je javnost mogla da vidi da su pojedini isti koji su pozivali i unosili nered u Skupštini. Ono što bih vam kao kolegicama i kolegama poručio a to je sljedeće svaka rasprava oduzima snagu. Pogledajte nakon danas žučne rasprave četiri, pet sati kako smo se sada smirili. Međutim, na žalost, poslije ovolikih rasprava trebali smo doći sada u nekakvu fazu razmišljanja razumnog možda su pale neke teške riječi međusobne, apsolutno viška. Smatram nas odgovornim ljudima, pogotovo što građani Kantona Sarajevo nas prate i gledaju, trebamo čuvati dignitet ove Skupštine. Imamo portale, imamo medije gdje možemo iskoristiti ako želimo da argumentiramo i oponiramo svojim protivnicima, oponentima kako god želite, ali ne bi trebali Skupštinu Kantona Sarajevo koristiti kao poligon gdje ćemo izbacivati iz sebe svu frustraciju eventualno kako bi jedni druge prekidali stalno. Evo sada ću vam još jednu stvar kazati. Poslovnik, i da građani to znaju, Poslovnik omogućava svakom zastupniku da ima da se javi za repliku, za poslovničku intervenciju, ispravku krivog navoda. Međutim mi smo vidjeli danas unakrsne zahtjeve, pozive, dizanje ruku, istovremeno po tri četiri zastupnika žele ispravku krivog navoda. Kome da damo. Moramo zvesti neki red. Polako. Iako Poslovnik kaže dati odmah. Ali dati odmah kada imamo jednog distantna a drugi

distantan traži svoje pravo poslovnčko, međutim kada imamo tri, četiri, pet i više zahtjeva ne možemo koristiti tako. Moram pustiti da završi jedan zastupnik pa tek onda drugi. I još jedna stvar, kada zastupnik ili zastupnica traže svoje pravo koje Poslovnik im daje, ne mogu ja znati šta taj zastupnik ili zastupnica misli, kao što pojedini zastupnici kažu vi ste mislili to i to i uvrijedili ste. Ne možemo komunicirati na takav način i govoriti šta neko misli. Možemo argumentovano braniti stavove ono što je neko od nas izgovorio. Tako da je danas bilo dosta nekih poziva da se zavodi red, međutim jako puno su isti ti koji su pozivali i čini li danas nered. Tako da mi je drago da je javnost mogla da vidi ponašanje svih evo danas prisutnih ovdje. Ja ću staviti zaključak ispred Kluba SDA. Molim zastupnice i zastupnike da se izjasne, zaključak. Oprostite zbog resetovanja sistema, par minutica pauze.

NASTAVAK NAKON PAUZE

Predsjedavajući:

oprostite možete li sjesti na svoja mjesta. Služba je riješila tehnički problem. Stavljam na glasanje zaključak Kluba SDA.

„Predlaže se Skupštini Kantona Sarajevo da prije imenovanja ministrice zatražimo mišljenje o eventualnom sukobu interesa od Komisije za odlučivanje o sukobu interesa BiH, Federalnog Ministarstva pravde i Ureda za borbu protiv korupcije i upravljanja kvalitetom Kantona Sarajevo”.

Molim zastupnice i zastupnike da se izjasne o ovom zaključku. Možemo aklamacijom dok. Evo služba nas upozoravamo da možemo glasati samo ne vidimo kako smo glasali, međutim konačni rezultat će izbaciti. Hajde možete prekinite pa ponovite.

Molim zastupnice i zastupnike da se izjasne. Molim službu da objavi rezultate glasanja.

Za je glasalo 6, protiv 15, suzdržano 4.

Konstatujem da ovaj zaključak nije dobio potrebnu većinu.

Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA MINISTRICE MINISTARSTVA PRAVDE I UPRAVE KANTONA SARAJEVO.

Molim službu da objavi rezultate glasanja.

ZA JE GLASALO 20, PROTIV 6, SUZDRŽAN 1 ZASTUPNIK.

KONSTATUJEM DA JE SKUPŠTINA DONIJELA OVU ODLUKU.

Prije stupanja na dužnost ministrica daje Svečanu izjavu.

Molim gospođu Dariju Softić-Kadenić da pristupi davanju Svečane izjave.

(Predsjedavajući čita Svečanu izjavu a ministrica ponavlja za njim)

SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE.

Čestitam. U svoje lično ime i u ime Skupštine Kantona Sarajevo vam čestitam i želim vam puno sreće u narednom radu.

Nastavljamo sjednicu Skupštine Kantona Sarajevo dalje. Tačka šest je povučena. Tačka sedam:

AD – 7.

PRIJEDLOG ODLUKE O DAVANJU SAGLASNOSTI NA STATUT O IZMJENAMA STATUTA JAVNE USTANOVE DOM ZDRAVLJA KANTONA SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene. Imamo li predstavnika predlagača? Jeste li vi? Izvolite ovdje za govornicu. Samo nam se predstavite zbog stenograma.

Alen Katović, pomoćnik ministra za zdravstvo Kantona Sarajevo:

Poštovanje, dobar dan svima. Ja sam Alen Katović, pomoćnik ministra za zdravstvo Kantona Sarajevo. Kao što je predsjedavajući rekao, radi se ovdje o Prijedlogu odluke o davanju saglasnosti na Statut o izmjenama i dopunama Statuta JU DZ Kantona Sarajevo. Isključivo se radi o izmjeni i usaglašavanju Statuta DZ Kantona Sarajevo sa Pravilnikom o federalnim pravilnikom koje moraju ispunjavati osobe koje konkuriraju za direktore zdravstvenih ustanova. Radi se isključivo o ispunjavanju u pogledu zdravstvenog menadžmenta koje moraju ispuniti direktori za imenovanje na navedene pozicije. Ništa drugo.

Predsjedavajući:

Hvala. Da li predstavnici radnih tijela žele riječ? Ima li pitanja? Otvaram raspravu. Oprostite, zastupnica Segmedina Srna Bajramović.

Poslanik/zastupnik Segmedina:

Hvala. Pa kratko ću. Ova saglasnost na statut je jasno formalne prirode i kako sto stoji u obrazloženju, vrši se usaglašavanje statuta s pravilnikom. Izvršene su izmjene u pogledu posjedovanja certifikata o obavljenoj edukaciji iz zdravstvenog menadžmenta u skladu sa Pravilnikom o uslovima u pogledu vrste završenog fakulteta zdravstvenog usmjerenja koje moraju ispuniti osobe koje konkurišu za direktora zdravstvene ustanove Službene novine FBiH broj 77/17. sve bi to bilo u najmanju ruku uobičajeno da čitajući detaljniji ne shvatite da mi danas dajemo saglasnost na usaglašavanje statuta sa aktom iz 2017 godine. Postavlja se pitanje šta se radilo 4 godine da se usaglasí jedna jedina odredba te da li uopšte u našem sistemu postoji kontrolni mehanizam koji prati ovakve stvari. Ovo djeluje neozbiljno, neodgovorno i komično s aspekta građana kojima se mjere sekunde u upravnim postupcima kada ostvaruju svoja prava pred državom, a država evo kako vidimo još jednom kreirala sebi komfor da svoje obaveze usaglašava 4 godine. Toliko, zahvaljujem.

Predsjedavajući.,

zahvaljujem se zastupnici Segmedini Srna Bajramović. S obzirom da nemamo više prijavljenih, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA STATUT O IZMJENAMA STATUTA JAVNE USTANOVE DOM ZDRAVLJA KANTONA SARAJEVO.

Molim službu da objavi rezultate glasanja.

ZA JE GLASALO 27 PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na tačku osam:

AD – 8.

PRIJEDLOG ODLUKE O DAVANJU SAGLASNOSTI NA SPORAZUM O POSLOVNOJ SARADNJI KOJIM SE REGULIŠU MEĐUSOBNI ODNOSI NA REALIZACIJI PROJEKTA REKONSTRUKCIJE, FINANSIRANJA, USTUPANJA, OPREMANJA I KORIŠTENJA OBJEKTA PU „CICIBAN“ SA OPĆINOM NOVO SARAJEVO I UDRUŽENJEM PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“ I DAVANJU SAGLASNOSTI DIREKTORICI JAVNE USTANOVE „DJECA SARAJEVA“, DA POTPIŠE NAVEDENI SPORAZUM SA OPĆINOM NOVO SARAJEVO I UDRUŽENJEM PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“

Materijal ste uz poziv za sjednicu. Molim predstavnika Predlagača da podnese uvodne napomene, ako ima potrebe.

Ministrica Naida Hota-Muminović: UVODNO IZLAGANJE

Predsjedavajući:

Hvala ministricе Hota. Da li predstavnici radnih tijela žele riječ? Ima li pitanja?

Otvaram raspravu. Zastupnik Elmedin Konaković.

Poslanik/zastupnik Elmedin Konaković:

hvala predsjedavajući. Od srca zaista čestitam i opštini Novo Sarajevo i resornom Ministarstvu, a posebno ovoj vrijednoj ekipi iz Udruženja Dajte nam šansu sa kojom smo čini mi se svi u ovoj sali imati priliku komunicirati i uvjeriti se kako plemenit i težak posao rade. Ideja datira pa ja je sjećam davno nekada, '16, '17 godine sa nekim proceduralnim problemima. Uglavnom su problemi, čini mi se, bili na lokalnom nivou, i raduje me činjenica jedan zapušteni objekat, ako ne znate gdje je, tamo uz šetnicu u Vilsonovom, uz samu Miljacka, jedna prelijepa pozicija na kojoj leži jedna polu-srušena zgrada. Znam koliko su energije uložili ljudi iz ovog Udruženja, Ines prije svih, Kavalec, i koliko su međunarodne institucije animirali kako bi dobili tu vrstu podrške i na tome zaista iskreno, od srca čestitam i naravno s velikim zadovoljstvom podržavamo ovakav projekat a naravno čestitke resornoj ministrici. Hvala.

Predsjedavajući:

Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA SPORAZUM O POSLOVNOJ SARADNJI KOJIM SE REGULIŠU MEĐUSOBNI ODNOSI NA REALIZACIJI PROJEKTA REKONSTRUKCIJE, FINANSIRANJA, USTUPANJA, OPREMANJA I KORIŠTENJA OBJEKTA PU „CICIBAN“ SA OPĆINOM NOVO SARAJEVO I UDRUŽENJEM PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“ I DAVANJU SAGLASNOSTI DIREKTORICI JAVNE USTANOVE „DJECA SARAJEVA“, DA POTPIŠE NAVEDENI SPORAZUM SA OPĆINOM NOVO SARAJEVO I UDRUŽENJEM PORODICA DJECE I OSOBA S POTEŠKOĆAMA U RAZVOJU „DAJTE NAM ŠANSU“.

Molim službu da objavi rezultate glasanja.

ZA JE GLASALO 28, PROTIV I SUZDRŽANIH nije bilo.

KONSTATUJEM DA JE SKUPŠTINA DONIJELA OVU ODLUKU.

Prelazimo na tačku devet:

AD – 9.

PRIJEDLOG REZOLUCIJE O ZAŠTITI I UNAPREĐENJU KVALITETA ZRAKA U ZATVORENOM PROSTORU U KANTONU SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Ne čujem da li ima potrebe? Ima. Ko nam je predlagač? Vildana Bešlija. Zastupnice izvolite.

Poslanik/zastupnik Vildana Bešlija: UVODNO IZLAGANJE

Uzimajući u obzir da ljudi danas 80 do 90% života provode u zatvorenom prostoru; kontrolna mjerenja pokazuju da je koncentracija zagađujućih materija dva do pet puta veća u zatvorenom nego na otvoreni prostor; se znatno manje pažnje pridaje onečišćenju zraka u zatvorenom u odnosu na otvorenom prostoru; podaci Svjetske zdravstvene organizacije (SZO) ukazuju da devet od deset ljudi udiše zrak u kojem koncentracije zagađujućih materija premašuju ograničenja data u smjernicama SZO, a slabo i srednje razvijene zemlje pate od najveće izloženosti;

2. provedena istraživanja jasno ukazuju na povezanost između izloženosti toksičnim materijama iz okruženja i razvoja akutnih, hroničnih i malignih oboljenja kod djece i odraslih osoba; •su djeca najosjetljivija na zdravstvene učinke zagađenja zraka, što je posljedica nezrelosti njihovog respiratornog, imunološkog, reproduktivnog, centralnog nervnog i probavnog sistema; •djeca, usljed dva puta bržeg ciklusa disanja, imaju veću stopu potrošnje kisika i apsorbuju znatno veće količine zagađujućih materija od odraslih; •se stopa povećanja broja djece sa alergijama može povezati i sa toksičnošću materijala u objektima gdje djeca borave. Zabrinuti zbog toga što: •sa pandemijom virusa SARS COV-2, zbog primoranosti da se više vremena provodi u zatvorenom prostoru, pitanje kvaliteta unutrašnjeg zraka postaje još relevantnije; •mandatni ostanak djece kod kuće znači manje prilika za njihovu svakodnevnu fizičku aktivnost na otvorenom, školskim igralištima ili parkovima; •rezultati istraživanja internacionalnog projekta "SEARCH" koji je provodio Regionalni centar za okoliš centralne i istočne Evrope, ukazuju da su u školama u BiH zabilježene najviše koncentracije PM10 lebdećih čestica, benzena, te među najvišim koncentracijama toluena, ksilena i NO₂, te da je zastupljenost djece sa dijagnozom astme, aktivnim astmatičnim simptomima i antiastmatičnim tretmanom u BiH veća od prosječnih vrijednosti; •rezultati Pilot studije kvaliteta unutrašnjeg zraka u odabranim zgradama obrazovnih institucija u Kantonu Sarajevo ukazuju na visoke koncentracije PM_{2,5} i CO₂ te neadekvatnu unutrašnju temperaturu i relativnu vlažnost u učionicama, pogotovo u sezoni grijanja; •se u BiH ne vrše mjerenja koncentracije CO₂ što je po posljednjim istraživanjima važan parametar mjerenja zagađenosti unutrašnjeg zraka; •Bosna i Hercegovina, njeni entiteti, Distrikt i kantoni nemaju dostatnu legislativu za borbu sa problemom loše kvalitete zraka u zatvorenom prostoru. Pozivajući se na odredbe: •Rezolucije Evropskog parlamenta „Čist zrak za sve“ (2019); •Direktive 2018/844 Evropskog Parlamenta i Vijeća o izmjeni Direktive 2010/31 / EU o energetske svojstvima zgrada i Direktive 2012/27 / EU o energetske efikasnosti (2018);

3 Uredbe br. 305/2011 Evropskog Parlamenta i Vijeća o utvrđivanju usklađenih uvjeta za stavljanje u promet građevinskih proizvoda (2011); •Deklaracije o okolišu i zdravlju iz Parme (2010); •Zakona o zdravstvenoj zaštiti u Federaciji BiH (2010); •Akcionog plana za životnu sredinu i zdravlje djece u Evropi (2004); •Smjernica Svjetske zdravstvene organizacije (SZO) za kvalitetu zraka u zatvorenom (1987 i 2000); •Zaključke i preporuke analize „Kvaliteta unutrašnjeg zraka“ Udruženja „Savjet za zelenu gradnju - Green Council“... ..mi, izabrane predstavnice i izabrani predstavnici građanki i građanka Kantona Sarajevo, posvećeni zaštiti

života i zdravlja svih naših sugrađanki i sugrađana, a naročito onih najmlađih u s v a j a m o REZOLUCIJU O UNAPRIJEĐENJU KVALITETA ZRAKA U ZATVORENOM PROSTORU U KANTONU SARAJEVO

Veliki broj provedenih istraživanja jasno ukazuju na povezanost između izloženosti zagađujućim materijama iz okruženja i razvoja akutnih i hroničnih oboljenja kod ljudi. Podaci Svjetske zdravstvene organizacije (SZO) ukazuju da devet od deset ljudi udiše zrak u kojem koncentracije zagađujućih materija premašuju ograničenja data u smjernicama, a slabo i srednje razvijene zemlje pate od najveće izloženosti. Zagađujuće materije se mogu zadržavati duži vremenski period u zraku zatvorenih prostora i tako uticati na ljude putem različitih načina ekspozicije, i to inhalacijom, ingestijom ili preko kože. Djeca su najosjetljivija na zdravstvene učinke zagađenja zraka. Osjetljivost djece je najčešće posljedica nezrelosti njihovog respiratornog, imunološkog, reproduktivnog, centralnog nervnog i probavnog sistema. Štetni uticaji loše kvalitete unutrašnjeg zraka se prvenstveno manifestuju problemima s respiratornim i kardiovaskularnim sistemom, nastankom karcinoma i drugim bolestima izazvanim nepovoljnim okruženjem, kao i učincima na pažnju i akademski uspjeh školske djece. Simptomi i oboljenja koje izazivaju pojedine zagađujuće materije iz unutrašnjeg zraka su prepoznati i definisani u preporukama SZO, kao i u i rezolucijama, akcionim planovima i uredbama institucija Evropske unije (EU). Sa pandemijom virusa SARS-COV2 pitanje kvaliteta zraka u zatvorenom postaje još aktuelnije jer su i djeca i odrasli primorani više vremena provoditi u zatvorenom prostoru uz povećanje rizika od zaraze i razvoja bolesti u zagađenim, vlažnim, zagušljivim i nedovoljno ventiliranim prostorima.

4. Zbog svega navedenog, mi izabrane predstavnice i izabrani predstavnici građanki i građana Kantona Sarajevo obavezujemo Vladu Kantona Sarajevo da imenuje interdisciplinarnu radnu grupu, koju će činiti predstavnici/e: -Ministarstva komunalne privrede, infrastrukture, prostornog uređenja, građenja i zaštite okoliša, -Ministarstva predškolskog, osnovnog i srednjeg obrazovanja, -Ministarstva zdravstva, -Ministarstva pravde i uprave te - međunarodnih i domaćih nevladinih organizacija i nezavisnih eksperata koje se bave zaštitom zraka u zatvorenom, čiji bi rezultati rada u prvoj godini od imenovanja trebali biti: •Akcioni plan za zaštitu djece i mladih osoba od zagađenja zraka u zatvorenom prostoru; •Nacrt zakona o kvaliteti zraka u zatvorenom u Kantonu Sarajevo; •Nacrt zakona o građenju u Kantonu Sarajevo; •Izmjene i dopune Pedagoških standarda i normativa prostora, opreme i didaktičkih sredstava predškolskog odgoja i obrazovanja; •Izmjene i dopune Pedagoških standarda i općih normativa za osnovni odgoj i obrazovanje i normative radnog prostora, opreme nastavnih sredstava i učila po predmetima za osnovnu školu; •Izmjene i dopune Pedagoških standarda i normativa za srednje obrazovanje. Mi, izabrane predstavnice i izabrani predstavnici građanki i građana Kantona Sarajevo, također obavezujemo Vladu Kantona Sarajevo preduzme korake ka: •jačanju ljudskih i tehničkih kapaciteta za ažurnije prikupljanje podataka o kvaliteti zraka u predškolskim ustanovama, osnovnim i srednjim školama; •podizanju svijesti građanki i građana Kantona Sarajevo o štetnim efektima zagađenog zraka u kućanstvima; •podizanju svijesti poslodavaca u Kantonu Sarajevo o štetnim efektima zagađenog zraka na radnom mjestu; •podizanju svijesti o neophodnosti primjene održivih i neškodljivih materijala u građenju i rekonstrukciji objekata. Ako ima nekih pitanja ja sam na raspolaganju. Hvala vam.

Predsjedavajući:

Zahvaljujem. Da li predstavnici radnih tijela žele riječ? Ima li pitanja? Otvaram raspravu. Zastupnica Amra Hasagić.

Poslanik/zastupnik Amra Hasagić:

Zahvaljujem predsjedavajući. Poštovane kolegice i kolege zastupnici, uvaženi predstavnici Vlade, drage građanke i građani, sve vas srdačno pozdravljam i selamim. Prije same svoje diskusije uputila bih iskrene čestitke novoizabranoj ministrici pravde. Ja ću svoju današnju

diskusiju početi s jednim izrazom zadovoljstva da su kolegice i kolege iz pozicije prepoznale važnost čistog i kvalitetnog zraka kao jednog od najvažnijih faktora za zdravu budućnost naše djece. Ovu konstataciju naglašavam zbog čina a o kojem je i šira javnost u Kantonu Sarajevo upoznata, stavljanja van snage Studije o ventilacionim koridorima za koju se najviše zalagao ministar i ekspert iz arhitekture gospodin Faruk Kapidžić. Ja se ne mogu oteti dojmu i ovo stavljam kao retoričko pitanje. Da li su namjere prilikom derogiranja pomenute studije bile iz dva razloga: prvi od kojih je omogućavanje nastavka urbicida u Kantonu Sarajevo, a drugi svojevrsnom populističkom triku kreiranja problema za kojeg imamo spremno rješenje. Polazeći od svega navedenog svoju ću diskusiju završiti konstatacijom da je aktuelna politička situacija toliko devalvirana da zbog jeftinih poena rušimo postojeća rješenja, omogućavajući zloupotrebu pravnog vakuuma. Klub SDA će svakako podržati ovu Rezoluciju i ja kao žena u Skupštini Kantona Sarajevo kolegici Vildani Bešliji čestitam. I nadam se u budućnosti da ćemo sve žene zajednički djelovati u kreiranju boljih rješenja za rast naše djece. Zahvaljujem.

Predsjedavajući:

Zahvaljujem se. Zastupnik Haris Zahiragić.

Poslanik/zastupnik Haris Zahiragić:

Dakle nisam zaista nisam imao namjeru da se javljam na ovoj tačci, međutim kako je kolegica Vildana Bešlija čitala, ja sam prilikom čitanja materijala propustio neke dijelove Rezolucije koji nisu obavezujući istina kao rezolucija ni za jedan organ vlasti, niti za jedno domaćinstvo u Sarajevu a i kolega Amra me potakla na diskusiju pa ću kratko prokomentarisati zagađenje zraka. Dakle nije licemjerno od kolegice Vildane koja dolazi iz Naše stranke, a koja je čini mi se jedina glasala protiv odluke o vjetrokoriđorima, iako je premijer Forto mogao ne staviti to na dnevni red, ali je ipak stavio tu tačku dnevnog reda na Vladu, gdje su ministri čini mi se samo iz NiP većinom glasova izglasali da se ta odluka stavi van snage, tako da ona moralno pravo zaista da govori o čistom zraku u Kantonu Sarajevo. Tema vjetrokoriđora, odluke i stavljanja van snage je posebna tema gdje će Klub SDA u narednom periodu trenutno sada pravimo zanimljiva istraživanja izdavanja nekih građevinskih dozvola koja su u toku i vrlo jasno će im biti za čiji interes, u čije ime zapravo je stavljena ta odluka van snage. S druge strane čist zrak u zatvorenom prostoru zasigurno treba da bude tema, međutim, želim da vjerujem kolegice Bešlija da nema u namjerama politika u Kantonu Sarajevo da po principu ovoga što je kolegica Amra rekla, detektuju problem, a ponude već spremno rješenje. Nadam se da je iza ovoga ne stoje proizvođači ili dobavljači prečišćaća zraka koje će sutra trebati u Kantonu Sarajevo. Ovo je ste prvi korak a naredne ćemo pratiti, da izađe na tržište sa tim prečišćivaćima i da de fakto nekome pogodujemo u tržištu koje bi preko noći, kao kada su fiskalne kase uvedene, pa neko imao spremno te fiskalne kase. Želim da vjerujem da to nema veze s tim i baš zbog toga i svega navedenog što je kolegica Amra rekla mi ćemo podržati Rezoluciju a svaki naredni korak na ovom planu ćemo zasigurno pratiti. Hvala vam.

Predsjedavajući:

Prva diskusija zastupnik Elmedin Konaković.

Poslanik/zastupnik Elmedin Konaković:

Zahvaljujem predsjedavajući. Nisam upadao s intervencijama i s prekidima da kažem koliko je ova tema u prostorijama kontrole kvalitete zraka i ova sa vjetrokoriđorima povezana, pa zato želim da se na tu temu repliciram pošto opet evo naravno iz prvog reda kao eto stižu kritike na račun NIP-a. Kada ne znaš kako da nešto uradiš onda to zabraniš. Dakle svijet funkcioniše tako da sam jučer vidio jednu sliku iz Brisela na jednom zaštićenom objektu jednog velelepnog zdanja jednog vrhunskog arhitekta. Naravno, propisano mu je kako taj

objekat mora izgledati. Kad ne znaš kako da propišeš, onda zabraniš. Onda na dva načina zabraniš u Kantonu Sarajevo. Da se Sarajevo razvija uopšte. Onda doneseš odluku da o pomjeranju cigle u bilo kojem dijelu uže gradske zone odlučuje HDZ-ov ministar u Mostaru. Kada se svetiš politikama onda radiš ovako kako to evo insinuiraju ljudi iz prve klupe. A kada znaš šta radiš onda radiš onako kako to radi resorni ministar i naravno dio toga vezan je i za ovu odluku koju potpunosti podržavam. Izrada novog urbanističkog projekta, izrada nove prostorno planske dokumentacije, odvija se potpuno u skladu sa zakonima, propisima i na tome radi grupa eminentnih stručnjaka, jer svijet funkcioniše tako kada želiš da zaštitiš okoliš onda propišeš kako negdje gdje se može graditi treba da izgleda neka građevina. Da nam to spočitavaju ljudi koji su uzeli privatno zemljište, dakle stranka koja je uzela privatno zemljište, ustvari državno zemljište, pa ga dala privatniku, pa na njemu izmijenila kompletan regulacioni plan, pa dodala po 8, 10, 12 spratova na svakoj od zgrada, pa to prodala čovjeku iz Kiseljaka, pa mi to dugo zvali urbicidom kiseljačkim, a oni urbicid sarajevski čisti stranački. Mi ćemo, zatražili smo hitnu sjednicu po prostoru u Kantonu Sarajevo. Malo smo stali zato što smo čekali da vidimo šta će se dešavati. Vidimo da se taj kurs ne mijenja, ponovo će NiP tražiti tu hitnu sjednicu o prostoru u Kantonu Sarajevo, izradi prostorno planske dokumentacije sa imenima i prezimenima ljudi koji su radili te korekcije regulacionog plana, izdali dozvole, vršili tehničke prijeme i sve one druge koji su uvezani uz jednu hobotnicu koja danas fakturiše nekome da radi u nečijem interesu. Dakle, ova odluka danas je dobra, svrsishodna, novi urbanistički projekat, novi regulacioni planovi koje rade lokalne zajednice su također svrsishodne a ne postoji logika, zdrava logika ne postoji, koja može reći jedan cijeli grad, njegova najuža gradska jezgra tamo gdje jedna stranka nije dobila glasove na izborima, više se ne može graditi. Dakle to je razlika u tome što mi to naravno smijemo reći, što znamo čije su te dozvole. Ljudi koji generalno nešto počeli, i treba da grade, znamo im imena i prezimena, i vrlo je lako vidjeti kome su bliski i opet još jedan blijedi pokušaj da se jedna fina tema ko biva konstruktivna fakturiše NiP-u, mi to naravno ponovo i nikada nećemo dozvoliti. Hvala.

Predsjedavajući:

Zastupnik Haris Zahiragić replika.

Poslanik/zastupnik Haris Zahiragić:

Dakle, apsolutno kolega Zahiragić nije to fakturisao NiP-u nego samo iznio izvještaj sa sjednice Vlade da su ministri NiP-a glasali o stavljanju van snage Odluke o ventilacionim vjetrokoridorima, s tim vezi ministri iz Naše stranke i ministri iz SDP-a nisu glasali za, pa onda bi na isti način kolega Konaković mogao govoriti o njima. Dakle i oni se slažu s tim. Ne znam da li su ti koalicioni odnosi dobri, da li je to tema koja je značajan SDP i Našoj stranci, to vi uredite međusobno. Ali nije samo kolega Zahiragić, dakle i SDP i Naša stranka su bili protiv stavljanja te odluke. Treba biti iskren, ja ih ovaj put pohvaljujem na hrabrosti da ne prate volju vladajuće stranke, nego da ipak podrže struku kako i jesu podržavali, jer ta odluka i priča o tome započeta čini mi se u prvom mandatu Edina Forte, Faruk Kapidžić je došao tu na studiju koju su stranci radili. Gospodin Kapidžić tu studiju implementirao. I nije naravno zabranio gradnju. Nego je ograničio gradnju najužem gradskom jezgrom, zapravo u koritu rijeke Miljacke. Periodična je, privremena. Uostalom Ustavni sud je donio presudu u korist Kantona po tužbi lokalnih zajednica vezano baš za tu odluku. Neki procesi drugi su u toku, krivični, pa se zbog toga žurilo. Neka zemljišta su u predmetu tih krivičnih postupaka, velika zemljišta, vrijedne milione. Ja ću sa zadovoljstvom govoriti kome su bliski, kome nisu bliski ljudi i čije su zemlje bile. Ja jedva čekam tu sjednicu. Nećemo opterećavati ovu tačku dnevnog reda, znam jedno, ja nisam nikada bio u vijeću opštinskom gdje su se donosili ti regulacioni planovi. Kolega Konaković je bio ispred SDA. Ja nikada nisam u Skupštini Kantona Sarajevo vodio politiku tih posljednjih 10 godina, gospodin Konaković u ime SDA

bio šef kluba. Ja nikada nisam vodio Vladu Kantona Sarajevo u ime te SDA, gospodin Konaković jeste kao premijer Kantona Sarajevo. Ja nikada nisam pjevao na skupu Senaidu Memiću, gospodin Konaković nije. Izvinjavam se.

Predsjedavajući:

Samo se vratite na temu gospodine Zahiragiću. Počnete peckati i onda se čudite zbog čega.

Poslanik/zastupnik Haris Zahiragić:

Pa tema je bila. Nije peckanje, čuli ste diskusija koja je prije bila. Dakle ja ne branim ni jedan kriminal.

Predsjedavajući:

Samo mi je drago što javnost sve gleda. A maloprije sam upozoravao da viška rasprave nam oduzima snagu.

Predsjedavajući:

Predsjedavajući pazite, zašto niste.

Predsjedavajući:

Zato što svaki put imate potrebu da peckate da dobijete salvu kasnije odgovora, e onda ulazimo u ovaj problem komunikacije.

Poslanik/zastupnik Haris Zahiragić:

Jeste li čuli da sam ja govorio o tački dnevnog reda, gospodin Konaković je na kraju nastavio o skroz drugoj temi.

Predsjedavajući:

Nije to tačka dnevnog reda, nije.

Poslanik/zastupnik Haris Zahiragić:

Ne sada nije, nakon što je gospodin Konaković replicirao.

Predsjedavajući:

Drago mi je da građani vide da imate potrebu da peckate a onda kada dobijete.

Poslanik/zastupnik Haris Zahiragić:

Nije zaista peckanje gospodine Okeriću nego ne mogu ja prihvatiti. Pazite, i vi ste zastupnik u ime SDA bilo osam godina, jel koliko?

Predsjedavajući:

Kakvo veze ima pjevanje? Kakve veze ima pjevanje?

Poslanik/zastupnik Haris Zahiragić:

Ne mogu ja prihvatiti da ja budem žrtva.

Predsjedavajući:

Pazite, svako govori o sebi i protiv sebe. Ne možete vi nekoga diskreditovati ako to javnost neće. Nemojte to pokušavati. Viška je to. Hajde vratite se molim vas na temu.

Poslanik/zastupnik Haris Zahiragić:

Predsjedavajući Okeriću ja moram svaki put iznova kada se ovdje, kada ljudi koji su vodili

procesu u Kantonu Sarajevo mene koji sam par mjeseci u Skupštini, i kolege koje su prvi mandat u Skupštini optužuju za one procese koje su oni vodili. Pa to je malo šizofreno, slažete li se? Ja bih trebao prihvatiti sve loše stvari koje su se dešavale, a mnoge su se dešavale, mnoge generisala SDA. Mnogi od tih ljudi više nisu u SDA, neki jesu još uvijek. Ali to ne amnestira od novih odluka i od novog nastavka takvog rada. Gospodin Kapidžić je ponudi novu viziju razvoja Sarajeva, hrabro, neprikosnoveno. Žalili su se mnogi na njega, načelnici podnosili apelacije, evo na kraju smo došli da gospodin Mandić iz opštine Centar čestita gospodinu Kapidžiću. Završit ću. Sama činjenica da je ministarstvo to ugašeno i spojeno s komunalnom privredom možda najbolje govori o tome. I kolega Konakoviću možemo negdje na drugom mjestu da ne bi smo opterećivali kolege i zastupnike na ovu temu.

Predsjedavajući:

Moram vas prekinuti ovo je četvrta minuta.

Poslanik/zastupnik Haris Zahiragić:

Slažem se u pravu ste. Hvala vam.

Predsjedavajući:

Poslovnička intervencija zastupnica Amra Junuzović Kaljić.

Poslanik/zastupnik Amra Junuzović-Kaljić:

Hvala lijepo predsjedavajući. Intervencija se odnosi na sadržaj ovoga o čemu govorimo. Mi se nalazimo na tački broj 9. dnevnog reda a to je Prijedlog Rezolucije o zaštiti unapređenju kvaliteta zraka u zatvoreno prostoru u Kantonu Sarajevo. I molim sve da se vratimo u tu temu i da radimo. Pred nama je jedna vrlo sadržajna, vrlo kako bih rekla savremena jedna Rezolucija kojoj trebamo da damo podršku a ne da se bavimo istorijama političkih i drugih sukoba. Hvala lijepo.

Predsjedavajući:

Hvala lijepo. Zastupnik Elmedin Konaković. Prijedlog Rezolucije o zaštiti i unapređenju kvaliteta zraka u zatvorenom prostoru u Kantonu Sarajevo.

Poslanik/zastupnik Elmedin Konaković:

Pa nisam zaista, ponovo oni eto nešto imena, prezimena, ja govorim o predmetnoj tački, dovodim je u vezu, zato nisam prekidao ni njih kada su počeli ovu tačku vezati s kvalitetom zraka vani, jer naravno su povezane. Ako imate kvalitetu zraka u Kantonu Sarajevo kakvu generalno imate ne možete vi unutra provjetravati ako vani nije dobro. Impresivno je koliko ovi ljudi ne poznaju procese. Skupština Kantona Sarajevo usvojila je odluku u kojoj se nalaze primjena te studije u svim prostorno planskim dokumentima koji će biti doneseni u Kantonu Sarajevo. Vlada Kantona Sarajevo usvojila dva drugačija, dva različita dokumenta. Usvaja odluka kojom derogira kompletan zakonodavni sistem u oblasti prostornog planiranja, samim tim i Prostorni plan kao krovni akt i sve druge planove i Odlukom retroaktivno djeluje na način da više nema pomjeriti nigdje ciglu. I evo radi javnosti, nismo mi uopšte imali dilemu unutar koalicije koja je prestabilna, koja je pobjednička, da li je to ispravno ili ne. Svi smo se složili da je neispravno. Jedan dio Vlade je mislio da treba pustiti da ta odluka istekne 01.07. mi smo rekli nećemo, što bi čekali. Niti je zakonita, niti je svrsishodna, niti je legalna, ne moramo čekati i tu je bilo neko naše različito viđenje i nikakvo drugo. I svi drugi eksperti sa kojima smo razgovarali složili su se da je ta odluka, kako bih rekao, silovanje propisa. Dakle to je nemoguće da tom odlukom, tim aktom derogirate sve više pravne akte u Kantonu Sarajevo. To je bila jedina razlika i danas naravno stojimo čvrsto pri toj odluci da se na takav način sistem u Kantonu Sarajevo ne može uređivati. Druga važna stvar, ponovit ću je, u izradi

svih novih prostorno planskih dokumenata, studija za koju dio javnosti kaže da je manjkava i da je treba doraditi bit će ugrađena. Jer je to moguće. Mogu nastupiti velike štete. Dakle mogu tužbama ljudi potražiti svoja prava. Vidjet ćete šta će biti. Mi smo toga svjesni i zbog toga smijemo donositi neke odluke. Ovdje je bila razlika isključivo u tajmingu donošenja. O tome mogu govoriti i kolega. A ovo što se pokušava ćemo pričati malo više kada budemo govorili na hitnoj sjednici o prostornom planiranju. Hvala.

Predsjedavajući:

Replika zastupnik Haris Zahiragić.

Poslanik/zastupnik Haris Zahiragić.

Kazao je kolega Konaković da je to derogiranje odlukom svih propisa itd. Međutim ustavni sud je kazao da nije. Hajmo se složiti da je Ustavni sud najreferentniji, narelevantniji da procijeni šta jeste a šta nije derogiranje propisa. Ponavljam da je Ustavni sud. Hoćete li odmah? Izvolite.

Predsjedavajući:

Ispravka krivog navoda Elmedin Konaković.

Poslanik/zastupnik Elmedin Konaković:

Nije to rekao Ustavni sud. Ustavni sud je govorio o nadležnosti. Efendić je apelirao da li Kanton ima pravo. Ima pravo. Suština apelacije nije išla u smislu da li je derogiran neki drugi akt. Dakle Ustavni sud je precizan. Zahtjev za ocjenu ustavnosti je upravo pitanje nadležnosti. Ovdje nesumnjivo da Kanton smije donijeti neki dokument. Da li je on zakonit i u skladu s drugim, evo provjerite može li se odlukom Vlade derogirati Prostorni plan Kantona Sarajevo koji je usvojio ovaj organ Skupština Kantona Sarajevo.

Predsjedavajući:

Hvala. Nastavite zastupniče Zahiragić.

Poslanik/zastupnik Haris Zahiragić:

Taj Prostorni plan nije derogiran nego samo privremeno je zabranjena gradnja tom odlukom u uskom koritu rijeke Miljacke i obale. Hajde jasno ta tema je već svima jasna. I javnost je generalno činjenice da je Kanton Sarajevo žrtva viška gradnje u kojem su učestvovali mnogi. Ja lično nisam i mislim da Kanton Sarajevo treba poraditi na zraku, da se treba razvijati u nekim drugim gradskim opštinama koje kantonalnim opštinama koje nisu ovoliko izgrađene. Ali to je posebna tema. Kolega Konaković također kazao ne može se cigla pomjeriti bez mišljenja HDZ. To je vjerovatno pomiješao Odluku o vjetrokoridorima i Odluku o urbanim krajolicima koje je donijela Nacionalna komisija, državna BIH, za zaštitu nacionalnih spomenika, a koju nije donio taj gospodin Kapidžić nego raniji saziv Komisije. A gospodin Kapidžić kada je došao za vašu informaciju ta odluka je promijenjena i upućena je u javnu raspravu, poslana je. Dakle ukinuta je nadležnost za pojas, bit će samo za nacionalne spomenike. Ne HDZ ministru, nego resornom federalnom Ministarstvu. Nemojte molim vas da zbog činjenice da je neki ministar trenutno iz neke stranke ili tako nešto, da mi sada rušimo sistem FBIH i države BIH jer to Federalno ministarstvo kao entitetsko ima nadležnosti da se brine o nacionalnim spomenicima. Sreća. Jer da se brinemo u Kantonu Sarajevo vjerovatno do sada ne bi ni jedan preostao. Kada je ta nova odluka u pitanju, tek ćete sada vidjeti dobre namjere zaštite i krajolika i gradnje i sprečavanja viška gradnje u Kantonu Sarajevo koje narušavaju austrougarski i osmanski period koji jeste zapravo turistički biser u Sarajevu. Opet, sada je to treća tema. Govorili o zdravlju. Svaka gradnja u uskom jezgru, saobraćajna infrastruktura, tornjevi itd nisu ono što može doprinijeti čistom zraku, ne samo sa aspekta

ventilacije i koridora, jer ja nisam ekspert da o tome govorim, ali sa aspekta infrastrukture, naguranosti automobila, života, privrede, građana, u uskom jezgru grada mogu govoriti. Svjestan činjenice da su ljudi već davno uzeli zemljišta, da žele na malih zemljištima do kojih su došli na upitan način u najmanju ruku mnogi od njih, steći hiljadu ili dvije hiljade posto profita i graditi gore u visinu. Svaka nova izgradnja viška infrastrukturno koje Sarajevu ne može pomoći, bit će i zrak i kvalitet našeg života i životnog prostora sve gori, i bojim se da su na to mislili kolege iz Naše stranke i SDP kada nisu bile za takvo nešto. Hvala vam.

Predsjedavajući:

Hvala. Dopredsjedavajući Vibor Handžić.

Dopredsjedavajući Vibor Handžić:

Zahvaljujem predsjedavajući. Kratak diskusija i replika na prijašnje diskusije zajedno, da se ne bih javljao pet puta. Dakle, tema ove tačke dnevnog reda apsolutno nisu vjetrokoriđori, iako vi kolega Zahiragiću tvrdite da niste započeli sa tom temom, jeste. I vi i kolegica Hasagić ste u diskusiji o ovoj Rezoluciji, govoreći da je ona u redu i da je kvalitetna pozvali se na ukidanje Odluke o vjetrokoriđorima koja nema veze s ovom tačkom dnevnog reda. Tema ove tačke dnevnog reda nisu ni odnosi u aktuelnoj Vladi Kantona Sarajevu i na taj dio ste se referirali i u svojoj prvoj i drugoj diskusiji. I ja zaista moram reći a zašto, i reći ću vam i zašto, da koristite zaista svaki segment sjednice da pod krinkom neke ozbiljnosti i brige za resurse upućujete provokacije. A dokaz tome je završetak vaše diskusija e kolega Zahiragiću na ovu temu kada kažete „krasna je ova Deklaracija ali mi ćemo eto pratiti hoćete li uvesti nekog privatnika koji će opskrbljivati”. Jasno je da provocirate. Nemojte, ako imate viška energije, Evropsko je prvenstvo, gledajte utakmice, otiđite na rekreaciju. Kada dođete ovdje dajte da ozbiljno radimo nemojte da pravimo cirkus od sjednice. Zahvaljujem.

Predsjedavajući:

Replika zastupnik Haris Zahiragić.

Poslanik/zastupnik Haris Zahiragić:

Pazite, vidim kolega Vibor ponosno gleda po sali je li dobro kazao i traži osmijehe od političkih šefova. Pazite, dakle nisam se ja referisao kolega Vibore u diskusiji na to uopšte. Predsjedavajući ako možete samo da odgovorim.

Predsjedavajući:

Mir u sali zastupnici, molim vas.

Poslanik/zastupnik Haris Zahiragić:

Kolega Konaković je nakon one faze uzbuđenja došao u neku fazu nekontrolisanog smijanja. Nisam se ja referisao uopšte na vjetrokoriđore nego sam se referisao na kolegicu Amru koja je to spomenula. Ja u diskusiji nisam o tome govorio kolega Vibore na takav način nego u replici gospodinu Konakoviću koji je otvorio ovu temu na jednom skroz drugom nivou. Kada je u pitanju ovo što ste rekli, želim da vjerujem, ja zaista želim da vjerujem da privatni interes ne stoji iza toga jer me iskustvo, evo u ovih posljednjih par mjeseci pokazalo mi da je firma za deratizaciju i dezinfekciju nabavljala tri miliona medicinske opreme. Dolara. I o tome ste svi šutili. Ovdje sam to iznio. I pravimo se svi ludi. Hoće li opet neka firma tašna mašna, sumnjiva koja je preko pet ljudi registrovana nešto nabavljati u Kantonu. Ja sam rekao da ćemo takav oprez imati. I zadnja stvar samo, posljednja rećenica. Posljednja rećenica ne prekidajte me. Evo vidite ko pravi cirkus od sjednice. Ja sam smiren. Imamo mi ovi kapi kolegica je preuzela. Hvala vam. Jedna rećenica je samo. Dakle i ova posljednja rećenica kolege Vibora zaista me rastužila od njega, jer ga vrlo cijenim, da kaže da pravimo cirkus. To

ako mi izražavamo sumnju, to je mantra koju ponavljaju uporno. Mi imamo kao opozicioni zastupnici obavezu i zadatak da preispitujemo akte i odluke i zakone i rješenja. Mi smo monitoring vlasti. Ja znam da ste vi kolega Vibore u ambijentu opozicije politički stasali ali morate biti svjesni činjenice da ste vi sada vlast mi opozicija. I tako morate nastupati. Hvala predsjedavajući.

Predsjeavajući:

Ispravka krivog navoda zastupnik Vedran Jakupović.

Poslanik/zastupnik Vedran Jakupović:

Gospodin Zahiragić je rekao da je neka firma koja radi dezinfekciju, neke insekte ste spominjali, uvozi medicinsku opremu. Jel tako? Jeste li tako rekli? Ovo je država koja ima agenciju za Alim se zove. Lijekovi i medicinska sredstva da bi neko uvezao bilo šta kada je riječ medicinskoj opremi i lijekovima mora imati dozvolu te Agencije. Pa ću zamoliti da ne dezavuirate javnost. Vjerovatno niste ekspert u toj oblasti ali ćete opet diskutovati.

Predsjedavajući:

Pošto imamo prvo repliku dopredsjedavajućeg Vibora Handžića, dat ćemo njemu pa onda vama. Dopredsjedavajući Vitor Handžić replika.

Dopredsjedavajući Vitor Handžić:

Zahvaljujem predsjedavajući., dakle kolega Zahiragiću ja vam se zahvaljujem. Vi ste, pokušavši meni da uputite provokaciju to da ja tražim šefove da mi daju odobrenje, potvrdili ono što sam ja rekao u svojoj diskusiji, da vi samo ovdje služite se provokacijama. A fulili ste adresu zato što meni te diskusije „vidi mu glave i to” to mene uopšte ne dotiče vjerujte mi. Hvala.

Predsjedavajući:

Replika zastupnik Haris Zahiragić.

Poslanik/zastupnik Haris Zahiragić:

Pazite, kolega Vibore nisam zaista rekao u toj namjeri. Vidjeli ste da nakon što sam ja to rekao da je jedan od vaših kolega izašao smijući se odavde. Ja, nakon što ste vi završili svoj odgovor meni sam čuo sa lijeve strane na možda 30 stepeni od mog lijevog uha cinični osmijeh. Pogledao sam u vašem smjeru i vi ste bili na putu tog osmijeha. Samozadovoljno ste se nasmiјali i rekli pa evo rekao sam. Nisam ja nikada vam rekao vidi mu glave, nije to moj politički stil. Kolega Vedrane vama je bila replika, ja zaista nisam čovjek koji ima pristup Agenciji. Nemam pristup dokumentima uopšte ko ima u tom momentu dozvolu oko nema. Poznata je nama ta firma IDS Zdrava sredina, pa IDS, pa Zdrava sredina, sve na istoj adresi. Znamo i ko su vlasnici i osnivači. Ali ja nisam iznio iz te perspektive da je to firma za deratizaciju. Ukoliko ukucate na internet stranici “zdrava sredina.ba”, kažu eksperti u zaštiti radnih i životnih prostora. Zahtjev za brzom uslugom deratizacije. Evo pogledajte još o nama. Evo molim vas. Evo kratko predsjedavajući.

Predsjedavajući:

Gubimo vrijeme imamo još jako puno posla.

Poslanik/zastupnik Haris Zahiragić.

Dobro, evo, evo da ne bih čitao ovdje sada da je zaista na stranici oni sami o sebi kažu da im je to kor djelatnost, nek pročita kolega Vedran, ovo što se on javio da brani ja ne želim da

vjerujem da on ima neposredan interes u toj firmi.

Predsjedavajući:

Replika pretpostavljam dopredsjedavajući Vibor Handžić.

Poslanik/zastupnik Vibor Handžić:

Ma samo kratko da pojasnim. Niste me shvatili, nisam ja rekao da ste vi meni rekli „vidi mu glave” nego sam ja žargonski okarakterisao vaše diskusije tako. A vi ste nekoliko puta danas rekli da ste ponosni što ste Sarajlija i sigurno ste gledali Top listu nadrealista trebali bi to znati. Zahvaljujem.

Predsjedavajući:

Zastupnik Vedran Jakupović replika.

Poslanik/zastupnik Vedran Jakupović:

Pa samo kažem opet ekspertu Zahiragiću ekspertu opšte prakse da kažem generalno da neko ne može uvoditi lijekove i medicinska sredstva bez dozvole Agencije za lijekove, medicinska sredstava. Ta dozvola se dobije nakon što ispoštujete jako mnogo zahtjeva koje agencija traži. I nakon toga za svaki od proizvoda koji uvozite i platite određene takse i dokažete i porijeklo i ne bih sada da vas učinim nekim stvarima, jer ne vidim svrhu, a nije ni tema ove tačke.

Predsjedavajući:

Jel se možemo vratiti na diskusije. Mislim da ste ispucali replike. Koliko ste mali replika? Jednu. Sigurno? Dobro, replika zastupnik Haris Zahiragić.

Poslanik/zastupnik Haris Zahiragić:

Ma kolega Vedran je kazao da sam ja ekspert opće prakse ponovo cinično i to više nije cirkus, to nije provokacija predsjedavajući, jel tako? Kada on meni kaže da sam ja ekspert opće prakse. Kada ja nešto ni blizu toliko provokativno ne kažem ni cinično vi mene upozoravate. Evo nisam ekspert opće prakse, ukoliko kolega Vedran smatra da jesam ja mu se zahvaljujem. Imam poprilično široko opće a i formalno znanje pa možda zbog toga on stiče utisak da sam taj ekspert. Međutim ja nemam potvrdu da sam najčasniji, najhrabriji i najbolji ekspert, tako da ja na žalost ne pripadam tom krugu ljudi, ma koliko ja imao to opće ili bilo koje drugo znanje. Ova argumentacija kolege Vedrana kada je dozvola u pitanju amnestira činjenicu da je Srebrena malina nabavljala te respiratore. Ja na primjer ne mislim da je to bio baš adekvatan odabir firme. Isto tako ne mislim da je IDS zdrava sredina adekvatan odabir.

Predsjedavajući:

Možemo li malo na temu?

Poslanik/zastupnik Haris Zahiragić:

Pa evo vidite opet meni temu. Nisam ja počeo tu temu. Ja njemu samo odgovaram na ono što je on kazao. Dakle ja ne želim uopšte da govorimo ovome. Nadamo se nećemo više morati predsjedavajući. Evo ga.

Predsjedavajući:

Pitanje za zastupnice Vildanu Bešliju i zastupnicu Bibiju Kerlu jel ovo prijava za diskusiju ili za repliku? Znači replika ili? Onda sačekajte malo. Zastupnik Vedran Jakupović replika. Mislim da ste ispucali replike.

Poslanik/zastupnik Vedran Jakupović:

On je replicirao jeste na moj krivi navod. Ne, ja sam imao krivi navod jer je izrazio.

Predsjedavajući:

Evo zastupnik Vedran Jakupović krivi navod.

Poslanik/zastupnik Vedran Jakupović:

Izvinjavam se građanima Kantona Sarajevo na ovome. I što ulazimo u rasprave ali je došlo vrijeme da kažemo gospodi ono što mogu slobodno reći zaslužuju. Poređenje Srebrene maline s bilo kim je degutantno. Taj proces je na sudu. Ako imate bilo kakve dvojbe sumnje, možda informacije o krivičnim djelima, zna se koji je put. Srećom neće vas niko tužiti jer ste zastupnik pa možete pričati šta hoćete i to koristite. Ali evo zbog korektnosti sam dužan da ovo kažem.

Predsjedavajući:

Zastupnica Bibija Kerla jel diskusija ili je replika? Replika kome? Zastupnica Bibija Kerla replika dopredsjedavajućem Viboru Handžiću.

Poslanik/zastupnik Bibija Kerla:

Pa s obzirom da vidim da je moj kolega Vibor Handžić pun ironije za neke zastupnike u Skupštini Kantona Sarajevo molim ga da nam kaže kada je sljedeća utakmica na EP, da znamo koliko ćemo diskutovati na današnjoj sjednici. I koja je najbliža fitnes sala da možemo istresti tu svoju energiju? Hvala lijepa.

Predsjedavajući:

Zastupnica Vildana Bešlija diskusija.

Poslanik/zastupnik Vildana Bešlija:

Hvala predsjedavajući. Pa s obzirom evo da je kolega Zahiragić imao nekih par bojazni i konstatacija iako je rekao da podržava ovu Rezoluciju, da još jednom, iako sam se trudila stvarno pročitati sve i da budem što jasnija u svom izlaganju. Evo još jednom ću pojasniti. Ono što se spominje ovdje u rezoluciji se može na osnovu istraživanja i prijedlozi koji se trebaju uraditi se mogu nekako svrstati u neke tri kategorije. Prvo je što e predloženo formiranje interdisciplinarne radne grupe. I to je obrazloženo ko će sve činiti tu grupu. To je ono što mi ovdje bi trebali usvojiti. Drugo je rezultati koje bi trebali da poluču ta interdisciplinarna grupa šta treba da uradi. To su nacrti Zakona, akcioni planovi, izmjene i dopune pedagoških standarda, u tri smisla itd. To je to. I treća stvar je jačanje ljudskih i tehničkih kapaciteta i podizanje svijesti građana i građanki. Htjela sam još jednom da podcrtam ne radi se ni o kakvim proizvođačima i ni o čemu drugom, nego upravo o ovim stvarima koje sam sada sažela. I mislim da je sada ovo sasvim jasno da vam odagnam i tu bojazan eventualno ako je imate. Radi se čisto o propisima. Radi se o stvaranju preduslova da određene stari sprovedemo i uradimo onako kako treba. Hvala vam.

Predsjedavajući:

Hvala. Zaključujem raspravu. Zamolio bih službu da pozove zastupnike da uđu u salu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU REZOLUCIJE O ZAŠTITI I UNAPREĐENJU KVALITETA ZRAKA U ZATVORENOM PROSTORU U KANTONU SARAJEVO.

Molim službu da objavi rezultate glasanja.

**ZA JE GLASALO 27 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU REZOLUCIJU.**

Poslovnička intervencija zastupnik Mahir Dević. Koliko, 15 minuta? Pauza pola sata na zahtjev Kluba SDA.

NASTAVAK NAKON PAUZE

Predsjedavajući:

pozdravljam zastupnice i zastupnike. Vraćamo se 38. sjednici Skupštine Kantona Sarajevo. Nastavljamo sa tačkom deset:

AD – 10.

PRIJEDLOG ODLUKE O USLOVIMA I NAČINU PREDINVESTIRANJA U POTICAJNU STANOGRADNJU

Materijal ste dobili u dopuni. Molim predstavnika Predlagača da podnese uvodne napomene. Ministre izvolite.

Ministar Enver Hadžiahmetović: UVODNO IZLAGANJE

Predsjedavajući:

Zahvaljujemo se ministru. Da li predstavnici radnih tijela žele riječ? Ima li pitanja? Zastupnica Admela Hodžić.

Poslanik/zastupnik Admela Hodžić.

Zahvaljujem predsjedavajući. Dobar dan svima. Na moju inicijativu da se ponovo raspiše javni poziv za subvencioniranje stambenog zbrinjavanja mladih, dobila sam odgovor u kojem između ostalog stoji „stav Ministarstva da se rješenje stambenog pitanja mladih kao što je bilo do sada ne vidi kroz davanje novčane pomoći, već kako smo i naveli već kroz izgradnju novih stambenih jedinica za mlade, te smo između ostalog i za te namjene u Programu utroška sredstava Ministarstva za poticajnu stambenu gradnju izdvojili iznos od 4 miliona”. Recite mi na osnovu čega ste ovdje naveli da vi ne vidite izdvajanje tih 10.000 hiljada KM kao podsticajnu mjeru kao dobru adekvatnu. Da li ste donijeli zaključak po provedenoj anketi i evaluaciji nakon korištenja ovih sredstava prethodnih mladih Kantona Sarajevo koji su koristili ovaj vid subvencije. U konačnici šta znači evo ovaj član 3 pod c) kupovina stana stana po cijeni nižoj od tržišne. Koliko procenata, koliko u iznosu to recimo na određenu cifru koliko je to procentualno manje. Možete li nam objasniti pošto ovdje nije jasno definisano, na osnovu čega ćete birati potencijalne investitore. Da li će morati imati posebne reference ili će to biti nasumično pošto znamo da pojedini investitori nisu baš ispunjavali određene uslove u Strategiji mladih koju smo mi usvojili. Strategija 2019-2023. tamo piše da određeni broj stanova upravo za tu namjenu nije prodat zbog kako je navedeno zbog nekvalitetne izgradnje. I nakon toga je počela primjena ovakvog načina subvencioniranja od 10.000 KM. Da li ste razmišljali da taj poticaj od 10.000 i ova mjera idu zajedno u jednoj ponudi za mlade da imaju veći izbor? I evo još jednom, postaviti ću pitanje da li ste proveli anketu, da li ste pitali mlade, da li imate neke rezultate ankete ili smatrate da to nije potrebno? Zahvaljujem.

Predsjedavajući:

Nema više pitanja. Pozivam ministra da ponudi odgovore na postavljena pitanja.

Ministar Enver Hadžiahmetović:

Hvala na pitanju. Prvo ovo je stav Vlade. Vlada je u januaru donijela ovakvu odluku i ovo je

stav kompletne Vlade. Druga stvar je kada kažemo poticaj to znači da idemo nešto unaprijed. U prošlim godinama se dešavalo a su svi kupili stanove. Kada neko kupi stan onda to nije poticaj te kupnje tog stana. Nego onda dolazimo u drugi segment a to je da je taj mladi riješio stambeno pitanje a onda mu nedostaju sredstva. Dakle onda ne govorimo o poticaju nego govorimo o socijalnoj pomoći. Govorimo o pomoći neke druge vrste. Ono što bi možda moglo doći na neki način opravdano ovo sada što vi govorite jeste da osobe koje su možda na neki način oštećene u nekim ranijim godinama, da evo ali ne u okviru ovog programa, nego u okviru nekog drugog programa, pred kraj godine da se riješi to pitanje. Ali to sada ja ne mogu u ime Vlade da kažem. Ja mogu da imam svoje mišljenje o tome. Ovo je način na koji mi rješavamo istinski pitanje. Ovo kada kažete koliko ćete učestvovati. Mi ćemo naravno imati posebne uslove koje ćemo na Vladi donijeti kada se tiče samog, ovo je odluka u kojoj samo mi želimo da kažemo Skupštini da idemo u ovakav način. Mi ćemo dakle propisati sve uslove u smislu koji su to investitori, na koji način može. Ali kada se tiče same cifre ili ono šta ćemo mi ulagati to je otprilike negdje 15, 20 možda i više %, zavisi od toga koji je stan, koja je veličina stana. Dalje, pošto je u pitanju poticaj za stanove koji još nisu izgrađeni, svaki investitor će prihvatiti kada mu Kanton ili ovo ministarstvo u startu prebaci karikiram 500.000, 1 milion, 1,5 milion, 2 miliona. On je spreman da dadne svakako 10% manju cijenu nego onu što bi dao u nekoj komercijalnoj osnovi. Tako da će se dešavati, zaista, imali smo da kažem analizu kod investitora gdje smo obišli neka gradilišta, da neki stanovi koji su bili 85 do 86.000 KM moći će se uzeti stanovi za nekih 55 do 60.000 KM. Kada se tiče anketa, mi nismo zvanične ankete pravili da kažem anketiranje kako je to na Zapadu, ali smo proveli kontrolu utroška sredstava ranijih godina koji su bili. Nismo nigdje vidjeli da je neko dao 10.000 KM u cijenu stana kojeg je kupio. Nego je taj stan kupio prije čest mjeseci, godinu dana, sedam mjeseci, dvije godine, a onda dobio tih 10.000 KM koje su mu dobro došle jer otišao na more, možda je kupio auto, možda je kupio i sobu, ormar itd. Dakle ovdje mi želimo da riješimo pitanje u budućnosti poticaja. To je poticaj. Sve drugo se ne zove poticaj, zove se nekim drugim imenom. I ja i to drugo ime prihvatam, evo lično kao ministar. I mogu se sutra založiti da oni koji nisu na neki način možda imali priliku, na bilo koji način nisu došli u situaciju da dobiju tih 5, 6, 7000, 10.000. Prošle godine je bilo 7000, prethodne je bilo 10.000 da možda pred kraj godine da kažemo ostalo nam je karikiram 20 miliona KM; 10 milina neutrošenih evo idemo u taj program. Dakle ali molim vas da sada taj dio ne miješamo u ovo ovdje. Ovo je način gdje će biti jako transparentno da se odrede svi investitori koji imaju adekvatne certifikate, adekvatne stanove, koji su izgradili na stotine zgrada u Sarajevu. I na Dobrim lokacijama. Na ovaj način mladi će imati priliku ne samo na tri lokacije da kupe stanove, nego vjerovatno na nekih sedam ili osam lokacija gdje smo do sada imali uvid u taj dio. Evo ne znam to je otprilike ono što sam ja htio da kažem.

Predsjedavajući:

Zastupnica Amra Hasagić. Diskusija, jeste.

Poslanik/zastupnik Amra Hasagić:

Zahvaljujem predsjedavajući. Prvenstveno ću istaći koliko značajnim smatram dokument koji se nalazi pred nama danas, kao i činjenicu da je ministar gospodin Hadžiahmetović odlučio nastaviti i realizirati zamisao koji je njegov prethodnik, gospodin Faruk Kapidžić započeo. Svjesni smo da je socijalna sigurnost podrazumijeva ulazak na tržište rada kroz pronalazak odgovarajućeg zaposlenja, po osnovu na stečeno obrazovanje, te na taj način osiguranje određenog minimuma stabilnosti za sticanje prava vlasništva nad nekretninom u kojoj ćemo zasnovati porodicu. Sama definicija dalje diktira potrebu za podrškom države, te u takvom procesu, što je posebno važno i za mlade u našem Kantonu. Bez obzira da li su ostali u mjestu u kome su odrasli, ili su morali odseliti u drugi grad ili državu, veliki problem sa kojim se suočavaju mladi jeste upravo pronalazak adekvatnog stambenog prostora. Ukoliko još

uzmemo u obzir činjenicu da su prvi prvom zaposlenju njihova primanja dovoljna tek za unajmljivanje više ili manje adekvatnog stambenog prostora, a često i uz dijeljenje tog prostora sa drugim osobama, možemo vidjeti potrebu za jednim sistemskim rješenjem koje je započeo ministar Kapidžić, a koji nam je danas prezentirao i novi ministar, gospodin Hadžiahmetović, koji je zasigurno svjestan sličnih poteškoća i u svom matičnom ZDK. Ono što moram zaista naglasiti jeste i činjenica da Komisija za pitanje mladih, kao i druga relevantna tijela za ovakvu odluku nisu konsultovana prilikom njene izrade, te kao takva su isključena iz vrlo značajnog procesa što je samu odluku uskratilo za vjerujem vrlo konstruktivne komentare navedenih aktera. Nadam se da će Vlada i sam resorni ministar u budućnosti imati sluha za glasove relevantnih stručnih tijela, prije nego što u proceduru puste slične odluke. Zahvaljujem.

Predsjedavajući:

Zahvaljujemo se. Zastupnik Mahir Dević.

Poslanik/zastupnik Mahir Dević:

E sada pošto sam živo živio kao predsjednik Kluba ovu situaciju oko poticanja kupovine stanova od strane mladih, ovo je jedna jako dobra ideja. Mi smo to mislili i prije godinu dana. S tim da ministar je stvarno, nije dobro obrazložio jel. Barem ja kako sam slušao nije dobro obrazložio, što ne znači da nije dobra ideja. Ali sa aspekta ovog pitanja koje je kolegica Admela postavila, to praktično znači da za ovu budžetsku godinu, ako sam ja dobro razumio, mi nećemo imati takvu vrstu stimulacije jer ukoliko mi uđemo u procedure javnog poziva, odabira izvođača itd, pa dok se to sve izgradi ili ne izgradi itd. To je pitanje da li ćemo imati i naredne godine. Ideja je dobra, mi smo je podržavali i prošle godine, čini mi se da je kolegica Admela tada nije podržavala jednu takvu vrstu ideje, možda je vjerovatno zato i pitala. Ona je podržavala ideju direktnog finansiranja te cifre koja na kraju čini mi se rebalansom Budžeta, ne sjećam se tačno koliko, završila na nekih 7 ili 8.000 KM pa je pravljen jedan medijski šou cijeli kako nekadašnja Vlada subvencionira samo s 3000, pa je malte ne parlamentarna većina na tome izgubila svoj kredibilitet, i da ne kažem Klub SDA i sada dolazimo na ovu situaciju ponovo gdje mi danas treba da glasamo za jednu dobru ideju koja je bila dobra i prošle godine, samo je nekima bila tada izgleda neobjašnjiva. A danas je kao objašnjiva. A s druge strane zaustavljamo, ako sam dobro razumio ministra ovaj proces koji je do sada tekao, jel? Znači mi ćemo napraviti sada jedan, ako sam ja dobro vas shvatio, ili možda i nisam, jedan diskontinuitet dok dođemo do tih prvih stanova. Zar nismo trebali predvidjeti neko prelazno rješenje u kome ćemo ipak imati ovaj neki model koji će pokriti ovaj period dok ne dođemo u ovu vrstu pozicije. Ako mi danas usvojimo ovu odluku, koju treba podržati jer je ideja dobra, ja ako sam dobro razumio, mi ćemo napraviti sigurno diskontinuitet u ovom projektu pa možda i jedan cijeli mandat. Možda i tri četiri godine. Koliko će trebati da se to sve izgradi, da ljudi to dobiju. E sada ovo objašnjenje da oni su ne znam tada dobijali pare a već su kupili, pa će od tih para kupiti auta. To je stvar vrijednosti, tamo i vamo, potpuno nevažno. Ali su to dobili. Tako da po meni je trebalo ipak da Vlada razmisli evo pored ove odluke da mi usvojimo odluku kao odluku jer je ideja kao ideja dobra, al ipak mislim da nije OK da napravimo ovaj jedan diskontinuitet podrške prema mladim, pogotovo s aspekta diskusije kolegice i pitanja jer sam ih lično proživljavao zajedno tada sa premijerom Nenadićem, Kapidžićem, ministrom finansija. Znači to je bila drama kako je ta Vlada protiv mladih, ljudi su stranke napuštali, izlazili iz parlamentarnih većina. I sada dolazimo u situaciju da trebamo glasati za ovu vrstu odluke. Savjet, molba premijeru, razmislite da ipak ne napravite ovoliki diskontinuitet. Meni je jasno praktično šta znali raspisati javni poziv, odabrati izvođače, dogovoriti uslove stimuliranja, izgradnje ove, i izgraditi te zgrade. Mi se vozamo novim tramvajima, novim autobusima, Prvom transferzalom, evo nam mandat prošao ljudi. Još smo ogromne napore, jel tako, kao to ćemo riješiti. Tako da vi hajte da mi ovu odluku usvojimo,

ali ipak nek Vlada i resorni ministar uzmu u obzir jednu situaciju da ne napravimo ovoliki diskontinuitet jer ćemo mi ovo, ako ja ovo dobro razumijem napraviti problem najmanje jedan mandat ili pola tog mandata. Ideja kao ideja je dobra. Treba je usavršavati. Pokazat će ona vjerovatno i neke svoje mane u početku, nova je. Ali ideja kao ideja je po meni OK. Ali nemojte da pravimo taj diskontinuitet. Evo mi ćemo podržati odluku jer smatramo da je odluka kao odluka inovativna, nova. Bila je i od prethodnog ministra, evo i od ovoga, treba to osmisлити i uraditi ali bojim se da će to jako dugo trajati. Hvala.

Predsjedavajući:

Zahvaljujemo se kolegi Deviću. Zastupnik Haris Zahiragić.

Poslanik/zastupnik Haris Zahiragić:

Slušao sam pažljivo izlaganje ministra resornog i odgovor na pitanja kolegice Hodžić. U tim odgovorima nismo mogli dobiti baš, nisam ga barem ja evo da budem do kraja iskren mogao razumjeti u nekim odgovorima. Ja mislim da on ima dobru ideju samo da ne zna na koji način je treba prezentirati koju smo mi svi shvatili. Ono da nisu anketirali klasično kao što se na Zapadu anketira, mi posebno nije jasno. I onaj dio za auta ormare itd, sasvim je jasno. Čini mi se da je Vlada Elmedina Konakovića mislim započela, neka me isprave ako griješim, započela ovaj program subvencija stanova za mlade. To jest Vlada ko ju je vodila SDA, kasnije nastavila Vlada Edina Forte, i Adema Zolja čini mi se. Ovo je jedina godina u kojoj će biti diskontinuitet. Dakle ministar resorni Kapidžić je u ranijem mandatu, prošlom mandatu dok mu niste, ili nismo ugasili Ministarstvo i smijenili ga, otprilike ovakvu viziju iznio koju ministar Hadžiahmetović sada spominje i mislimo da je u perspektivi ona zasigurno dobra. Međutim, kao što kolega Dević kaže, proces u kojem će mladi trebati dočekati ove zgrade, sedam, osam zgrada na atraktivnim lokacijama će potrajati zasigurno par godina. Bez obzira koliko se neko angažovao, to su objektivne okolnosti, ne može se brže od par godina provesti proces od ne znam, imovinskih odnosa, pa do regulacionih planova. Ili planiramo već ove ucertane zgrade negdje ili kvadrant (nerazumljivo) možda planiramo praviti stanove za mlade ili ćemo tu ipak neke tornjeve, ne znam. Od toga ovisi dinamika. Nismo mladi nisu do sada te pare ko je su dobivali, jeste to bila subvencija i poticaj. Oni su te novce trošili, u pravilu mladi ljudi u Sarajevu, generalno u BIH, u pravilu kupuju svoje stanove, prve stanove na kredit. S tim u vezi stavki oblik dotacije njima zasigurno olakšava jer otplatu kredita pa neki vjerovatno su i kupili i ormar, što je također dobra subvencija za mlade bračne parove, jer mladi ljudi sa prosječnim platama u Sarajevu trebali bi raditi 20 godina da bi mogli bez kredita kupiti stan. I to je pitanje s kolikim platama bi mogli doći do tog iznosa sredstava. S tim u vezi da bi nastavili dobre prakse Vlade Elmedina Konakovića, Edina Forte ranije, Adema Zolja itd mislim da bi Kanton Sarajevo koji je predvidio čini mi se neka sredstva na stavci za ovu godinu, ukoliko nisu implementirane, vjerovatno ovim tempom neće biti implementirane u ovoj godini, da mi ta sredstva preusmjerimo zaista na poticaj ili subvencije ili podsticaje ili kako god hoćete da kažete ovim mladim ljudima koji su u međuvremenu u ovom vakuumu stekli stanove i da nastavimo to raditi narednih godina u bilo kojem pa barem simboličkom iznosu od 5000 KM kako oni ne bi bili oštećeni. Svaki dinar je roditeljima i mladim ljudima veoma bitan. Ovo govorim s pozicije mladog čovjeka koji i evo ima pristojnu platu u Skupštini Kantona Sarajevo ali veliki broj mojih kolega koji su ušli u bračne vode i koji su dobili djecu, nemaju priliku da se ozbiljnije kreditno zaduže i vjerujte mi da ovo govorim s pozicije generacije. Ne znam možda ima još par kolega koji te probleme prolaze, svaka marka im je u stambenom zbrinjavanju više nego dobro došla. S tim u vezi predložiti, možemo predložiti, evo ja ću predložiti zaključak na ovoj tački dnevnog reda uz uslovnu podršku. Podržat ćemo, nije problem, nema ništa sporno u ovom što smo pročitali u ovoj viziji ali mislim da bi na ovoj tački dnevnog reda bilo adekvatno da usvojimo zaključak kojim bi smo tražili od Vlade Kantona Sarajevo da ili iz postojećih sredstava planiranih u Budžetu

ili iz sredstava koja će kroz rebalans doći, da ih obavežemo da ipak se nastavi program subvencija stanova mladih sa iznosom koji procijeni Vlada da je adekvatan a kako bi imali taj kontinuitet odnosa simboličkog vlasti spram mladih ljudi, njihovih porodica. Dakle to osim poticaja kvaliteti života, poticaji i ženidbama i rađanju djece, što je vrlo nužno u uslovima bijele kuge, kasnog stupanja u brak mladih u Kantonu Sarajevo itd. Mislim da taj izostanak ove mjere bi zasigurno obeshrabrio mnoge mlade ljude s aspekta odnosa vlasti spram njihovih problema. Na tom nivou mislim da Vlada Kantona Sarajevo treba nastaviti ovo i evo ako treba ja ću napisati formulisati zaključka. Možete mi pomoći, možemo zajedno svi formulisati da Skupština Kantona Sarajevo, otprilike ovako bi trebao da glasi, zadužuje Vladu Kantona Sarajevo da iz postojećih sredstava planiranim Budžetom ili eventualno sredstava ako nisu planirana u dovoljnoj mjeri, do kojih ćemo doći kroz rebalans Budžeta, subvencioniraju mlade koji su kupili stanove u periodu koji je bio bez subvencija, do okončanja ovog projekta jer ne možemo mi čekajući ovaj projekat i čekajući te stanove za mlade, potpuno biti bez i jedne mjere. Ja znam da je teško, da u Budžetu nema previše para itd. Ne moramo mi 20 miliona što kaže ministar. Možemo 5 miliona podijeliti u tu svrhu i sigurno će svakom mladom čovjeku koji dobije barem 5000 KM od države, od Kantona, tj konkretnom slučaju biti drago da mi mislimo o tome kako on treba da ostane ovdje, da se stambeno zbrine a ne da pod kirijom i pod velikim kreditima koji obuhvataju 70% ikakve plate bez ikakve pomoći ostaje ovdje. Mislim da se slaže većina zastupnika, vidim da većina iz pozicije i opozicije potvrdno reaguje na ovo što sam kazao, pa eto na tom tragu ukoliko ima još diskutantata poslije mene, evo vidim da ih ima. Ja mogu napisati prijedlog zaključka, evo mogu ga usaglasiti sa premijerom Fortom, šta je to, koji je to nivo koji bi njima omogućio da se snađu s obzirom da je već pola budžetske godine i da ne možemo mi očekivati da sutra to podijele. Ali da omogućimo okvir njima i obavezu naravno da to urade. Hvala.

Predsjedavajući:

Hvala. Zastupnica Segmedina Srna-Bajramović.

Poslanik/zastupnik Segmedina Srna Bajramović:

Pa ono što želim reći na početku, jeste da podržavam svaku odluku ko ja pokazuje namjeru praktične realizacije strateškog dokumenta koji je ova Skupština usvojila a vezano za pitanje mladih. Dakle svima nam je jasno da je ostanak obrazovanih mladih ljudi preduslov razvoja vlastitih kapaciteta koji garantuju ekonomsku i svaku drugu neovisnost. Međutim, mislim da je vrijeme da na jednom mjestu integrišemo sve institucionalne mehanizme koji stoje na raspolaganju mladima kroz održive modele stambenog zbrinjavanja a koji su fokusirani na opcije zakupa, kupovine, ugradnje te nadogradnje postojeće stambene jedinice. Kanton Sarajevo je do sada imao različite forme modaliteta u okviru budžetske podrške, poreskog oslobađanja i inih drugih rješenja bez da smo ih katalogizirali na jednom mjestu. Dakle objedinili na jednom mjestu. Ono što pokazuje situacija analiza jeste da značajan broj mladih ljudi, više od 87% će u narednom periodu biti suočen s problemom rješavanja stambenog pitanja. Ne znam da li je vrijeme, ali evo na glas razmišljam, kako bi možda kvalitativni normativni pomak predstavljalo donošenje posebnog Zakona o stambenom zbrinjavanju mladih, koji bi kao leks specijalis Zakon integrisao sve opcije na jednom mjestu. Dakle stambeno zbrinjavanje mladih ljudi iako se nominalno nalazi u sferi socijalne politike, treba shvatiti kao poseban prioritet u razvoju Kantona u okviru fiskalne budžetske i ekonomske politike. Na kraju, izuzetno je važno da ovakve stvari u smislu implementacije kroz javne pozive kroz jasne i transparentne kriterije čuvamo sebično od svake moguće kontaminacije kada je u pitanju korupcija. Toliko zahvaljujem.

Predsjedavajući:

Hvala. Zastupnik Elmedin Konaković.

Poslanik/zastupnik Elmedin Konaković:

Čudno, ali sve se slažem s kolegom Devićem. Prije svega ovo je projekat koji je osmislio ministar Čedo Lukić u vremenu Vlade na čijem sam čelu bio. Tada je model 10.000 bio nešto što je bilo preznačajno, trudili smo se u svakom tom ciklusu da što više mladih ljudi dobije tu pomoć, koja je nekima bila preznačajna, a neki istina znam neke lično, da im tih 10.000 s obzirom na njihov status finansijski nije baš previše značilo. Znam i da smo kritikovali ministra Kapidžića i premijera Nenadića tražeći da se model taj koji i jeste nastavljen, dakle on je na kraju implementiran sa onoliko sredstava koliko je bilo dovoljno, za onoliko aplikacija koliko se moglo podijeliti. U međuvremenu postoje još neke dodatne okolnosti. Te analize koje pokazuju na koji način jeste utrošen novac i kakvi su zapravo efekti tih projekata. Vrlo korektno, ova tačka. Vrlo korektne su rasprave i stoje te kritike. Dakle pošto sam dijelom bio zagovornik tog modela koji je uveden nekad, čini mi se 2016 godine, nama se činilo da je on najbolji mogući. Ministar Kapidžić istina, predlagao novi model, mi nismo tada reagovali na način na koji reagujemo danas, i to treba potpuno otvoreno i iskreno reći. I slažem se da eventualno u procesu koji bi mogao potrajati, kažemo ako potraje i ako će nam trebati nekoliko godina, da u okviru mogućnosti Vlada Kantona Sarajevo i ove godine obezbijedi, ukoliko je to moguće ne ugrožava sistem, određeni novac, ako tako koncipira Zahiragić zaključak, vrlo rado ćemo ga podržati. S druge strane naravno samo ne bi smo upali u zamku da ako može brzo, a ministar Hadžiahmetović to zna, može li brže, može li ovoj godini, može li se očekivati efekat, koliko novca treba za sami početak. Ne bi smo samo da ugrozimo eventualno nešto što i po eto mišljenju ministra Kapidžića bivšeg, i danas ministra Hadžiahmetovića zaista dugoročno čini mi se funkcionalnije. Mi smo to razložili na proste matematičke faktore i dobili smo neke matematike da na stanu od 50 do 60 kvadrata korist materijalna na cijeni od 90 do 100.000 materijalna korist mladog čovjeka i bračnog para je veća skoro tri puta nego da samo dobije 10.000. i da funkcionalno zapravo tu i hoće aplicirati baš ovako kako je objasnio ministar Hadžiahmetović. To će biti pravi poticaj a neće biti nadoknada kao što smo mi radili u prošlosti. Mislim da će to biti nominalno efikasnije, ali evo još jednom, ako će potrajati predugo, odabir, zemlja, izvođač, gradnja, da u okviru postojećeg Budžeta Vlada i u ovoj godini reaguje sa onoliko sredstava koliko je moguće kako bi se taj kontinuitet podrške zadržao na barem nekom nivou. Hvala.

Predsjedavajući:

Zastupnik Mahir Dević druga diskusija. Oprostite zastupniče Dević. Zastupnice Hodžić jel vama prva diskusija? Oprostite. Zastupnica Admela Hodžić prva diskusija.

Poslanik/zastupnik Admela Hodžić:

Zahvaljujem. Pa evo ja ću samo kratko. Slažem se sa svim što su kolege do sada rekli i Mahir Dević i Zahiragić i Segmedina Srna Bajramović Konaković. Moramo uzeti u obzir one mlade ljude koji su do sada koristili ta sredstva. Nećemo ulaziti u detalje ko je kako i na koji način potrošio sredstva. Da li je neko otišao na more ili kupio automobil, to je sada stvar koju smo trebali predvidjeti pa uvesti neke kontrole i pravdanje sredstava, smatramo da ostale ne trebamo kažnjavati tim postupkom. Trebamo uzeti u obzir i one koji će u buduću koristiti sredstva da je to za pola godine, ove poticaje, ovu novu odluku i sve te benefite. Ali moramo se pozabaviti problemom onim mladim ljudima koji su do sada kupili stanove a nisu koristili pravo na subvenciju. Ostavit ćemo ih diskriminirane a meni nije želja da učestvujem u tome da nekoga diskriminiram. Ako smo jednima omogućili ta prava, bilo bi dobro da ostalima damo tu priliku koji su kupili stanove. Pa onoliko sredstava koliko se može izdvojiti rebalansom, neka to Vlada utvrdi da ne bi trebali ugroziti ničija prava i nikoga diskriminirati nekim novim odlukama. Hvala.

Predsjedavajući:
Zastupnik Mahir Dević.

Poslanik/zastupnik Mahir Dević:

Hvala predsjedavajući. Ja sam maloprije zbog kvoruma vama dao riječ u hodniku da ćemo mi podržati ovu vrstu priče i stojimo pri tome, ali samo želimo garanciju da neće biti diskontinuiteta. Jasno je nama svima da to je priča koja se neće riješiti, u idealnoj situaciji u Kantonu Sarajevo za pet godina. Znači nemojte da e varamo ovdje da sada kažemo bit će ili neće biti. Mogli bi sada ovdje populistički kao Klub pa da kažemo hajde dajte 10.000 KM. Pa dajte 7000 KM svima. To bi bio onaj populizam. Razumijemo situaciju, tražimo od vas samo garancije da neće se napraviti diskriminacija i da će Vlada preuzeti odgovornost da u skladu sa svojim mogućnostima nastavi kontinuitet te vrste stimulacije. Ukoliko vi glasate za jedan takav zaključak i mi ćemo naravno za ovu odluku jer u suprotnom bi ispalo da mi glasamo za diskontinuitet subvencioniranja mladih u narednih sigurno možda i do pet godina. Nemojte nas stavljati kao opoziciju u tu situaciju. Spremni smo da podržimo novi projekat jer je bio i naš i hoćemo da imamo ovaj kontinuitet. Ne obavezujemo Vladu cifrom da sada kažemo u zaključak dat ćete 10.000. dajte koliko budete bili u situaciji da date. I eto taj zaključak vi podržite, mi ćemo podržati ovu odluku i eto dogovora pozicije i opozicije. Hvala.

Predsjedavajući:
Zastupnik Haris Zahiragić.

Poslanik/zastupnik Haris Zahiragić:

S obzirom da nisam imao više vremena, uspjeli smo ja i kolegica Amra otprilike spremiti zaključak nakon što je gospodin Konaković kazao da će podržati ako bude onako izbalansiran bez da crtamo i bojimo pare u dobroj namjeri, bez želje da Vladi Kantona Sarajevo uzimamo sredstva koja su im potrebna za druge projekte. Mi smo predložili jedan izbalansiran zaključak i mislim da ćete ga moći svi podržati.

Zadužuje se Vlada Kantona Sarajevo da iz planiranih budžetskih sredstava ili kroz rebalans Budžeta ukoliko planirana sredstva nisu dostatna obezbijedi program subvencije za rješavanje stambenog pitanja mladih i realizira ih u ovoj godini.

Mislim da je to korektan zaključak koji Vladi ostavlja široku mogućnost a želimo da vjerujemo da će Vlada dati sve od sebe da to bude što veći iznos i što veći broj mladih koji će biti prepoznati od Kantona Sarajevo i na taj način izgraditi emociju spram institucija države što nam fali u posljednje vrijeme i ne smijemo raditi na tom diskontinuitetu. Poslala je kolegica Amra to na e-mail.

Predsjedavajući:

Hvala kolega, kako smo shvatili ovaj zaključak bi trebali na neki način da obaveže Vladu da je opredijeljena za kontinuitet a ne finansijski da se određuje. Pošto bi morali zaključak prvo na Vladu pa ponovo donositi. Evo imamo i ministra i premijera da nam se. Ministre hoćete li vi prvo?

Ministar Enver Hadžiahmetović:

Hvala zastupnicima. Drago mi je da diskusija ide u dobrom pravcu. Gospodin Dević evo zna, pa recimo da možda podijelim sa njim informaciju u Ilijašu mi smo milion KM kao Ministarstvo dali čini mi se za stanogradnju i čini mi se da tamo zgrada ima gotova. Čini mi se, možda. Nema. Znam da je bilo tamo i da je milion KM prebačeno i da recimo sredstvima faktički na nivou lokalne zajednica postoje upravo za stanogradnje. Imamo Kantonalni

stambeni fond za boračka ima spremnih 30 stanova već. Dva tri investitora koja su već u pola izgradnje gdje će biti kod jednog u fazi septembar, drugi decembar već bi mogli nekih također 30, 40 stanova. Dakle otprilike evo po mojoj procjeni nekih 50% stanova od onih koje smo mi možda planirani na neki način u ovom ciklusu bi moglo biti gotovo do marta iduće godine. Ostatak do kraja iduće godine. Ako je to diskontinuitet onda je to OK. Mislim ovo ostalo ja naravno kao ministar dajem podršku za sve ono što je dobro i prihvatam ove zaključke naravno sutra rebalans Budžeta ili ako ostane sredstava do kraja godine da se može davati. Ali mislim da to nije klasični poticaj, to je više pomoć mladima da kažem u nekim drugim stvarima. Hvala.

Premijer Edin Forto:

Nisam se javljao u prvom dijelu za diskusije. Ova diskusiju čini mi se bila je izrazito konstruktivna i na temu. I htio sam samo doprinijeti iako je ministar manje više rekao sve. Ovo je izrazito zanimljiva tema, mladi, poticajna stanogradnja. Ja se želim zahvaliti ministru koji je izašao sa brzim rješenjem imajući u vidu da Kanton Sarajevo u Budžetu ima ove godine 160 KM miliona manje nego zadnje dvije godine prije pandemije. 160 miliona KM fali. Ako se odlučujemo da kako neki od vas kažu par miliona damo u poticaje ili subvenciju kako je ministar bolje rekao, jer to nije poticaj. Nakon kupovine to nije poticaj, ako se odlučimo da damo par miliona, što možda ne zvuči puno u velikom Budžetu, moramo znati odakle skidamo taj novac. Nemojte da obećavamo nešto što možda nećemo moći ispuniti uz najbolju volju. Mi trenutno nemamo tu stavku jer nismo imali taj novac. Mi smo se dvoumili između novog Zakona za boračku populaciju koji ima dodatne milionske iznose, obaveza u Kantonu koje smo željeli do kraja ispoštovati. Željeli smo za nauku, željeli smo sve ove stvari koje som povećali. Nismo mali nova za ovo. Ili nismo htjeli skinuti sa nekih od ovih što sam sada nabrojao. Dakle vo sada govorim vezano za zaključak koji ćete možda usvojiti ili ne, ne bih volio da uđemo u nešto gdje ne znamo možemo li isporučiti iako se možda konkretno slažemo oko konkretno tog programa. Evo sada bih mogao jednu diskusiju koja je više opšta i stručna. Postoji više načina da se pomogne građanstvu da ima stan. U različitim kulturama u različitim državama to drugačije se gleda. Ja vam mogu nabrojati neke od država gdje vlasništvo stana nije neka stvar prestiža. Neki od najbogatijih EU država imaju ispod 50% vlasništvo stana da stanovništvo živi tamo gdje su i vlasnici. Npr u Švicarskoj 45%, u Austriji je 55%, u Njemačkoj je oko 50%. znali neke vrlo bogate države ne insistiraju na imovini, nego insistiraju na nekim drugim stvarima što je naš zadatak a to je da mladima i svima koje želimo da potaknemo da ovdje žive u gradu da im dignemo prihode. Da im omogućimo da rade firme u boljim uslovima, da bolje zarađuju i onda nek oni kupuju šta god žele. Znači to je puno sistematični pristup ko je neke od ovih najbogatijih država imaju. Austrija, evo konkretno grad Beč, ima jedan od najprogresivnijih Zakona o poticajnoj stanogradnji. Izrazito kompleksne sisteme u koje mogu ući si privatni graditelji, oni koji razvijaju lokacije, koji po vrlo jasnim kriterijima uz pomoć države na dugoročni najam, nekada je taj najam 20 do 30 nekada je prelazak u vlasništvo po raznim modelima nudi raznim kategorijama pomoć a prije svega poticaj da će tu. Želim se zahvaliti zastupnici Segmedini Bajramović Srni koja je pomenula Zakon o poticajnoj stanogradnji kojim bi riješili puno šire stvari od ovog što smo mi navikli. A navikli smo da po nekim socijalnim kriterijima dajemo novac nekome kome mislimo da treba i onda damo i kome treba i kome ne treba. Postoji način. Da potaknemo stanogradnju i da ciljamo npr. doktore, doktore medicine. Imao veliki broj zdravstvenih ustanova gdje možda ćemo u jednom trenutku doći da nam bude toliko deficitaran kadar da nećemo moći tu funkcionirati. Otvorit će se velika privatna bolnica. Razvijamo Kantonalnu bolnicu, imao KC. Možda ćemo mi u jednom trenutku reći doktorima stan u pola cijene i potaknemo doktore da dođu tu da žive. Ili IT inženjere ili nekoga za koga mi želimo tu da živi. Do sada smo imali sljedeće navike: Kanton Sarajevo trenutno ima tri vrste poticajnih stanova: socijalni, kojih ima vrlo malo. Ove godine ćemo graditi neke na Šipu socijalne stanove za

zbrinjavanje interno raseljenih osoba. Imamo stanove koje radi boračko Ministarstvo koje je kombinacija ratnih zasluga, boračkih prava i socijalne potrebe. I imamo ono što smo mi sada svi, što ste svi uglavnom u diskusiji rekli za mlade. To je ono najčešće što je bilo na Dobrinji, nešto je bilo na Šipu. Mi se nadamo da ćemo u budućnosti imati više lokacija za mlade. Najbolji model je da se svi poticaji za sve kategorije koje želimo: socijalni, mladi, pa onda ako se odlučimo doktori, inženjeri, ovi, oni, sve one koje želimo, to se najčešće radi u jednom disperzivnom sistemu gdje nećete imati jedno naselje gdje samo socijalna kategorija nego će oni svi biti pomiješani i imat će prilike. Postoji poticajna stanogradnja na najelitnijim lokacijama u najboljim gradovima u državi gdje možete reći evo ovdje treba da rade naučnici iz Cerna iz Švicarske da dođu evo im stan, evo ima na 20 godina nek ovdje rade i žive na našem Univerzitetu nek nam razvijaju neki projekat. Dajte da šire gledamo. Razumijem potrebu da razmišljamo o ovoj godini i sljedećoj godini. I ministar je već najavio učinit će sve što može da uradi čak i ovaj program subvencije nakon kupovine. Ali podsjećam vas da smo u ovoj godini započeli neke projekte i na taj način rekli smo da neće biti ove diskontinuiteta što je zastupnik Dević rekao. U ovom trenutku dok mi govorimo počinje projekat stambene poticajne gradnje Kantonalnog stambenog fonda na Dobrinji, borački stambeni fond gradi na dvije lokacije i imamo jednu zgradu za socijalno stanovanje. Dakle postojat će, ovi će stanovi biti useljivi sljedeće godine ali ove godine već do kraja godine mi možemo raspisati pozive gdje se mladi i drugi mogu javljati sa željom da apliciraju za bolju cijenu u ovim zgradama. Neće biti diskontinuiteta na taj način. Ako ostane sredstava krajem godine mi možemo retroaktivno ko što smo uradili 2019. mi smo 2019 na kraju godine isplatili veći broj mladih onih 10.000 KM kada smo vidjeli da imamo novca. Ali volio bih da se ne zakucavamo u neka obećanja u godini kada nam fali 160 miliona. Znači nepredvidivo je. Može se desiti četvrti val, možda nam zatreba za kisik, za PCR i ne znam ti za šta. Možda nam se to desi u novembru i onda da kažemo e mladi nama nisu bitni nego je nešto drugo bitnije. Dajte Vladi mogućnost da se dogovorimo da pratimo punjenje Budžeta i da eventualno u rebalansu i drugom dijelu godine uvedemo ovaj program a ove programe koje sam već pomenuo, oni su već pokrenuti. Ministar ovim uvodi sistemsko rješenje a zaokružiti ćemo sistem kao što je Bajramović Srna rekla Zakonom o poticajnoj stanogradnji u koji nećemo ići brzo, nego će ići kroz jednu sistemsku stručnu raspravu. Hvala vam na ovoj raspravi koju smo imali do sada. Mislim da svi slično razmišljamo samo da vidimo kada se šta dešava, to je naravno najvažnije i tu je možda nešto gdje se nećemo složiti. Hvala vam.

Predsjedavajući:

Zastupnik Haris Zahiragić.

Poslanik/zastupnik Haris Zahiragić:

Dakle možemo razumjeti ovo što je premijer Forto kazao. Mi se slažemo svakako da nije samo socijalni aspekt zbog toga nismo uopšte disperzirali smo, zapravo disperzirali smo, ostavili smo neodređen da svim mladim koji su kupili prvi stan u Kantonu Sarajevo na neki način Kanton Sarajevo u kontinuitetu nastavi obezbjeđivati neku malu subvenciju ili neki mali poticaj. Poticaj se može iskoristiti kao termin ali nećemo sada o jeziku govoriti. S obzirom da je simbolika podrške vlasti stambeno zbrinjavanju mladih ljudi možda najbitnija i bitnije od svih drugih projekata, premijeru, koje imamo u budžetu Kantona Sarajevo, meni je puno bitnije da mladi doktori, mladi inženjeri, mladi konobari u konačnici, mladi ljudi generalno koji čiji je ovo glavni grad, čija je ovo država, koji su se rodili ovdje imaju osjećaj odnosa vlasti spram njihovih realnih potreba. To je puno bitnije meni nego kredit EBRD za neku tramvajsku stanicu. Nećemo sada govoriti na šta su se novci trošili u posljednjih tri godine šta se sve nabavljalo za ozbiljne i ogromne iznose, kakvi su tenderi sve prolazili. Ima para. Ja evo najavili ste borbu protiv korupcije. Samo ukoliko iskorijenite i spriječite određene direktore i ministre u različitim, uopšte sada politički ne bojim da na tenderima izvlače novce naći ćete

par miliona zasigurno za ovu stavku. S tim u vezi mislim da smo bili više nego korektni. Dakle javnost može da vidi. Mi smo mogli predsjedavajući staviti ovdje neki populistički zaključak neki. Evo kolega Konaković je svjestan. I reći ću, želimo svim mladim ljudima bez obzira na kvadratu, na cijenu, po 20.000 KM odmah. I vi bi ste logično to morali oboriti i onda bi smo mi mogli izaći na TV i reći evo vladajuća većina je protiv mladih i protiv poticaja stanova. Dakle nismo uopšte željeli to jer naša je želja da vi ovo podržite. Nismo mogli na veći način, uopšte nismo mogli postići veći stepen izbalansiranosti i prihvatljivosti zaključka. A premijeru mi vjerujemo da ćete vi pronaći način da uprkos svim problema na najbolji način realizirate ovaj zaključak, svjesni činjenice da je ova budžetska godina nešto slabija, mada pokazatelji trenutni koje imamo govore da ovim tempom, ako ne bude većih problema do kraja godine će se Budžet u puno većoj mjeri izvršiti nego što je planiran čak. s tim u vezi evo mi ipak ćemo insistirati da se glasa o ovom zaključku. Vjerujemo da ćete ga podržati i vi predsjedavajući i kolega Konaković koji je najavio i svi zastupnici u Skupštini. A ostavit ćemo Vladi u dobroj mjeri mogućnost da oni na način na koji oni smatraju da je najbolje u iznosima koje oni smatraju da je najbolje svim mladim ljudima na neki način, pa barem simboličan, daju do znanja da vlast u Kantonu Sarajevo shvata one njihove realne potrebe. Svjesni činjenice da su nam doktori mladi prioritet, na tragu toga ima inicijativa o kojoj ćemo se izjašnjavati, da su nam inženjeri IT industrija možda i bitna šansa, ja ne bih razdvajao. Svi mladi ljudi u Kantonu Sarajevo, bili to pravници, inženjeri doktori, konobari, tapetari, moleri, policajci itd da su svi podjednako važni. Da su svi doktori ne bi mladi, ne bi ni jedan mladi čovjek htio biti policajac a i oni su važni. I policajac koji ima platu 1500 KM sigurno mu puno znači subvencija ili poticaj od par hiljada da barem pokrije ratu kredita za narednu dvije, tri godine, itd. Mislim da se razumijemo, generalno i očekujem od svih kolega da će podržati ovaj zaključak a mi ćemo kao opozicija podržati ovaj plan u tom slučaju bez ikakvih problema, kako bi osigurali i sistemsko rješavanje i evo da premijer Forto poživi, da potraje da implementira ove vizije. Ja sam maloprije spomenuo Kvadrant B. Možda u tom smjeru treba razmišljati možda tamo treba staviti te mlade doktore a ne neke tornjeve itd. Generalno evo pozivam vas da podržite ove zaključke i podržat ćemo mi ovu strategiju na sveopšte zadovoljstvo i da pošaljemo poruku građanima Kantona Sarajevo kada su prioritetne teme, a ovo je smatram prioritetna tema, da postoji ipak minimum političkog konsenzusa u Skupštini Kantona Sarajevo. I to je nakon današnjih rasprava možda i ohrabrujuće.

Predsjedavajući:

Hvala kolega Zahiragiću. Iz ove diskusije proizašao bi sljedeći zaključak ovaj što ste poslali i ovo što su govorili premijer i ministar

Zadužuje se Vlada Kantona Sarajevo da iz planiranih budžetskih sredstava ili kroz Rebalans Budžeta Kantona Sarajevo ukoliko planirana sredstva nisu dostupna u skladu sa mogućnostima obezbijedi program subvencije za rješavanje stambenog pitanja mladih i realizira ih u ovoj godini.

Molim zastupnice i zastupnike da se izjasne na ovaj zaključak.

Moramo se umoriti dobro na Skupštini da sve pozeleni. Molim Skupštinu da objavi rezultate glasanja.

Za je glasalo 29, protiv i suzdržanih nije bilo. Konstatujem da je Skupština Kantona Sarajevo usvojila Zaključak koji sam pročitao.

Zatvaram raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O USLOVIMA I NAČINU PREDINVESTIRANJA U POTICAJNU STANOGRADNJU.

Molim službu da objavi rezultate glasanja.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

S obzirom da imamo sada od tačke 11 do tačke 16 Prijedlog odluka o davanju saglasnosti na nacrt ugovora o kupoprodaji nekretnina sa Fondom Kantona Sarajevo za izgradnju stanova za članove porodica, predlažem da objedinimo raspravu a pojedinačno izjašnjenje.

Samo da ja stavim na glasanje objedinjenu raspravu.

Molim zastupnice i zastupnike da se izjasne o objedinjenoj raspravi od 11 do 16 tačke. Molim službu da objavi rezultate glasanja.

Za je glasalo 28, protiv i suzdržanih nije bilo.

Konstatujem da je Skupština usvojila prijedlog da objedinimo raspravu od tačke 11 do tačke 16.

Materijal ste dobili u dopuni. Molim predstavnika predlagača da podnese uvodne napomene. Nema potrebe. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

AD-11.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU "B1-A", IZGRAĐENOM U NASELJU ROSULJE, OPĆINA VOGOŠĆA, SARAJEVO, ZAKLJUČEN IZMEĐU: FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, PRODAVAC I ČATO BEKIR, KUPAC NEKRETNINE.

Molim službu da objavi rezultate glasanja.

ZA JE GLASALO 26 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

AD –12.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU "B1-A", IZGRAĐENOM U NASELJU ROSULJE, OPĆINA VOGOŠĆA, SARAJEVO, ZAKLJUČEN IZMEĐU: FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, PRODAVAC I MUCIĆ BISERA, KUPAC NEKRETNINE.

Molim zastupnike da pristupe izjašnjavanju. Molim službu da objavi rezultate glasanja.

ZA JE GLASALO 26 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

AD –13.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA

ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (ČOLAK ZIJADA)

Molim službu da objavi rezultate glasanja.

ZA JE GLASALO 26 ZASTUPNIKA, PROTIV i SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

AD – 14.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCIMA NEKRETNINE (SEJDINOVIĆ AJDIN I LIDIJA).

Molim zastupnice i zastupnike da pristupe izjašnjavanju. Molim službu da objavi rezultate glasanja.

ZA JE GLASALO 25 ZASTUPNIKA, PROTIV i SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

AD –15.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE U STAMBENOM OBJEKTU K-35, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (HASETA NURKO).

Molim službu da objavi rezultate glasanja.

ZA JE GLASALO 25 ZASTUPNIKA, PROTIV i SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

AD – 16.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU 3-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (ŠUKALIĆ ADIS).

Molim zastupnike da pristupe izjašnjavanju. Molim službu da objavi rezultate glasanja.

ZA JE GLASALO 25 ZASTUPNIKA, PROTIV i SUZDRŽANIH NIJE BILO.
KONSTATUJEM DA JE SKUPŠTINA DONIJELA OVU ODLUKU.

Sljedeća tačka sedamnaest je:
AD – 17.

PRIJEDLOG ODLUKE O PROGLAŠENJU OPĆEG DOBRA I PRIRODNOG BOGATSTVA DIJELOVA PREDUZEĆA KOJIM UPRAVLJA KJKP „GRAS“ D.O.O SARAJEVO I IZUZIMANJU IZ POČETNOG BILANSA I PROGRAMA PRIVATIZACIJE

Materijal ste dobili u dopuni. Molim predstavnika Predlagača da podnese uvodne napomene.

Premijer Edin Forto:

Zahvaljujem predsjedavajući. Ministar Šteta je opravdano odsutan i ja ću ga mijenjati na ovoj tački. Suštinski se radi o odluci kojim proglašavamo općim dobrom određene parcele i nekretnine koje su trenutno u vlasništvu i pod raspolaganjem firme Gras. Ovdje govori u punom nazivu izuzimanje iz početnog bilansa i programa privatizacije. Međutim ne radi se ni o kakvoj privatizaciji. Radi se o činjenici da smo našli pravni osnov da proglasimo opće dobro i zaštitimo nekretnine poput pruge, trolejskih mreža, infrastrukture, neke infrastrukture unutar samog depoa i remize gdje se nalazi Gras. Imamo nekoliko presedana. Slična odluka je donesena upravo na ovoj skupštini 2000 godine kada smo istu stvar uradili. Kažem mi, Skupština Kantona Sarajevo i Vlada gdje su zaštitili na isti način nekretnine kojima upravlja ZOI'84 i onda kada su se dešavali neki problemi u toj firmi kasnije, moralo se posebno npr izuzimati neke nekretnine kako bi se mogla staviti hipoteka, staviti teret, zadužiti, dići kredit itd. Možda ste upoznati i sa presudom koja upravo se desila u kojoj Općina Trnovo tražila neke nekretnine da raspolaže nekim stvarima vezano onim čime upravlja ZOI; pa je ustavni sud to odbio, upravo zasnivajući se između ostalog i na ovakvim odlukama iz prošlosti. Dakle radi se o zaštiti imovine koju smatramo općim dobrom a to je infrastruktura gdje idu tramvaji, trolejbusi i još neke nekretnine koje želimo da zaštitimo. Ovo ne prejudicira ni na koji način sudbinu firme Gras čija, za koju su sve opcije otvorene u ovom trenutku, ali ne radi se ni o kakvoj privatizaciji već o zaštiti. Tu sam za pitanja.

Predsjedavajući:

Da li predstavnici radnih tijela žele riječ? Ima li pitanja? Zastupnice Hodžić jel ovo pitanje? Izvolite, imate riječ.

Poslanik/zastupnik Admela Hodžić:

Zahvaljujem predsjedavajući. Kada već govorimo o imovini Grasa želim da pitam na koji način su dodjeljivani stanovi na podstanicama Grasa, dakle podstanice su u vlasništvu Grasa, a na istim su napravljeni stanovi koji su dodjeljivani pojedinim rukovodiocima jer je to već milionska cifra. Među njima su određeni rukovodioci pa evo ne znam možemo li tražiti imena i na koji način su dodjeljivani ti stanovi? Hvala.

Predsjedavajući:

Zastupnica Bibija Kerla ima pitanje. Izvolite, imate riječ.

Poslanik/zastupnik Bibija Kerla:

Samo može znati o kojoj površini se radi što se tiče zahtjeva za zaštitu parcele Grasa.

Premijer Edin Forto:

O kojoj se, o čemu radi?

Poslanik/zastupnik Bibija Kerla:
o kolikoj površini se radi?

Poslanik/zastupnik Mahir Dević:

Jasna mi je namjera premijera i Vlade ali radi javnosti volio bih da premijer malo detaljnije objasni ovo da bi javnost mogla razumjeti od čega i od kojih opasnosti to mi sada štitimo Gras ovom vrstom odluke. Mislim da bi bilo transparentno da premijer to obrazloži građanima Kantona Sarajevo.

Predsjedavajući:

Nemamo više prijavljenih za pitanja. Molim premijera da ponudi odgovore na postavljena pitanja.

Premijer Edin Forto:

Hvala na ovim pitanjima. Zastupnica Hodžić ako se slažete da mi dostavite pismeno, može i porukom ovo pitanje pa da saznamo jer stvarno radi se o drugoj problematici i ne bih vam znao odgovoriti na to. Ne vjerujem ni da bi ministar znao odgovor na to pitanje. Koja je površina zastupnica Kerla. Ovdje imate u materijalu površine ovih pojedinih parcela i objekata ali to se može lako sabrati, ima nekoliko hiljada kvadrata. Međutim, ono što je ključno je osim ovog ukupnog ekonomskog dvorišta, to je remiza, to je 47.000 kvadrata. Ali ako vidite tačku 1 i 2, znači kontakta mreža tramvaja i pruga, i kontaktna mreža trolejbusa kao infrastruktura, to su daleko veće površine, koje bi mogli samo procijeniti, a one nisu, nemamo tačnu kvadraturu. Ali evo ako kažete da ima 22 km pruge, puta pojas, mogli bi mislim izračunati ali nema u materijalu tačno izračunata površine. A dole u remizi znamo da ima ukupno oko 50.000 kvadrata. I pitanje zastupnik Dević od čega tačno štitimo Gras. Ja bih volio da smo ovo uradili ranije. Godinama, ako ne decenijama, ali svakako niz godina i niz Vlada se bori sa problemima u Grasu, akumulirani gubitak, sve ono što je ministar već dugo ponavlja. Akumulirani gubitak je daleko iznad visine kapitala. U bilo kojem scenariju, sutra Federalna poreska uprava može teretom, ili bilo koji povjerilac, može neka privatna firma doći i reći mi tražimo da naplatimo svoja potraživanja koja su ogromna, npr na neku infrastrukturu koja ne bi smjela biti predmetom naplate, poput pruge. Pruga mora biti javno dobro. Svuda u svijetu je pruga izuzeta i država raspolaze. Dakle mi moramo to obezbijediti na ovaj način i žao mi je da to nismo uradili prije. Ako je to to.

Predsjedavajući:

Otvaram raspravu. Prvi koji se prijavio zastupnik Mahir Dević. Izvolite, imate riječ.

Poslanik/zastupnik Mahir Dević:

Naravno uvažavajući svu težinu poslu kroz prolazi premijer Kantona Sarajevo nekako mi pred očima se stvori slika sa predizbornog spota našeg premijera koji nam poruči iz tog video spota da će riješiti problem javnog prevoza u Kantonu Sarajevo. Ambiciozno, tendenciozno, možda je i plan bio takav, ne možemo mi to sporiti. Od te jedne slike i videa kojeg smo svi gledali u tom predizbornom spotu, mi smo danas došli do toga da treba da zaštitimo tu imovinu od izvršenja. Ovo sam naravno namjerno pitao od koga. Meni je jasno od koga. Znači ovo nije nikakva vrsta kako da kažem neke posebne prozivke već samo evidentiranja stanja u kome se mi danas nalazimo kada je to KJKP u pitanju. I nadam se da će Vlada Kantona Sarajevo iznaći neko rješenje za ovo preduzeće jer je ono očigledno u ozbiljnim problemima. Potrošili smo evo skoro cijeli mandat da bi smo usvajali odluku da sačuvamo tu imovinu od blokada povjerioca da ih tako nazovem. Nadam se da će premijer i Vlada Kantona Sarajevo smoći snage da ovo pitanje riješi kako nam je obećao premijer upravo sa predizbornog spota 2018

godine ako se dobro sjećam. Hvala. Eto toliko kratko.

Predsjedavajući:

Zastupnica Segmedina Srna Bajramović.

Poslanik/zastupnik Segmedina Srna Bajramović:

Hvala predsjedavajući. Pa evo potpuno sam svjesna, odnosno svi mi ovdje d ane postoji čarobni štapić i da nema kompleksnijeg pitanja od Grasa koji je prije svega evo javni interes, ali pri tome značajno socijalno i ekonomsko pitanje kada je riječ o subvencijama, zaposlenosti i investiranju. Ne sporim da Vlada ima dobru namjeru ali mislim da smo obavezni javnosti predočiti stvarne namjere ovakve odluke kako bi otklonili sve špekulacije u javnosti kada je u pitanju Gras. Transparentnost svih pojedinačnih poteza u ostvarivanju velike reformske slike je važna jer je ovo pitanje svih nas a ne pozicije i opozicije. Dakle svi smo mi u pojedinim vremenskim intervalima ostavili neslavne tragove u upravljanju Grasom pa i stoga je obaveza da danas pokušamo zajedno postaviti stvari na svoje mjesto koliko god to teško izgledalo. Nema nam druge jer ovo na žalost u ovakvom konceptu kontinuirano erodira. Zato je važno da se danas javno kaže da li ova odluka prethodno pitanje konačnog stava Vlade Kantona Sarajevo o Grasu u smislu privatizacije, po obrazloženju ili zaštita strateške imovine kako ne bi postala dio stečajne mase u eventualnom stečaju. Zavisno dakle od konačne odluke Vlade nisam sigurna da je ovo pravno održivo rješenje u dužničko povjereničkim odnosima ali u svakom slučaju postoje oni koji su puno pametniji od mene kada je ova oblast u pitanju pa će oni dati svoj sud o svemu. Nisam vidjela mišljenje Pravobranilaštva koje je izuzetno važno za legitimitet same odluke i njene perspektive u primjeni. Svjesna sam potpuno iskrenih napora evo i ministra i premijera da se javni prevoz održi, podigne njegov kvalitet ali prilikom prošlomjesečnog izvještaja Kantonalnog ureda za borbu protiv korupcije i upravljanje kvalitetom Kantona Sarajevo šef ovog ureda Erduan Kafedžić izdvojio je podatak prema kojem je Pravobranilaštvo Kantona Sarajevo 2014 i 2020 godine utvrdilo daje Gras platežno nesposoban te da su time ispunjeni uslovi za njegov stečaj. Upravo je ovaj izvještaj u javnosti percipiran kao jedna od osnova koja će biti uvažena prilikom utvrđivanja konačnog rješenja za Gras. Da li je to konačna postavka stvari? Postoji li neki drugi definisani koncept koji je Vlada spremna podijeliti s javnošću gdje ova današnja odluka samo mali dio tog mozaika ili je ovo formalno administrativni pojas za spašavanje da se pokuša spasiti ono što se spasiti da jer nam je situacija doslovno iskliznula iz ruku i više nismo sigurni gdje će nas dužničko stanje Grasa odvesti. Toliko zahvaljujem.

Predsjedavajući:

Zastupnik Zvonko Marić.

Poslanik/zastupnik Zvonko Marić.

Zahvaljujem predsjedavajući. Pa skoro da bih potpisao sve ovo što je rekla kolegica Segmedina Srna Bajramović. Ona je već poprilično dugo u ovim klupama i na neki način dobro je govorila u smislu čak i samokritično, dakle potpuno objektivno vezano za stanje u Grasu. Međutim, ovaj model čini mi se da nema baš uporište ili na neki način pretpostavke da uspije. Govorio se jako puno o Grasu već dugi niz godina i prisutna su lutanja u upravljanju, ovim javnim poduzećem i vi sami znate koliko smo mi govorili i potrošili vremena govoreći o Grasu i dovodeći kojekakve eksperte, znamo da su neki generalni upravljali Grasom. I uvijek, i sindikat je čak imao upravljačku strukturu itd. To nije dobro jer jako je puno interesa tamo. Iako je Gras gubitaš interesantno je bilo u tim nekim stranačkim podjelama da su stranke ipak željele Gras da imaju i da upravljaju Grasom. Očigledno je da je tu bilo interesa, novaca itd. Ja se sjećam jako dobro zalaganja za privatizaciju, stečaj, evo sada govorimo o toj stečajnoj masi i opasnosti koja se nadvila nad Grasom ja se bojim da mi

nisam spremni, nismo stvorili pretpostavke da uspješno okončamo ovaj proces ko ji je možda začetak nečega, možda neke vrste reforme a toliko smo govorili o tim reformama ali ono što hoću da istaknem je činjenica ta ako se ide u privatizaciju zar je bilo potrebno da izmišljamo toplu vodu. Trebalo je prepisati kako i na koji način je riješen gradski prijevoz u susjednim državama, gradovima itd. I kada sam ja svojevremeno govorio da ukoliko se želi privatizirati kombi bus, prijevoz autobuski prijevoz, profitabilne linje, padinske itd. Znamo da su neke čak i firme i kompanije željele da uzmu samo profitabilne firme a šta ćete vi sa padinskim dijelovima i kombi prijevozom ti će ljudi biti diskriminirani ukoliko se profitabilnih firmi dočepaju neki tajkuni koji žele da privatiziraju Gras. Zna se šta je sa šinskim, sa kontakt saobraćajem, titd u susjedstvu i da je to nemoguće privatizirati i da će to ostati takoreći b riga Kantona Sarajevo. Hoću da kažem da se mora dobro razmisliti jer u ozbiljnom problemu, vi znate koliko je nezadovoljstvo zaposlenika u Grasu. Čak i za Bajra nisu primili plaću a bili su izloženi i oni sa strepnjom prate sve ono što mi u Skupštini Kantona Sarajevo radimo i dobijam konstantno poruke i to me ponukalo da se javim za riječ. Oni su potpuno zabrinuti i ne vide neka rješenja. Treba raditi sa tim ljudima, porazgovarati i rješavati njihove nagomilane probleme. Kako da vas razumije i na koji način čovjek koji 8 godina čeka penziju stekao je pravo i nisu mu uplaćeni doprinosi. Na koji način ćete rješavati te ključne stvari od kojih zavisi sudbina. Znate koliko je ljudi u tom iščekivanju konačnog rješenja za Gras umrlo, preminulo, nije dočekalo penzije. Zbog čega? Zbog toga što nismo bili sposobni da riješimo ta pitanja. Zato vas molim još jednom, ja razumijem, neću sada retrospektivu da pravim poteza, zalaganja itd evo i premijera Forte i kao zastupnika i kao premijera, i svih ljudi koji su upravljali Grasom. Kada se počne rješavati ovaj problem i ukoliko ljudi koji su odgovorni, koji su doveli Gras do ovog ne budu odgovarali nikada, odgovorno tvrdim, nikada neće doći do rješavanja ovog problema i to će samo bitđi pokušaj bezuspješni pokušaj svih nas i nečasno sudjelovanje u takvim procesima. Prema tome ima jako puno razloga, evo pomenuli ste da sa da ne govorim pomenuli ste i o Antikorupcijskom timu, inspekcijama, istraga koje se vode u Grasu itd. Dakle ukoliko ne bude odgovornosti za one koji su doveli Gras do ovoga apsolutno nećete nikada ništa riješiti. Hvala.

Predsjedavajući:

Zastupnik Elmedin Konaković prva diskusija.

Poslanik/zastupnik Elmedin Konaković:

Hvala predsjedavajući. Sve stoji što kolege govore, ovo je jedan drugačiji proces. Šta god da bilo ko odluči raditi s Grasom ovo je potez koji smo trebali uraditi ranije. Rješenje za Gras ne može doći iz Grasa. To smo pokušali više puta, nije nam uspjelo. Niko od menadžera, prinudnih upravitelja drugih pokušaja nije uspio, i nemoguće je da iz Grasa dođe rješenje za Gras. Ko god krene van Grasa, tu prije svega mislim na Vladu Kantona Sarajevo nužno je da ovim infrastrukturnim dijelom javnog gradskog prijevoza upravlja. Zapravo ovdje se radi o konceptu na koji način ćemo pružiti javni gradski prijevoz a drugo pitanje je kako će funkcionisati Gras. Koji god da bude put, ovo što radimo danas je važan korak, ubijeđen sam da se svi bivši ministri saobraćaja sa ovom konstatacijom će se složiti. Zato je važno, pored ovoga što kolega Marić govori, to je bitka na drugom dijelu priče o Grasu, ali a normalan javni gradski prijevoz sutra ili za mjesec ili tri ili pet, kakva god bude sudbina Grasa važno je da se na ovakav način izuzme, da se zapravo osigura, ili zaštititi infrastruktura kojom se odvija javni gradski prijevoz. Hvala.

Predsjedavajući:

Zastupnik Mahir Dević druga diskusija.

Poslanik/zastupnik Mahir Dević.

Pravo da vam kažem predsjedavajući nakon diskusije kolegice Segmedine doveo sam se nekako u dilemu kao šef kluba kakvu sada odluku donijeti kada je u pitanju ova tačka dnevnog reda iz dva razloga: s jedne strane zaista postoji javni interes i potreba da se zaštiti imovina i to je dužnost nas zastupnika da uvijek to podržimo. Međutim, zaparalo mi je uši činjenica mi nemamo ovdje ni mišljenje pravobranioca Kantona Sarajevo u čijem je opisu posla osnovni posao zaštita imovine Kantona Sarajevo. E sada, ako mi usvajamo odluku koja je nazakonita, neprevodiva i koja ništa ne znači osim na neki način kao neke brige, bez pravnih posljedica mi smo apsolutno protiv takvog načina i pristupa. A ukoliko usvajamo odluku kojom ćemo zaštititi javno dobro kao dio naše obaveze i odgovornosti kao Skupština Kantona Sarajevo mi jednom takvom konceptu dajemo naravno podršku. Međutim ovo je meni sada ostalo potpuno nedorečeno. Prema tome, opet ako ćete već vršiti prekid ove sjednice, poslije ove tačke dnevnog reda, ja bih volio stvar no da čujem pravobranioce Kantona Sarajevo na ovu temu šta kaže. Ja vjerujem u dobru namjeru premijera, ista je i naša, identična. Nema tu nikakve što kažu sumnje za podršku jednom takvom projektu. Ali ukoliko to neće praktično značiti ništa onda ja ne želim da mi glasamo za ništa. Već da tražimo neke druge modele a to je ovaj problem broj dva kako smo ga sada u ovim diskusijama definirali. Nelogično mi je potpuno na ovako ozbiljnu imovinu Kantona da nemamo mišljenje pravobranioca. Ja to zaista nisam na ovoj tački pogledao. Ova mi je diskusija kolegice Segmedine samo signal da je ovo pitanje ipak čini mi se da nije dovoljno potkrijepljeno argumentima i dokazima. Stoga predlažem ako ćete već vršiti na neki način prekid sjednice, dobro bi bilo i zbog Skupštine i zbog premijera i zbog svih nas možda da ostavite ipak prostor da na taj nastavak zovnete pravobranioce, da oni tane iza ovakvog prijedloga odluke, da kaže da to jeste prijedlog odluke kojim se štiti imovina Kantona Sarajevo. Nikakav problem, mi glasamo. Ali ako ulazimo ponovo u neki pravni prostor u kome nisam siguran šta radimo. Ja sam sada zaista u dilemi. A ko će mi to odgovoriti danas? Ministricu pravde smo tek imenovali ne možemo tražiti od nje da nam ona daje tu vrstu tumačenja. Premijer je spominjao neke prakse od prije. Ali te prakse su čini mi se bile vezane za odobravanje kredita. Ili nekih drugih stvari. Dobro. Ali nemamo krovnu instituciju Pravobranilaštvo Kantona Sarajevo. U osnovni opisa njihovih poslova je zaštita imovine. Donosimo jednu krupnu odluku. Za smo za tu odluku da se donese, javni interes opće dobro, trebamo zaštititi, ali nemamo stava pravobranioca. Nevjerovatno. Tako da ja evo apelujem predsjedavajući, možda ipak ako ćete već prekidati sjednicu, završavati pošto vršite konsultacije u međuvremenu, dajte na da čujemo tog pravobranioca. On dobija izuzetno visoku platu za ovo. Nemojte da uvodimo nas zastupnike u glasanje za odluku koju nam je trebao biti predlagач ovdje. Možda čak ne ni premijer ni resorni ministar, već pravobranilac Kantona Sarajevo. Ja mislim da je on trebao da bude uvodničar za ovu tačku dnevnog reda. Ja vas pozivam evo da ipak tako uradite. Nemojte da ulazimo u neki prostor, možemo nešto proceduralno pogriješiti. Neka tu struka, Pravobranilaštvo stane iza ovoga ili neka kaže koji je drugi model ako ovo nije model. O ideji, o njetu smo se dogovorili odmah. Nema problema, mi smo za zaštitu imovine. Ali metodu načinu rada, sigurnosti ovog postupka nakon diskusije kolegice Segmedine ja više nemam uopšte isti stav kao u prvoj diskusiji. Nisam obraćao pažnju na to zaista. Ali znajući šta je posao Pravobranilaštva, ja cijenim da pravobranilac nam treba po ovom pitanju dati stav. Neće nam to značiti ništa dan, dva da se on obezbijedi, ako ćete već prekidati i da onda glasamo. To je moj prijedlog predsjedavajući.

Poslanik/zastupnik Haris Zahiragić:

Pozdrav predsjedavajući. Dakle, iščitao sam detaljno materijale, čuo sam uvodna izlaganja, čuo sam neke stavove kolega zastupnika. Dakle ova tema je puno ozbiljnija nego što mi smo toga svjesni možda. Ili što su pojedini raniji govornici toga svjesni. Dakle ovdje se govori o imovini Grasa razdvojiti ću to na nekoliko faza. Dakle Gras kao javno preduzeće evidentno je u ogromnim dugovima. Da bi se to riješilo mora se predstaviti hrabra i odlučna vizija

rješavanja tog problema ma koji konačan ishod bio. Uvažavajući i prava radnika, i njihovih porodica a prevashodno građana Kantona Sarajevo koji radi usluga u Grasu ne zahvaljujući apriori radnicima, nego različitim vrstama lopovluka u tom javnom preduzeću u posljednjih 20 godina, danas se građani Kantona Sarajevo i turisti osjećaju poniženo kada koriste usluge javnog prijevoza i istina jeste da je javni prijevoz ogledalo jednog sistema, jednog društva. Jednog grada, a Gras je baš onakav kakva je situacija politička u Kantonu Sarajevo. Nemojte misliti sada da imamo previsoko mišljenje o sebi pa da kažemo Gras je loš a mi smo dobri. Svi problemi u Grasu, svi su nastali u ovoj sali i u onoj gore sali Vlade Kantona Sarajevo. Ako želite da govorimo o stranaka i SDA je u tome učestvovala. Ako gledamo ko su bili direktori Grasa možemo vidjeti da je SDA imala samo jedanput čini mi se ili dva puta direktora u 20 godina. Dakle sve su skoro stranke u tome učestvovala na ovaj ili na onaj način. Bilo je hrabrih rješenja prije šest sedam godina. Ja sam kao dječak gledao ovu Skupštinu ovdje sjećam se ministra Bubice koji je hrabro, rahmetli Bubice, koji je hrabro izlagao ovdje prijedlog za rješavanje Grasa. Tada su dugovi bili deset puta manji nego danas. Sindikalisti su dolazili, određeni političari tada ne može, ne damo itd. Danas imamo dug Grasa koji je 10 puta veći. Gradski prijevoz nikada nije bio gori. Kupujemo polovne trolejbuse. Evo nije ni bitno ko ih kupuje neću ni to da govori. Nema se para, žali se a onda se plaćaju stanice koje se ne završavaju dvije godine pet miliona KM. Evo apelujem na medije da to konačno više istraže. Ja deset puta ponavljam istu temu niko na to da obrati pažnju. Bitnije su kapi. Evo nek građani znaju cenzuriše se ozbiljna svaka tema u Kantonu Sarajevo. Po tom modelu ovih zatvorenih stajališta se doveo Gras do voga gdje se doveo. I sada mi kažemo trebamo mi spasiti Gras tako što ćemo izeti imovinu Grasa. Dragi moji i bez i sa mišljenjem pravobranilaca trebate biti svjesni činjenice da mi ulazimo i vjerovatno zbog toga kolega Dević kolegica Segmedina Srna nema mišljenje pravobranioca jer mi ovdje ulazimo u jednu avanturu koja se zove izigravanje vjerovnika. Mi bi mogli ozbiljno krivično djelo napraviti ovdje. Šta? Ti imaš firmu, napraviš dugova 500.00 i onda izađeš. Ja znam da je poznat model pojedinim ovdje da tako rade i sa javnim i sa privatnim firmama. To je ljudi moji prevara klasična. I mi kao Kanton Sarajevo ćemo prevariti više nivoe vlasti, prevarit ćemo povjerenike, prevarit ćemo radnike, pa nemojte molim. Ne možemo u tome učestvovati-. Dakle svaka osoba zna šta znači utaja poreza, šta znači sprečavanje naplate. Znamo šta je to. I zbog toga Mahire nema mišljenje pravobranioca. Ne što je lijen, nego što vjerovatno čovjek ne želi da stavi potpis na avanturizam. Jer kada god neko stavi potpis onda nakon pet godina kažu nemam ja veze s tim neko ima. Posebna tema je remiza kao najatraktivnije građevinsko zemljište u Kantonu Sarajevo trenutno.

Predsjedavajući:

Vrijeme kolega Zahiragiću.

Poslanik/zastupnik Haris Zahiragić.

Jel govorio kolega ispred Kluba nije. E govorim ispred kluba. Prva diskusija. E onda imam još puno vremena. Dakle, remiza ako neko misli da ćemo na takav način izuzeti pa da ćemo onda to u nekom procesu zgrade tamo napraviti dodatne sa postojećom infrastrukturom, pojedinim firmama, i opet se vraćamo na onu temu od maloprije. Onda je to poseban segment i aspekt ove priče i ne možemo mi tek tako amnestirati i dati saglasnost, dići svoje ruke za takav proces. Ja ne želim. Ne želim za 10 godina kada neko postavi pitanje kako se ovo desilo pa da mi izvadi stenogram pa da premotam na YouTube pa da kaže aha vi ovi glasali levati. Pazite, ne smijemo izigravati vjerovnike, ne smijemo se igrati ovdje sa državom, ne smijemo državi izbjegavati da platimo ono što smo dužni zbog našeg nerada, neznanja, bahatosti, lopovluka, kukavičluka prethodnih vlada koje nisu smjele ovo riješiti. Sada ćemo mi Skupština će prevariti povjerioce i vjerovnike one kojima smo mi dužni i neko će tu parcelu remize koja je najbitnija evidentno to je više svima jasno, nekom svom investitoru dati da

napravi tamo neka nova zdanja koja će dodatno opteretiti i zagađenje i zrak itd. Opet neplanski i opet netransparentno. Neće sigurno na javnom pozivu biti licitacija s međunarodnim tenderom s projektima. Nego ćemo opet dobiti neko divlje naselje ko što smo ih dobili puno u Sarajevu. Nemojte, ja apelujem na sve kolege iz pozicije i iz opozicije da evo kao što. I na premijera Fortu ja ne želim da vjerujem da je ovo njegova namjera što sam ja rekao ali procesi su ovi dugi. U tim procesima svaki od koraka koje danas napravimo sutra je otvorio novi korak. Da ipak mi sačekamo mišljenje pravobranioca, da se konsultujete vi iz Vlade sa ozbiljnim državnim organima, uključite i Poresku upravu koja je vjerovnik najveći, uključite i povjerenike i radnike. Dajte nam ozbiljniju ideju nemojte da mi ono „kupiš auto pa prebaciš na ženu, pa žena proda, pa kažeš ne može se naplatiti prevario lizing”. To može na Čaršiji ali ne može u Skupštini Kantona Sarajevo. Barem ne bi smjelo biti tako. Evo ja pozivam premijera da povuče ovu tačku i da na narednoj sjednici sa Pravobranilaštvom sa ozbiljnim mišljenjem, s konsultacijama, nemojte da ovo radimo. Ili predsjedavajući ako ne znate, ako niste sigurni ako planirate paizu napravite je sada dok diskusija traje pa na narednoj sjednici da ljudi vide mišljenje tih relevantnih ljudi. Jel iko spreman svojim potpisom stati iza ooga osim premijera Forte koji vjerujem da ima dobru namjeru, koji želi da mi ovdje konvalidiramo u Skupštini jel. Mi mislimo da Skupština nema odgovornost. U kojem to sistemu? Mi imamo, zastupnici u Skupštini Kantona Sarajevo imaju imunitet. Ali zastupnički imunitet znači da zastupnik u svom radu za ono što kaže ne odgovara. Ali nemamo imunitet da mi činimo krivična djela, pazite. Svih 30. da je pravde i da je države par saziva kompletne Skupštine bi u hapsani bilo. Neki s namjerom, neki iz nehata, neki iz kukavičluka. Donesu se razne odluke ovdje u Skupštini Kantona Sarajevo. Glasali, dizali ljudi ruke nesvjesni šta rade. Pa danas imamo istrage o tome. Doći će dan kada će se u ovom društvu ti procesi otvoriti. I nemojte da kada se otvore mi budemo ti koji su krenuli. Hajde da budemo avangarda da krenemo konačno raditi pošteno i transparentno, da konsultujemo pravobranioca, Poresku upravu, sve vjerovnike, sve povjerenike, svakoga kome je Gras dužan, jer mi njima uzimamo ovo. Šta mi ćemo uzeti imovinu Grasa, radnike ćemo smiriti sa nekim otpremninama, otvorit ćemo novo preduzeće i reći ćemo mi vas zeznuli. Neće to tako proći. Neće ti ljudi kojima smo dužni neće se zadovoljiti sa starim gvožđem i starim tramvajima. Nemojte to misliti. Čak ima i poništavanja ugovora jel tako, u pravu. Ako neko počini pravni posao sa željom da izigra vjerovnika ti poslovi se poništavaju u običnom sudskom procesu. Ima ovdje pravnika još, nisam ja jedini. To su elementarne stvari. Tako da ne može biti argument hajmo mi spasiti imovinu. Mi ako želimo stvarno da spasimo imovinu, moramo to dobro obrazložiti. Moramo predstaviti projekat, viziju pa da sutra ne kaže neko vi ste to namjerno uradili da izigrate. Pa evo ako smo mi u stanju tu imovinu spasiti a s druge strane nemati taj umišljaj varanja vjerovnika onda je to korektno. Slažem se. Ali nemojte da to uradimo i da na kraju tu zgrade svanu i da društvo ko cjelina nema problema da smo mi digli ruke za to. Evo ja apelujem i vidim da i kolege druge se otprilike slažu po reakcijama fascijalnim ekspresijama itd ja predlažem da povučete, spremite bolje ovu tačku, uključite sve zainteresirane strane u ovaj postupak i da onda izglasamo nešto jer meni ništa nije držati, zapamtite to, Sarajevo mi nije draže od Breze ni od Vareša. Evo maloprije smo govorili, ni od Rogatice ni od Gacka. I s tim u vezi ne možemo mi ni pare tih poreskih obveznika iz tih gradova uzimati i ovdje se praviti mi pametni. Što? Da bi mi vozili službena auta, da bi mi lijepo živjeli, da bi davali 3 miliona za istraživačke radove, da bi davali subvencije za ovo za ono, da bi plaćali stanice 5 miliona. Pa izvinite molim vas. Nije to državotvorna politika i nije porez tuđa para. To su naše pare. I mene i Mehe i Keme i Igora i Gorana i svakog građanina BIH. I vi ako mislite da ćemo mi biti pametni da njih prevarimo i mi i dalje ovdje živimo lijepo i vozimo se u limuzinama, mislim da je to pogrešan put. A vi kako hoćete eto. Premijeru razmislite dobro o ovome što sam rekao. Vjerujete mi nije mi uopšte namjera bila da vs ni na koji način inkriminiram samo da razmislite da vas eventualno spasimo. Pravobranilac je dužan da da mišljenje. Bilo ono pozitivno ili negativno. I da se sagleda svaki aspekt ovog procesa. Toliko.

Predsjedavajući:
Zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Zaista smo čini mi se izgubili vrijeme i potrošili vrijeme na ovoj tački dnevnog reda. Mislio sam otprilike na fonu ovih svih diskusija i koje su upozoravajuće čini mi se dobronamjerne, oslobođene politiziranja, i evo ja razumijem, ali mislim da smo trebali nakon upozoravajućih tonova kolegice Srne da prekinemo ovu tačku, da se povuče i da se zadovolji ta potreba da se dobije mišljenje pravobranioca. Ja bih vam mogao danih o Grasu govoriti i kada sam upozoravao za očitu beskurpuloznu pljačku, kada su, zamislite apsurd, ali samo ću taj primjer navesti da vidite u kakvoj kataklizmi je Gras bio, kada sam govorio na sjednici jednog zasjedanja kako su rezani autobusi koji su stari bili 21 godinu poklon japanske Vlade a nabavljani su autobusi stari 28 godina iz Turske. I ne znam iz kojih zemalja još. I niko sankcioniran nije zbog toga. Prema tome, ja mislim i da premijer Forto treba uvažiti ovo što upozoravamo ili da preuzme kompletnu odgovornost. Ja ne znam da li on bez ministra Štete može povući ovu tačku dnevnog reda, ili da napravimo kako već predlaže kolega Zahiragić svojevrstu pauzu pa da čujemo i mišljenje pravobranioca da se onda izjašnjavamo. Neupitna ako treba podrška, nije ovo tačka o kojoj govorimo i gdje upitna podrška za ozdravljenje Grasa ili za prvi korak za ozdravljenje. Dakle neupitna je. Ali mislim da bi u ovom trenutku trebali biti racionalni, mudri i da ipak zadovoljimo to što bi trebalo da imamo ovom prilikom kada odlučujemo o ovoj tački dnevnog reda a to je mišljenje pravobranioca i da se zadovolji ta potreba da čujemo, da mi znamo kao ozbiljni ljudi jer raka je taj Gras i očigledno da ja razumijem i ovo što je kazao gospodin Konaković da je dug proces ali čini mi se da je predug proces ozdravljenja Grasa. Na protiv da je agonija svakim danom sve veća i ukoliko nastavimo i sada napravimo pogrešan korak, bojim se da ćemo produžiti tu agoniju. Hvala.

Predsjedavajući:

Zahvaljujem zastupnicima. Zaključujem raspravu. Imamo prijavljenog premijera. Premijeru izvolite.

Premijer Edin Forto:

Pomiješali ste nekoliko tema ali vidim da su diskusije u najboljoj namjeri. Nije ova tačka nikakav korak za ozdravljenje Grasa. Gras je problem u 20 godina, evo i vi ste u svojim diskusijama neki od vas samokritično jer ste tu duži niz godina. Svi smo pratili, Gras je odvojen problem. Nevezano i zastupnik Konaković je rekao dosta onoga što ću sada ponoviti ali i još neke stvari ću dodati. Nevezano zato šta se desilo s Grasom, bez obzira da je napravljen Zakon o javnom prevozu koji nema ne postoji u Kantonu Sarajevo, da je napravljen, taj Zakon bi predvidio da pruga je potpuno izdvojena i da njome ne upravlja niti je vlasnik ni jedan javni prevoznik, ni privatni ni onaj ko je u vlasništvu Kantona. Nego isključivo država koja mora zaštititi javno dobro pruge. To je svuda u svijetu tako. Razdvoji se prevoznik od infrastrukture. To se sada dešava na federalnom nivou sa prugama. Izdvaja se pruga a prevoznik je firma koja vozi. To je sistemska stvar koja je trebala biti učinjena davno da zaštitite prugu i ove parcele unutar remize koja se ovdje spominje često i koja je postala neki politički simbol tajnih sila koje žele da unište Gras kako bi uzele remizu. I mi sada donesemo ovdje tačku da zaštitimo to, a onda se isti ti argumenti koriste za nešto skroz drugo. Znači nemojte mijenjati teze. Ovo je isključivo zaštita kantonalne imovine koja je javno dobro. U remizi je pruga isto, položena pruga. Želimo zaštititi tu imovinu bez obzira na scenarije koje će se dogoditi. Jedan od bilo koga. Kako ne razumijete. Ovo je trebalo u startu biti. I kada govorite o reformi neko je pomenuo reformu. Reforma javnog prevoza će se desiti

kroz nekoliko stvari. Nije reforma kupovina trolejbusa i tramvaja, mada se i to dešava. Na proljeće stiže 26 trolejbusa prvi put novi naručeni su, uplaćen avans, gotovo, kraj. Stići će. Prvi put od Olimpijade. Ali to nije reforma javnog prevoza. Reforma javnog prevoza je uređenje odnosa u javnom prevozu. Koji trenutno ne postoje. Ne postoje jasni odnosi u javnom prevozu. Ne zna se. Jel vi znate da postoje linije gdje se Gras i Centrotrans takmiče pa trče ko će prije pokupiti putnike. Reforma se dešava zakonom i javnom prevozu. Formiranjem agencije ili Direkcije za javni prevoz koja će upravljati ovom imovinom o kojoj govorimo kao što su pruga, koja neće ovisiti o prevozniku, koja će propisivati standarde. Koja će reći kolika je cijena karte, koja će reći da postoje samo paketi linija koje će se dodijeliti ako se dodjeljuju još nekim prevoznicima a ne samo profitabilne ili neprofitabilne linije itd. Postoji cijela struka, postoji cijeli plan. Reforma javnog prevoza slijedi i sve to nema veze s ovom tačkom danas. Danas govorimo isključivo o infrastrukturi i zaštiti imovine. Ne znam kako vam to može biti kontraverzno na bilo koji način. Ovo je trebalo biti urađeno čak i da je Gras super profitabilan da sada ima 100 miliona na računu, a ne 300 miliona u gubitku. Svejedno je, pruga ne može biti negdje gdje je u riziku. Može biti samo zaštićena od strane države kao što su zaštićene neke stvari u ZOI'84 pa neko tamo nije uspio da je uzme jer je proglašen javni interes. Proglasite javni interes na imovinu, kakav vam je to rizik? To je jedna stvar. Druga stvar pravobranilac s nama pripremio ovu odluku. Pravobranilac. Zato što je nenadležan po sopstvenom izjavi. Nenadležan a ovu konkretno odluku i kaže nema ništa protiv da ide u ovu odluku. Nismo mi ovo improvizovali, nisam ja ovo sam sjeo i napisao. Znači zajedno s njim smo ovo uradili. Evo ja bih volio da ovo ide bez obzira na ove rizike koje ste vi rekli a koji se ne nalaze ovdje još bih samo kratko odgovorio u nekim od vaših diskusija osjetim kao da se nešto sprema, što ne znamo da se sperma. Znači radite neka predviđanja radite. Nije Gras danas postao problem. Gras je problem 20 godina. I imajući u vidu da je to problem 20 godina trebali bi proglasiti javno dobro nad prugom i trolom. Ne znam šta je tu sporno. Imaju u vidu da sve znamo šta se dešava i sve znači logična jedna odluka vlasnika imovine javnog dobra jer ne bi trebao niko ni privatnik ni bilo ko raspolagati javnim dobrom. Zna se šta je javno dobro. I vezano još samo kratko, ne želim da ovo išta bude o meni, ja sam još 2014 taj spot koji sam snimio. Znači 14. prije sedam godina kao problemu koji treba sistemski riješiti i pravo to sada radimo kroz zakonske akte i uređenje odnosa u javnom prevozu a ne ovim bilo kakvim improvizacijama i ne kupovinom koju ćemo također raditi. To nije reforma. Eto nadam se da sam vam malo pomogao. Znači zajedno sa pravobraniocem pripremili ovo. Eto.

Predsjedavajući:

Zahvaljujemo se premijeru. Na žalost ne mogu dati riječ zastupnicima koji su se prijavili jer sam zaključio raspravu. Ne možemo zaključimo sam raspravu ne možemo replicirati.

Premijer Edin Forto:

Ipak je to pravobranilac i on ima taj pravni jezik koji ja ne želim da ga citiram. Znači doslovno Ured za zakonodavstvo je potvrdio da se ovdje radi i pojedinačnom a ne o općem aktu. Pravobranilaštvo daje mišljenje na opće a ne na pojedinačne akte. Dakle na zakone i drugo kada je u pitanju imovina. Ovo je pojedinačni akti na koji on nije nadležan i ne može nam dati mišljenje. A mi s njim spremili ovaj akt, zajedno. Dakle to je razlog zašto on danas nije tu i zašto nije dao vam pisano mišljenje. Ovo vam citiram njega.

Predsjedavajući:

Dobro. Zahvaljujemo se kolegama. Zaključio sam na žalost raspravu ne mogu nikome dati. Žao mi je kolega Konakoviću, kolega Zahiragiću, kolega Mariću ne mogu nikome dati riječ. Idemo dalje.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O

PROGLAŠENJU OPĆEG DOBRA I PRIRODNOG BOGATSTVA DIJELOVA
PREDUZEĆA KOJIM UPRAVLJA KJKP „GRAS“ D.O.O SARAJEVO I IZUZIMANJU IZ
POČETNOG BILANSA I PROGRAMA PRIVATIZACIJE.

Nadam se da je vezana. Izvolite poslovničku. Glasanje je u toku.

Poslanik/zastupnik Haris Zahiragić.

Vidite predsjedavajući. Ja vidim nervozu i insistiranje i mahanje da se izglasa ovo. Pazite s obzirom po Poslovniku o radu Skupštine Kantona Sarajevo zastupnici su dužni da se staraju o zakonitosti. Ja upozoravam sve zastupnike koji glasaju za ovakvu odluku da će počiniti vrlo izvjesno krivično djelo i ja kažem.

Predsjedavajući:

Dobro nemojte prejudicirati. Moram vas isključiti ne mogu moram vas isključiti., molim službu da objavi rezultate glasanja.

ZA JE GLASALO 21 ZASTUPNIKA, PROTIV ništa, SUZDRŽANIH 3.

KONSTATUJEM DA JE SKUPŠTINA DONIJELA OVU ODLUKU.

U konsultaciji sa predsjednicima šefova klubova. Nisam razumio. Molim sekretara da prozove zastupnike da se pojedinačni izjasne.

Sekretar Aida Zeković:

Aljović Hamed	PROTIV
Bešlija Vildana	ZA
Bišćević-Tokić Jasmina	PROTIV
Čampara Aljoša	ZA
Čelik Mirza	OPRAVDANO ODSUTAN
Delalić Sabahudin	OPRAVDANO ODSUTAN
Dević Mahir	PROTIV
Dizdarević Neira	OPRAVDANO ODSUTNA
Duraković Jasna	ZA
Handžić Vibor	ZA
Hasagić Amra	PROTIV
Hasanović Senad	ZA
Hodžić Admela	ZA
Jakupović Vedran	ZA
Junuzović-Kaljić Amra	ZA
Kerla Bibija	ZA
Konaković Elmedin	ZA
Krstić Danijela	ZA
Marić Zvonko	ZA
Marjanović Damir	ZA
Mekić Amel	ZA
Memić Arijana	ZA
Milavica Sead	ZA
Nikšić Damir	ZA
Okerić Elvedin	ZA
Pecikoza Fahrudin	OPRAVDANO ODSUTAN
Pleho Haris	OPRAVDANO ODSUTAN

Poturak Dževad	ZA
Srna- Bajramović Segmedina	ZA
Stojanović Igor	ODSUTAN
Suljević Samir	ZA
Šahman Bilsena	ZA
Viteškić Smiljana	PROTIV
Vreto Elvis	ZA
Zahiragić Haris	PROTIV

Predsjedavajući:

Za je glasalo 23 zastupnika, protiv 6, suzdržanih ništa.

Konstatujem da je Skupština donijela ovu odluku.

S obzirom da radimo gotovo 12 sati u 9 smo krenuli jutros s radom. Prekidam današnju sjednicu. Blagovremeno ćete biti obaviješteni o nastavku 38. Radne sjednice Skupštine Kantona Sarajevo. Hvala vam i prijatno.

S T E N O G R A M
NASTAVKA 38. RADNE SJEDNICE ODRŽANE 08.07.2021 GODINE
S POČETKOM RADA U 09,00 SATI U SALI OPĆINE CENTAR

Predsjedavajući Elvedin Okerić (u daljem tekstu predsjedavajući):

Zamolio bih kolege da zauzmu svoje pozicije kako bi mogli krenuti sa nastavkom 38. Radne sjednice.

Otvaram prvi nastavak 38. Radne sjednice Skupštine Kantona Sarajevo. HIMNA BiH.

Pozdravljam uvažene kolegice i kolege zastupnike, članove Vlade i sve koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 31 zastupnik, što je dovoljan broj za punovažan rad i odlučivanje.

Izostanak sa ove sjednice opravdali su poslanici Pleho i Čelik. Zastupnik Pecikoza najavio je kašnjenje.

Za nastavak 38. radne sjednice Skupštine Kantona Sarajevo preostale su nam sljedeće tačke utvrđenog dnevnog reda:

20. Izvještaj o radu Vlade Kantona Sarajevo za period od 01.01.2020. godine do 31.12.2020. godine;
21. Izvještaj o radu Univerziteta u Sarajevu za 2019. godinu sa Programom rada za 2020. godinu;
22. Izvještaj o radu Univerziteta u Sarajevu za 2020. godinu sa Programom rada za 2021. godinu ;
23. Izvještaj o radu i finansijskom poslovanju Javne ustanove Narodno pozorište Sarajevo za 2020. godinu;
24. Izvještaj o radu i finansijskom poslovanju Javne ustanove Biblioteka Sarajeva za 2020. godinu;
25. Izvještaj o radu i finansijskom poslovanju Javne ustanove Sarajevska filharmonija za 2020. godinu;
26. Izvještaj o radu i finansijskom poslovanju Javne ustanove Pozorište mladih Sarajevo za 2020. godinu;
27. Izvještaj o radu i finansijskom poslovanju Javne ustanove Kamerni teatar '55 Sarajevo za 2020. godinu;
28. Izvještaj o radu i finansijskom poslovanju Javne ustanove Sarajevski ratni teatar - SARTR za 2019. godinu;
29. Izvještaj o radu i finansijskom poslovanju Javne ustanove Sarajevski ratni teatar – SARTR za 2020. godinu;
30. Izvještaj o radu i finansijskom poslovanju Javne ustanove MES - Međunarodni teatarski festival – Scena MESS za 2020. godinu;
31. Izvještaj o radu i finansijskom poslovanju Javne ustanove Historijski arhiv Sarajevo za 2020. godinu;
32. Izvještaj o radu i finansijskom poslovanju JU Muzej Sarajeva za 2020. godinu;
33. Izvještaj o radu i finansijskom poslovanju Javne ustanove Bosanski kulturni centar Kantona Sarajevo za 2020. godinu;
34. Izvještaj o radu i finansijskom poslovanju Javne ustanove Muzej “Alija Izetbegović”, Sarajevo za 2020. godinu;
35. Izvještaj o poslovanju KJP Centar „Skenderija” d.o.o. Sarajevo za 2018. godinu;
36. Izvještaj o poslovanju Kantonalnog javnog preduzeća “Poljoprivredno dobro Butmir” d.o.o. Sarajevo - Ilidža za 2019. godine;
37. Izvještaj o radu i finansijskom poslovanju Zavoda za informatiku i statistiku Kantona Sarajevo za 2020. godinu;
38. Izvještaj o radu i finansijskom poslovanju Kantonalne javne ustanove za zaštićena prirodna područja za 2019. godinu;
39. Izvještaj o radu sa finansijskim izvještajem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, na koje je predhodno dato mišljenje ovlaštenog revizora, za 2020. godinu;
40. Izvještaj o radu i finansijskom poslovanju Kantonalnog stambenog fonda Sarajevo, na koji je prethodno dato mišljenje ovlaštenog revizora za 2020. godinu;
41. Izvještaj Ministarstva saobraćaja Kantona Sarajevo o utvrđivanju slobodnih dopunskih taksi oznaka za prijevoz lica sa invaliditetom;
42. Izvještaj o snabdjevenosti Kantona Sarajevo lijekovima i sanitetskim materijalom u 2020. godini sa osvrtom na implementaciju Liste lijekova koji se propisuju i izdaju na

teret sredstava obaveznog zdravstvenog osiguranja kroz funkcionisanje Mreže farmaceutске djelatnosti- apoteka, sa prijedlogom mjera i aktivnosti;

43. Izvještaj o implementaciji Odluke o proširenom obimu prava za korištenje medicinskih sredstava i lijekova za RVI sa područja Kantona Sarajevo za 2020. godinu;
44. Informacija o epidemiološkoj situaciji u Kantonu Sarajevo;
45. Poslanička/zastupnička pitanja inicijative i odgovori;

Prije nego što pređemo na tačku 20, želio bih da čestitam Reprezentaciji BIH u sjedećoj odbojci ko ja je osvojila Zlatnu ligu nacija. Evo u svoje ime i u ime Skupštine čestitam. Zastupnica Amra Hasagić se prijavila , ne znam po kom osnovu.

Poslanik/zastupnik Amra Hasagić:

Poslovnička intervencija predsjedavajući. Ja se izvinjavam što moram koristiti ovu poslovničku mogućnost, već želim u ime u Kluba SDA da vas nešto zamolim. Najprije bih vas pozdravila, uvaženo rukovodstvo, drage kolegice i kolege, članovi Vlade, premijeru, dragi gosti i građani Kantona Sarajevo srdačno vas selamim i pozdravljam. Juli je, mjesec sjećanja 11. jula 1995 godine se desio najstrašniji genocid u historiji čovječanstava poslije Drugog svjetskog rata, ja bih vas u ime Kluba SDA zamolila da se učenjem Fatihe, minutom šutnje prisjetimo svih žrtava genocida u Srebrenici, svih šehida i poginulih boraca ko ji su dali svoje živote da bi smo mi danas uživali u blagodatima mira. Ja vam se zahvaljujem.

Predsjedavajući:

Zahvaljujemo se kolegici Hasagić. Prelazimo na tačku 20.

AD - 20.

IZVJEŠTAJ O RADU VLADE KANTONA SARAJEVO ZA PERIOD OD 01.01.2020. GODINE DO 31.12.2020. GODINE

Materijal ste dobili uz poziv za sjednicu. Molim predstavnika Predlagača da podnese uvodne napomene. Dajte riječ premijeru.

Premijer Edin Forto:

Pozdravljam sve prisutne. Predsjedavajući radi se o izvještaju iz 2020.godine. Ja neću imati posebne uvodne napomene imajući u vidu da se radi o našim prethodnicima. U raspravi svi zastupnici mogu reći ono što misle o materijalu koji su dobili. Hvala.

Predsjedavajući:

Zahvaljujem se premijeru. Da li predstavnici radnih tijela žele riječ? Ima li pitanja. Otvaram raspravu. S obzirom da se niko ne javlja, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU VLADE KANTONA SARAJEVO ZA PERIOD OD 01.01.2020. GODINE DO 31.12.2020. GODINE.

Molim zastupnike da se izjasne. Molim službu da objavi rezultate glasanja.

ZA JE GLASALO 11 ZASTUPNIKA, PROTIV 18 I SUZDRŽAN 1.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Prelazimo na tačku dvadeset i jedan.

AD-21.

IZVJEŠTAJ O RADU UNIVERZITETA U SARAJEVU ZA 2019. GODINU SA PROGRAMOM RADA ZA 2020. GODINU

Materijal ste dobili uz poziv za sjednicu. Ja ću prije samo nego što dam riječ predlagачu kazati da su ovdje radi o tehničkoj grešci skupštinske službe koja je stavila Izvještaj o radu UNSA zajedno sa Programom rada. Mi smo predvidjeli ovu tačku za narednu redovnu sjednicu koju ćemo imati, tako da bih zamolio premijera da samo formalno povuče ovu tačku, a onda ćemo razmatrati na 39. Radnoj sjednici. Na sljedećoj koju imamo. Premijeru treba da povučete 21 i 22 tačku dnevnog reda zato što se radi o tehničkoj grešci.

Premijer Edin Forto:

imajući u vidu da ovo što ste rekli tehnička greška i rasprava u ovim tačkama na sljedećoj sjednici povlačim ove dvije tačke dnevnog reda.

Predsjedavajući:

Zahvaljujem se. Prelazimo na tačku dvadeset i tri:

AD-23.

IZVJEŠTAJ O RADU I FINANSIJSKOM POSLOVANJU JAVNE USTANOVE NARODNO POZORIŠTE SARAJEVO ZA 2020. GODINU

Ako se slažete da objedinimo raspravu svih izvještaja iz kulture, da imamo raspravu objedinjenu a da se izjasnimo pojedinačno. Molio bih skupštinu da se izjasni o ovom mom prijedlogu, objedinjena rasprava, pojedinačno glasanje.

Molim službu da objavi rezultate glasanja. Za je glasalo 30, protiv i suzdržanih nije bilo. Konstatujem da je prijedlog Skupština Kantona Sarajevo jednoglasno prihvatila.

Materijal svih ovih ustanova iz kulture ste dobili uz poziv za sjednicu. Molim predstavnika predlagачa ministra Avdića da podnese uvodne napomene. Uključite ministra Avdića. Možda nemate kartice pa ćete morati za govornicu.

Ministar Samir Avdić: UVODNO IZLAGANJE

Predsjedavajući:

Zahvaljujemo se ministru Avdiću. Da li predstavnici radnih tijela žele riječ? Ima li pitanja? Otvaram raspravu. Zastupnica Bibija Kerla se prijavila, izvolite imate riječ.

Poslanik/zastupnik Bibija Kerla:

Ja ustvari imam poslovničku intervenciju. Upravo je ministar rekao da direktori kulturnih ustanova treba danas da se obrate, i konačno je vrijeme da se obrate. Sedam godina sam u Skupštini Kantona Sarajevo, nismo dali priliku direktorima kulturnih, a pogotovo socijalnih ustanova da se obrate našim građanima Kantona Sarajevo i kažu koje sve probleme imaju. Zato molim sve i jednog direktora koji je danas evo prisutan ovdje da se obrati i da onda objedinimo diskusiju. Hvala lijepa.

Predsjedavajući:

Zahvaljujemo se zastupnici Kerli. Zamolio bih direktore da pojedinačno. Nemamo mogućnost prisustva. Zbog epidemioloških mjera nemamo mogućnost prisustva svih direktora u sali. Ima li i jedan po jedan? Možemo li ovi makar koji su ovdje da nam se obrate. Pozorište mladih.

Direktor JU Pozorište mladih Ismir Fazlić: UVODNO IZLAGANJE

Predsjedavajući:

Zahvaljujem. Služba mi je upravo potvrdila da nemamo prisutnih direktora zato što smo poslali svim predstavnicima institucija epidemiološke upozorenje Ministarstva zdravstva i Zavoda za javno zdravstvo kada je u pitanju provođenje epidemioloških mjera i prisustva u sali.

Zaključujem raspravu. Zamolio bih zastupnike da uđu u salu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JAVNE USTANOVE NARODNO POZORIŠTE SARAJEVO ZA 2020. GODINU.

Molim službu da objavi rezultate glasanja.

ZA JE GLASALO 14 ZASTUPNIKA, PROTIV ništa I SUZDRŽANIH 18.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Prelazimo na tačku dvadeset i četiri:

AD – 24.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JAVNE USTANOVE BIBLIOTEKA SARAJEVA ZA 2020. GODINU

Molim službu da objavi rezultate glasanja.

ZA JE GLASALO 12, PROTIV ništa I SUZDRŽANO 19.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka dvadeset i pet:

AD – 25.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JAVNE USTANOVE SARAJEVSKA FILHARMONIJA ZA 2020. GODINU

Molim službu da objavi rezultate glasanja.

ZA JE GLASALO 13, PROTIV ništa I SUZDRŽANO 18.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka dvadeset i šest:

AD – 26.

IZVJEŠTAJ O RADU I FINANSIJSKOM POSLOVANJU JAVNE USTANOVE POZORIŠTE MLADIH SARAJEVO ZA 2020. GODINU

MOLIM ZASTUPNICE I ZASTUPNIKE DA PRISTUPE IZJAŠNJAVANJU.

Molim službu da objavi rezultate glasanja.

ZA JE GLASALO 29, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka dvadeset i sedam:

AD – 27.

IZVJEŠTAJ O RADU I FINANSIJSKOM POSLOVANJU JAVNE USTANOVE KAMERNI
TEATAR '55 SARAJEVO ZA 2020. GODINU

MOLIM ZASTUPNICE I ZASTUPNIKE DA PRISTUPE IZJAŠNJAVANJU O
IZVJEŠTAJU O RADU I FINANSIJSKOM POSLOVANJU JAVNE USTANOVE
KAMERNI TEATAR '55 SARAJEVO ZA 2020. GODINU

Molim službu da objavi rezultate glasanja.

ZA JE GLASALO 29, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka dvadeset i osam:

AD – 28.

IZVJEŠTAJ O RADU I FINANSIJSKOM POSLOVANJU JAVNE USTANOVE SARAJEV-
SKI RATNI TEATAR - SARTR ZA 2019. GODINU

MOLIM ZASTUPNICE I ZASTUPNIKE DA SE IZJASNE O NAVEDENOM
IZVJEŠTAJU.

Molim službu da objavi rezultate glasanja.

ZA JE GLASALO 30, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka dvadeset i devet:

AD – 29.

IZVJEŠTAJ O RADU I FINANSIJSKOM POSLOVANJU JAVNE USTANOVE SARAJEV-
SKI RATNI TEATAR – SARTR ZA 2020. GODINU

MOLIM ZASTUPNIKE DA PRISTUPE IZJAŠNJAVANJU O NAVEDENOM
IZVJEŠTAJU.

Molim službu da objavi rezultate glasanja.

ZA JE GLASALO 29, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka trideset:

AD – 30.

IZVJEŠTAJ O RADU I FINANSIJSKOM POSLOVANJU JAVNE USTANOVE MES - ME-
ĐUNARODNI TEATARSKI FESTIVAL – SCENA MESS ZA 2020. GODINU

MOLIM ZASTUPNIKE DA PRISTUPE IZJAŠNJAVANJU.

Molim službu da objavi rezultate glasanja.

ZA JE GLASALO 30, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka trideset i jedan:

AD – 31.

IZVJEŠTAJ O RADU I FINANSIJSKOM POSLOVANJU JAVNE USTANOVE HISTORIJ-
SKI ARHIV SARAJEVO ZA 2020. GODINU

MOLIM ZASTUPNIKE DA PRISTUPE IZJAŠNJAVANJU O NAVEDENOM

IZVJEŠTAJU.

Molim službu da objavi rezultate glasanja.

ZA JE GLASALO 13, PROTIV ništa I SUZDRŽANO 17.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka trideset i dva:

AD – 32.

IZVJEŠTAJ O RADU I FINANSIJSKOM POSLOVANJU JU MUZEJ SARAJEVA ZA 2020. GODINU

MOLIM ZASTUPNIKE DA PRISTUPE IZJAŠNJAVANJU.

Molim službu da objavi rezultate glasanja.

ZA JE GLASALO 13, PROTIV ništa I SUZDRŽANO 16.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka trideset i tri:

AD – 33.

IZVJEŠTAJ O RADU I FINANSIJSKOM POSLOVANJU JAVNE USTANOVE BOSANSKI KULTURNI CENTAR KANTONA SARAJEVO ZA 2020. GODINU

MOLIM ZASTUPNIKE DA PRISTUPE IZJAŠNJAVANJU O NAVEDENOM IZVJEŠTAJU.

Molim službu da objavi rezultate glasanja.

ZA JE GLASALO 10, PROTIV ništa I SUZDRŽANO 18.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka trideset i četiri:

AD – 34.

IZVJEŠTAJ O RADU I FINANSIJSKOM POSLOVANJU JAVNE USTANOVE MUZEJ “ALIJA IZETBEGOVIĆ”, SARAJEVO ZA 2020. GODINU

MOLIM ZASTUPNIKE DA PRISTUPE IZJAŠNJAVANJU O NAVEDENOM IZVJEŠTAJU.

Molim službu da objavi rezultate glasanja.

ZA JE GLASALO 30, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

To bi bili izvještaji što se tiče Ministarstva kulture i sporta.

Tačka trideset i pet:

AD – 35.

IZVJEŠTAJ O POSLOVANJU KJP CENTAR „SKENDERIJA” D.O.O. SARAJEVO ZA 2018. GODINU

Materijal ste dobili u dopuni. Molim predstavnika Predlagača da podnese uvodne napomene.

Imamo li nekoga od ministara, premijera. Premijer Edin Forto. Molim službu da da riječ.

Premijer Edin Forto:

Evo imamo zastoja u smislu izvještavanje iz nekoliko firmi. Ovo je jedna od njih. Imamo sada ovdje jedan izvještaj koji je iz 2018 godine, koji nije prošao skupštinsku proceduru. Još nismo dobili izvještaj iz 2020 godine. Nadamo se vrlo brzo da će iz ove firme to dostaviti. Oni imaju svoje razloge koje su dostavili, ali iskreno se nadam da ćemo u skupštinsku proceduru na nadležno odlučivanje poslati veći broj izvještaja iz privrede i iz komunalne privrede u narednom periodu. Ovaj Izvještaj iz 2018 nije prošao skupštinsku proceduru i potrebno je da prođe. Hvala.

Predsjedavajući:

Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O POSLOVANJU KJP CENTAR „SKENDERIJA” D.O.O. SARAJEVO ZA 2018. GODINU.

Molim službu da objavi rezultate glasanja.

ZA JE GLASALO 13, PROTIV ništa I SUZDRŽANIH 17.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Zastupnik Zvonko Marić.

Poslanik Zvonko Marić:

Pozdravljam sve prisutne. Zahvaljujem. Molim izražavam sumnju u rezultate glasanja da se pojedinačno izjasnimo.

Predsjedavajući:

Zahvaljujemo se kolegi Mariću. Zamolio bih sekretara Skupštine da pristupi pojedinačnom prozivanju zastupnika.

Sekretar Aida Zeković:

Aljović Hamed	ZA
Bešlija Vildana	SUZDRŽANA
Bišćević-Tokić Jasmina	ZA
Čampara Aljoša	SUZDRŽAN
Čelik Mirza	OPRAVDANO ODSUTAN
Delalić Sabahudin	ZA
Dević Mahir	ZA
Dizdarević Neira	SUZDRŽANA
Duraković Jasna	SUZDRŽANA
Handžić Vibor	SUZDRŽAN
Hasagić Amra	ZA
Hasanović Senad	ZA
Hodžić Admela	SUZDRŽANA
Jakupović Vedran	SUZDRŽAN
Junuzović-Kaljić Amra	SUDZRŽANA
Kerla Bibija	ZA
Konaković Elmedin	SUZDRŽAN
Krstić Danijela	SUZDRŽANA

Marić Zvonko	ZA
Marjanović Damir	SUZDRŽAN
Mekić Amel	SUZDRŽAN
Memić Arijana	SUZDRŽANA
Milavica Sead	ZA
Nikšić Damir	SUZDRŽAN
Okerić Elvedin	SUZDRŽAN
Pecikoza Fahrudin	OPRAVDANO ODSUTAN
Pleho Haris	OPRAVDANO ODSUTAN
Poturak Dževad	ZA
Srna- Bajramović Segmedina	SUZDRŽANA
Stojanović Igor	SUZDRŽAN
Suljević Samir	SUZDRŽAN
Šahman Bilsena	ZA
Viteškić Smiljana	ZA
Vreto Elvis	SUZDRŽAN
Zahiragić Haris	ZA

Predsjedavajući:

Nakon pojedinačnog izjašnjenja zastupnika za je glasalo 13 zastupnika, protiv ništa, 19 suzdržanih. Konstatujem da skupština nije usvojila ovaj izvještaj.

Prelazimo na tačku trideset i šest:

AD – 36.

IZVJEŠTAJ O POSLOVANJU KANTONALNOG JAVNOG PREDUZEĆA
“POLJOPRIVREDNO DOBRO BUTMIR” D.O.O. SARAJEVO - ILIDŽA ZA 2019.
GODINE

Materijal ste dobili u dopuni. Molim predstavnika Predlagača da podnese uvodne napomene ukoliko ima neko. Nemamo premijeru. A imate, oprostite. Ja pitam ima li, niko se ne javlja. Ima li potrebe da se obrati predstavnik.

Premijer Edin Forto:

Radi se o 2019 godini.

Predsjedavajući:

Nema potrebe. Da li predstavnici radnih tijela žele riječ? Ima li pitanja? Zastupnica Jasna Duraković se prijavila.

Poslanik/zastupnik Jasna Duraković:

Ako dozvolite, mislim ipak da bi bilo dobro da se gospođa obratiti pošto su i na prethodnoj sjednici bili tu, čekali su cijeli dan pa smo ih obavijestili o tome da se vrati kada budu obaviješteni. Dakle cijeli dan su bili tu. Ja bih voljela zaista evo da čujem kratko obraćanje, ako se slažete.

Predsjedavajući:

Zamolio bih v.d. direktoricu JP Butmir da nam se kratko obrati.

v.d. direktorica JP Butmir Snježana Ljubunčić: UVODNO IZLAGANJE

Predsjedavajući:

Zahvaljujemo se. Zastupnik Haris Zahiragić se prijavio za pitanje. Da li predstavnici radnih tijela žele riječ? Ima li pitanja? Zastupnik Haris Zahiragić.

Poslanik/zastupnik Haris Zahiragić:

Dobar dan predsjedavajući, uvažene kolege zastupnici, uvaženi građani. Ja bih imao nekoliko pitanja za doktoricu, iako ona nije bila u tom mandatu. Ured za borbu protiv korupcije, upravljanje kvalitetom je tokom Izvještaja za 2019 i 2020, naveo da je direktor KJP nezakonito zaključio pet ugovora o djelu sa jednim radnikom suprotno propisima, s obzirom da su ta radna mjesta bila sistematizirana, te na taj način oštetio Budžet PD Butmir u većem iznosu. Kasnije smo saznali da je taj kandidat, pa evo neću da imenujem nikoga, predsjednik stranke NiP na Ilidži, pa u odgovaranju na javne prozivke i pitanja poslanika čuli smo političke odgovore kako je on došao da istraži kriminal, da je utvrdio veliki kriminal, iako on kao takav nije pravnik koji ima kredibilno iskustvo da bi to utvrdio, pa me zanima da li ste neki kriminal iz te godine ili bilo kojih godina utvrdili. Možete li nam reći kakav je to kriminal i da li je iko odgovarao za to nezakonito zapošljavanje tog mladog gospodina? Hvala vam.

Predsjedavajući:

Zastupnik Elvis Vreto prijavio se za pitanje. Oprostite zastupnik Zvonko Marić.

Poslanik/zastupnik Zvonko Marić:

Nek pitanje postavi, ja ću samo jednu sugestiju. Hvala. Ja ću posljednji.

Predsjedavajući:

OK. zastupnik Elvis Vreto.

Poslanik/zastupnik Elvis Vreto:

Hvala predsjedavajući, koristim priliku da pozdravim sve prisutne kao i građane koji nas prate. Imam jedno pitanje za direktoricu da li nam može okvirno reći koja je vrijednost imovine, odnosno zemljišta u tom nekom periodu od 2000 do 2010 godine koja je dat pod ugovore o zakupu odnosno o dodjeli da li postoji procjena koja je to ukupna vrijednost te imovine, trenutna. Hvala vam na ovim informacijama koje ste iznijeli vezano za Tužilaštvo, to je zaista interesantno da se dole dešavao jedan klasični kriminal i da mi imamo ovakvu situaciju odgovor, ali evo ne možemo naravno komentarisati takve stvari. Ja vas molim samo da mi date informaciju okvirne vrijednosti te imovine koja je zloupotrijebljena u periodu 2000-2010 godina. Hvala.

Predsjedavajući.

Zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Pa kao i u prošlom mandatu, nešto ranije u ovom, ja sam sugerirao Vladi pa me interesira, mogao bi premijer da mi odgovori na pitanje kada misli promijeniti status ove firme. Vrlo poštujem uvažena direktorice djelatnost kojom se vi bavite, ali mi nekako nije logično i nisam nikada čuo da Vlada uzgaja krave i mi se bavimo tim pitanjima. To bi trebalo promijeniti sasvim sigurno na prijedlog Vlade. Ne bih sada, ima rješenja. Ali sasvim sigurno da bi mi dali podršku, jer sada kada je gospođa govorila toliko mi je apsurdnije i pominjala gravidne junice nekoliko puta, ja sada razmišljam i opterećen sam time da li su one gravidne ili steone. Prema tome malo je zaista neprimjereno da Vlada uzgaja

krave. Ja bih volio da samo čujem od premijera d ali u budućnosti ima neku viziju, predstavu kakav status treba da ima ovo poduzeće. Dakle neka predloži Vlada i sasvim sigurno da ukoliko bude kvalitetno rješenje da ćemo mi to podržati i napokon otkloniti ovu neprimjerenost. Hvala vam.

Predsjedavajući:

Zahvaljujemo se kolegi Mariću. Zamolio bih v.d. direktoricu da ponudi odgovore na postavljena pitanja.

v.d. direktorica PD Butmir Snježana Ljubunčić:

Ovako, što se tiče pitanja zastupnika gospodina Zahiragića i gospodina Vrete, ja ću ta dva pitanja zajedno objediniti zato što to što ste vi pitali, što se tiče tih zakupa i toga da li je taj neko ko je došao na ugovor o djelu našao neki kriminal u firmi. Time se dva puta bavilo Tužilaštvo jer je to sve bilo u krivičnim prijavama. I tužilaštvo je obadva puta dalo odgovor da nije našlo nikakvih elemenata i da je izdalo naredbu da se ne provodi u istraga. Neće se provoditi iz razloga što ne postoje osnovi sumnje da su prijavljeni počinili krivično djelo. Znači Tužilaštvo se oglasimo o tome i ja sada stvarno ne bih komentarisala odluke Tužilaštva. Nisam ni mjerodavna a nije mi to ni moga struka. Što ste tiče ovo da li ste one ili gravidne. To se svodi na isto, mi koristimo termin gravidne i ja mislim uz dužno poštovanje, da ova farma ipak 28 godina ima dugu tradiciju iza sebe i uvijek joj je bila ta ista djelatnosti koja se nije mijenjala. I mislim da ne vidim razloga da ovo jedno preduzeće i dalje ne bude u,da postoji, da datima. Ne znam šta je tu problem. To je lično mišljenje.

Predsjedavajući:

Zahvaljujemo se možete se vratiti na svoje mjesto. Zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Očigledno da me niste slušali uvažena direktorice. Ja nisam rekao da se ugasi to poduzeće nego da se promijeni status. Samo da ja završim ako može. Je li mi dozvoljavate? Hvala. Dakle nisam mislio naprosto da se ukine to poduzeće nego da mu se promijeni status i da se Vlada ne brine o tom poduzeću nego da promijeni status. Niste me slušali. I rekao sam da vrlo poštujem djelatnosti vašu djelatnost, djelatnost zaposlenika tog poduzeća. Ništa, hvala. Pa naravno, niste me slušali, nema potrebe da mi se izvinjavate.

Predsjedavajući:

Hvala. Otvaram raspravu. Zastupnica Vildana Bešlija.

Poslanik/zastupnik Vildana Bešlija.,

Hvala predsjedavajući. Pozdravljam sve prisutne i one koji nas prate jer se prvi put javljam. Ja bih imala kraću diskusiju po pitanju finansijskih aspekata ovog preduzeća. Naime, evo ne znam, nije se to spominjalo ni u izvještaju direktorice, da je neovisni revizor dao negativno mišljenje, odnosno da postoji o svim značajnim aspektima finansijskog položaja PD Butmir. To znači da rezultati njihovog poslovanja gotovinski tok, i promjene na kapitalu za period koji je vršena analiza su dali s rezervom mišljenje. Društvo nema usaglašene vrijednosti upisanog kapitala po sudskom rješenju nadležnog registarskog suda, koje iznosi 10.000 KM. I pozicije upisani kapital u poslovnim knjigama koji iznosi 56.768 KM. To je državnog kapitala. Tako da izvještaj revizije uzet sa rezervom. Postoje određeni natpisi kroz godine što smo mogli čitati, da postoji i sumnja vezano za dodjeljivanje nekih, kupovinu stanova, korištenja zemljišta, tako da ne znam šta je, odnosno rekli ste nam šta je Tužilaštvo reklo, ali očigledno da postoji dosta neusaglašenosti u ovom preduzeću, legitimno je pitanje zašto Kanton, evo slažem se s kolegom Zvonkom Marićem, zašto ovo preduzeće se bavi isključivom

proizvodnjom krava. Zašto nemamo neku bolju viziju. Bojim se da je ovo još jedno od preduzeća slično KJKP Grasu koji smo nedavno također morali donositi odluku da zaštitimo državnu imovinu, da zaštitimo prugu. I bojim se da je odnosno evo već mogu sa sigurnošću konstatovati da se neadekvatno upravljanje javnim preduzećima Kantona tokom dugog niza godina pokazalo i na ovom primjeru kao neprimjereno. I evo apelujem i pozivam Vladu da se poduzmu konkretniji koraci kako bi se i ovo preduzeće nekako stavilo na pravi put i da dobijemo one željene efekte za koje to preduzeće i postoji. Hvala vam.

Predsjedavajući:

Zastupnik Damir Nikšić je čini mi se bio prijavljen. Odustali ste. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O POSLOVANJU KANTONALNOG JAVNOG PREDUZEĆA "POLJOPRIVREDNO DOBRO BUTMIR" D.O.O. SARAJEVO - ILIDŽA ZA 2019. GODINE

Zamolio bih službu da pozove zastupnike da uđu u salu da glasaju. Molim službu da objavi rezultate glasanja.

ZA JE GLASALO 22, PROTIV ništa I SUZDRŽANO 7 ZASTUPNIKA..

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka trideset i sedam:

AD- 37.

IZVJEŠTAJ O RADU I FINANSIJSKOM POSLOVANJU ZAVODA ZA INFORMATIKU I STATISTIKU KANTONA SARAJEVO ZA 2020. GODINU

Materijal ste dobili u dopuni. Molim predstavnika Predlagača da podnese uvodne napomene. Da li je direktor s nama Zavoda? Zamolio bih da se predstavite zbog stenograma.

Direktor Zavoda ZIS KS Dino Šehović: UVODNO IZLAGANJE

Predsjedavajući:

Zahvaljujemo se direktoru Šehoviću. Da li predstavnici radnih tijela žele riječ? Ima li pitanja? Ima pitanje. Rasprava. Nema pitanja. Za raspravu se prvi javio zastupnik Mahir Dević.

Poslanik/zastupnik Mahir Dević:

Zahvaljujem predsjedavajući. Kratko. Ispred Kluba SDA da Dini se zaista zahvalimo za sav njegov napor koji je uložio a vezano za organizaciju sjednica Skupštine Kantona Sarajevo. Također pokazao je jedan izuzetno visok stepen tolerancije, uslužnosti u ovim najkritičnijim momentima kada je pandemija uzela maha i kada smo na neki način bili onemogućeni u svom redovnom radu kao što sada radimo. Bio je tu stalno prisutan. Na svaku zamolbu prije svega Kluba, ja govorim u ime Kluba SDA da nam otkloni bilo kakve tehničke probleme, da pomogne, bio je vrlo susretljiv i ja zaista čestitam i što se nas tiče im ćemo naravno dati podršku njegovom radu i njegovom izvještaju.

Predsjedavajući:

Zastupnica Jasna Duraković.

Poslanik/zastupnik Jasna Duraković:

Zahvaljujem predsjedavajući. Naravno pozdravljam srdačno sve kolegice i kolege kao i one koji prate rad današnje sjednice putem malih ekrana. Također na tragu ovoga što je rekao i

kolega Dević, ja zaista želim pohvaliti rad Zavoda, čestitati na krajnje profesionalnom odnosu, strpljenju, toleranciji, i činjenici da su nam u tim pandemijskim uvjetima zaista prvi u BIH omogućili prije svega neometan rad i naravno olakšali rad Skupštine kroz kreiranje platforme preko koje smo radili u online režimu. Dakle, toliko. Zaista apsolutna podrška. Hvala vam.

Predsjedavajući.

Zastupnica Segmedina Srna Bajramović.

Poslanik/zastupnik Segmedina Srna Bajramović:

Hvala predsjedavajući. Pozdravljam sve prisutne. Pa ja također neću dugo, ali imam baš onako iskrenu potrebu da se zahvalim menadžmentu Zavoda i svim uposlenicima jer su kako smo čuli i ranije i čemu smo svjedočili zapravo sve vrijeme, u vremenu pandemije uspješno osiguravali potpunu funkcionalnost izuzetno važnog IT segmenta za rad kantonalnih organa. I po svakom pozivu, ali baš svakom pozivu bili na raspolaganju svakom zastupniku ili zastupnici Skupštine Kantona, što evo Vlada svojim prihvatanjem izvještaja praktično i potvrdila. Iz Izvještaja je vidljivo kako je Zavod s pola kadrovskih kapaciteta od zvanične sistematizacije osigurao rad najvažnijih IT servisa, realizaciju systemske podrške, te obrade i dostave statističkih podataka uz nastavak razvoja postojećih IT aplikacija. Posebno smatram bitnim ono što je rekao i direktor Šehović da smo u saradnji sa UNDP pokrenuli projekat digitalne platforme Kantona Sarajevo koji smatram istorijskim inovativnim tranzicijskim konceptom za potpuno novi način jednostavnije i brže komunikacije javne uprave sa građanima i privrednicima. Na kraju, važno je naglasiti i pohvaliti, još jednom podsjetiti da smo bili jedini nivo vlasti koji je u pandemijskim vremenima zadržao i ritam i funkcionalnost zasjedanja organa uz potpunu transparentnost kroz uključenost javnosti. Naravno, zahvalnost ovdje ide i TVSA koja je u saradnji sa Zavodom za informatiku i statistiku omogućila prijenos sjednica u periodima lock down. Želim reći da su i drugi nivoi vlasti imali možda i veće kadrovske i systemske kapacitete od Kantona Sarajevo ali se nisu proslavili u sazivanju sjednica, implementaciji kolaboracijskih rješenja i transparentnosti. Toliko. Zahvaljujem.

Predsjedavajući:

Zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Složio bih se sa prethodnim izlaganjima ali moram kazati da će to biti sve uzaludno i tapšanje i čestitanje ukoliko im ne stvorimo ambijent i ne pružimo potrebnu podršku da urade svoj posao, onda je sve to uzaludno. Vi znate predsjedavajući, bili ste i u prošlim sazivima u ovim klupama da smo uvijek imali primjedbe, čak u mirnodopskom tzv vremenu kada nije bilo pandemije, znači pod znacima navoda mirnodopskom. Međutim sve su dali zaista zaposlenici ovoga Zavoda i zaslužuju sasvim sigurno osim pohvala i podršku i u to ime ja apeliram i na Vladu da im pomogne kako bi što funkcionalnije radili i u ambijentu koji zaslužuju. Hvala vam.

Predsjedavajući:

Zahvaljujemo se kolegi Mariću. Također ću iskoristiti svoje pravo da se pridružim svojim kolegicama i kolegama da čestitam Zavodu za informatiku i statistiku na čelu sa direktorom Dinom Šehovićem koji je uspio da obezbijedi sve neophodne uslove kako bi Skupština Kantona Sarajevo mogla da održi veliki broj online sjednica. Kao što je kazala zastupnica Segmedina Srna Bajramović, Skupština Kantona Sarajevo je lider u BIH kada je u pitanju rad zakonodavnog tijela. Imali smo ritam do mjeseca maja 3 sjednice mjesečno. Tako da 15 sjednica smo održali online. Sve kolegije, koji su bili preduslov za održavanje ovih sjednica

Skupštine Kantona Sarajevo. Još jedna važna poruka, danas ćemo pokazati kao koalicija većina u Kantonu Sarajevo da cijenimo rad bez obzira iz koje stranke dolazi, koja ga je stranka delegirala i u kojoj Vladi bio. Ono što smo već prošli put govorili da bez obzira, a to smo pokazali i kroz današnje neke izvještaje koje smo usvajali, naravno i obarali, da se trudimo da prepoznamo rad i kvalitet pojedinih osoba koje su imenovane kojima je dato povjerenje da obnašaju odgovorno svoje funkcije. Još jednom čestitam Zavodu za informatiku i statistiku i Klub NiP će također podržati ovaj izvještaj.

Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU ZAVODA ZA INFORMATIKU I STATISTIKU KANTONA SARAJEVO ZA 2020. GODINU

molim službu da objavi rezultate glasanja.

ZA JE GLASALO 30, PROTIV 1 I SUZDRŽANIH nije bilo.

KONSTATUJEM DA JE SKUPŠTINA USVOJILA OVAJ IZVJEŠTAJ.

Prelazimo na tačku trideset i osam:

AD – 38.

IZVJEŠTAJ O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2019. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene ukoliko to ima potrebe. Nema potrebe. Ima li pitanja? Otvaram raspravu. Zaključujem raspravu. Pitao sam, kazali smo da ne treba. Ima jel? Nisam čuo oprostite. I pokušajte da se prijavite kada želite nešto da kažete pošto vas ne čujem ja kada govorite bez mikrofona. Zamolio bih direktora zaštićenih prirodnih područja da nam se kratko obrati.

v.d. Direktor KJU za zaštićena prirodna područja Osman Delić: UVODNO IZLAGANJE

Predsjedavajući.

Zahvaljujemo se direktoru. Možete sjesti na svoje mjesto. Zastupnik Mahir Dević jel pitanje ili rasprava? Pitanja zastupnik Mahir Dević.

Poslanik/zastupnik Mahir Dević:

Zamolio bih direktora da mi obrazloži, naravno a uzimajući u obzir da je to 2019 godina, ali evo čini mi se da je isto stanje u 2020, 21 godini. Ako sa dobro informisana, postoji mogućnost možda da griješim, na Vrelu Bosne je dozvoljen besplatan ulazak za građane Ilidže. Maloprije ste spomenuli za općinu Ilijaš da je oko 60.000 vožnji bilo tim električnim vozačima koliko sam informisan taj princip se ne primjenjuje u Ilijašu. Građani općine Ilijaš plaćaju ulazak u zaštićeno područje Bijambara. Postoji naravno mogućnost da sam pogriješio o prilika pa me ispravite. Ukoliko je pitanje ispravno, možete li mi direktore obrazložiti taj princip da u jednoj općini koja u Kantonu Sarajevo dozvolimo besplatan ulazak građanima u zaštićeno područje a u drugoj tim istima građanima naplaćujemo izlazak. I a li planirate da otklonite takvu jednu vrstu, hajde da kažemo pod navodnim znacima diskriminacije. To je pitanje.

Predsjedavajući:

Zastupnica Bibija Kerla.

Poslanik/zastupnik Bibija Kerla:

Pa mog kolegu Mahira Devića, ja sam prije tri godine još pitala načelnika opštine jer je meni rečeno da ovdje direktor nema ništa sa tim ulazima, besplatnim ulazima na Vrelo Bosne, nego da je to načelnik opštine odredio. Pa nadam se da će i naš načelnik opštine u Ilijašu donijeti odluku da građani Ilijaša ne budu plaćali karte na Bijambarama. Hvala lijepa.

Predsjedavajući:

Zastupnik Mahir Dević ispravka krivog navoda.

Poslanik/zastupnik Mahir Dević:

Ma koristim ovu mogućnost. Ne razumijem kako načelnik bilo koje općine može donijeti odluku o besplatnom ulazu. Ukoliko imamo zaštićeno područje i ono ima svoje upravljačke strukture, ono donosi odluke i o visini i cijeni karata i o naplati. Kakve veze ima načelnik ili Ilidže ili Ilijaša s tom vrstom odluke? Ne znam da Ilidža možda nešto ne sufinansira ali ne vidim kako načelnik može donijeti odluke. Ukoliko treba načelnik opštine Ilijaš da donese takvu odluku on bi to sigurno uradio vrlo jednostavno i vrlo rado. Bojim se da ne ode pogrešna informacija prema građanima. Samo je to ta intervencija. Ne vidim kakve veze načelnik s tim zaista.

Predsjedavajući:

Zamolio bih direktora da ponudi odgovore na postavljena pitanja.

v.d. direktora Osman Delić:

Uvaženi zastupniče Dević vi ste u pravu. Mi kada smo preuzimali Bijambare tada je već Sarajevo šume bile uvedena naplata na Bijambarama. Kada smo par godina nismo naplaćivali ulaz na Vrelo Bosne. Kada smo htjeli da naplatimo, da počnemo sa naplatom ulaza, tada je načelnik Memić, odnosno općina Ilidža je usloвила da bi nam dozvolili naplatu da stanovnici Ilidže ulaze besplatno. Godinama i jednoj i drugoj i trećoj Vladi sam pisao da to nije u redu, da se to uvede. I skoro smo pisali resornom Ministarstvu da se mora početi sa naplatom i za stanovnike Ilidže. Logično je i svagdje je u svijetu u zaštićenim područjima, tamo na prostoru gdje gravitira zaštićeno područje da je besplatan ulaz. Ali na onih 600 hektara na kome je spomenik prirode, odnosno vodozaštitna zona, ali onaj tamo stanovnik iz Rakovice ili sa Stupa, Energoinvesta bi logično trebao da plaća i nadam se da će se ta, da ne bi nazvali diskriminacija riješiti. Međutim evo da vam ja kažem bilo ko iz Ilijaša kad aje nazvao, bilo predškolsko, škole, lokalno stanovništvo, nikada niko nije platio sa područja Bijambara. Evo sada su dolazile sve škole iz Ilijaša a nije naplaćivan ulaz. Ali mislim da će ova Vlada riješiti ovaj problem Ilidže. Najmanje sam pet puta potpisao dopis u zadnjih par godina za taj problem Ilidže. Ali tad znam je bilo uslovljeno nema naplate. Prvi dan nam i kućicu porušili dole na Vrelo Bosne. Tada smo pristali na taj uslov da ne naplaćujemo i tako se to evo već četiri godine, pet vozi. Hvala.

Predsjedavajući:

Zahvaljujemo se. Otvaram raspravu. Zastupnik Mahir Dević.

Poslanik/zastupnik Mahir Dević:

Zahvaljujem. Ja mogu svjedočiti dobroj saradnji s direktorom. Nije to uopće sporno da direktor nema razumijevanja i za JU, i za OŠ i za udruženja i da dobro ne sarađuje i sa lokalnom zajednicom i sa stanovništvom, evo prije svega okolnih tih sela kada su Bijambare u pitanju. Međutim ovdje se radi o jednoj sistemskoj odluci koja bi trebala da važi za sve građane Kantona Sarajevo. Ne vidim zašto bi jedan građanin općine Ilijaš bio manje vrijedan nego građanin općine Ilidža. Prema tome evo ja apeliram da se ovo pitanje sistemski uredi. Ukoliko mi kao Kanton, kao Vlada, evo apeliram sada na resornog ministra koji je nadležan

za ovu oblast, a čini se da je u ovoj konkretnoj situaciji to sada prostorno uređenje, ne znam da li je došlo do nekih prekompozicija unutar tih ministarstava, na Vladu, na premijera Fortu da pristupi sistemskoj odluci. Ukoliko se ne naplaćuje onda neka se ne naplaćuje u svim općinama. Ukoliko se naplaćuje onda neka takva odluka bude jedinstvena. Inače prilikom i formiranja ovog samog preduzeća ja malo ću se pozabaviti samim načinom formiranja ovog preduzeća od strane Skupštine Kantona Sarajevo. Ja se ne sjećam i ne znam da li je jedna takva odluka o proglašenju dobila saglasnost nadležnog općinskog vijeća u Ilijašu. Tražit ću malo u toj dokumentaciji da vidim da li imamo takvu vrstu saglasnosti za formiranje ovog preduzeća ali u evo ja stvarno apeliram. Drago mi je da direktor to razumije. A ubijeđen sam da razumiju to kolegice i kolege zastupnici. Dajte da napravimo funkcionalnu odluku koja će biti jednakopravna za sve građane u Kantonu Sarajevo. I apeliram na nadležne, evo i na neki način pokrećem inicijativu da sada ne bih predlagao zaključak o kom mi trebamo da glasamo kao Skupština, napraviti ću neki vremenski okvir predsjedavajući da dam prostor da se ovakva jedna odluka dopuni ili da kažem da se sistemski uredi. Ukoliko se ona ne uredi, u narednom periodu, naravno ja ću tada kao zastupnik pokrenuti u skladu s Poslovníkom one procedure koje treba da se pokrenu da se jedna takva odluka izmijeni. Evo toliko predsjedavajući.

Predsjedavajući::

Hvala kolega Deviću. S obzirom da nema više prijavljenih za raspravu zaključujem raspravu. MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2019. GODINU.

Također molim službu da pozovu zastupnike iz hodnika da uđu u salu kako bi mogli pristupiti glasanju. Molim službu da objavi rezultate glasanja.

ZA JE GLASALO 11 ZASTUPNIKA, PROTIV ništa, SUZDRŽANIH 15.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Prelazimo na tačku trideset i devet:

AD-39.

IZVJEŠTAJ O RADU SA FINANSIJSKIM IZVJEŠTAJEM FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, NA KOJE JE PREDHODNO DATO MIŠLJENJE OVLAŠTENOG REVIZORA, ZA 2020. GODINU

Materijal ste dobili u dopuni. Da li ima potrebe da nam se predstavnik Predlagača obrati i da podnese uvodne napomene? Ima li potrebe? Nema.

Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU SA FINANSIJSKIM IZVJEŠTAJEM FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, NA KOJE JE PREDHODNO DATO MIŠLJENJE OVLAŠTENOG REVIZORA, ZA 2020. GODINU.

Molim službu da objavi rezultate glasanja.

ZA JE GLASALO 11, PROTIV ništa, I SUZDRŽANIH 15.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Prelazimo na tačku četrdeset:

A-40.

IZVJEŠTAJ O RADU I FINANSIJSKOM POSLOVANJU KANTONALNOG STAMBENOG FONDA SARAJEVO, NA KOJI JE PRETHODNO DATO MIŠLJENJE OVLAŠTENOG REVIZORA ZA 2020. GODINU

Materijal ste dobili u dopuni. Da li ima potrebe da nam se obrati predstavnik Predlagača da podnese uvodne napomene. Nije potrebno. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU KANTONALNOG STAMBENOG FONDA SARAJEVO, NA KOJI JE PRETHODNO DATO MIŠLJENJE OVLAŠTENOG REVIZORA ZA 2020. GODINU.

Molim službu da objavi rezultate glasanja.

ZA JE GLASALO 26 ZASTUPNIKA, PROTIV I SUZDRŽANIH nije bilo.
KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka četrdeset i jedan:

AD- 41.

IZVJEŠTAJ MINISTARSTVA SAOBRAĆAJA KANTONA SARAJEVO O UTVRĐIVANJU SLOBODNIH DOPUNSKIH TAKSI OZNAKA ZA PRIJEVOZ LICA SA INVALIDITETOM

Materijal ste dobili u dopuni. Da li ima potrebe da nam se predstavnik predlagača obrati? Nema. Da li predstavnici radnih tijela žele riječ? Ne. Ima li pitanja? Otvaram raspravu. Zastupnica Vildana Bešlija jel pitanje ili rasprava. Izvolite zastupnice Vildana Bešlija.

Poslanik/zastupnik Vildana Bešlija:

Hvala predsjedavajući. Pa evo iz ovog materijala, jasno je naravno iz čega je ovo proizašlo i vrlo je pohvalno i to je nešto šta smo pokušavali, evo i lično ja prije nekih dvije godine sa inicijativom da se obezbijede vozila za osobe sa invaliditetom. I ovo je još jedan naredni korak ka rješenju toga. Međutim, voljela bih, znam da je nadležnost Ministarstva saobraćaja ali bih voljela da ako već nismo sad, u buduću prilikom revidiranja ovog ili evo možda ću podnijeti inicijativu, da i Ministarstvo rada i socijalne politike dalo svoj osvrt jer ovdje imamo samo jedan pogled koji se tiče konkretno onoga što je zakonski moguće, koji se veže za broj stanovnika, i koliko imamo slobodnih, odnosno nemamo taksi oznaka i ovdje je to rečeno da će biti tih šest taksi oznaka. Mislim da je veoma važno da sagledamo kompletnu situaciju upravo zbog osoba za koje smo napravili ovu izmjenu Zakona i zbog kojih uvodimo ovakva vozila, da vidimo koje su realne potrebe i da se u suštini sagleda i određena mogućnost eventualno i subvencioniranja. Da li taksi prevoza, da li lica koji bi to koristili ili eventualno nekoga ko ima ta vozila .ja koliko znam da do sada su taksi prevoznici su imali vozila, da to u ovom slučaju nije potrebno i da se jedva čekali u suštini priliku da mogu da ih koriste ali mislim da je ovo bitan aspekt koji bi u buduću trebalo uzeti u razmatranje. Hvala vam.

Predsjedavajući:

Zahvaljujemo se zastupnici Vildani Bešliji. S obzirom da se više niko ne javlja za riječ,

zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU MINISTARSTVA SAOBRAĆAJA KANTONA SARAJEVO O UTVRĐIVANJU SLOBODNIH DOPUNSKIH TAKSI OZNAKA ZA PRIJEVOZ LICA SA INVALIDITETOM.

Molim službu da objavi rezultate glasanja.

ZA JE GLASALO 27 ZASTUPNIKA, PROTIV I SUZDRŽANIH nije bilo.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka deset i dva:

AD - 42.

IZVJEŠTAJ O SNABDJEVENOSTI KANTONA SARAJEVO LIJEKOVIMA I SANITETSKIM MATERIJALOM U 2020. GODINI SA OSVRTOM NA IMPLEMENTACIJU LISTE LIJEKOVA KOJI SE PROPISUJU I IZDAJU NA TERET SREDSTAVA OBAVEZNOG ZDRAVSTVENOG OSIGURANJA KROZ FUNKCIONISANJE MREŽE FARMACEUTSKE DJELATNOSTI- APOTEKA, SA PRIJEDLOGOM MJERA I AKTIVNOSTI

Materijal ste dobili uz poziv za sjednicu. Ima li potrebe da se predstavnik Predlagača obrati i da podnese uvodne napomene? Nema. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O SNABDJEVENOSTI KANTONA SARAJEVO LIJEKOVIMA I SANITETSKIM MATERIJALOM U 2020. GODINI SA OSVRTOM NA IMPLEMENTACIJU LISTE LIJEKOVA KOJI SE PROPISUJU I IZDAJU NA TERET SREDSTAVA OBAVEZNOG ZDRAVSTVENOG OSIGURANJA KROZ FUNKCIONISANJE MREŽE FARMACEUTSKE DJELATNOSTI- APOTEKA, SA PRIJEDLOGOM MJERA I AKTIVNOSTI

Molim službu da objavi rezultate glasanja.

ZA JE GLASALO 30 ZASTUPNIKA, PROTIV I SUZDRŽANIH nije bilo.

KONSTATUJEM DA JE SKUPŠTINA USVOJILA OVAJ IZVJEŠTAJ.

Prelazimo na tačku četrdeset i tri:

AD - 43.

IZVJEŠTAJ O IMPLEMENTACIJI ODLUKE O PROŠIRENOM OBIMU PRAVA ZA KORIŠTENJE MEDICINSKIH SREDSTAVA I LIJEKOVA ZA RVI SA PODRUČJA KANTONA SARAJEVO ZA 2020. GODINU

Materijal ste dobili uz poziv za sjednicu. Da li je potrebno da nam se predstavnik Predlagača obrati? Nije. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O IMPLEMENTACIJI ODLUKE O PROŠIRENOM OBIMU PRAVA ZA KORIŠTENJE MEDICINSKIH SREDSTAVA I LIJEKOVA ZA RVI SA PODRUČJA KANTONA SARAJEVO ZA 2020. GODINU.

Molim službu da objavi rezultate glasanja.

ZA JE GLASALO 31 ZASTUPNIK, PROTIV I SUZDRŽANIH nije bilo.
KONSTATUJEM DA JE SKUPŠTINA USVOJILA OVAJ IZVJEŠTAJ.

Sljedeća tačka koju smo na prethodnoj sjednici prebacili na pretposljednju, a to je:.

AD – 1.

INFORMACIJA O EPIDEMIOLOŠKOJ SITUACIJI U KANTONU SARAJEVO

Da li ima potrebe da nam predstavnik Predlagača da podnese uvodne napomene? Nema. Ima. Da li je s nama ministar Vranić? S obzirom zbog epidemiološke situacije koja je povoljnija i gdje su mjere određene ukinute. Može li premijer da dođe? Je li nam premijer ovdje negdje u hodniku ili gore u kancelariji? Zastupnik Vedran Jakupović.

Poslanik Vedran Jakupović:

Zahvaljujem predsjedavajući. Ja predlažem, obzirom da ćemo imati sljedeću sjednicu odmah iza, imamo isto tako obavezu da ako sada nema ministra da ga pozovemo da ne gubimo vrijeme da u narednoj sjednici koja će biti za pola sata ili sat da dođe ministar. Tehnički. Hvala.

Predsjedavajući:

Zastupnik Elmedin Konaković.

Poslanik/zastupnik Elmedin Konaković:

Pa nije loš prijedlog kolege Jakupovića. Danas bi trebali naravno imati tu informaciju. U pravu su kolege koje negoduju kada kažu da važnost mogućeg četvrtog vala o tome treba biti izvještena Skupština ili da ovu tačku pitanja i inicijative radimo sada a da nađemo ministra negdje, ako je u zgradi ili da dođe neko iz Ministarstva. Ili da nam to bude prva tačka na narednoj sjednici s obzirom da teško da nam danas može na dvije sjednice dvije različite informacije. Dakle, informaciju bi trebali dobiti danas, ili kao da zamijenimo sada pitanja i inicijative ili prvu tačku na narednoj. Evo neka se kolege o tome opredijele ali bi nam te informacije apsolutno danas trebale, slažem se.

Predsjedavajući:

Zastupnik Mahir Dević.

Poslanik/zastupnik Mahir Dević:

Znači moje negodovanje zbog neprisustva ministra Vranića je predsjedavajući vrlo opravdano. Mi smo jučer imali jedan vrlo važan sastanak koji je sazvao premijer Kantona Sarajevo čini mi se ovaj put na vrijeme, što je dobro. Znači prije nego što nam je došao četvrti val kojeg struka najavljuje da će biti vrlo ozbiljan. Znači ministar danas treba građanima Kantona Sarajevo da uputi jedan ozbiljan apel i da im kaže šta je to što je plan a), šta je plan b), šta je plan c) ovaj koji treba da se dogodi. Srećom je situacija danas pa imamo ove na neki način dvije sjednice pa imamo mogućnost dupljanja tačaka da se ovo ispravi. Ali je neozbiljno da ministar nije tu prisutan. Molim vas predsjedavajući da se ministar obezbijedi u toku naredne sjednice i da građane Kantona Sarajevo upozori na opasnost četvrtog vala, i da ih informiše o aktivnostima koje poduzima ispred resornog Ministarstva kako bi se preduprijedile te negativne posljedice koje bi se mogle desiti dolaskom četvrtog vala. Zahvaljujem.

Predsjedavajući:
Zastupnik Zvonko Marić.

Poslanik/zastupnik Zvonko Marić.

Zahvaljujem predsjedavajući. Da ne gubimo vrijeme zaista, mislio sam da ćete vi predsjedavajući odmah i postupiti na način na koji ste i predložili da ovu tačku pitanja i inicijative sada radimo kako je kolega Konaković to predložio. Da budemo racionalni. Ne sumnjam, i potpuno je neupitno ovo o čemu govori kolega Dević iz prostog razloga mi moramo razgovarati o toj temi koja je vrlo važno. I jučerašnji sastanak je bio vrlo konstruktivan i čini mi se da bi korisno bilo da o tome razgovaramo danas. Ali da ne gubimo vrijeme dajte pitanja i inicijative tačku, da sada radimo i u tom ja se nadam da će ministar doći ako je na nekom sastanku sa tog sastanaka. Da ne gubimo vrijeme. Samo to.

Predsjedavajući:

Zahvaljujem se kolegi Mariću. Evo samo da mi dopustite da vam obrazložim. Vjerovatno je ministar Vranić vođen praktičnim primjerom koji je predložio i zastupnik Jakupović u sljedećoj sjednici 39. imamo tačku dnevnog reda Informacija o epidemiološkoj situaciji u Kantonu Sarajevo. Da ne bi razmatrali dva puta u nekih pola sata, sat. Evo upravo nam ministar javlja da dolazi imao je sastanak. Tako da ja predlažem sljedeće. Da ovu tačku pređemo, završimo je. Da krenemo sa pitanjima i inicijativama, a zatim odmah na 39. imamo tačku dnevnog reda i ministar će do tada doći, imat ćemo predlagачa ove tačke. Tako da Informaciju o epidemiološkoj situaciji.

Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

KONSTATUJEM DA JE SKUPŠTINA INFORMACIJU PRIMILA K ZNANJU.

AD-2.

POSLANIČKA/ZASTUPNIČKA PITANJA, INICIJATIVE I ODGOVORI

Iskoristit ću svoje pravo kao predsjedavajući Skupštine da prvi podnesem zastupničku inicijativu.

Poslanik/zastupnik Elvedin Okerić:

Na osnovu člana 106. Poslovnika Skupštine Kantona Sarajevo, pokrećem Inicijativu ZA DO-DJELU NAGRADE ZA HRABROST I ISTRAJNOST U PRAVNOJ BORBI ZA OČUVA-NJE PRAVA VLASNIŠTVA NANI FATI ORLOVIĆ.

Može, zastupnica Bibija Kerla pa nastavljam ja dalje. Zastupnica Bibija Kerla.

Poslanik/zastupnik Bibija Kerla:

mi smo krenuli sa pitanjima i inicijativama međutim ja ne vidim ovdje nikoga ko će odgovoriti na ta naša pitanja. Pa me interesuje da li postoji uopšte ikakva svrha postavljanja tih pitanja. Znači ovdje bi trebali da budu predstavnici Vlade premijer i svi oni koji odgovaraju na ta naša pitanja. Ja ću iskoristiti ovo svoje pravo da podnesem jednu inicijativu i par pitanja.

Inicijativa se odnosi na sljedeće: ovim putem pokrećem inicijativu prema Ministarstvu sporta i kulture o nagrađivanju naše ženske košarkaške reprezentacije BIH. Obrazloženje: s obzirom da je naša ženska reprezentacija u košarci na EU zauzela odlično peto mjesto i automatski izborila kvalifikacije za SP molim moje kolege da me podrže po pitanju ove inicijative a minis-

tra i Ministarstvo sporta i kulture molim da adekvatno nagradi ovaj nevjerovatano značajan uspjeh našeg sporta. S obzirom da su sportisti najbolji ambasadori svoje države smatram da je ovo nešto najminimalnije što možemo uraditi i tako im se zahvaliti za izuzetan i nadasve patriotsku borbu za bh sport. Tražim izjašnjenje mojih kolega na ovaj moj prijedlog a Vladi ostavljam da odredi iznos nagrade.

Što se tiče pitanja. Imam jedno pitanje Ministarstvu saobraćaja Kantona Sarajevo. Šta je sa mojom inicijativom za uspostavljanje željezničke linije na relaciji Podlugovi – Tarčin – Podlugovi. Ovih dana čitam da je uvedena takva linija na relaciji Hadžići – Sarajevo, pa me interesuje zašto ne i Ilijaš? Molim usmeni odgovor na ovo pitanje.

Šta je sa mojom inicijativom za izgradnju signalizacije i postavljanje radara na regionalnom putu Ilijaš – Semizovac, u Starom Ilijašu kod OŠ „Stari Ilijaš”. S obzirom da je u toku ljetni raspust mislim da je pravo vrijeme da se na tom mjestu uradi sigurnost za učenike čiji roditelji stalno strepe za sigurnost svoje djece. Molim ministra Adnana Štetu da mi odgovori na ovo moje pitanje. Ako treba obrazloženje dostavi pisanim putem.

Sljedeće pitanje glasi za MUP Kantona Sarajevo. Ustvari za Ministarstvo finansija. Kada će početi isplata dobivenih tužbi zaposlenika u MUP Kantona Sarajevo? Koliko je meni poznato mnoge tužbe do kojih nije ni smjelo doći su do sada isplaćivane. Jedino MUP Kantona Sarajevo čeka na isplatu svojih tužbi i time se gomilaju troškovi odnosno raste kamata Kantonu. Molim isto usmeni odgovor na ovo moje pitanje. Hvala lijepa.

Predsjedavajući:

Zahvaljujemo se zastupnici Bibiji Kerli.

Evo ja ću nastaviti sa obrazloženjem svoje inicijative za dodjelu nagrade za hrabrost i istrajnost u pravnoj borbi za očuvanje prava vlasništva nani Fati Orlović, kao sinonim bosanskohercegovačke žene, bosanskohercegovačkog dostojanstva, istrajnosti, upornosti, prkosa i ponosa. Fata Orlović kao simbol jedne istrajne, duge i teške borbe za pravdu i pravičnost, kao uzor i vodilja običnom bosanskohercegovačkom čovjeku, i pokazatelj da je pravda veoma često spora, ali ipak dostižna. Dostižna da, ali samo pod uvjetom da svim svojim bićem istrajavate u borbi za bolje i ravnopravnije društvo, demokratsko društvo jednakih šansi za sve, društvo u kojem će sva prava običnog čovjeka i građanina koja su zagarantovana Ustavom i Evropskom konvencijom o zaštiti ljudskih prava i temeljnih sloboda, biti neupitna i nedodirljiva. Nana Fata Orlović, kao simbol dostojanstva i strpljenja, koja je dugi niz godina, u vlastitom bolu, tuži i tišini čekala pravdu.

I na kraju, a s obzirom na sve naprijed navedeno i sve one ljudske osobine koje krase Fatu Orlović, moram istaći da je bilo veoma teško odrediti naziv predložene nagrade. Ali kako bih morao da opišem nanu Fatu Orlović i njenu borbu u jednoj ili dvije riječi je, onda bi to definitivno bile riječi HRABROST I ISTRAJNOST. Soga neka ova nagrada bude Nagrada za hrabrost i istrajnost Fati Orlović. Također, na nama je da mladim generacijama pred kojim su brojni izazovi, ukažemo da je nana Fata sinonim za hrabrost i istrajnost. Zato, neka ova nagrada bude poruka običnom bosanskohercegovačkom čovjeku da borba za vlastita prava, borba za bolje sutra i za bolji život naše djece i pokoljenja koja dolaze, pa i u najtežim okolnostima nema alternativu.

Zamoliti ću Skupštinu da se izjasni o ovoj inicijativi na kraju. Zahvaljujem.

Zastupnik Elmedin Konaković.

Poslanik/zastupnik Elmedin Konaković:

Hvala predsjedavajući. Dostavili ste pisane materijale ali inicijativu o kojoj želim da se izjasni Skupština vidim da niste. Pročitati ću je i zamoliti ću vas da se ona dostavi u pisanom materijalu. Ova druga ne tražim izjašnjavanje skupštinsko, samo ću je pokrenuti i pročitati

prema Vladi Kantona Sarajevo.

Inicijativa o kojoj tražim da Skupština zauzme svoj stav glasi:

Skupština KS traži sveobuhvatnu informaciju od Uprave policije KS i Tužilaštva Kantona Sarajevo o predmetu „Kapidžić” po zahtjevu porodice Kapidžić iz Sarajeva, a vezano za krivično djelo ubistva.

Zadužuje se premijer Kantona Sarajevo sa ministrom MUP-a i ministricom pravde i uprave i predsjednikom Komisije za sigurnost, na predmetnu temu i po osnovu saznanja koja su dostavljena Komisiji za sigurnost, da zakažu sastanak sa glavnom kantonalnom tužiteljicom Kantonalnog tužilaštva Kantona Sarajevo, te eventualno drugim relevantnim osobama te da se upoznaju sa svim činjenicama vezanim za ovaj predmet, a po predstavi porodice Kapidžić.

Skupština KS traži i očitovanje Federalnog tužilaštva po ovome predmetu kao nadležnog, a koje može i ima pravo vršiti uvide u predmet kantonalnih tužilaštva.

Po okončanju svih ovih postupaka Skupština KS će se na prijedlog Komisije za sigurnost KS koja će razmotriti sve gore navedeno po primitku svih informacija odlučiti o formiranju skupštinskog ad hoc tijela u ovome predmetu.

Molim vas da ovu inicijativu isprintate, kolegama dostavite i da se na kraju o njoj izjasnimo.

Druga inicijativa Vladi Kantona Sarajevo i Kantonalnoj upravi za inspeksijske poslove.

Pokrećem inicijativu da Vlada Kantona Sarajevo u saradnji sa Kantonalnom upravom za inspeksijske poslove, načelnicima i predstavnicima opštinskih vijeća, krene u kontrolu primjene propisa kojim se kladionicama zabranjuje rad u objektima koji su udaljeni manje od 100 metara od vjerskih i obrazovnih objekata.

Očekujem da se zabrani rad u svim prostorima koji se nalaze u ovim zonama.

U drugom dijelu inicijative tražim od Vlade Kantona da u skladu sa Ustavom Federacije u dijelu u kojem se kaže da je isključiva nadležnost kantona pa jedan dio člana čini mi se, ne znam koji član, odjeljak

1) finansiranje djelatnosti kantonalne vlasti ili njenih agencija oporezivanjem, zaduživanjem ili drugim sredstvima.

Pokrene donošenje akata kojim će se dodatno oporezivati rad kladionica u Kantonu Sarajevo, a kako bi se finansirale djelatnosti kantonalne vlasti.

Da pomognemo realizaciju ove inicijative jedna grupa ekonomista i ja napravili smo jedan prijedlog koji nam se čini vrlo racionalan, ima ustavno utemeljenje u kojem ćemo predložiti dodatna oporezivanja onih kladionica koje mogu raditi a eventualno se nalaze u zoni van 100 m od ovih objekata. Tražit ćemo naravno da odgovaraju svi oni koji su takvim objektima dozvoljavali rad iako je propisano da je to zabranjeno. Dakle načelnici opština, službe koje su izdavale takve dozvole, tražit ćemo da inspekcija izvrši dodatnu analizu i utvrde čiji potpisi stoje na dozvolama da se kladionice otvaraju pored vrtića, osnovnih škola, vjerskih objekata i srednjih škola. Hvala.

Dopredsjedavajući Vibor Handžić:

Zahvaljujem zastupniče Konakoviću. Zastupnik Marjanović je sljedeći, izvolite.

Poslanik/zastupnik Damir Marjanović:

Zahvaljujem dopredsjedavajući. Na sjednici skupštinske Komisije za obrazovanje, nauku od 02.07.2021.godine član Komisije Asmir Hasečić je podsjetio Skupštinu i podsjetio je Vladu,

između ostalog da je u svojim mjerama predviđjala donošenje mjere tzv. COVID semafor. Neke stvari koje se rade, neke stvari koje se pripremaju za ono što je već spomenuto, taj četvrti talas hoće li doći ili ne, to više nije upitno, podrazumijevaju dobru pripremu. Jedna od podpriprema je upravo COVID semafor vezano za obrazovne i odgojne institucije u Kantonu Sarajevo. Na osnovu tog semafora koji već postoje modeli, jako dobro se primjenjuju kao recimo u Austriji, lako je moguće koordinirati sistemom obrazovanja ne generalizirati prelaske isključivo na online, ili isključivo kombinovanje, nego praćenjem tih dokumenata i podataka mnogo lakše, mnogo konkretnije se da realizirati u potpunosti nastava optimumu koliko je dozvoljeno u datim uvjetima. Ova stvar je jako bitna i veže se za sljedeće pitanje. Pored ove inicijative ide sljedeće pitanje. Pitanje je vezano za Ministarstvo za odgoj i obrazovanje. Vidjeli smo određene analize vezano za Veliku Britaniju koji su napravili između ostalog procjenu koliko će novca biti potrebno da se ovaj period pandemije u obrazovanju nadoknadi sa stanovništvom dodatnih časova, dodatne nastave, koje će prosvjetni radnici morati da posvete svakom od učenika. Jedna od procjena je tu da oko 150 časova, koliko mi je poznato, po učeniku, očekuju da će morati da realiziraju. Jako me zanima da li Ministarstvo za odgoj i obrazovanje planira da napravi jednu takvu analizu u Kantonu Sarajevo i da li Vlada Kantona Sarajevo razmatra tu opciju? Svi stručnjaci, svi eksperti iz ove oblasti jasno ukazuju da protekli period pandemije i ovaj pred nama koji sada slijedi definitivno je jedan veliki izazov i da u tom velikom izazovu pored svih onih parametara za koje znamo da trpe, trpi između ostalog i kvaliteta obrazovanja. Jako me zanima plan i program i ideja nadležnog Ministarstva kako će to riješiti i da li će sugerirati dodatnu nastavu? Da li će odrediti određene programe finansiranje itd. Znači to je pitanje Ministarstvu za odgoj i obrazovanje. Hvala velika.

Dopredsjedavajući Vibor Handžić:

Dobro. Hvala kolega Marjanoviću. Zastupnica Bišćević-Tokić je sljedeća.

Poslanik/zastupnik Jasmina Bišćević-Tokić:

Hvala predsjedavajući. Pa evo prije svega imam pitanje za premijera Fortu i da mi usmeno kaže zašto do danas nisu isplaćene stimulacije zdravstvenim radnicima jer je već rekao u svojim nekim najavama da će to biti još isplaćeno u maju? Zanima me zašto nije i kada misli isplatiti stimulacije zdravstvenim radnicima?

Sljedeće pitanje upućujem Općoj bolnica 'Prim.dr. Abdulah Nakaš', Uredu za borbu protiv korupcije i upravljanje kvalitetom, Kantonalna uprava za inspeksijske poslove KS

Ministar zdravstva Kantona Sarajevo gospodin Vranić je izjavio na prošloj sjednici Skupštine Kantona Sarajevo da sa Općom bolnicom ima potpisan ugovor o angažmanu o radu u Općoj bolnici jednom sedmično, kada prema vlastitoj izjavi operiše pacijente. Molim Vas da mi se dostavi informacija o tome kakav ugovor ima potpisan ministar Vranić? Mislim prije svega da li se radi o ugovoru o radu, ugovoru o djelu, ugovoru o privremenim i povremenim poslovima, koliki iznos sredstava je do sada isplaćen na ime ugovora ministru Vraniću iz Opće bolnice „Prim.dr.Abdulah Nakaš” i koliko je pacijenata operisao ministar Haris Vranić u Općoj bolnici od 05.01.2021 .kada je postao ministar? Tražim da mi se ugovor dostavi upisanoj formi.

Drugo pitanje i tražim usmeni odgovor od premijera Forte.

Da li Je ministar Vranić zatražio premijeru saglasnost Vlade Kantona Sarajevo kao poslodavca o dodatnom angažmanu u Općom bolnicom 'Prim.dr. Abdulah Nakaš'? I da li je ministar Vranić u Vladi Kantona Sarajevo zaposlen na puno radno vrijeme ili dio sedmičnog zakonskog radnog vremena je angažiran u Općoj bolnici?

Treće pitanje ide Ministarstvu zdravstva Kantona Sarajevo da mi dostavi informaciju da li je u mandatu ministra i ove Vlade Kantona Sarajevo izmijenjena 4 sastava i predsjednika Komisije za lijekove Kantona Sarajevo? Podsjećam da i dalje nemamo utvrđenu esencijalnu

listu lijekova za Kanton Sarajevo, a daje prije nekoliko dana imenovana i nova predsjednica Komisije za lijekove. Koliko sam uspjela upratiti samo u mandatu ministra Vranića u proteklih manje od 6 mjeseci promijenjeno je četiri predsjednika Komisije za lijekove Kantona Sarajevo i to: gospodin Milan Mandilović, gospođa Meliha Hadžović Čengić, gospođa Belma Kapo i evo konačno novoimenovana gospođa gospođa Una Suljić Fatić. Tražim da mi se dostave sve odluke o izmjenama članova i imenovanju Komisije za lijekove Kantona Sarajevo u 2021. godini. I ujedno tražim obrazloženje zbog čega se desio ovaj broj intervencija u članstvu u Komisiji za lijekove Kantona Sarajevo, kada ćemo konačno imati esencijalnu listu lijekova i da li su ove izmjene rezultat određenih pritisaka i mešetarenja koje prate ovu oblast?

Imam jedno pitanje za ministra komunalne privrede, infrastrukture, prostornog uređenja, građenja i zaštite okoliša Kantona Sarajevo. Da li je istina da se dovodi u pitanje poslovanje preduzeća KJKP Rad, zbog neblagovremenog pokretanja postupaka javnih nabavki koji su neophodni za rad preduzeća, a mislim na nabavku goriva, guma, tehnički pregled vozila? Skupština preduzeća KJKP Rad nije usvojila Finansijski plan poslovanja za 2021 godinu, a samim tim i plan javnih nabavki, te se nalazi u situacija da neće moći blagovremeno pokrenuti i provoditi postupke javne nabavke, zbog čega postoji mogućnost obustave obavljanja osnovne djelatnosti odvoza otpada, čišćenja i pranja javnih površina. Zbog građana Kantona Sarajevo koji se svakodnevno žale na čistoću gradskih ulica, ali i odvoza smeća koje se nalazi okolo kontejnera koji su prenatrpani, molim ministra da mi usmeno odgovori. Zahvaljujem.

Dopredsjedavajući Vibor Handžić:

Zahvaljujem. Dopredsjedavajuća Kristić je sljedeća.

Dopredsjedavajuća Danijela Kristić:

Zahvaljujem predsjedavajući. Pozdravljam sve prisutne i gledaoce kraj malih ekrana. Ja jedan imam zaključak:

na osnovu člana 117 i 120 Poslovnika Skupštine Kantona Sarajevo predlažem da Skupština Kantona Sarajevo donese sljedeći zaključak:

obavezuje se Skupština Kantona Sarajevo da na svojim redovnim sjednicama razmatra izvještaje o reviziji za institucije Kantona Sarajevo od strane Ureda za reviziju institucija u FBiH, zajedno sa akcionim planovima za otklanjanje potencijalnih slabosti i nepravilnosti. Neovisno izvještajima o radu i poslovanju koji također razmatra u okviru plana i programa rada Skupštine Kantona Sarajevo a sve u cilju transparentnijeg i odgovornijeg trošenja javnih sredstava, te efikasnijem radu pomenutih institucija. Molit ću zastupnike da se izjasne o mom zaključku. Hvala.

Dopredsjedavajući Vibor Handžić.

Sljedeći pitanja i inicijative zastupnik Zahiragić.

Poslanik/zastupnik Haris Zahiragić:

Hvala dopredsjedavajući. Dakle ja imam veliki broj pitanja i inicijativa međutim pročitat ću samo ove tri o kojima smo ranije raspravljali i tražit ću izjašnjenje Skupštine Kantona Sarajevo.

Prva inicijativa, dostavio sam kolegama e-mailom, službama e-mailom sve inicijative. To su inicijative od sjednice od 31.05.2021.g i sa početka maja 2021 za čije izjašnjavanje smo čekali mišljenje Vlade, s obzirom da iziskuje određene finansijske troškove.

Prva inicijativa je Zadužuje se Vlada Kantona Sarajevo da odmah i bez odlaganja obezbijedi prijem svih mladih doktora koji su bili angažovani u borbi protiv pandemije COVID-19 u

javnim zdravstvenim ustanovama, na period od najmanje godinu dana, a zatim i svih mladih doktora koji se nalaze na evidenciji Službe za zapošljavanje.

II

Zadužuje se Vlada Kantona Sarajevo da napravi Program i na sistemski način dugoročno riješi prijem svih mladih doktora iz Kantona Sarajevo, to jeste Program koji će omogućiti svim mladim doktorima godinu dana radnog iskustva, a kako bi dobili priliku za prvo radno iskustvo i stekli uslove za specijalizaciju.

Suvišno je govoriti možda o značaju ove inicijative i zadržavanje tih mladih doktora koji su najtraženija radna snaga u državama Zapadne Europe. I mislim da je najmanje što mi kao Skupština Kantona Sarajevo možemo uraditi da od svih silnih programa i projekata, taj projekat, taj program b ude prioritet. Vidjeli ste u pandemiji koliki je nedostatak medicinskog kadra može biti opasan. A to nije samo kadar u smislu građana, to su sudbine mladih ljudi koji su pola svoje mladosti dali na studiranje vrlo teškog fakulteta i nauke, i oni koji žele da ostanu ovdje, graditi ovo društvo i ovu državu, ovaj zdravstveni sistem, mi kao Skupština Kantona Sarajevo dužni smo im to obezbijediti. Apleujem na kolege koji su u sali i one koji su u hodniku, koji slušaju putem audio prenosioca zvuka da podrže ovu inicijativu, bez obzira što je došla od strane kolege iz opozicije.

Druga inicijativa je da se zadužuju se Vlada Kantona Sarajevo i Ministarstvo zdravstva da se u program jednokratne pomoći za zdravstvene radnike jer kolegica Tokić je kroz pitanja govorila subvencije zdravstvenim radnicima, uključe i zdravstveni radnici JZU Zavod za hitnu medicinsku pomoć KS, te da na taj način spriječe počinjenu diskriminaciju zdravstvene ustanove i radnika koji su iznijeli jedan od najvećih tereta borbe protiv pandemije COVID-19. To je također jedna ranija inicijativa o kojoj smo čekali izjašnjenje Vlade d a bi smo se mi kao Skupština izjasnili.

I treća inicijativa koju ću pročitati jeste da se obavezuje Vlada Kantona Sarajevo da u skladu sa svojim nadležnostima pronađe način i smanji visinu školarina za sve studente na Univerzitetu u Sarajevu u iznosu od 30% za školsku 2020/21. godine, u skladu sa zahtjevom Studentskog parlamenta Univerziteta u Sarajevu od 22.03.2021. godine.

Dakle osim objektivne potrebe za smanjenjem školarine u ovoj godini s obzirom da je veliki broj studenata i roditelja ostao bez posla, da je ekonomska situacija u i u Kantonu Sarajevo i u državi odakle veliki broj studenata dolazi, na nezadovoljavajućem nivou, a imajući u vidu činjenicu da se nastava održavala online i s tim su smanjeni u značajnoj mjeri materijalni troškovi na UNSA i mnogi drugi troškovi koje iziskuje redovna nastava očekujem također da ćete ovu subvenciju porodicama, roditeljima, studentima, kako bi smo im olakšali godinu života i spremili se za narednu godinu, barem u iznosu od, ja sam kazao 30% a prihvatio sam ukoliko bi se Vlada složila i sa nekim manjim procentom da se o tome izjašnjavamo. Ostale inicijative ću dostaviti isključivo u pismenoj formi i neću tražiti izjašnjavanje Skupštine o njima. Hvala dopredsjedavajući.

Dopredsjedavajući Vibor Handžić:
Zahvaljujem, zastupnica Hasagić izvolite.

Poslanik/zastupnik Amra Hasagić:
Zahvaljujem dopredsjedavajući. Upućujem zastupničku inicijativu prema Vladi Kantona Sarajevo i Ministarstvu za odgoj i obrazovanje Kantona Sarajevo da hitno obezbijedi sredstva za sufinansiranje boravka djece sa liste čekanja JU Djeca Sarajevo u privatnim predškolskim ustanovama. Obzirom na jednu vrstu sigurnosti koja je data roditeljima u protekle dvije budžetske godine, smatram da poražavajućim da u aktuelnoj budžetskoj godini ista nije predviđena. Smatram da nedostatak ovakve mjere negativno utiče na razvoj temeljne ćelije

našeg društva.

Upućujem zastupničku inicijativu prema Upravi policije Ministarstva unutrašnjih poslova Kantona Sarajevo da u okviru svojih mogućnosti institutom prekomande alokira više policijskih službenika na područje Općine Vogošća, budući da je u proteklom periodu na području Općine Vogošća došlo do događaja koji su u značajnoj mjeri uznemirili građanke i građane ove Općine.

Pokrećem inicijativu prema Univerzitetu u Sarajevu da unutar akademskog kalendara za 2021/2022. akademsku godinu izvrši neophodne izmjene broja slobodnih dana (minimalno dva uzastopna ukoliko se radi o radnim danima) za velike vjerske praznike kako bi se studentima koji dolaze izvan Kantona Sarajevo omogućio adekvatna konzumacija prava na praktikovanje vlastite konfesije. Također tražim od Ministarstva nauke, visokog obrazovanja i mladih Kantona Sarajevo da hitno pristupi izmjeni neophodnih zakonskih propisa kako bi omogućilo trajno poštivanje ovih prava.

Upućujem pitanje Vladi Kantona Sarajevo da mi da odgovor koliko je uposleno osoba sa invaliditetom u organima uprave, javnim ustanovama, javnim institucijama i preduzećima ? Zahtijevam pismeni odgovor.

Zatim za Ministarstvo komunalne privrede i infrastrukture, prostornog uređenja, građenja i zaštite okoliša. Kada će i da li će se raspisati javni poziv za izbor korisnika subvencioniranja troškova ugradnje individualnih mjerila toplotne energije u objektima na sistemu daljinskog grijanja Toplana Sarajevo.

I posljednje pitanje prema predležnom Programu sanacije klizišta koliko je uvršteno projekata sa područja općine Vogošća i za tu namjenu koliko je izdvojeno sredstava. Zahtijevam i usmeni i pismeni odgovor jer ću uz ovo pitanje detaljnije dostaviti određena pojašnjenja. Zahvaljujem.

Dopredsjedavajući:

Zahvaljujem. Zastupniče Poturak izvolite.

Poslanik/zastupnik Dževad Poturak:

Zastupnik govori bez uključenog mikrofona

Dopredsjedavajući Vior Handžić:

Hajde sada molim vas uključite zastupnika Poturka u ovom pretpostavljam ozbiljnijem dijelu inicijativa.

Poslanik/zastupnik Dževad Poturak:

Tu sam, super. Pitanje za premijera Edina Fortu kada će Vlada početi konkretno da radi? Gospodine Forto ja bih vas zamolio da iskoristite fantastičan autoritet gospodina Konakovića koji je već dugo godina i dugi niz godina bio premijer, pa predsjedavajući, pa bio lider šesterke, pa četvorke, pa evo i trojke i znamo da ima najveći broj ministara u Vladi Kantona Sarajevo, da privoli svoje ministre da se u Kantonu Sarajevo konačno počne nešto da radi. Shodno tome ja sam i donio nekoliko lopata i metli, to je moja skromna i simbolična donacija za ovaj Kanton, da ovaj Kanton konačno počne nešto da radi. Znači vi ste izvršna vlast, ja sam zakonodavna i shodno tome, ove tri lopate, tri metle za vašu popularnu Trojku koje treba da vas potaknu na konkretnu akciju da se konačno nakon osam mjeseci od kako ste preuzeli vlast od gospodina Nenadića pokrenete i počnete nešto da radite, a ne samo da se bavite pustom pričom i obećanjima. A već ste mnogo toga obećali. Da ćete upravo ovim lopatama i metlama očistiti ovaj Kanton. Da ćete nastaviti tamo gdje je gospodin Nenadić stao ili gdje ste vi započeli one neke godine kada je to po vama bilo najidealnije. Kada ćete oprati naše ceste koje su katastrofalne? Kada ćete uraditi završiti svemirsko tramvajsko stajalište na Otoci i kada će ono profunkiconisati? Ovo su zaista realna pitanja, čistoća grada koja je pred

Sarajevo film festival nikada gora. Zmije vrebaju, a poskoka je sve više u gradu i to u raznom obliku. Svakakvih poskoka ima. Naravno seruma nema što znači kada nas zmije ujede ili zagrije trebamo naći nekoga ko će to da isisa. A onda nam treba Šumaker da. Međutim i tu ste nas izdali. Vakcina nema osim ovih sadaka vakcina. Sadake ima ne sve strane. I ne znamo kada će doći. A u nagovještaju je ovaj novi oblik virusa. Eto uradite nešto za građane Kantona Sarajevo, pokrenite se, a evo i mi zajedno s vama voljni smo, i dokazali smo da smo voljni kao SBB stranka da e pokrenemo zajedno s vama napravimo iskorak više. Zahvaljujem.

Dopresjedavajući Vibor Handžić:

Zahvaljujem zastupniče Poturak. Interesantan vam je performans bio a zamolio bih vas sada ako nije problem da ove rekvizite, da bi mogli nastaviti normalan rad. Super vam je bio performans. Izvolite dopredsjedavajuća Viteškić.

Dopredsjedavajuća Smiljana Viteškić:

Zahvaljujem dopredsjedavajući. Ja imam nekoliko inicijativa.

Prva je: Podnosim inicijativu da se u članu 121. Zakona o osnovnom odgoju i obrazovanju KS doda stav (7): Lica sa završenim I ciklusom bolonjskog visokoobrazovnog procesa i višom stručnom spremom, mogu zasnovati radni odnos u osnovnoj školi ako im matični fakultet od dana usvajanja Zakona o osnovnom odgoju i obrazovanju nije omogućio nastavak školovanja. Obrazloženje: Nastavnicima hemije sa VŠS, kojima je matični fakultet Pedagoška akademija u Sarajevu, Smjer ekonomika, domaćinstvo i hemija, nije omogućen nastavak školovanja i sticanje zvanja profesora hemije sa VSS, nego je taj smjer ugašen. Direktori škola u KS su 17.06.2021.g. dobili dopis iz Ministarstva osnovnog odgoja i obrazovanja, da je u toku procedura donošenja Zakona o izmjenama I dopunama Zakona o osnovnom odgoju i obrazovanju i da bi po donošenju ovog Zakona, nastavnici hemije, da bi aplicirali na konkurse morali imati najmanje 5 godina radnog staža u nastavi i obavezu doškolovanja u vremenu od 3 godine. Mnogi od njih to nemaju, jer ni nakon 15 - 20 godina od diplomiranja, nisu uspjeli ostvariti taj staž. Samim tim, znači da od početka ove školske godine nastavnici hemije neće moći aplicirati na konkurse u osnovnim školama. Stoga smatram da su ovi nastavnici diskriminirani i da se hitno treba iznaći rješenje za ovaj problem.

Druga inicijativa tiče se također izmjena Zakona. Podnosim inicijativu da se pristupi izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodica sa djecom. Obrazloženje: Inicijativa se odnosi na izmjene članova 22. i 160. pomenutog Zakona. Član 22. propisuje da pravo na stalnu novčanu pomoć ne mogu ostvariti domaćinstva u kojima su jedan ili više članova vlasnici ili posjednici automobila...Član 160. da se jednokratna pomoć za opremu novorođenog djeteta ostvaruje ukoliko su ispunjeni uvjeti za ostvarivanje prava na dodatak na djecu po ovom zakonu. Izmjene bi bile u smislu da se uopšte ne uzima u obzir vlasništvo ili posjedništvo automobila, a ako se uzima onda da se procijeni vrijednost automobila i da uslov za dobivanje stalne pomoći bude neki limit te vrijednosti automobila.

Sljedeća inicijativa je da se pojednostavi plaćanje obavezne takse za ZK izvadak u ZK Uredu Kantona Sarajevo. Obrazloženje je u prilogu.

Sljedeća je inicijativa Ministarstvu saobraćaja da se uredi autobusko stajalište na groblju Vlakova, sa svim pratećim sadržajima: nadstrešnicom, korpom za otpatke i klupom. Obrazloženje: Na prošloj sjednici izglasali smo inicijativu zastupnica B.Kerla i D.Kristić, o uvođenju komercijalne autobuske linije Bašćaršija - Vlakovo. Prilika je da se uredi i autobusko stajalište, što sam do sad pokušavala inicirati na OV Ilidža, ali bez uspjeha.

Zastupnička inicijativa Ministarstvu zdravstva JU DZ KS i ZZOKS da se izvrši prijem 7 (sedam) defektologa u JU DZ KS. Znači 16.06.2020. g. podnijela sam inicijativu za prijem 7 (sedam) defektologa u JU DZ KS, sa detaljnim obrazloženjem. Ista nije realizovana, pa upućujem istu inicijativu na razmatranje i realizaciju.

Dopredsjedavajući Vibor Handžić:

Pustio sam vas minut duže ako nije problem, evo svi su zastupnici poštovali vrijeme do sada pa da to pismeno predate. Hajde izvolite završite. Apelujem na druge zastupnike nema potrebe da to radimo. Svakom dam duže vremena nemojte i to zloupotrebljavati.

Dopredsjedavajuća Smiljana Viteškić.,

Ja se izvinjavam vrlo je kratka inicijativa. Danas smo dobili više zahtjeva za održavanje tematskih sjednica a i u ovoj Skupštini smo ranije usvojili inicijativu za održavanje tematska sjednice Skupštine na temu problema djece i učenika sa teškoćama u razvoju. Znači nismo je još uvijek realizovali, zašto. Problemi su veliki gomilaju se i mislim da je vrijeme da tu sjednicu organizujemo. Hvala i ja se još jednom izvinjavam.

Dopredsjedavajući Vibor Handžić:

Zastupniče Mariću izvolite.

Poslanik/zastupnik Zvonko Marić:

Zahvaljujem dopredsjedavajući. Pa ovako, ja imam jedno pitanje. Drago mi je da je premijer Forto tu. Može i odgovoriti. Znam u vrijeme kada je šestorka bila na vlasti on je formirao jedan operativni štab ili stožer i redovito na tim sjednicama utorkom koliko se sjećam, utorkom smo se sastajali i vrlo konstruktivno radili na otklanjanju svih prepreka za izgradnju kapitalnog projekta Prve transferzale. Također ja sam sudjelovao pa mi to daje za pravo i na sličnom jednom skupu koji se redovito održavao u Općini centar u vrijeme kada je bio načelnik Ajnadžić i tu smo rješavali te probleme u pokušaju da se pokrene taj kapitalni projekat. Međutim, pošto su zamrli radovi na izgradnji I transferzale definitivno, i vrlo su indikativne i simptomatične rekao bih izjave resornog ministra koji bi volio da mi odgovore. Dakle tražim usmeni odgovor, kada će se pokrenuti definitivno rado? On je rekao od pet do sedam godina da bi mogla da se realizira taj projekat. Pet do sedam godina, poučeni ranijim iskustvom, znamo da to u prevodu znači narednih 20 godina. Znači treba reći građanima da u narednih 20 godina se neće realizirati taj projekat o kojem se jako puno govori. I volio bih da mi se odgovori ukoliko je moguće ili premijer ili resorni ministar Šteta na račun kojeg samu vrijeme šestroke a kasnije imao dosta na neki način u superlativu izrečenih komplimenata, šta i koji organ, koja institucija, koja vlast, koja formalna ili neformalna skupina, koji lobi, je uticao na to da zamru radovi na izgradnji Prve transferzale? Da li je to neki koruptivni, razlog da li bilo šta. Slušamo i danas sam dolazeći prije nego što sam došao na sjednicu pogledao jedan prilog na TVSA i vidio da su vrlo kritički ironično i sa poprilično umjereno podsmijeha obradili ovu temu u TVSA. I zaista sa nepovjerenjem takva percepcija građana se gleda na realiziranje ovog kapitalnog projekta. Koja je to lobistička grupa institucija, Vlada čija je odluka da se od 5 do 7 godina realizira ovaj projekat. Molim vas da mi se to odgovori i na kraju molio bih premijeru, ako je moguće, evo neću pisati inicijativu ali dobio sam sugestiju iz Gerontološkog centra da ovo zbog korona virusa nisu podizali čekove za mirovinu i penziju, pa je PIO im je stavilo ultimatum da ukoliko to ne urade do 01.07. neće moći podizati mirovine ili penzije. da se organizira to i da se pomogne tim korisnicima Gerontološkog zavoda da ne bi izgubili mogućnost smještaja u Gerontološkom Zavodu i da na kraju ne bi ostali bez mirovina. Dakle da im se pomogne taj administrativni dio i da utičete na neki način na aktuelni menadžment Gerontološkog Zavoda da ti ljudi ne ispaštaju zbog nekih nerada i

neaktivnosti ovog menadžmenta koji je preuzeo Gerontološki centar. Hvala vam.

Dopredsjedavajući:

Zastupnik Mekić je sljedeći. Izvolite.

Poslanik/zastupnik Amel Mekić:

Hvala vam dopredsjedavajući. Imam tri inicijative i tri pitanja.

Prva inicijativa se odnosi na izradu elaborata o opravdanosti obaveznog video nadzora u sve vrtiće Kantona Sarajevo.

Dalje kao predsjednik Komisije za kulturu i sport podnosim inicijative za održavanje dvije odvojene tematske Skupštine. Jedna za sport za 60 dana, druga za kulturu za 90 dana. Zbog ograničenog vremena obrazloženja za sve tri inicijative ću dostaviti u pismenoj formi. Molim kolege zastupnike da podrže inicijative.

Pitanja za premijera gospodina Fortu. Prvo pitanje jedan opširniji uvod. Deficit ljekarskog kadra je uzrok smanjenog kvaliteta zdravstvene zaštite koji naši sugrađani dobijaju svaki dan. Uzorkom je d su mnogobrojne ambulate u potpunosti zatvorene. Da neke od njih rade dva dana u sedmici ili samo jednu smjenu. Uzrokom je višesatnog čekanja i kratkog trajanja pregleda. Većina ljekara dnevno ima preko 80 pacijenata. U određenim ambulantama u kojima jedan ljekar pokriva tri tima porodične medicine broj pacijenata koje pregleda jedan ljekar iznosi i preko 100. uzevši u obzir da je radno vrijeme ljekara sedam sati, što je 420 minuta pod uslovom da ne uzme pauzu, znači da ljekar koji pregleda 100 pacijenata ima 4 minute po pacijentu. Mislim da ne treba objašnjavati koliko je to malo vremena. Ovaj javno zdravstveni problem je u svakom slučaju dugogodišnji, kako po nastanku, tako i po neadekvatnom rješavanju. U trenucima kad aje primarna zdravstvena zaštita u potrebi za velikim brojem ljekara postavlja se pitanje zašto odluka da se 40 i više mladih ljekara pošalje na biro. Direktori svih organizacionih jedinica su upućivali više molbi ka centrali da bi ugovore produžili jer i ami kažu kako je došlo do trenutka kada je nemoguće raditi. Imali su jasne argumente o deficitu ali nikada nisu dobili rješenje. U pokušaju da se barem zamalo ublaži kritično stanje nakon odlaska 40 ljekara određeni broj ljekara je povučen sa specijalizacije kako bi se zakrpio sistem. Međutim taj broj je jako mali. Treba da naglasimo kako je prosječna starost ljekara na nivou primarne zdravstvene zaštite 57 godina. Taj podatak valjda govori sve. Procjena stanja deficita kadra. Pa da krenemo redom. Dom zdravlja Ilidža nedostaje 12 doktora, Dom zdravlja Novi Grad 23, Dom zdravlja Novo Sarajevo 14, Dom zdravlja Centar 6, Dom zdravlja Stari Grad 4. do podataka za DZ u Ilijašu, Trnovu, Vogošći i Haždićima nisam mogao doći. Uvidom u broj timova i broj ljekara samo u pet navedenih organizacionih jedinica je najmanje 65 timova porodične medicine bez ljekara. Ako se u obzir uzmu ostali DZ taj broj je sigurno dosta veći. Pojašnjenja radi jedan tim porodične medicine pokriva od 1500 do 1800 stanovnika. Dakle ovo je gorući problem, ali ne problem mladih ljekara, nego problem svih ljekara preoterećenih posloom i što je najvažnije, problem sugrađana koji ne dobijaju zdravstvenu zaštitu kakvu su zaslužili. Imamo priliku da počnemo rješavati jer imamo više od 40 mladih ljudi koji su spremni raditi čekajući prvi poziv. Ovo je apel da im se ne uskrati prilika za usavršavanje u najhumanijem zanimanju na svijetu a građanima ne uskrati prilika da dobiju kvalitetniju zdravstvenu zaštitu. Pa pitanje za premijera ako se ne usvoji inicijativa kolega Zahiragića koji su planovi sa 40 mladih ljekara? Vođen sličnom problematikom, moram da postavim drugo pitanje da li ćete vi premijeru i vaša krenuti u rješavanje loši politika vezanih za agonije kroz koje prolaze mnogobrojni sugrađani sa potpisivanjem ugovora na određen vrijeme pa tako imamo veliki broj sugrađana koji rade u nekim javnim ustanovama i preduzećima više od tri godine. ..

Dopredsjedavajući:

Moram i vas zastupniče Mekiću upozoriti na vrijeme. Minutu duže idete.

Poslanik/zastupnik Amel Mekić:

Pa treba da razmišljamo o zdravlju ljudi koje držimo u neizvjesnosti koji obolijevaju od stresa. Pričamo o natalitetu kako da mladi bračni par podigne kredit i krene u rješavanje stambenog problema te da se usudi za sklapanje braka. Moramo im dati bolji ambijent i bolje uslove za život i da radimo u interesu građana.

I treće pitanje i ovo je dobro da se kaže i da se zna. Konkurs u DZ za zapošljavanje 16 lekara na neodređeno koji je objavljujem 17.02.2021 nije počeo rješavati problem deficita. 16 doktora medicine koji su dobili spomenuti ugovor su lekari koji su već radili u DZ na drugim ugovorima na određeno vrijeme. Te se stoga ukupno broj lekara nije promijenio. Teško je doći do zaključka koji se objektivni kriterij koristio prilikom prijema lekara na konkurs. Lekari koji su primljeni nisu oni koji su najduže radili u DZ, nisu oni koji se odlučuju najboljim CV u pogledu projekata razmjena i edukacija, nisu ni oni sa najboljim prosjekom, i dosta njih nije završilo fakultet u roku od šest godina. Svi navedeni podaci se lako mogu provjeriti uvidom u dokumentaciju kandidata. Pa postavljam pitanje direktorici gospođi Ameli Kečo.

Dopresjedavajući:

2,5 minute ste preko zastupniče Mekić.

Poslanik/zastupnik Amel Mekić.

Želim za prva dva pitanja usmeni odgovor a za treće pismeni odgovor. Hvala.

Dopredsjedavajući:

Hvala. Zastupnica Junuzović-Kaljić, izvolite.

Poslanik/zastupnik Amra Junuzović-Kaljić:

hvala lijepo. Srdačan pozdrav svim učesnicima u radu današnje Skupštine i našim sugrađanima. Ja imam jednu inicijativu i jedno pitanje i oboje je zdravstvenog karaktera, odnosi se na zdravlje. Na koncu ovome svjedočimo. U komunikaciji sa ljudima iz struke dobila sam informaciju da se u narednom periodu na području Kantona Sarajevo očekuju ekstremno visoko temperature, čak i najvišoj temperature, od kada postoji mjerenje hidrometeoroloških parametara u Bosni i Hercegovini, te da će se one zadržati u julu, augustu i septembru. Slijedom toga, povećana je opasnost od opterećenja zdravstvenog sistema sa pacijentima koji su dehidrirali ili doživjeli toplotni udar, to također doživljavamo u zdravstvenom sistemu u kontaktu sa pacijentima. Iz toga proizilazi ova inicijativa prema Ministarstvu zdravstva Kantona Sarajevo da u što kraćem roku, obezbijedi potrebne uslove kako bi se na vakcinalnom punktu ispred dvorane Juan Antonio Samaranch, kao mjestu masovnog okupljanja, postave nekomercijalni punktovi za osvježanje na kojima bi bila dostupna pitka voda, ali i potreban hlad za stanovnike našeg Kantona, a sve u svrhu snižavanja tjelesne temperature i sprečavanja dehidriranja. Također, je potrebno da, Ministarstvo zdravstva Kantona Sarajevo, u saradnji sa MUP Kantona Sarajevo, usvoji set mjera koje je potrebno da ispunjavaju organizatori različitih dešavanja, te da pored obaveznog prisustva kolega iz Hitne pomoći, policije i vatrogasaca, jedna od obligatornih stvari bude upravo i obezbjeđenje nekomercijalne pitke vode, čija će se količina procijeniti na osnovu parametara kojima se predviđa broj učesnika. Potrebno je da Ministarstvo zdravstva Kantona Sarajevo putem različitih kanala komunikacije, upozna i educira stanovništvo o mjerama zaštite od visokih temperatura, te o načinu izbjegavanja neželjenih posljedica. To je inicijativa. Sljedeće je ustvari jedno pitanje koje također upućeno ka Ministarstvu zdravstva. Ovih dana su zdravstvene ustanove u Kantonu Sarajevo dobile iz ministarstva zdravstva jedan akcioni plan koji se ustvari odnosi na rekonstrukciju i reorganizaciju zdravstva u Kantonu

Sarajevo. Dakle uvažavajući potrebu da zdravstvenoj djelatnosti, tj ukupnom pružanju zdravstvenih usluga našim građanima treba dati veliki značaj i u skladu sa savremenim potrebama izmijenjenoj patologiji pa i javno zdravstvenoj krizi kojoj svjedočimo akcioni plan nameće jako kratke i neadekvatne rokove za ovako veliki zahvat u kojem moramo imati jasne ciljeve, poboljšanje usluge i dostupnost zdravstvene zaštite s jedne strane kada su pitanju pacijenti a s druge strane poboljšanje uslova rada zdravstvenih radnika u skladu sa savremenim medicinskim dostignućima. Obzirom da se radi o javnom zdravstvu u kojem smo svi mi akteri i pružaoci i primaoci zdravstvenih usluga, dakle u nekom momentu i pacijenti, ovdje nisu vidljivi nekako pacijenti i ishodi ove rekonstrukcije zdravstvene djelatnosti odnosno ovog akcionog plana. To jest nije vidljivo baš mijenjanje sadržaja procesa koji se odvija u zdravstvenim ustanovama. Ovaj proces počinje ustvari kroz treba da započne kroz adekvatnu analizu i kadra i opreme i prostora, kapaciteta i svega onoga što čini i podrazumijeva resurse u zdravstvu. Dakle moje pitanje zašto se započinje proces u ovome momentu, to je vrijeme pandemijske krize u kojoj su evo zdravstveni radnici doživjeli samo jedan kratkotrajni predah i pripremu za dalji nakon enormnim naporu tokom prethodnih godinu i po. Ovo je jedan vrlo ozbiljan proces koji se odvija godinama u svim zemljama koje su to radile. I zašto ovako kratki rokovi, prekratki za ozbiljan proces po osnovu ovoga plana koji potiče iz 2017? jer praktički taj akcioni plan odnosno zadata vremenska za sve promise rekonstrukcije, reorganizacije, izradu akata, izradu pravilnika itd. Iznosi svega nekoliko mjeseci do novembra. Evo hvala lijepo.

Dopredsjedavajući.

Zahvaljujem zastupnici Junuzović-Kaljić. Još ću vas jednom zamoliti govorim o svim zastupnicima da ne prebacujete ovo predviđeno vrijeme pretjerano. Ja vas pustim ali evo počeli som sada i po dvije tri minute ići preko. Zastupnica Hodžić Admela je sljedeća. Izvolite.

Poslanik/zastupnik Admela Hodžić.

Zahvaljujem. Podnosim inicijativu Ministarstvu komunalne privrede, infrastrukture, prostornog uređenja, građenja i zaštite okoliša i Ministarstvu za nauku, visoko obrazovanje i mlade Kantona Sarajevo da se u što skorije vrijeme provede anketa kojom će se svaki mladi čovjek Kantona Sarajevo moći izjasniti koji to način pomoći očekuje i želi od nadležnih u Kantonu Sarajevo prilikom rješavanja stambenog pitanja prvi put. Omogućite da se putem ankete izjasne da li žele subvencioniranje dodjelom novčanih sredstava od 10.000 KM, mogućnost kupovine stana po cijeni nižoj od tržišne ili neku drugu vrstu pomoći. A sve u cilju ostvarenja jednakih prava svih mladih ljudi Kantona Sarajevo bez obzira na socijalni status, radno pravni status i imovinsko stanje prilikom rješavanja stambenog pitanja prvi put. Rezultate ankete dostaviti zastupnicima Skupštine Kantona Sarajevo kako bi na osnovu tih rezultate mogli vidjeti stvarne potrebe mladih i u konačnici postupiti prema željama i zahtjevima mladih Kantona Sarajevo. Obrazloženje. U obrazloženju sam kopirala cijelo jedno poglavlje Strategije za mlade za 2019.2023 godinu a ko je se odnosi na stambeno zbrinjavanje mladih u kojem je hronološki predstavljene sve aktivnosti nadležnog ministarstva i Vlade za kupovinu stambenih jedinica za mlade u Kantonu Sarajevo od 2003 godine do 2016, gdje se 2016 gubi potpuno interes od strane ove populacije mladih za kupovinom ovih stambenih jedinica ovako izgrađenih. Nakon toga 2017 godine Budžetom Ministarstvo prostornog uređaje, građenja i zaštite okoliša izdvojilo novčana sredstva od 940 .000 KM za 94 mlade osobe od po 10.000 KM za subvencioniranje za kupovinu prvog stana. Također 2018 godine Ministarstvo izdvaja 3,3 miliona za 330 mladih naravno isto tako po 10.000 KM. Iz svega navedenog može se vidjeti da je potreba da se provede anketa u Kantonu Sarajevo opravdana kako bi se mladi mogli izjasniti koji to oblik pomoći žele prilikom rješavanja stambenog

pitanja prvi put i šta sebi mogu priuštiti. Možemo također vidjeti da je od izbora koji su imali 2017 godine da sredstva ulazu u stan ili kuću, izbor smanjen na izbor samo za stan. I da je ovo pomoć samo mladim ljudima koji imaju siguran i stalan posao i prilično visoku plaću da vraćaju kredit jer sa minimalnom plaćom i ugovorio na određeno, koji poslodavci produžuju periodično niti jedna banka neće odobriti kredit. Još jedna stvar koja je jako bitna. Mnogo mladih ljudi ima potrebu da ovih 10.000 KM koristi da na već izgrađeni roditeljski objekat porodičnu kuću dozida sprat ili dodatne prostorije te time sebi priušti kakav takav smještaj prilikom osnivanja porodice. odlukom Vlade izbor je smanjen te će samo oni mladi ljudi koji imaju stalni posao i prilično veću plaću moći koristiti prava sufinansiranja prilikom rješavanja stambenog pitanja. I bez da se iko nađe uvrijeđen za predočene činjenice i podatke treba još jednom na osnovu ankete prikupljenih podataka razmotriti koje to kategorije mladih ljudi imamo u Kantonu Sarajevo i na osnovu toga prilagoditi i iznos i načini pomoći kako bi svi podjednako mogli koristiti prava subvencije ili pomoći prilikom prvog rješavanja stambenog pitanja koje se odnosi na mlade u Kantonu Sarajevo. Mladi u Kantonu Sarajevo tražili su 2019 godine tematsku sjednicu. Zakazali smo je i održali. Pozvali smo ih čujemo njihove probleme, zajednički došli do eventualnih rješenja problema na njihov prijedlog i sugestije. Uvrstili smo to u Strategiju za mlade, glasali za to i obećali im sigurno jednoglasnu podršku i onda se na kraju desi ovo da svaki novi ministar koji dođe prvo što uradi je da ovo zaustavi ili promijeni. Ja sam jednom glasala da se ovo mogući mladim ljudima Kantona Sarajevo i ne želim da ih slažem. Zakonodavna vlast je glasala za ovakav program pomoći i nema nikakve potrebe da izvršna vlast na svoju ruku ukida ovaj vid pomoći. Može samo dakako želi da ga proširi sa mogućnošću izbora između 10.000 KM ili jeftinih kvadrata, izgrađenih stanova, 10.000 KM pomoći treba omogućiti za one mlade ljude koji su slabijeg imovinskog stanja i ne mogu dizati kredite za stanove. Ovo se odnosi na mlade ljude koji rade.

Dopredsjedavajući.

Vrijeme zastupnice dvije minute. Preko.

Poslanik/zastupnik Admela Hodžić.

Samo da završim. Ako je moguće neću se javljati na sljedećoj sjednici. Ovo se odnosi na mlade ljude koji rade u realnom sektoru, primaju minimalac i nemaju mogućnost da dobiju kredit komercijalnih banaka jer ovakav jedan stan košta minimalno 100.000 KM. Također se ovo odnosi na sve one koji rade u javnom sektoru ali im se ugovori na određeno produžavaju dugi niz godina a svima nam je poznato da komercijalne bake odobravaju kredite samo ako imate ugovor o radu na određeno vrijeme. I koliko god ovaj vid pomoći treba radniku, primjera radi navodim na građevina, primjera radi također navodim i da jedna nastavnica biologije kojoj se ugovor na određeno vrijeme poduža šest ili sedam godina iz ko zna kojih razloga. Svakako sam i za opciju da se utrošak sredstava pravda potvrdom banke ili plaćenim porezom za kupljeni stan ili potvrdom banke o uplati za smanjenje osnovice kredita za stan ili računom o kupljenom građevinskom materijalu, namještaju, sanitarijama i slično. Može se uvesti svaki vid kontrole prilikom kreiranja programa ali se ne smije dozvoliti diskriminacija ni po kojem osnovu i da e bilo kome uskrati pravo na korištenje sredstava prilikom rješavanja stambenog pitanja prvi put i podržati ga kao jedan od strateški važnih programa za mlade u Kantonu Sarajevo. Zahvaljujem i tražim da se kolege zastupnici izjasne. Hvala još jednom.

Dopredsjedavajući Vitor Handžić.

Ponosan sam na sebe kako su mi ovi apeli uspješno. Uspijemo probiti vrijeme dozvoljeno u dvije sjednice. Koliko imamo. Pa jeste, ali nemojte to koristiti ja ću stvarno morat ću početi primjenjivati Poslovnik u suprotnom. Zastupnice Hasanović vi ste naredni.

Poslanik/zastupnik Senad Hasanović:

Zahvaljujem dopredsjedavajući. Pozdravljam sve prisutne u sali kao i sve one koji prate rad Skupštine Kantona Sarajevo. Pa evo ja imam dva pitanja za ovu sjednicu. Upućujem ih Vladi Kantona Sarajevo.

Prvo pitanje: Da li Vlada Kantona Sarajevo ima u planu pokretati aktivnosti na rekonstrukciji i sanaciji glavne gradske saobraćajnice u Sarajevu? Građani Kantona Sarajevo sve češće iskazuju nezadovoljstvo stanjem u kojem se nalazi glavna gradska saobraćajnica u Sarajevu, gotovo svaki od šahova na kolovozu je naknadno korigovan što je ostavilo traga na samom kolovozu, a izuzetno loše stanje je sa krajnjom desnom kolovoznom trakom od Otoke pa sve do Marijin Dvora. Na pomenutoj dionici postoji više opasnih ulegnuća na samoj kolovoznoj traci što predstavlja značajan rizik za sigurnost saobraćaja.

Drugo pitanje: Da li ste upoznati sa informacijom da je u naseljima Dobrinja i Vojničko polje samo jedna četvrtina gornjih etaža u garažama iskorištena odnosno zakupljena? Kao osnovni razlog ovako male zainteresovanosti građani navode cijenu parkiranja za gornje etaže na kojima su automobili izloženi svim vremenskim prilikama, a košta 40 KM i prema mišljenju građana ne odgovara nivou pružene usluge dok istovremeno automobili na donjim etažama trpe oštećenja zbog tečnosti koja kapa po njima, također, zidovi garaža su značajno oštećeni. Da li Vlada Kantona Sarajevo i resorno ministarstvo planiraju poduzimati aktivnosti na sanaciji pomenutih garaža, te da li postoji mogućnost da Vlada Kantona Sarajevo u saradnji sa KJKP "RAD" smanji cijenu zakupa parking mjesta na gornjim etažama u cilju povećanja iskorištenosti prostora?

Molit ću pisane odgovore na ova pitanja. Toliko i hvala.

Dopredsjedavajući Vior Handžić:

Zahvaljujem zastupniče Hasanović. Zastupnik Hamed Aljović je naredni, izvolite.

Poslanik/zastupnik Hamed Aljović:

Zahvaljujem predsjedavajući. Selamim i pozdravljam sve prisutne. Imam za današnju sjednicu dva pitanja i jednu inicijativu.

Prvo pitanje je upućeno ministrici za odgoj o obrazovanje Kantona Sarajevo. Molim ministricu za odgoj i obrazovanje Kantona Sarajevo, Naidu Hota-Muminović da mi odgovori koje mjere će poduzeti protiv odgovornih osoba u JU "Osnovna Muzička Škola" Ilidža zbog zloupotrebe položaja i nezakonitog otkaza Mehmedu Bajraktarević prof, muzičke kulture u JU "Osnovna Muzička Škola."

Obrazloženje: Budući daje Kantonalni sud u Sarajevu dana 15.06.2021. godine donio pravosnažnu presudu u korist tužitelja Mehmeda Bajraktarevića, kojom je dokazano da je istom protivpravno prekinut radni odnos u JU "Osnovna Muzička škola" Ilidža te naložena novčana kompenzacija oko 250.000,00 KM. Navedenim postupanjem uprave ove JU je evidentno nanesena ogromna šteta Kantonu Sarajevo Sto zahtijeva hitan odgovor i sankciju nadležnog ministarstva

drugo pitanje isto prema ministrici za odgoj i obrazovanje u Kantonu Sarajevo. Pošto znamo da su sindikati za osnovne srednje škole najavili bojkot nastave u septembru ako se ne izvrši prioritetna vakcinacija nastavnika pa me zanima št ćete poduzeti po ovom pitanju?

I imam jednu inicijativu prema Vladi. Molim Vladu Kantona Sarajevo i Ministarstva za odgoj i obrazovanje da omoguće potrebna sredstva i urade sve potrebne pripreme za izgradnju vrtića na području Općine Novo Sarajevo tačnije Mjesna zajednica Velešići I i II. Zahvaljujem.

Dopredsjedavajući:

Zahvaljujem. Zastupnica Šahman je naredna. Izvolite.

Poslanik/zastupnik Bilsena Šahman:

Zahvaljujem predsjedavajući. Pozdravljam sve kolege i naše sugrađane. Ja ću biti brza. Imam jednu kratku inicijativu koju mi je predložio naš ugledni privrednik Nijaz Skenderagić za izjednačavanje cijene karata za žičaru i sva ostala mjesta gdje su razlike u cijenama između naših građana i građana Srbije. Nakon debakla države i FBiH za nabavku vakcina, sve veći značaj onoga šta je Srbija uradila za naše građanstvo pa iako znam da je Vlada dala vaučere za medicinske radnike iz Srbije mislim da bi ovo bio dobar gest kao dobro susjedskih odnosa prema njima onome šta su oni uradili. Jedno još pitanje za premijera. Šta se dešava sa obaveznom dezinfekcijom i deratizacijom javnih površina? Ako već nemamo vakcine i serume barem na neki način da se zaštite građani i da Zavod za javno zdravstvo počne da radi svoj posao. I moram vam još reći da je serum protiv ujeda zmija stigao u BiH. Da se ne brinete. Za Smiljeviće je li to problem Smiljevića riješen ili smo zaboravili na taj problem. Samo da premijer odgovori dokle smo stigli sa problemom Smiljevića i hoće li se ići u neko javno privatno partnerstvo o čemu se govorilo. Mislim da bi to bio jedini način da se riješi smeće i razdvajanje smeća u našem Kantonu. Hvala.

Dopredsjedavajući:

Zahvaljujem zastupnice Šahman. Zastupnica Vildana Bešlija je sljedeća. Uključite je. Izvolite.

Poslanik/zastupnik Vildana Bešlija:

Hvala predsjedavajući. Ovako, ja ću tražiti prvo da napomenem da mi se u pisanom obliku dostave odgovori. Pitanje prvo: Kada će se i kako iskoristiti rezultati podrške Fondacije Dogs Trust, te rezultati Radne grupe KS koja je radila godinu dana i još 2018. godine došla do dokumenta koji je bio jedna vrsta plana/strategije za humano i trajno, zakonsko rješavanje problema pasa litalica?

S obzirom da su na osnovu podrške Fondacije Dogs Trust, i na osnovu rezultata rada Radne grupe, urađena istraživanja i određen set mjera koje je potrebno sprovesti, mišljenja sam da bi Vlada KS trebala u suštini poduzeti te aktivnosti, zajedno naravno sa nadležnim ministarstvima, u saradnji sa lokalnim zajednicama i da to bude uspostavljen sistem na nivou Kantona Sarajevo. Mislim da bi, evo i po mišljenju stručnjaka i te Radne grupe, takav sistem bio koji je usaglašen, više i efikasan i isplativ i naravno i lokalnim zajednicama i Kantonu Sarajevo, a da ne pričamo o sigurnosti i pasa i građana.

Drugo podnosim inicijativu za izmjenu i dopunu Odluke o cijenama korištenja javnih parkinga koji je Vlada donijela na 24. sjednici 14.06.2019 godine i to za izmjenu članova 7 i 12 koji se odnose na cijene korištenja javnih parkinga. Cijene parking karte za stanare u svakom slučaju trebaju biti povoljnije od onih za goste i posjetioce. Znači na to se odnose odluke i ide se korak dalje ka tretmanu rezidenata tj umanjeњу cijene parking karte za duži vremenski period. I ovakvo umanjeње je praksa u većini urbanih centara a konačan rezultat su lojalni dugogodišnji korisnici parking usluge. Znači više, obrazloženo je naravno u dostavljenim inicijativama.

I kao treća, izmjena i dopuna Uredbe o organizaciji parkiranja na javnim parking površinama, parking zonama, izgradnji novih parkinga i organizaciji jedinstvenog sistema naplate parkinga koje je Vlada Kantona Sarajevo usvojila na 158.sjednici održanoj 13.12.2018.godine da se i to evo konačno počne primjenjivati. Naravno sve opširnije je u pisanom obliku dostavljeno. Hvala vam.

Dopredsjedavajući Vibor Handžić:
Zahvaljujem. Zastupnica Neira Dizdarević je sljedeća. Izvolite.

Poslanik/zastupnik Neira Dizdarević:

Hvala dopredsjedavajući. Ja ću iskoristiti ovu priliku da danas pokrenem zastupničku inicijativu na molbu roditelja djece oboljele od dijabetesa. Vjerujem da su i kolegice i kolege mogle u medijima upratiti njihova obraćanja. Odnosi se na angažovanje asistenata medicinskog smjera, dakele medicinskih sestara i tehničara u vrtićima u nadležnosti JU Djeca Sarajeva i osnovnim školama kako bi djeca sa dijagnosticiranim dijabetesom imali brzu i adekvatnu asistenciju prilikom uzimanja inzulinske terapije. Ukoliko ne postoji mogućnost angažovanja asistenata, iniciram organizovanje programa obuke za vaspitače o načinu davanja inzulina i

tretmana djece oboljele od dijabetesa. U medicini preovladava mišljenje da djeca postaju sposobna da sami sebi daju terapiju inzulina tek sa navršениh devet godina života. Djeca koja boluju od dijabetesa uskraćena su za predškolsko vaspitanje u vrtićima kojima upravlja JU Djeca Sarajeva, tačnije ova djeca mogu boraviti u javnim vrtićima samo u poludnevnom boravku. Zbog ove situacije, roditelji su prisiljeni ili dati otkaz da bi mogli čuvati svoje dijete ili moraju izlaziti s posla nekoliko puta tokom dana, kako bi svojoj djeci koja pohađaju vrtić davali inzulinsku terapiju. U skladu sa članom 34. Zakona o predškolskom odgoju i obrazovanju u Kantonu Sarajevo predviđeno je da uz odgajatelja u radu učestvuju i lica sa visokom, višom i srednjom stručnom spremom odgojno-obrazovnog i medicinskog smjera u svojstvu asistenta i volontera. Ukoliko ne postoji mogućnost angažovanja asistenata, smatram da Ministarstvo zdravstva KS treba provesti program obuke za vaspitače i učitelje o načinu davanja inzulina i tretmana djece oboljele od dijabetesa. Toliko. Hvala.

Dopredsjedavajući Vibor Handžić:
Zahvaljujem. Zastupnica Srna Bajramović, uključite je molim vas, izvolite.

Poslanik/zastupnik Segmedina Srna Bajramović:

Hvala. Pa evo za početak molim Opštinu Ilidža da mi dostavi odgovore na sljedeća pitanja koja stanovnici MZ Stup II:

1. Da li su riješeni imovinsko-pravni odnosi u vezi prvobitne lokacije za JU OŠ “Jedanaesta osnovna škola” Ilidža MZ Stup II koja je planirana Regulacionim planom “Stup-Nukleus”, te da li imate informaciju o stanju predmeta i njegovom mogućem završetku?
2. Da li je Općina Ilidža u saradnji sa Službom za obrazovanje, kulturu, sport i informisanje i Ministarstvom za odgoj i obrazovanje uradila elaborat o opravdanosti osnivanja škole na alternativnoj lokaciji shodno članovima 10. i 13. Zakona o osnovnom odgoju i obrazovanju?
3. Koliko sredstava Općina Ilidža izdvaja za prijevoz učenika na relaciji Stup – „Prva osnovna škola” Ilidža?
4. Koliki je broj učenika koji putuju svakodnevno na relaciji Ilidža - Stup?
5. Da li su sredstva u Budžetu Općine Ilidža planirana za izgradnju škole?
6. Da li će buduća škola na alternativnoj lokaciji biti planirana u skladu sa Pedagoškim standardima i normativima za osnovnu školu (Službene novine KS 30/18)?

Također, molim da mi se dostavi informacija na koji način je utvrđen broj školske djece na području MZ Stup II, te da mi u elektronskoj formi dostavite kopiju elaborata opravdanosti osnivanja za osnovnu školu na prethodnoj lokaciji koja je predmet sudskog spora.

Imala bih pitanje za ministra Hadžiahmetovića na koje bih zamolila usmeni odgovor. Na koji način mislite obezbijediti poštivanje mjera iz Studije o ventilacionim koridorima o zabrani gradnje u zoni od 20 metara od obale rijeke Miljacke i ruba glavne saobraćajnice, s obje strane koridora, kao i zabrane gradnje zgrada visine preko 20 metara (spratnosti P+ 6) u zoni od 200m s obje strane glavnih ventilacionih koridora dok Studija ne postane dio

Urbanističkog plana Grada Sarajeva i da li javno možete obećati da se gradnja nebudera visoke spratnosti, kao i izdavanja dozvola za iste neće desiti nakon ukidanja Odluke Vlade KS o ventilacionim koridorima?

Još samo kratko imam dovoljno vremena, zanimalo bi me da li je Vlada razmatrala pismo Sindikata od 30.06.2021. godine, vezano za problematiku prijema radnika u škole KS, te ako jeste da li planira donijeti odgovarajuće odluke u skladu sa iznesenim primjedbama u namjeri promjene prakse, ili se očekuje kontinuitet procesa po dosadašnjem višegodišnjem modelu? Navedeno pitam, jer je u toku završetak poslova na zbrinjavanju tehnološkog viška I očigledno se trebaju poduzeti aktivnosti za raspisivanje konkursa i oglasa, kako bi prije septembra nove školske godine imali riješene kadrovske potrebe. Toliko hvala. Tačno tri minute. Hvala.

Dopredsjedavajući Vibor Handžić:

Zahvaljujem zastupnice Srna Bajramović. Zastupnik Dević je sljedeći.

Poslanik/zastupnik Mahir Dević:

Zahvaljujem dopredsjedavajući. Pitanje za premijera Kantona Sarajevo da li je ministrica za visoko obrazovanje podnijela formalno ostavku ili je najavila jednu takvu vrstu mogućnosti s obzirom da mi kao skupštinski zastupnici iz medija čitamo da je to ministrica formalno ili neformalno uradila. Znači mislim da bi bilo OK premijeru da nam odgovorite da li je ona to uradila formalno i da li je najavila takvu vrstu mogućnosti a imaju u vidu sva ova dešavanja oko Zakona o visokom obrazovanju.

Također pokrećem inicijativu prema vama premijeru Kantona Sarajevo da spasite i sebe i nas i Skupštinu Kantona Sarajevo od svih ovih dešavanja, a koja su se najbolje mogla vidjeti i u nastupu uvaženog zastupnika Poturka, da razmislite najozbiljnije da podnesete ostavku na poziciju premijera Kantona Sarajevo. I da omogućite da se imenuje nova eventualno ekspertska Vlada jer mi imamo izuzetno ozbiljne probleme u opoziciji. Znači nama su kancelarije pune svaki dan ljudi i žale se na vaš nerad. Pa prema tome ja pokrećem inicijativu da vi ozbiljno o tome razmislite. Šta više mi iz Kluba SDA i ne mislimo da vi imate lošu namjeru. Mi mislimo da vi imate dobru namjeru da nešto učinite međutim mislim da ste zarobljeni od strane derivata SDA, i da jednostavno ne možete biti efikasni i pružiti bilo kakav napredak u Kantonu Sarajevo. Cijenimo i mislimo da trebate o tome ozbiljno razmisliti da spasite i sebe i Kantona Sarajevo i samu Skupštinu Kantona Sarajevo. Naravno, ovo vam je inicijativa za razmišljanje. Za nju mi ne treba odgovor. A treba mi odgovor usmeni na pitanje da li je ministrica za visoko obrazovanje podnijela ostavku, da li je vama najavila takvu vrstu mogućnosti zbog svih ovih dešavanja oko Zakona o visokom obrazovanju, s obzirom na činjenicu da mi evo čitamo od jutros u medijima da je to na neki način najavljeno. Zahvaljujem dopredsjedavajući. Mi smo iz opozicije vrlo disciplinovani, poštujemo vrijeme vrlo precizno i jasno.

Dopredsjedavajući:

Svaka vam čast. Zastupnice Suljeviću vi ste sljedeći. Izvolite.

Poslanik/zastupnik Samir Suljević:

Hvala vam predsjedavajući. Pozdravljam sve prisutne kao i gledaoc ekoji prate ovu današnje zasjedanje Skupštine. Ja imam nekoliko zastupničkih pitanja.

Prva dva su upućena Kriznom štabu Kantona Sarajevo i Ministarstvu zdravstva Kantona Sarajevo. Prvo je radi interesa javnosti može li Krizni štab, Vlada Kantona Sarajevo ili ministar zdravstva razjasniti situaciju oko pokušaja nabavke vakcina Sputnik V preko Vlade a koja je propala navodno zbog ne saradnje Vlade FBIH. Šta se tu desilo? Drugo je, koje su konkretne aktivnosti u toku za kupovinu vakcina za Kanton Sarajevo i BIH, neovisno o

donacijama koje dobivamo. Kad, koje vakcine i koliko realno možemo očekivati? Ovo su bitna pitanja jer se u javnosti špekuliše informacijama da je ponovo u pozadini pokušaj da se kroz kupovinu vakcina ostvari neki profit, što stvara dodatnu uznemirenost građana i strahovanja da će ostati bez vakcina.

Sljedeće zastupničko pitanje je upućeno isto tako također Vladi Kantona Sarajevo i Ministarstvu odgoja i obrazovanja. Kada će se promijeniti politika i praksa zapošljavaju u školama koja traje već dugi niz godina i koja podrazumijeva prijem radnika u pravilu na određeno vrijeme. Ovdje je riječ o davanju saglasnosti od strane nadležnog Ministarstva kod raspisivanja konkursa. Ovakva praska je dala vrlo loše rezultate i negativno se odražava na cjelokupan odgojno obrazovni proces u školama.

Sljedeća pitanja ću postaviti u nastavku, odnosno u 39. sjednici. Hvala.

Dopredsjedavajući:

Ako neće trajati dugo zamolio bih vas da to traje odmah. Evo pustili smo i ostale zastupnike da to urade, pa da uštedimo vrijeme.

Poslanik/zastupnik Samir Suljević:

Postavljena su pitanja isto za Ministarstvo zdravstva Kantona Sarajevo, KCUS da li je KCUS na osnovu slabosti uočenih tokom trećeg vala pandemije sa velikim brojem umrlih da li priprema neku novu i efikasniju strategiju kojom će se razviti kapacitete izolatorija i odgovoriti na najavljeni povećani priliv pacijenata očekivanih u četvrtom valu pandemije. Prošle sedmice je Klinika za plućne bolesti ranije izmještena u zgradu napuštene Vaskularne hirurgije vraćena na primarnu lokaciju na Podhrastove gdje je tokom trećeg vala bio izolatorij. Također, još ranije je rasformiran privremeni respiratorni centar u krugu KCUS odnosno zgrade stare hirurgije. Također su rasformirani izolatorij u objektima drugih klinika. Time su kapaciteti klinika KCUS vraćeni na normalu, tj stanje prije eskalacije trećeg vala. Drugo da li se rješava problem za snabdijevanje kisikom koji je bio uzrok problema u liječenju i određenog broja smrtnih ishoda. Imam informaciju da se stručni projekt za sistem kisika za staru hirurgiju tek sada radi. Zašto to nije urađeno ranije i pravovremeno i ko je odgovoran za tehničke propuste na sistemu koji su prouzrokovali probleme u opskrbi kisikom pacijenata. Sljedeće, još jedno imam ovdje me interesuje Vladi Kantona Sarajevo i Tužilaštvu Kantona Sarajevo da li Kantonalno Tužilaštvo poduzima mjere u vezi sa informacijama u medijima a koje se odnose na navodno falsificiranje dokumenata umrlih pacijenata od COVID 19 i koja se odnosi na navodno brisanje podataka o maloljetnoj pacijentici Nadin Smajlović o čemu Tužilaštvo Kantona Sarajevo već vodi slučaj zbog odbijanja liječenja ovog djeteta. Hvala.

Dopredsjedavajući Vibor Handžić:

Hvala vam zastupniče Suljević. Zastupnik Damir Nikšić je sljedeći, izvolite.

Poslanik/zastupnik Damir Nikšić:

Hvala uvaženi predsjedavajući, dopredsjedavajući. Sleš dopredsjedavajući. Ja imam samo jedno pitanje. Pitanje resornoj ministrici i premijeru Kantona šta se desilo sa zaključkom koji je ova Skupština donijela, usvojila na inicijativu uvaženog zastupnika Sabahudina Delalića na 2. tematskoj sjednici Skupštine Kantona Sarajevo 22.10.2019? ja bih pročitao taj zaključak. Kaže:

traži se od Ministarstva za obrazovanje, nauku i mlade tadašnjeg, da donese posebnu uredbu kojom bi se zakonski omogućilo roditeljima djece s poteškoćama u razvoju da završe započete studije po započetom planu i programu studiranja. A kao osnov za to bi se mogao uzeti član 177 Statuta UNSA, uz predočenje adekvatne medicinske dokumentacije djeteta. Znači na službenoj stranici stoji da zaključak nije realizovan. Zato bih molio nadležnu ministricu, pretpostavljam da je to ministrica nauke i visokog obrazovanja u ovom momentu,

pošto se Ministarstvo razdvojilo, ili premijera, a volio bih od premijera da mi daju pisani odgovor na pitanje zašto ovaj zaključak nije do danas realizovan. Tj zašto ta Uredba nije donesena i kada možemo očekivati da će to biti konačno urađeno. Jer postoje ljudi koji već drugu godinu gube prava na redovni studij i da nastave studiranje zbog toga što je neko totalno zanemario ovaj zaključak Skupštine u Ministarstvu. Hvala.

Predsjedavajući Elvedin Okerić:
zastupnik Elvis Vreto.

Poslanik/zastupnik Elvis Vreto:

hvala predsjedavajući. Ja prije svega koristim priliku da se zahvalim ministru privrede i ministru komunalne privrede na brznoj reakciji na realizaciji inicijative čišćenja prostora u poslovnoj zoni Energoinvest od raznih vrsta otpada. I želim da im čestitam na započetim aktivnostima.

Dalje želim da se osvrnem na odgovor koji sam dobio od Direkcije za ceste kantonalne Direkcije vezano za izlaznu traku iz poslovne zone na brzi cestu. Tamo se navodi da su neophodna mišljenja Cesta FBIH kao i mišljenje Zavoda za planiranje. Meni kao zastupniku zaista nije problem ja ću to uputiti u proceduru ponoviti inicijativu i dostavi je Cestama FBIH kao i Zavodu za planiranje. Mada me malo čudi odnos Kantonalne Direkcije za ceste, to mišljenje su oni po službenoj dužnosti mogli isto uraditi ali evo meni to neće biti zaista teško. Dalje, želim da pokrenem još jednu inicijativu vezano za u toku je završetak radova na izlaznoj traci prema naselju Osijek. Isto se odnosi na brzu cestu.

Ja ću pokrenuti inicijativu da se uradi i ulazna traka iz naselja Otes u pravcu prema gradu iz tog područja obzirom da opština Ilidža planira zatvaranje prostora i radi se jedna testna faza od Rustempašine ulice i da građani naselja Osijek kada žele uza grad moraju proći centralnim dijelom Ilidže. Mislim da bi ta izlazna traka iz tog naselja, pored ove postojeće silazne koja je u fazi završetka, sigurno olakšala komunikaciju i rasteretila sam saobraćaj.

Dalje pitanje koje želim da postavim Vladi, vjerovatno Ministarstvu pravde. u kojoj je fazi i šta se radi po pitanju donošenja kantonalnog Zakona o GSS KS? Mislim da je to zastupnica Memić pokrenula kao inicijativu. I kada se može očekivati Nacrt tog zakona u skupštinskoj proceduri?

Predsjedavajući:
Zastupnik Sead Milavica.

Poslanik/zastupnik Sead Milavica:

Hvala predsjedavajući. Pozdravljam sve vas i gledaoce pored malih ekrana. Za danas imam jednu inicijativu i jedno pitanje. Inicijativa je Pokrećem inicijativu prema Vladi Kantona Sarajevo da se oformi stručno tijelo na nivou Kantona Sarajevo koje bi vršilo verifikaciju lokacija privatnih, stambenih i drugih objekata koje u svom sastavu sadrže azbest cementni materijal opasan po život građana, sa ciljem stvaranja baze podataka radi daljih planiranja aktivnosti. OBRAZLOŽENJE: Imajući u vidu daje Članom 35 Pravilnika o građevinskom otpadu predviđeno da jedinice lokalne samouprave imaju obavezu prikupljanja podataka o azbestu, te iste trebaju dostaviti Fondu za zaštitu okoliša FBiH u roku od godinu dana od dana objavljivanja pravilnika, primijećeno je da jedinice lokalne samouprave imaju problema prilikom realizacije navedenih obaveza i to najčešće zbog nedostatka specijaliziranog osoblja koje može prepoznati materijale koji sadrže azbest. U cilju prevazilaženja navedenih teškoća neke od lokalnih samouprava iskazale su interes da se oformi stručno tijelo na nivou Kantona Sarajevo koje bi vršilo verifikaciju prijavljenih lokacija kako bi se došlo do stvarnih podataka koji bi se mogli koristiti u daljem planiranju aktivnosti u cilju uklanjanja azbesta.

I moje pitanje ako ga mogu nazvati pitanje, ali evo pokušat ću da vam to malo. Dakle, tačno otprilike negdje prije dvije godine, 24.07.2019.godine ja sam podsjetiti ću vas da sam podnio jednu inicijativu u vezi kladionica u Kantonu Sarajevo. Dakle otprilike to je bilo prije dvije godine dana. Ja ću vas samo podsjetiti da smo svi to usvojili. Ona je glasila ovako: Pokrećem inicijativu da Vlada Kantona Sarajevo donosi pravni okvir kojim bi se odredili uslovi koje moraju ispunjavati uplatna mjesta kladionica na području Kantona Sarajevo. I to na način da se dosadašnji kriterij neophodne udaljenosti od najmanje 100 metara od vjerskih objekata te osnovnih i srednjih škola poveća na 1000 metara, tj 1 km. Bili smo svjedoci danas, čestitam kolegi Konakoviću što je pokrenuo ovu inicijativu. Moje pitanje prema Vladi, s obzirom da se evo već do sada izmijenila tri sastava Vlade. Imali smo doduše premijer Forto je bio u prvom sazivu Vlade je bio premijer, ja molim samo da mi se odgovori ako može danas da li je išta poduzeto po pitanju moje inicijative. Dakle svaki odgovor ću prihvatiti. Ako je možda problem premijeru, možda nema informaciju danas da to kaže usmeno. Ja insistiram na tome da mi bar da neki ako ništa paušalne informacije kad abi moglo doći do te realizacije s obzirom da evo zaista nisam insistirao na tom odgovoru, dao sam vremena Vladi dvije godine da se pokuša tu nešto napraviti, ali krajnje je vrijeme da mi se bar odgovori na to da li je išta pokrenuto i da li je išta urađeno? Hvala.

Predsjedavajući:

Zahvaljujemo se kolegi Milavici. Nemamo više prijavljenih za pitanja i inicijative. Do sada nam je pristigao veliki broj inicijativa o kojima se treba Skupština izjasniti, još neke čekamo. A imamo i zahtjev iz klubova za pauzom malo dužom od dva sata. U dva sata. Ako ste spremni da ponudite odgovore, može. Na usmene odgovore. Nakon premijera nakon usmenih odgovora Skupština će se izjasniti o pauzi malo dužoj. U dva sata bi krenuli sa nastavkom sjednice. Evo nakon ponuđenih odgovora premijera. Izvolite premijeru.

Premijer Edin Forto:

Pozdravljam sve ponovo. Ja sam htio samo da odgovorim na ovo što je meni direktno upućeno usmeno. Ako nešto propustim, molim vas da mi ponudite, malo sam kasnio na sat Vlade jer trenutno Vlada zasjeda. Četvrtak je dan kada Vlada zasjeda i radimo paralelno, pa je malo teže. Pitanje zastupnice Bišćević-Tokić zašto nisu i kada će biti isplaćene stimulacije zdravstvenim radnicima koje smo obećali još u maju. Bilo je više inicijativa i od vas i od Skupštine. Iz pozicije i opozicije a također i Vlada je imala veliku želju da isplati stimulacije posebno imajući u vidu šta smo preživjeli u trećem valu borbe protiv pandemije koji su iznijeli posebno oni radnici koji su radili u COVID odjeljenjima naših najvećih zdravstvenih ustanova. U skladu s tim odlučili smo kao Vlada pronađemo sredstva i isplatimo stimulacije radnicima u zdravstvu, bez obzira na njihovu struku i jedino po kriteriju da su bili u COVID odjeljenjima po osnovu otežanih uslova rada. I moram reći da je ovo rijetki primjer gdje se isplaćuje stimulacija po otežanim uslovima rada a ne po nekoj formuli koja onda obuhvata sve radnike bez obzira na koji način su učestvovali u procesu rada. Neki npr u administraciji su radili pola radnog vremena, pa su bili tu, pa su se smjenjivali jer su tako nalagale epidemiološke mjere, a neki su sve vrijeme proveli u onim zaštitnim odijelima u najtežim uslovima rizikujući svoje živote kako bi pomogli građanima. Mi smo odvojili 2 miliona KM za tu namjenu. Milion KM iz Budžeta i milion KM po odobrenju, u dogovoru sa ZZO Kantona Sarajevo. sve te novce smo prebacili i objedinili na račun ZZO koji vjerovatno u ovom trenutku, dok vam odgovaram je počeo prebacivati sredstva ustanovama. Ustanove su potpisale sporazume sa ZZO po spiskovima koje su same ustanove dostavile. Iz KCUS preko 1600 ljudi je na spisku, iz DZ preko 600, i iz Opće bolnice oko 550 zaposlenih. Svi oni zajedno, mislim da je to oko 2800, sada ne znam na pamet, ali svi oni zajedno će imati uplate po osnovu stimulacije rada u COVID odjeljenjima i raspon će biti značajan jer neki su proveli samo nekoliko sati ili jedan dan po evidencijama koje su nam dostavljene a neki su sve

vrijeme bili tamo. Tako da će neko dobiti preko 1000 KM; a neko će dobiti možda desetak maraka ili dvadeset. Ali jedini kriterij je vrijeme provedeno tamo. 2 miliona KM je ovako kada se kaže to je dosta novca ali mislim da nije puno za ono šta su ti ljudi uradili, način na koji su pomogli nama u borbi protiv pandemije i zaštite građana. Dakle, da još jednom rezimiram, ovog trenutka dok govorim vjerovatno su već krenula prebacivanja sredstava ovim ustanovama. Svjestan sam i onoga što je došlo iz Skupštine da je neka ustanova možda izostavljena poput Hitne pomoći. Ali ponavljam, takva je odluka bila na početku ja i dalje stojim uz nju samo COVID odjeljenja. Samo oni koji su radili na taj način. svi ostali pozivam i ustanove, pozivam i Hitnu pomoć da nađu načina, mogu i s nama, mogu i sa Ministarstvom da stimuliraju one radnike za koje misle da su najviše doprinijeli u ovom istom periodu. Također moram još jednu stvar naglasiti, isplate se vrše isključivo po spiskovima i evidencijama koje su nam dostavili DZ; Opća bolnica i KC. U slučaju da neko dobije stimulaciju a nije eje trebao dobiti ili ako ne dobije stimulaciju ili ne odbije dovoljno u smislu evidencije da su radili više nego što su dobili, molim ovaj put i te radnike i ustanove da ustanove mehanizme da se ove greške isprave jer mi isplaćujemo isključivo po njihovim evidencijama. Mi nismo mogli ući ni u jednu od ovih ustanova i provjeravati naknadno. Mi smo po njihovim spiskovima obračunali ovu stimulaciju. Ja sam ponosan da uz malo kašnjenja da smo ovo uspjeli ipak na kraju završiti i da realizacija upravo kreće.

Drugo pitanje koje ste mi postavili samo sekundu. Da li je ministar Vranić tražio od Vlade saglasnost o dodatnom angažmanu u Općoj bolnici. Ja ovo ne znam i ne znam kakav je njegov ugovor. Čuo sam vas kada ste postavili to pitanje. Ovo vam možemo dostaviti. Možemo otići pitati svi naši ugovori bi trebali biti javni dokumenti i tu ne bi trebao bit problem nikakav da vam to dostavimo naknadno.

Jš jedna stvar i napomena koju moram reći, u skladu s epidemiološkim mjerama i način na koji se vodi sjednica cijela vlada nije tu. Oni sada zasjedaju. Ja ću odgovoriti ovo što imam usmeno a sve ostalo što ste pitali druge ministre usmeno, molim vas da vam dok se ne promijene uslovi rada, da vam to dostave pismeno.

Zastupnik Poturak kada će Vlada početi da radi? Ja mislim da mi radimo. Zastupnik Marić kada će se početi realizirati projekat Prve transferzale ko je uticao na to da stane realizacija projekta? Imamo veliki broj problema vezano za ovaj projekat. Koordinacija i dalje postoji samo ne radi se više svake sedmice kao što smo radili onako kako ste i pomenuli 2019 godine. Ja bih volio da vam ministar Šteta odgovori kada bude u prilici, imamo puno se stvari dešava. Ali jedan od razloga sporije realizacije je i finansiranje ovog projekta. Imali smo određeni ugovor potpisan sa Federalnom Vladom. Federalna Vlada je odlučila da preispita da li će sva ta sredstva biti prebačena upravo za ovaj projekat. Još uvijek su razgovori u toku. Ja ne bih ništa definitivno rekao. Ali je pitanje finansiranje ovog projekta je također nešto što je možda i navelo ministra Štetu da vam odgovori na način na koji je rekao da je ovo i dalje višegodišnji projekat. Zastupnik Mekić kada će se riješiti status osoba koje su zaposlene u javnom sektoru na ugovoru na određeno vrijeme. Ja vam mogu navesti stotine primjera gdje smo zatekli stanje, to je bilo i 19 godine. Ali evo dat ću vam jedan primjer, zastupnik Mekić je upravo spominjao JU Djeca Sarajeva. Mi smo u Djeci Sarajeva zatekli 2019 godine 100 odgajateljica na određeno. To vam je isto kao da imate bolnicu gdje su svi ne zastalno osim doktora. To vam isto kao da imate građevinsku firmu gdje je sva administracija zastalno a oni koji rade i kopaju oni su na određeno. Mi smo to, to je sistemska bila stvar. Administracija je zastalno. Oni koji su ključni za neku ustanovu su na određeno. I tako zamislite 100 odgajateljica u Djeci Sarajeva. I ako se sjećate to je tada bila jedna onako značajna vijest 19, mi smo donijeli odluku kao Vlada da odobravamo zapošljavanje ne znam je li bilo tačno 100 ili 98, odobravamo zapošljavanje 98 odgajateljica za stalno. I tadašnja uprava JU Djeca Sarajeva, mislim da su sproveli taj konkurs. Sada smo opet zatekli sljedeću situaciju: mislim da je 87 odgajateljica. Znači tada smo tih 100 stavili za stalno u 2019. u 2021 zatičemo dodatnih 87 kojima se stalno i stalno znanjavaju ugovori. Onda ti ljudi nemaju sigurnost koju

vi pominjete. Mislim mi trebamo odlučiti da li jedna odgajateljica treba tu radi ili ne. Ako treba tu da radi, dajte joj zastalno, ima šest mjeseci probni rad. Nakon šest mjeseci ako je neki problem ne mora se produžiti, ako je dobar radnik ili radnica ostavite te ljude zastalno. To su ljudi bez kojih vrtići ne mogu funkcionisati. Dakle potegnuli ste jedno pitanje koje nije samo pitanje JU Djeca Sarajeva gdje se opet nagomilao taj broj, gdje su ljudi nesigurni, pa se onda, u razgovorima sa upravo i UO, onda se tu traže usluge, protu usluge, ucjene, to je neka vrsta manipulacije životima ljudi koji treba da rade tu a ne znaju hoće li za šest mjeseci opet raditi tu jer im neko ne da tu rade za stalno. Mi ćemo, evo konkretno za JU Djeca Sarajeva ćemo riješiti taj problem na isti način na koji smo 2019 uradili jer ta ustanova se širi, otvaraju se novi objekti, očekujemo otvaranje objekta u Vogošći koji iz misterioznog razloga nije do sada već stavljen u funkciju jer smo mi 2019 doslovno istjerali jednu stranu školu iz vrtića u Vogošći da bi Vogošća imala veliki vrtić. I on je još uvijek prazan. Dakle to ćemo riješiti i iskreno se nadam da ćemo već u drugom dijelu ove godine da će taj vrtić biti prepun djece i tamo će morati da rade neke odgajateljice i neki stručni kadar koji ćemo morati zaposliti. Dakle to možete očekivati sigurno u narednom periodu. A i ovi koji su trenutno na određeno moraju dobiti tu sigurnost ili ne valjaju. Mislim to neko mora odlučiti i ne treba toga da se boji. To je odgovor vaš koji je sistemske prirode i veliki problem u većini naših ustanova koje zatičemo u tom stanju. Zastupnica Šahman šta se dešava sa dezinsekcijom. Ne znam jeste li ovo tražili izričito usmeno. Ja mogu provjeriti ali mislim da je to, ne znam koliko ste vi upoznati ovo je višegodišnji problem gdje od kako je otvoreno to na tržištu da ti tenderi, imaju te neke firme jedni drugima ruše tendere stalno. I to je širi problem ali ne znam u ovom trenutku je li to problem, ja vam mogu to naknadno odgovoriti ili nadležni ministar. Zastupnik Dević je tražio izričito usmeno da li je ministra Husić Mehmedović formalno podnijela ostavku da li je najavila takvu mogućnost. Ministrica je najavila tu mogućnosti i ona će vam se obratiti na tački Zakon o visoko obrazovanju, koja je centralna tačka sljedeće sedmice. Tako da moći ćete i direktno možda s njim komunicirati. Ovo drugo ja nisam siguran da su bile inicijative oko kladionica, mislim da je traženo izričito sada usmeno šta se desilo s inicijativom da se kladionice pomjere od vjerskih zajednica i škola? Ni 19 mi smo bilo počeli pripremati zakonski okvir kako bi to uradilo, kako ne bi upali možda u zamku nekih drugih sredina koje su pokušale sa ovom vrstom djelatnosti da se obračunavaju na neke druge načine pa da to ne bi palo na nekom sudu, mi smo 2019 počeli bili rješavati taj problem, nismo ga dovršili. Još nismo pristupili ovom u ovom periodu ali hoćemo. Namjerama nam je da napokon razriješimo da li je u redu da kladionica bude ko što Zakon i govori, već je izjašnjenje da kladionica bude tik uz vrtić ili osnovnu školu i još neke druge stvari koje su vezane za ovo uređenje poslovnih prostora u blizini školskih i vjerskih objekata. Ima li nešto ko je tražio izričito usmeno a da nisam uspio. Smiljevići, ako ste pratili i Budžet i plan investicija u Kantonu Sarajevo planirani su milionski iznosi na daljoj sanaciji i proširenju i radu Smiljevića. Ali mislim da je vaše pitanje bilo upućeno oko nekog konačnog rješenja Smiljevića, zbrinjavanja otpada i generalno deponije. Da li će to biti neo kogenerativno postrojenje ili će to biti neka vrsta, puno, puno agresivnije i hoću reći sveobuhvatnije reciklaže ili će biti neka kombinacija. Intenzivno o tome raspravljamo. Ministar već uveliko razmatra razne modele. 2019 smo isto pokrenuli priču oko toga ali evo ja ću vam reći najbolje prakse iz EU nakon radionica koje smo imali baš prošli mjesec. Za pripremu jednog takvog projekta, ukoliko govorimo o kogenerativnom postrojenju koji su najčešće javno privatna partnerstva, izdavanje koncesije, jer slabo koja lokalna zajednica teško može finansirati tako skupe tehnologije koje nekada idu i do 100 – 150 miliona eura. Razgovarali smo o tome da bi se pripremio jedan takav projekat potrebno je najmanje godinu do dvije, a da bi se izgradio i pustio u pogon treba najmanje tri do četiri godine. To su izrazito zahtjevna i visoka tehnologija. Jedan naš načelnik iz Kanton Sarajevo je jednom prilikom na takvoj jednoj raspravi rekao ne trebaju nama te visoke tehnologije, to je možda za Japan i za Europu. A ja mislim, moje mišljenje je da bi mi trebali imati baš te visoke tehnologije, posebno imajući u

vidu koliko problema imamo sa odlaganjem otpada. Ovo je nevezano za ovu inicijativu gospodina Poturka sa lopatama i metlama. Slažem se da imamo i tu vrstu problema ali ono što je trajno rješenje, neka vrsta trajne sanacije Smiljevića, to je naša želja i namjera, ali ovo su procesi koji izrazito sporo idu i meni je žao zbog toga. Mi ćemo vjerovatno u narednom periodu dobiti finansiranje studije isplativosti jednog takvog postrojenja. Uključili smo lokalnu zajednicu, razgovarali smo sa načelnicima, na primjer Novog Grada, načelnikom Efendiće oko eventualne lokacije i da svi učestvujemo zajedno u studiji koja košta milion eura koje nećemo mi platiti, ali nakon koje bi mi mogli donijeti odluku onda da li idemo u tu i koji je model. Evo nadam se da sam ovo usmeno odgovori.

Predsjedavajući.

Zastupnice Amra Hasagić ne možete govoriti dok vam ne dam riječ.

Premijer Edin Forto:

Pa izvinjavam se ne znam vam napamet, ne mogu vam to napamet reći. Pitanje prijedlog...

Predsjedavajući:

Prijavite se kolega Milavica. Zastupnica Jasmina Bišćević-Tokić je prva ko ja se javila kolega Deviću.

Poslanik/zastupnik Jasmina Bišćević-Tokić:

Hvala predsjedavajući. Pa ja sam premijeru samo vas pitala, nisam vezano za ugovore, to ću tražiti kroz pisanu formu da mi se dostavi da li je ministar Vranić od vas kao poslodavca zatražio saglasnost za dodatno odobrenje za rad u Općoj bolnici.

Premijer Edin Forto:

Ne sjećam se toga. Znači moram vam dostaviti, ne sjećam se toga. Ako bude, dobit ćete.

Poslanik/zastupnik Amra Hasagić:

Ja se najprije izvinjavam jer sam maločas počela da govorim ali kolegica Bibija Kerla je nakon znaka koji je dao premijer počela da govori s tim u vezi sam i ja sebi dala za pravo da počnem govoriti bez da ste mi dali riječ. Pitanje koje sam postavila uvaženom premijeru se odnosi na broj projekata koji su uvršteni u program sanacije klizišta sa područja općine Vogošća i za tu namjenu koliko je izdvojeno sredstava prema nezvaničnim informacijama raspoložemo sa tom činjenicom da program još uvijek nije usvojen na Vladi, te da niti jedan projekat sa područja općine Vogošća nije uvršten u program koji će biti predložen i usvajan na Vladi. Ukoliko nemate spreman usmeni odgovor ja sam i u dijelu kada sam postavljala pitanja rekla da ću zahtijevati pismeni odgovor jer na ovo pitanje sam dostavila i malo detaljnije obrazloženje. Zahvaljujem.

Premijer Edin Forto.

To je vrlo zanimljivo pitanje. Ne mogu vam napamet to znati kakav je Program utroška za klizišta. Znam da dolazi na Vladu pa smo povukli na doradu ali ne znam jesmo li ga poslije usvojili. Inače, kada se usvajaju neki Programi utroška koji su po opštinama raspoređeni, ovo evo da znate na Vladi obično gledamo kako je raspoređeno po opštinama. To smo uvijek radili kako ne bi steklo neke potpuno nepotrebne političke konotacije da se neke opštine gledaju da su važnije od drugih što nikada i ne radimo. Ja mislim na nekim drugim programima možete se uvjeriti i cesta i nekih drugih utrošaka da nevezano za političku pozadinu opštine dobivaju u skladu sa nekim projektima koje su dostavile. Konkretno za klizišta ne znam na pamet.

Predsjedavajući.
Zastupnik Amel Mekić.

Poslanik/zastupnik Amel Mekić:

Hvala vam predsjedavajući. Poštovani premijeru niste odgovorili na prvo pitanje gdje sam detaljno obrazložio deficit ljekarskog kadra i postavio pitanje o sudbini 40 mladih ljekara. Šta će biti ako se ne usvoji inicijativa kolege Zahiragića koji su planovi sa 40 mladih ljekara. Hvala.

Premijer Edin Forto.

Više puta smo odgovarali na to pitanje jel to mladih ljekara iz 2020 godine koji su po jednom programu ušli, pa im onda nisu produženi ugovori? Od tih 40 mislim da je velika većina već u sistemu Domova zdravlja konkretno o DZ govorim. Ako se radi o određenom broju ljekara koji su radili 2021 godine u ovom zadnjem talasu, želim vas podsjetiti da je u toku jedan veliki konkurs u DZ koji mislim, sada se ne sjećam napamet, mislim da je najmanje 30 radnih mjesta za doktore raspisano. Dakle u skladu sa potrebama zdravstvenih ustanova raspisati ćemo i naravno u skladu sa mogućnostima onoga što ZZO može isfinansirati. Neki od vas su tražili, meni je žao da mi ne možemo biti taj nivo vlasti koji će reći svi koji završite fakultet u Sarajevu dobit ćete posao. Bilo o kojoj struci da se radi i koliko god deficitarna bila. Takvo jedno obećanje mislim da ne bi bilo dobro jer ne znamo šta će se dešavati u budućnosti, ali ono što je u skladu sa potrebama i DZ, drugih zdravstvenih ustanova, KCUS, Opće bolnice, mi moramo u skladu sa finansijskim mogućnostima ZZO u skladu sa mogućnostima koje imamo preko Službe za zapošljavanje, dati sve od sebe da popunimo potrebni kapacitet, ali ne možemo obećati onako bjanko, kako se kaže, da će svi biti. To jednostavno niko odgovoran ne bi uradio. A evo i ovaj konkurs koji je trenutno u toku za DZ najbolje pokazuje da idemo u pravcu da popunjavamo ono što te ustanove zahtijevaju. Ja ću vam samo napomenuti direktorica DZ više puta rekla samo u COVID odjeljenjima u onom najvećem udaru koji smo imali, koji je već bio u oktobar i novembar a i poslije februar mart, preko 200 radnih mjesta koja nisu sistematizirana su popunjena iz postojećih kapaciteta. Sva COVID odjeljenja, sve ambulate, sve ono što smo radili isključivo za pandemiju, to nisu sistematizirana radna mjesta i najviše je trpila porodična medicina, pa je onda se prelijevao kadar iz potrebe do potrebe. Ali opet želim reći, ne mogu se COVID odjeljenja trajno sistematizirati jer ja se nadam iskreno da mi polako ćemo imunizacijom i daljim razvojem odgovora na pandemiju da ćemo izaći iz pandemije. Te ustanove moraju biti finansijski stabilne da bi pružile sve ono što je potrebno građanima, a moramo imati u vidu da ZZO mora biti u stanju da to isfinansira. Da ne bude samo da idemo s ove strane sa velikim brojem želja, a da onda poslije prekršimo ili obećanje ili izazove neke tužbe jer nismo ispunili ono što smo obećali ili stavili da ćemo uraditi. Hvala vam.

Predsjedavajući:
Zastupnik Sead Milavica. Premijeru imate još pitanja.

Poslanik/zastupnik Sead Milavica:

Dakle zahvaljujem se premijeru na odgovoru oko kladionica, glede inicijative koja je postavljena prije dvije godine. Dakle zahvaljujem se premijeru na odgovoru. Mogu reći da sam djelimično zadovoljan odgovorom. Dakle drago mi je da je to bilo pokrenuto 2019 kako ste rekli da ste bili pokrenuli to pitanje da se to pitanje rješava. I vidim da ste sada ponovo aktuelizirali to isto pitanje. Mogu li to premijeru, od vas tražim da mi kažete, mogu li to shvatiti kao jednu vrstu obećanja vašeg da ćete u što kraćem roku to, ovu moju inicijativu, i evo inicijativu gospodin Konakovića u što kraćem roku riješiti?

Premijer Edin Forto:

Ako kažem u što kraćem roku, ne želim opet da kažem nešto što će poslije izaći. Ali evo ja mogu vam reći da ćemo u ovoj godini raditi na tome, iskreno se nadam da ćemo u ovoj godini završiti taj posao. Da ćemo na jedan dobar legan pravni okvir napraviti da to uradimo što neće proizvesti tužbe, ustavne sudove itd. Dakle radit ćemo na tome i možete računati da će biti intenzivno u ovoj godini da ne idem konkretno u koji mjesec. Obećanje da ćemo probati.

Predsjedavajući:

Zastupnik Haris Zahiragić.

Poslanik/zastupnik Haris Zahiragić:

Pa premijer je odgovarajući na pitanja kolege Mekića djelimično odgovorio na moje pitanje, na moju inicijativu za koju sam tražio izjašnjenje kolega zastupnika vezano za prijem mladih doktora koji su radili u COVID. Vjerovatno je kolega Mekić mislio kada je kazao 40 na ovaj broj posljednji primljenih ljudi, koji su nakon što su iznijeli treći val ostali bez posla. Konkurs u DZ ne garantuje tim mladim ljudima apriori da će biti primljeni, jer na taj konkurs mogu konkurisati doktori iz cijele BIH. Dakle kazati da Vlada ne može obećati i da ne možemo ni jednu struku primiti, mislim da nije adekvatno s obzirom da Vlada Kantona Sarajevo i resorno Ministarstvo određuju uposlene kvote. Mi tačno možemo projicirati koliko doktora proizvodimo, koliko ih treba u sistemu, a ova inicijativa koja je drugi stav mog zaključka, prijedloga zaključka inicijative za prijem svih mladih doktora je na tragu toga da se svima obezbijedi prvo radno iskustvo od najmanje godinu dana. To Vlada preko novca Zavoda, preko novca Zavoda za zapošljavanje, ZZO, preko Budžeta, itd ima puno načina da isfinansira, i mislim da ta struka kao najdeficitarnija i kao najpoželjnija na Zapadu mora na svaki mogući način biti planski razvijena i ti mladi ljudi moraju dobiti šansu da u gradu u kojem su studirali dobiju svoje zaposlenje. Hvala.

Predsjedavajući:

Zahvaljujem se zastupniku Zahiragiću. Nemamo više prijavljenih. Predlažem pauzu, nastavak u 14,30 s obzirom da imamo veliki broj inicijativa za koje se trebamo izjasniti i imamo još neke inicijative koje trebaju doći, tako da ćemo iskoristiti da služba dostavi, iskoristit ćemo priliku pauzu za ručak. Možemo li samo Skupština da se izjasni na ovaj prijedlog?

Evo stavljam na glasanje da se zastupnici izjasne pauza sat i po. Molim zastupnike da uđu iz hodnika da se izjasne. Sat i po pauza. Molim službu da objavi rezultate glasanja.

18 ZA, protiv 1, suzdržanih 2.

konstatujem da je prijedlog prihvaćen.

NASTAVAK NAKON PAUZE

Predsjedavajući:

Uvažene kolegice i kolege, nastavljamo sjednicu Skupštine Kantona Sarajevo. Ostale su nam inicijative na koje se treba izjasniti Skupština Kantona Sarajevo. Evo idemo redom.

Inicijativa zastupnice Bibije Kerle

Imajući u vidu značaj potencijala Kantona Sarajevo u području turizma predlažem da je što je moguće prije održi jedna tematska sjednica.

Dobro, šta sada da radimo da li da se izjašnjavamo o ovoj inicijativi? Neće biti tačke ove pitanja i inicijative. Bit će tačka ali nećemo se izjašnjavati ništa. Onda sada. Dobro.

Zamolio bih zastupnike i zastupnice da se izjasne o inicijativi Bibije Kerle koju ste dobili. *Radi se o zakazivanju tematske sjednice posvećeno turizmu u Kantonu Sarajevo.*

Zamolio bih zastupnike za red u sali. Molim službu da objavi rezultate glasanja. Za je glasalo 30 zastupnika, protiv i suzdržanih nije bilo. Konstatujem da je Skupština prihvatila inicijativu zastupnice Bibije Kerle.

Inicijativa zastupnika Amela Mekića *o izradi elaborata o opravdanosti uvođenja obaveznog video nadzora u sve vrtiće u Kantonu Sarajevo.* Inicijativu ste dobili, molim zastupnike da se izjasne.

Molim službu da objavi rezultate glasanja. Za je glasalo 30, protiv i suzdržanih nije bilo. Konstatujem da je Skupština prihvatila ovu inicijativu.

Dopredsjedavajuća Danijela Kristić je također uputila zaključak te traži od Skupštine Kantona Sarajevo da se izjasni o *zaključku gdje se obavezuje Skupština Kantona Sarajevo da na svojim redovnim sjednicama razmatra kao informaciju Izvještaj Revizije za institucije Kantona Sarajevo od strane Ureda za revizije institucija u FBiH zajedno sa akcionim planovima za otklanjanje potencijalnih slabost i nepravilnosti neovisno o izvještaju o radu i poslovanju koje također razmatrano u okviru plana i programa rada Skupštine Kantona Sarajevo a sve u cilju transparentnijeg i odgovornijeg trošenja javnih sredstava, te efikasnijem radu pomenutih institucija.*

Molim zastupnike da se izjasne. Molim službu da objavi rezultate glasanja. Za je glasalo 26 zastupnika, protiv i suzdržanih nije bilo. Konstatujem da je Skupština usvojila Zaključak dopredsjedavajuće Danijele Kristić.

Sljedeća inicijativa zastupnika *Amela Mekića za sazivanje tematske sjednice Skupštine Kantona Sarajevo o stanju u kulturi.*

Molim zastupnike da se izjasne. Molim službu da objavi rezultate glasanja. Za je glasalo 30 zastupnika, protiv i suzdržanih nije bilo. Konstatujem da je Skupština usvojila ovu inicijativu.

Još jedna inicijativa zastupnika *Amela Mekića za sazivanje tematske sjednice Skupštine Kantona Sarajevo o stanju u sportu.*

Molim zastupnike da se izjasne o navedenoj inicijativi. Molim službu da objavi rezultate glasanja. Za je glasalo 27 zastupnika, protiv i suzdržanih nije bilo. Konstatujem da je Skupština usvojila ovu inicijativu.

Zastupnik Elmedin Konaković je također podnio inicijativu.

Po zahtjevu porodice Kapidžić iz Sarajeva vezano za krivično djelo ubistva, gdje se od Skupštine Kantona Sarajevo da pribavi sveobuhvatnu informaciju od Uprave policije Kantona Sarajevo i Tužilaštva Kantona Sarajevo o ovom predmetu.

Obrazloženje ste imali priliku čuti u podnošenju inicijative zastupnika Konakovića. Molim zastupnike da se izjasne o podnesenoj inicijativi.

Molim službu da objavi rezultate glasanja. Za je glasalo 27, protiv i suzdržanih nije bilo. Konstatujem da je Skupština Kantona Sarajevo prihvatila inicijativu Elmedina Konakovića.

Moja inicijativa koju sam pročitao maloprije *za dodjelu nagrade za hrabrost i istrajnost u*

pravnoj borbi za očuvanje prava vlasništva nani Fati Orlović upućena je prema Vladi Kantona Sarajevo koja treba da iznađe način za dodjelu nagrade priznanja nani Fati Orlović.

Molim zastupnice i zastupnike da se izjasne o navedenoj inicijativi. Molim službu da objavi rezultate glasanja. Za je glasalo 31 zastupnik, protiv i suzdržanih nije bilo. Konstatujem da je Skupština Kantona Sarajevo prihvatila inicijativu Elvedina Okerića.

Inicijativa zastupnice Admele Hodžić koja se odnosi na Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i Ministarstvo za nauku, visoko obrazovanje i mlade Kantona Sarajevo da se u što skorije vrijeme provede anketa kojom će se svaki mladi čovjek Kantona Sarajevo moći izjasniti koji to način pomoći očekuje i želi od nadležnih u Kantonu Sarajevo, prilikom rješavanje stambenog pitanja prvi put

Zastupnik Elmedin Konaković poslovnička intervencija.

Poslanik/zastupnik Elmedin Konaković:

Ako može samo malo dodatno pojašnjenje kolegice Admele pošto smo imali ovu temu kada smo usvajali ovaj novi koncept izgradnje stanova u kojima smo se složili, čini mi se prijedlog SDA je bio da se ne prekida kontinuitet i da pristajemo naravno, ovo je dobra ideja, podržali smo je i tada, podržavamo je i danas jel ona samo u formi ankete. Jer ukoliko ta anketa pokaže da je potrebno 2 ili 3 miliona ili 500.000 o tome s4e Vlada mora izjasniti. Dakle ovo su prijedlozi u kojima imaju finansijske posljedice. Da li je tako zamišljeno od strane kolegice ili je dovoljno da zapravo na osnovu ankete dobijemo raspoloženje potencijalnih korisnika pa da se tek onda o novcu izjašnjavamo. Hvala.

Predsjedavajući:

ja vam mogu pročitati obrazloženje koje je podugo. Ne znam da li je ovdje s nama zastupnica Admela Hodžić? Nije. Evo nastavak samo ove inicijative. Da samo pročitam ako nije problem dvije rečenice.

Da se u što skorije vrijeme provede anketa kojom će se svaki mladi čovjek Kantona Sarajevo moći izjasniti koji to način pomoći očekuje i želi od nadležnih u Kantonu Sarajevo, prilikom rješavanje stambenog pitanja prvi put. Omogućiti da se putem ankete izjasne, da li žele subvencioniranje dodjelom novčanih sredstava od 10.000,00 KM, mogućnost kupovine stana po cijeni nižoj od tržišne ili neku drugu vrstu pomoći, a sve u cilju ostvarivanja jednakih prava svih mladih ljudi Kantona Sarajevo bez obzira na socijalni status, radno pravni status i imovinsko stanje, prilikom rješavanja stambenog pitanja prvi put. Rezultate ankete dostaviti zastupnicima SKS kako bi na osnovu tih rezultata mogli vidjeti stvarne potrebe mladih i u konačnici postupiti prema željama i zahtjevima mladih KS.

Ovako kao ovdje stoji anketa bi na neki način trebala da opredijeli Skupštinu i Vladu kako da postupaju. Izvolite kolega Deviću.

Poslanik/zastupnik Mahir Dević:

Zahvaljujem predsjedavajući. Ovaj zaključak koji je predložila kolegica je u suprotnosti sa suštinom prethodnog zaključka. Mi smo prošli put ispred Kluba SDA predložili zaključak u kome smo dali slobodu, da kažem, odnosno procjenu Vladi da ona vidi s kojim finansijskim sredstvima raspolaže i da tada napravi taj kontinuitet. Ukoliko mi danas izglasamo taj zaključak u kome definišemo parametre ankete na način da pitamo mlade da li su oni za

10.000, to je stvar koja je sada već u suprotnosti sa prethodnim zaključkom. Prema tome, ja mislim da je ovo posao koji bi trebala da uradi. Naravno mi smo zato da se glasa ali nam nije jasno za šta glasamo. Glasamo za anketu u kojoj smo definisali cifru od 10.000 KM. Mi to podržavamo apsolutno, ja vas samo upozoravam kao parlamentarnu većinu da je onaj zaključak koji smo mi na prošloj sjednici usvojili je bio u korist Vlade, finansijske stabilnosti u Kantonu Sarajevo itd. Ukoliko danas glasamo za ovo, ovo je ustvari operacionalizacija prošlog zaključka ko ja će podrazumijevati pitanje jeste li za 10.000. jer je tako definisano ako sam dobro vidio. I to onda opet traži izjašnjenje Vlade s aspekta finansija itd. Mada, evo OK ako je samo anketa, s druge strane možda bi se i moglo prihvatiti kao prikupljanje nekih podataka ali ne treba zaključak Skupštine za to.

Predsjedavajući:

Možemo jedino ukoliko nije jasno a nemamo ovdje zastupnice Admele da nam pojasni, da ovu inicijativu ostavimo za sljedeći put. Zastupnik Haris Zahiragić.

Poslanik/zastupnik Haris Zahiragić:

Dakle u pravu su kolege Konaković i kolega Dević samo znate situacija. Situacija je da je Vlada Kantona Sarajevo kroz Budžet, kroz Program rada itd definisala zapravo da će krenuti u stambenu izgradnju stanova za mlade. I to je već postupak koji je hajmo reći nereverzibilan barem u ovom ciklusu koji je već započet, jel tako? To ne možemo mi prekinuti taj postupak. Planovi su doneseni, Budžet je usvojen. Neke radnje su već na tom tragu urađene. Sa druge strane, kada smo govorili u kontinuitetu kada smo predložili mi iz Kluba SDA zaključak da Vlada odredi koji iznos sredstva za prošlu godinu mladim svim ljudima ustvari u periodu za koji nije bilo subvencija, da svima da određenu vrstu subvencije ili pomoći, kako je to definisano ministar, to je također već usvojeno. Nema sada više izbora Vlada da li hoće ili neće. Tu anketu možemo posmatrati na način da u perspektivi, u narednim planovima, u narednim godinama se Kanton Sarajevo odredi na koji način treba da mladim ljudima subvencionira ili doprinese na njihovom stambenom zbrinjavanju. I mislim da je tako treba posmatrati, tu anketu. Ovo što je već program rada Vlade i ranije i ove sada, i ova opredjeljenja i radnje koje su već poduzete, neke i jesu, kako smo mogli čuti ranije direktora i ministra, također zaključak Skupštine koji je već operativan, i mi već očekujemo realizaciju tog zaključka, narednih mjesec dva, to je za ovu godinu, i za eventualno narednu taj program rada Vlade. A ovo što je anketa treba da opredijeli Kanton Sarajevo u toj oblasti stanogradnje za mlade, na koji način će to raditi. Nije mislim ništa strašno. Tako da ova inicijativa doslovno ima samo za cilj da provode Vlada ili ko je već zadužen tom inicijativom anketu koja nije obavezujuća ni za koga. Tako da ne trebamo praviti nešto sada previše od toga.

Predsjedavajući:

Zastupnik Mahir Dević.

Poslanik/zastupnik Mahir Dević.,

Ona je koliziji sama sa sobom zato što je Vlada već definisana put i trasirala ga, ona je rekla subvencioniranje stanova pod povoljnim uvjetima. Skupština Kantona Sarajevo je rekla, pošto će taj proces trajati dugo, dajte i određena sredstva dok ne dođemo u fazu. E pazite vi sada nas tim zaključkom vraćate potpuno na početak kao da im prvi puta uvodimo put i trasiramo šta želimo od to dvoje. A dvoje već imamo u realizaciji. Pošto nema kolegice možda bi ovo najpametnije bilo da ovo kao zaključak ostane za narednu sjednicu, da ga ona malo sroči da on ima svoj smisao.

Predsjedavajući.

Slazem se da je ostalo malo nejasno, međutim ovdje nema nigdje datumski do kada mi

trebamo, na šta da se referišemo. Ova anketa se može koristiti i sljedeće godine, može u rebalansu.

Poslanik/zastupnik Mahir Dević.

Predsjedavajući ako smo mi definisali politiku subvencioniranja izgradnje stanova, pa podrazumijeva se da je to najmanje pet, šest, sedam godina.

Predsjedavajući:

Dobro, ja onda predlažem ovako, da mi ostavimo ovu inicijativu za sljedeći put kada bude zastupnica Admela prisutna da nam pojasni. Zastupnik Vedran Jakupović.

Poslanik/zastupnik Vedran Jakupović.

Zahvaljujem predsjedavajući. Ima jedan momenat ovdje u kojem kako je ministar prošli put objasnio, veći iznos će oni koji se odluče da uzmu stanove dobiti, nego što je to ti 10.000 KM. Može se desiti da neko izračuna da mu je bolje, da mu se više isplati da sačeka da uđe u tu kompletnu priču i da dobije ja ne znam sada koliko jel to 20 ili čak više hiljada kada bi se sabralo. Možda mu to više odgovara nego nekome ko bi uzimao 10.000 koji možda već kupio stan, ko je možda već napravio nadogradnju, kome treba novac. Anketa je mislim samo u tom kontekstu urađena. Ali da ne idemo dalje, bez kolegice slažem se da ostavimo to za sljedeći put.

Predsjedavajući:

Raspraviti ćemo sljedeću sjednicu kada bude prisutna kolegica pa da nam pojasni nejasnoće. Sljedeću inicijativu imamo od zastupnice Bibije Kerle koja se odnosi na Ministarstvo kulture i sporta o nagrađivanju naše ženske košarkaške reprezentacije BIH. S obzirom da ova inicijativa zahtjeva izjašnjenje Vlade, a onoliko koliko znamo svi da je Ministarstvo kulture i sporta već podržalo Reprezentaciju BIH, tako da žensku košarkašku reprezentaciju BIH, da ostavimo da nam se očituje ministar, odnosno Vlada da nam se očituje pa tek onda da razmatramo. Zastupnica Bibija Kerla.

Poslanik/zastupnik Bibija Kerla:

Ja sam tražila da se danas Skupština izjasni da li smo mi uopšte za to da se nagrade košarkašice. Nisam tražila uopšte ni iznos ni nešto. A Vlada je tu da odluči da li ima para ili nema para. Znači pročitajte dobro šta piše.

Predsjedavajući:

Evo pročitat ću nastavak. Obrazloženje. S obzirom da naša ženska reprezentacija u košarci na EU zauzela odlično 5. mjesto i automatski izborili kvalifikacije na SP molim moje kolege da me podrže po pitanju ove inicijative a ministra Ministarstva sporta i kulture molim da adekvatno nagradi ovaj nevjerovatan značajan uspjeh našeg sporta s obzirom da su sportisti najbolji ambasadori svoje države, smatram da je ovo nešto najminimalnije što možemo uraditi, tako im se zahvaliti za izuzetnu patriotsku borbu za bh sport. Imamo li ovdje ministra Avdića s nama.

Dobro evo. Inicijativa Bibije Kerle molim službu da objavi anketu a zastupnike da se izjasne. Molim službu da objavi rezultate glasanja. Za je glasalo 29 zastupnika, protiv i suzdržanih nije bilo. Konstatujem da je Skupština usvojila navedenu inicijativu.

Imamo još jednu inicijativu a to je inicijativa zastupnika Harisa Zahiragića, odnosno tri inicijative.

Prva se odnosi na Vladu Kantona Sarajevo koja se zadužuje da odmah i bez odlaganja

obezbjedi prijem svih mladih doktora koji su bili angažovani u borbi protiv pandemije COVID-19 u javnim zdravstvenim ustanovama, na period od najmanje godinu dana, a zatim i svih mladih doktora koji se nalaze na evidenciji Službe za zapošljavanje.

Izjašnjavanje jedna po jedna. Aha imamo još zaključak dva. Također u ovoj inicijativi zaključak II

Zadužuje se Vlada Kantona Sarajevo da napravi Program i na sistemski način dugoročno riješi prijem svih mladih doktora iz Kantona Sarajevo, to jeste Program koji će omogućiti svim mladim doktorima godinu dana radnog iskustva, a kako bi dobili priliku za prvo radno iskustvo i stekli uslove za specijalizaciju.

Molim zastupnike da se izjasne o navedenoj inicijativi. Molim službu da objavi rezultate glasanja.

Za je glasalo 16, protiv ništa, suzdržanih 16. konstatujem da nije prihvaćena ova inicijativa. Pojedinačno izjašnjavanje želite. Molim sekretara da izvrši pojedinačno prozivanje zastupnika za inicijativu koju sam pročitao.

Sekretar Skupštine Aida Zeković:

Molim da se izjasnite.

Aljović Hamed	ZA
Bešlija Vildana	SUZDRŽANA
Bišćević-Tokić Jasmina	ZA
Čampara Aljoša	SUZDRŽAN
Čelik Mirza	OPRAVDANO ODSUTAN
Delalić Sabahudin	ZA
Dević Mahir	ZA
Dizdarević Neira	SUZDRŽANA
Duraković Jasna	SUZDRŽANA
Handžić Vibor	SUZDRŽAN
Hasagić Amra	ZA
Hasanović Senad	ZA
Hodžić Admela	SUZDRŽANA
Jakupović Vedran	SUZDRŽAN
Junuzović-Kaljić Amra	SUZDRŽANA
Kerla Bibija	ZA
Konaković Elmedin	SUZDRŽAN
Krstić Danijela	SUZDRŽANA
Marić Zvonko	ZA
Marjanović Damir	SUZDRŽAN
Mekić Amel	SUZDRŽAN
Memić Arijana	SUZDRŽANA
Milavica Sead	ZA
Nikšić Damir	SUZDRŽAN
Okerić Elvedin	SUZDRŽAN
Pecikoza Fahrudin	ZA
Pleho Haris	OPRAVDANO ODSUTAN
Poturak Dževad	ZA
Srna- Bajramović Segmedina	SUZDRŽANA
Stojanović Igor	SUZDRŽAN
Suljević Samir	SUZDRŽAN
Šahman Bilsena	ZA
Viteškić Smiljana	ZA

Vreto Elvis
Zahiragić Haris

SUZDRŽAN
ZA

Predsjedavajući:

Za je glasalo 14 zastupnika, protiv ništa, suzdržanih 19. Konstatujem da Skupština nije usvojila ovu inicijativu.

Imamo još jednu inicijativu zastupnika Zahiragića gdje je dobio odgovor Vlade. Jeste li pročitali odgovor Vlade zastupniče Zahiragiću. Jel tražite izjašnjenje. Druga inicijativa zastupnika Zahiragića:

Zadužuju se Vlada Kantona Sarajevo i Ministarstvo zdravstva da se u program jednokratne pomoći za zdravstvene radnike uključe i zdravstveni radnici JZU Zavod za hitnu medicinsku pomoć KS, te da na taj način spriječe diskriminaciju zdravstvene ustanove i radnika koji su iznijeli veliki teret borbe protiv pandemije COVID-19.

Molim zastupnike da se izjasne. Molim službu da objavi rezultate glasanja.

Za je glasalo 12 zastupnika, protiv ništa, suzdržanih 18. konstatujem da ova inicijativa nije dobila potrebnu većinu.

I dobili ste odgovor treće inicijative gdje se *obavezuje Vlada Kantona Sarajevo da u skladu sa svojim nadležnostima pronađe način i smanji visinu školarine za sve studente na UNSA u iznosu od 30% za školsku 2020/21 godinu.* Jel želite izjašnjenje? Dobili ste odgovor. Molim zastupnice i zastupnike da se izjasne. Molim službu da objavi rezultate glasanja. Za je glasalo 14, protiv ništa suzdržanih 19.

Zamolio bih sekretara da pojedinačno prozove zastupnike da se izjasne.

Sekretar Skupštine Aida Zeković:

Aljović Hamed	ZA
Bešlija Vildana	SUZDRŽANA
Bišćević-Tokić Jasmina	ZA
Čampara Aljoša	SUZDRŽAN
Čelik Mirza	OPRAVDANO ODSUTAN
Delalić Sabahudin	ZA
Dević Mahir	ZA
Dizdarević Neira	SUZDRŽANA
Duraković Jasna	SUZDRŽANA
Handžić Vibor	SUZDRŽAN
Hasagić Amra	ZA
Hasanović Senad	ZA
Hodžić Admela	SUZDRŽANA
Jakupović Vedran	SUZDRŽAN
Junuzović-Kaljić Amra	SUZDRŽANA
Kerla Bibija	ZA
Konaković Elmedin	SUZDRŽAN
Krstić Danijela	SUZDRŽANA
Marić Zvonko	ZA
Marjanović Damir	SUZDRŽAN
Mekić Amel	SUZDRŽAN
Memić Arijana	SUZDRŽANA
Milavica Sead	ZA
Nikšić Damir	SUZDRŽAN

Okerić Elvedin	SUZDRŽAN
Pecikoza Fahrudin	ZA
Pleho Haris	OPRAVDANO ODSUTAN
Poturak Dževad	ZA
Srna- Bajramović Segmedina	SUZDRŽANA
Stojanović Igor	SUZDRŽAN
Suljević Samir	SUZDRŽAN
Šahman Bilsena	ZA
Viteškić Smiljana	ZA
Vreto Elvis	SUZDRŽAN
Zahiragić Haris	ZA

Predsjedavajući:

Za je glasalo 14 zastupnika, protiv ništa, suzdržanih 19. konstatujem da ova inicijativa nije dobila potrebnu većinu.

S obzirom da je zastupnica Admela Hodžić sa nama. Zastupnici imaju dilemu na koji period se anketa odnosi, da li do kraja ove godine, da li za narednu godinu. Pa evo da nam pojasnite šta je cilj ove ankete odnosno ove inicijative.

Poslanik/zastupnik Admela Hodžić:

Zahvaljujem. Pa da pojasnim. Evo piše da se u što kraćem periodu omogućim mladim ljudima Kantona Sarajevo putem ankete da se izjasne koji to oblik i vid pomoći trebaju prilikom stambenog zbrinjavanja. Evo ne znam koliko treba.

Predsjedavajući:

Zastupnik Mahir Dević ima nedoumicu pa evo kažite.

Poslanik/zastupnik Mahir Dević:

Predsjedavajući, drago mi je da je kolegica tu pa da ovu stvar riješimo u skladu s Poslovníkom. Ja bih razumio da je kolegica pokrenula inicijativu u kojoj traži od Vlade da Vlada provede anketu šta bi studenti odnosno potencijalni korisnici željeli više od ovoga ovoga. Mi sada u ovom momentu kada govorimo o ovome, na snazi imamo oboje. Jedno je definisano kroz Budžet Kantona Sarajevo, drugo je definisano zaključkom Skupštine. I sada ja ne vidim šta i usvajamo ustvari. Koji zaključak? Za šta? Jer je sve definisano. Ja razumijem ako kolegica želi da čuje mišljenje potencijalnih korisnika pa ona sada pokrene inicijativu prema Vladi Kantona Sarajevo da Vlada anketira da vide šta misle ti korisnici. To mi je OK. Ali zaključak Skupštine u suprotnosti sa definisanim politikama. Jedna je definisana kroz Budžet a druga je definisana kroz zaključak Skupštine. Nadam se da da me razumijete. Ne znam za šta glasamo. Ja u suštini podržavam ali ovo je već definisano kolegice. Znači jedno je definisano kroz Budžet, a drugo našim zaključkom za koji ste i vi glasali. E sada ako vi želite da mladi ljudi kažu šta žele, onda to možemo uraditi inicijativom a ne zaključkom. Jer mi smo ovo već riješili.

Predsjedavajući:

Ovo jeste inicijativa zastupnice Admele. Možete li nam samo ovo kazati da li se vaša inicijativa odnosi na anketu koja bi trebala da pokaže opredijeljenost mladih ljudi u narednom periodu šta oni žele? To je to. U narednom periodu šta oni žele. Možemo se izjasniti o inicijativi. Zamolio bih zastupnike da pristupe glasanju.

Zaključujem glasanje. Molim službu da objavi rezultate glasanja. Za je glasalo 28 zastupnika,

protiv i suzdržanih nije bilo. Konstatujem da je Skupština usvojila inicijativu zastupnice Admele Hodžić.

Obzirom da smo iscrpili današnji dnevni red, zaključujem rad na 38. Radnoj sjednici skupštine Kantona Sarajevo.